

UMTSETFOSISEKELO

WERIPHABHULIKHI YASENINGIZIMU AFRIKA, 1996

Njengoba wemukelwe ngamhlaka 8 Mabasa 1996
nanjengoba uChitjiyelwe ngamhlaka 11 Imphala 1996
nguMkhandlu weMtsetfosisekelo.

ISBN 978-0-621-39063-6

UMTSETFOSISEKELO WERIPHABHULIKHI YASENINGIZIMU AFRIKA, 1996

(Indlela yekutsatsisela kuMtsetfo, lobewatiwa ngekutsi nguMtsetfosisekelo weRiphabulikhi yaseNingizimu Afrika, lovalwe sigaba 1(1) kulandzisa kweMitsetfo yeMtsetfosiselo, 2005

(Umtsetfo nombolo 5 wanga-2005)

[LUSUKU LEWAMUKELWE NGALO 18 INGONGONI 1996]

LUSUKU LWEKUCALA KUSEBENTA 4 INDLOVANA 1997]

(Ngaphandle kwekutsi kubekwe ngalenyen indlela – phindze ubuke sigaba 243(4))

(Umbhalo wesingisi ushiclelwe nguMengameli)

Njengoba uChitjiyelwe ngu -

Mtsetfo wesiChibiyelo sekuCala seMtsetfosisekelo wanga-1997

Mtsetfo wesiChibiyelo sesiBili seMtsetfosisekelo wanga-1998

Mtsetfo wesiChibiyelo sesiTsatfu seMtsetfosisekelo wanga-1998

Mtsetfo wesiChibiyelo seSine seMtsetfosisekelo wanga-1999

Mtsetfo wesiChibiyelo sesiHlanu seMtsetfosisekelo wanga-1999

Mtsetfo wesiChibiyelo sesiTfupha seMtsetfosisekelo wanga-2001

Mtsetfo wesiChibiyelo sesiKhombisa seMtsetfosisekelo wanga-2001

Mtsetfo wesiChibiyelo sesiPhohlongo seMtsetfosisekelo wanga-2002

Mtsetfo wesiChibiyelo seMfica seMtsetfosisekelo wanga-2002

Mtsetfo wesiChibiyelo seLishumi seMtsetfosisekelo wanga-2003

Mtsetfo wesiChibiyelo seLishumi nanye seMtsetfosisekelo wanga-2003

Mtsetfo wesiChibiyelo seLishumi nakubili seMtsetfosisekelo wanga-2005

Mtsetfo wesiChibiyelo seLishumi nakutsatfu seMtsetfosisekelo wanga-2007

Umtsetfo wesiChibiyelo seLishumi nakune seMtsetfosisekelo wanga-2008

Umtsetfo wesiChibiyelo seLishumi nesihlanu seMtsetfosisekelo wanga-2008

Umtsetfo wesiChibiyelo seLishumi nesitfupha seMtsetfosisekelo wanga-2009

Umtsetfo wesiChibiyelo seLishumi nesikhombisa seMtsetfosisekelo wanga-2012

Ngekwasimemetelo nombolo 26 samhlaka 26 Inkhwekhweti 2001, kuphatfwa kwalomtsetfo kuniketwe Indvuna yeBulungiswa neKutuflikiswa kweMtsetfosisekelo.

UMTSETFO

Kwetfula uMtsetfosisekelo lomusha weRiphabulikhi yaseNingizimu Afrika kanye nekuniketela ngetindzaba leteyamana naloko.

LOKUCUKETFWE

SENDALELO	1
SAHLUKO 1	3
<i>Timiso letisiSekelo</i>	
SAHLUKO 2	6
<i>LuCwebu lwemaLungelo eLuntfu</i>	
SAHLUKO 3	25
<i>Hulumende weluBambiswano</i>	
SAHLUKO 4	27
<i>IPhalamende</i>	
SAHLUKO 5	54
<i>Mengameli neSigungu saVelonkhe leseNgamele</i>	
SAHLUKO 6	63
<i>Tifundza</i>	
SAHLUKO 7	87
<i>Hulumende waseKhaya</i>	
SAHLUKO 8	96
<i>Tinkantolo nekuPhatfwa kweBulungiswa</i>	
SAHLUKO 9	108
<i>Tikhungo teMbuso leteSekela iNtsandvo yeliNyenti ngekweMtsetfosisekelo</i>	
SAHLUKO 10	116
<i>Kuphatfwa kweMbuso</i>	
SAHLUKO 11	121
<i>Tekuvikeleka</i>	
SAHLUKO 12	128
<i>Buholi beNdzabuko</i>	

SAHLUKO 13*Tetimali*

129

SAHLUKO 14*Timiso Jikelele*

140

IShejuli 1	Umjeka waVelonkhe	144
IShejuli 2	Tifungo nekuVuma ngekutibopha	149
IShejuli 3	Tinchubo teluKhetfo	153
IShejuli 4	Tinhlangotsi teKwabelana ngeMandla ekushaya umtsetfo emkhatsini kwaHulumende waVelonkhe nebetiFundza	157
IShejuli 5	Tinhlangotsi teMandla ekushaya umtsetfo ngekungabelani kwaboHulumende betiFundza	160
IShejuli 6	Timiselo tesikhashana	162
IShejuli 6A	[Ishejuli 6A ifakwe ngekwasigaba 6 seMtsetfo weSichibiyelo seLishumi seMtsetfosisekelo wanga 2003 yabuya yacitfwa ngekwasigaba 6 seMtsetfo weSichibiyelo seLishumi nakune wanga 2008.]	197
IShejuli 6B	[Ishejuli 6B lebekuyishejuli 6A ngaphambilini, ifakwe 198 ngekwasigaba 2 seMtsetfo weSichibiyelo seSiphohlongo seMtsetfosisekelo wanga 2002, yaniketwa inombolo lensha ngekwasigaba 2 seMtsetfo weSichibiyelo seLishumi seMtsetfosisekelo wanga 2003 nekucitfwa ngekwasigaba 5 semtsetfo weSichibiyelo seLishumi nesihlanu seMtsetfosisekelo wanga 2008.]	198
IShejuli 7	lmitsetfo lecitfwako	199
LUHLA LWETIHLOKO		200

SENDALELO

*Tsine, bantfu baseNingizimu Afrika,
Siyakubona kungabi khona kwebulungiswa esikhatsini lesengcile;
Setfulela sigcoko labo labahlushwa kuze sitfole bulungiswa nenkhululeko eveni lakitsi;*

Sihlonipha labo labaye basebentela kwakha nekutfukisa live lakitsi; futsi Sikholelwa ekut-seni iNingizimu Afrika yabo bonkhe labahlala kuyo, sihlangene ngekwehlukahlukana kwetfu;

Ngako-ke, ngekumelelwa titfunywa tetfu letikhethwe ngekukhululeka, siyawamukela loMtset-fosisekelo njengemtsetfo lophakeme kunayo yonkhe eRiphabhlukhi ngenjongo -

Yekwelapha kwehlukahlukana kwesikhatsi lesengcile kanye nekusungula ummango losekelwe kumagugu entsandvo yelinyenti, bulungiswa betenhlalakahle kanye nemalungelo lasisekelo eluntfu;

Yekumiswa kwesisekelo semmango wentsandvo yelinyenti nalongenamfihlo lapho hulumende abekwe ngetifiso tebantfu futsi nalapho tonkhe takhamuti tivikelwe ngalokulinganako ngumtsetfo;

Yekunconota lizinga lemphilo lato tonkhe takhamuti futsi kukhululwe emakhono emuntfu ngamunye; kanye

Neyekwakha iNingizimu Afrika lebumbene neyentsandvo yelinyenti futsi lekwati kut-satsa indzawo yayo lafanelekile njengelive lelitibusako emindenini yemave latibusako.

*Sengatsi Somandla angavikela bantfu bakitsi.
Nkosi Sikele' iAfrika. Morena boloka setjhaba sa heso.
God seën Suid-Afrika. God bless South Africa.
Mudzimu fhatutshedza Afurika. Hosi katekisa Afrika.*

SEHLUKO 1

TIMISO LETISISEKELO

IRiphabhulikhi yeNingizimu Afrika

1. I Riphabhulikhi yeNingizimu Afrika ilive linye, lelitibuso ngekwentsandvo yelinrenti futsi lelesekewa kulamagugu lalandzelako -
 - (a) Sitfunti sebunfu, kuzuzwa kwekulingana kanye nekutfutfukiswa kwemalungelo eluntfu nenkhululeko.
 - (b) Kungabi khona kwelubandlululo ngekwebuhlanga nangekwebulili.
 - (c) Kuphakama kwemtsetfosisekelo kunayo yonkhe imitsetfo kanye nekulawula kwemtsetfo.
 - (d) Kuvumeleka kwalabatzala kutsi bavote, luhlu lolwetayelekile lwebavoti bavelonkhe, lukhetfo loluba khona njalo kanye neluhlelo lwahulumende wentsandvo yelinrenti lolwakhwiwe ngemacembu lamanyenti, kuze kucinisekiswe kutiphendvulela, kugcinwa kwetitsembiso kanye nekuba sebaleni.

Kuphakama kweMtsetfosisekelo kunayo yonkhe imitsetfo

2. Lo Mtsetfosisekelo ungumtsetfo lophakeme kunayo yonkhe imitsetfo yeRiphabhulikhi; noma ngumuphi umtsetfo noma sento lokungcubutana nalo Mtsetfosisekelo akunamandla ekusebenta, kantsi netibopho letiphocelelwa ngulo Mtsetfosisekelo kumele tiphunyeleliswe.

Buve

3. (1) Kunebuve lobufanako eNingizimu Afrika.
(2) Tonkhe takhamuti -
 - (a) ngalokulinganako tineligunya lemalungelo, emalungelomvume kanye netinzozo tebuve; futsi
 - (b) ngalokulinganako tinekutiphendvulela netibopho temtfwalo webuve.
(3) Umtsetfo wavelonkhe kumele uniketele ngekutfolwa, kulahlekelwa kanye nekubuyiselwa kwebuve.

Liculo lesive

4. Liculo lesive leRiphabhulikhi litawuncunywa nguMengameli ngesimemetelo semtsetfo.

Umjeka wavelonkhe

5. Umjeka wavelonkhe weRiphabhulikhi unembala lomnyama, losaligolide, loluhlata satjani, lomhlophe, lobovu nalolingangane, njengoba kuchazwe kwaphindze kwadvwtjwa kuShejuli 1.

Tilwimi

6. (1) Tilwimi letisetsetfweni taseRiphabhulikhi Sipedi, Sisutfu, Sitswana, Siswati, Sivenda, Sitsonga, Sibhunu, Singisi, Sindebele, Sichosa neSizulu.
- (2) Ngekubona kunschiswa ngekwemlandvo kwekusetjentiswa nebumcoka betilwimi tendzabuko tebantu bakitsi, uMbuso kumele utsatse tinyatselo letibonakalako naletinicinile tekuphakamisa bumcoka nekutfutfukisa kusetjentiswa kwaletilwimi.
- (3) (a) Hulumende wavelonkhe nabohulumende betifundza bangasebentisa noma ngutiphi tilwimi letisemtsetfweni emisebentini yahulumende, ngekubuketa kusetjentiswa, kumphumeleka, tindleko, timo tesigodzi kanye nekulinganisa tidzingo nekutikhetsela kwebantu bonkhana noma esifundzeni lesitsintsekako; kepha hulumende wavelonkhe nalowo nalowo hulumende wesifundza kumele basebentise lokungenani tilwimi letimbili letisemtsetfweni.
- (b) Bomasipala kumele babukete kusetjentiswa kwetilwimi kanye nekutikhetsela kwebahlali betindzawo tabo.
- (4) Hulumende wavelonkhe nabohulumende betifundza, ngetinyatselo temtsetfo nangaletinye tindlela, kumele bacondzise futsi balandzelele kusebentisa kwabo tilwimi letisemtsetfweni. Ngaphandle kwekwehluka etimisweni tesigatjana (2), tonkhe tilwimi letisemtsetfweni kumele tihtonishwe futsi kumele tiphatfwe ngalokunebulungiswa.
- (5) LiBhodi letiLwimi Tonkhe taseNingizimu Afrika lelisungulwe ngekulandzela umtsetfo wavelonkhe kumele -
- (a) litfutfukise, futsi lakhe timo letilungele kutfutfukisa nekusetjentiswa -
- (i) kwato tonkhe tilwimi letisemtsetfweni;

SEHLUKO 1: TIMISO LETISISEKELO

- (ii) kwetilwimi temaKhoyi, emaNama nemaSan; kanye
- (iii) nelulwimi lwetimpawu; liphindze
- (b) litfutfukise futsi licinisekise kuhlonishwa -
 - (i) kwato tonkhe tilwimi letivamise kusetjentiswa yimimmango yeNingizimu Afrika, lokufaka ekhatsi Sijalimane, Sigiliki, Sigujalati, Sihindi, Siputukezi, Sitamili, Sitelegu neSi-urdu; kanye
 - (ii) Nesi-Arabhu, Sihebheru, Sisanskriti naletinye tilwimi letisetjentiswa kutenkholo eNingizimu Afrika.

SEHLUKO 2

LUCWEBU LWEMALUNGELO ELUNTFU

EmaLungelo

7. (1) LoluCwebu IwemaLungelo eLuntfu lusisekelo sentsandvo yelinyenti eNingizimu Afrika. Luvikela emalungelo abo bonke bantfu eveni lakitsi luhindze lucinise emagugu entsandvo yelinyenti ekuhlonishwa kwebuntfu, kulingana kanye nenkhululeko.
(2) Umbuso kumele uhloniphe, uvikele, ukhutsate futsi ufeze lamalungelo lacuketfwe kuloluCwebu IwemaLungelo eLuntfu.
(3) Lamalungelo lakuloluCwebu IwemaLungelo eLuntfu anemkhawulo lobekwe noma lochazwe esigaben 36, noma lokuletinye tindzawo kuloluCwebu.

Kusetjentiswa

8. (1) LuCwebu IwemaLungelo eLuntfu lusebenta kuyo yonkhe imitsetfo fusi lubopha sishayamtsetfo, Sigungu lesengamele, tinkantolo kanye nato tonkhe tikhungo tembuso.
(2) Simiso saloluCwebu IwemaLungelo eLuntfu sibopha umuntfu ngekwemvelo kanye nemunfu-mtsetfweni, uma sisetjentiswa, noma kuye ngekutsi ngabe singasetjentiswa na, ngekubukwa kwenhlobo yalelo lungelo kanye nenhlobo yemtfwalo leliwetfwesako lelo lungelo.
(3) Uma kusetjentiswa timiso teluCwebu IwemaLungelo eLuntfu kumuntfu ngekwemvelo kanye nemunfu-mtsetfweni ngekulandzela sigatjana (2), inkantolo -
 - (a) kuze iphumelilese lelo lungelo lelikuloluCwebu IwemaLungelo eLuntfu, kumele ise bentise, uma kudzingekile iphindze itfutfukise, umtsetfo lowetayelekile kuze kufike ezingeni lapho umtsetfo lobekiwe ungaliphumelelisi lelo lilungelo; futsi
(b) ingatfutfukisa imisimeto yemtsetfo lowetayelekile kunciphisa emandla alelo lungelo, uma ngabe lokuncishiswa kwemandla kuyahambisana nesigaba 36 (1).
(4) Umuntfu-mtsetfweni unemalungelo latfolakala kuloluCwebu IwemaLungelo eLuntfu kuye ngelizinga lenhlobo yemalungelo kanye nesimo salowo muntfu-mtsetfweni.

Kulingana

9. (1) Wonkhewonkhe uyalingana ngembi kwemtsetfo futsi ngalokulinganako unelilungelo lekuvikeleka nekuza emtsetfweni.
- (2) Kulingana kufaka ekhatsi kutfokotela emalungelo nekukhululeka ngalokuphelele nangalokulinganako. Kute kukhutsatwe kutfolakala kwekulingana, kungahle kutsatfwе tinyatselo temtsetfo kanye metalolunye luhlobo letimiselwe kuvikela noma kutfutfukisa bantfu, noma tinhlobo letitsite tebantfu lebetincishwe ematfuba ngenca yelubandlululo lolungenabulungiswa.
- (3) Umbuso akumelanga ubandlulule umuntfu ngalokungenabulungiswa ngalokucondzile noma ngekugegisa ngesizatfu sinye noma letinyenti, letifaka ekhatsi buhlanga, inkhuliso, bulili, kwemitsa, kutsi umuntfu ushadile noma akakashadi, kwehlukana kwebantu ngebeve noma indzawo yekudzabuka, libala, inkholelo yekutsandzana, budzala, kukhubateka, inkholo, nembeza, intfo umuntfu lakholelwya kuyo, emasiko, lulwimi kanye nekutalwa.
- (4) Kute namunye umuntfu longabandlu ngalokungakalungi lomunye ngalokucondzile noma ngekugegisa ngesizatfu sinye noma letinyeti tizatfu letibekwe esigaben (3). Umtsetfo wavelonkhe kumele ubekwe kuvimbela nekwencabela lubandlululo lolungakalungi.
- (5) Lubandlululo lolwentiwe ngasinye noma letinyeti taletizatfu letibekwe esigatjaneni (3) alukalungi ngaphandle uma ngabe kutfolakala bufakazi bekutsi lolo lubandlululo lulungile.

Sitfunti sebuntu

10. Wonkhewonkhe unesitfunti semvelo kanye nelilungelo lekutsi sitfunti sakhe sihlonishwe futsi sivikelwe.

Impilo

11. Wonkhewonkhe unelilungelo lekutsi aphile.

Inkhululeko nekuvikeleka kwebuntfu

12. (1) Wonkhewonkhe unelilungelo lenkhululeko nekuvikeleka kwemuntfu, lokufaka ekhatsi lilungelo -

- (a) Ilekungamani emukwe inkhululeko nje ngalokungakafaneli noma ngaphandle kwesizatfu lesifanele;
 - (b) Ilekungavalelwae ejele ngaphandle kwekushushiswa;
 - (c) Ilekukhululeka kuto tonke tinhlobo tekuhlukunyetwa letiphuma emitfonjeni yembuso noma yangasese;
 - (d) Ilekungavisa buhlungu emtimbeni nganoma nguyiphi indlela; kanye
 - (e) nelekungaphatfwa noma lekungajeziswa ngendlela lenelunya nalengenabuntu noma leyejhisa sitfunti.
- (2) Wonkhewonkhe unelilungelo ekuvikelekeni kwemtimba nekwesengcondvweni, lokufaka ekhatsi lilungelo -
- (a) Iekwenta tincumo mayelana nekutala;
 - (b) Iekuvikeleka kwemtimba nekutiphatsela imitimba yabo; kanye
 - (c) Nelekungentiswa imisebenti yekulinga kutekwhelashwa noma tesayensi ngaphandle kwemvume lecebisekile yalowo muntfu.

Bugcili, kusebenta matima njengesigcila kanye nekusentjentiswa ngenkhani

13. Kute umuntfu lokumele afakwe ebugciliini, emsebentini lomatima njengesigcila noma ekusentjentisweni ngenkhani.

Lingasese

14. Wonkhe umuntfu unelilungelo lelingasese, lelifaka ekhatsi lilungelo -
- (a) Iekutsi umuntfu noma likhaya lakhe lingaseshwa;
 - (b) Iekutsi imphahla yakhe ingaseshwa;
 - (c) Iekutsi tintfo lekanato tingabanjwa; noma
 - (d) Iekutsi lingasese lekuchumana kwakhe lingatsikanyetwa.

Inkhululeko kutenkholo, inkholelo kanye nembono

15. (1) Wonkhewonkhe unelilungelo lenkhululeko yanembeza, kutenkholo, kumcabango, kunkholelo kanye nakumbono.
- (2) Imigidvo yetenkholo ingabanjelwa etikhungweni tembusu noma etikhungweni letisitwa ngemali ngumbuso, ngaphasi kwembandzela wekutsi -

- (a) leyo migidvo yetenkholo ilandzela imitsetfo yenchubo lebekwe baphatsi bembuso labafanele;
 - (b) yentiwa ngendlela lenebulungiswa; futsi
 - (c) kuyingenela akukhokhiswa mali futsi kuya ngentsandvo yemuntfu.
- (3) (a) Lesigaba asivimbeli umtsetfo lohlonipha –
- (i) imishado lephetfwe ngendlela yanoma nguaphi emasiko, noma luhlelo lwemtsetfo wetenkholo, umtsetfo webantu noma lophatselene netemndeni; noma
 - (ii) tinhlelo temtsetfo webantu noma lophatselene netemndeni ngaphasi kwanoma nguaphi emasiko, letilandzelwa bantu labachuba inkholo letsite.
- (b) Kuhlonishwa ngekulandzela indzima (a) kumele kuhambisane nalesigaba kanye naletinye timiso teMtsetfosisekelo.

Inkhululeko yekubeka luvo

16. (1) Wonkhwonkhe unelilungelo lenkhululeko yekubeka luvo lwakhe, lelifaka ekhatsi -
- (a) inkhululeko yebetindzaba naletinye tinhlobo tekusakata tindzaba;
 - (b) inkhululeko yekwemukela noma kuniketa imininingwane noma emasu;
 - (c) inkhululeko yekusebentisa emakhono ekusungula; kanye
 - (d) nenkhululeko kutemfundvo lececeshekile kanye neyekwenta lucwaningo ngetesayensi.
- (2) Lelilungelo lelikusiqatjane (1) alenabeli kuloku lokulandzelako -
- (a) imfundzisolate legcugcutela imphi;
 - (b) kubhebhetselisa umoya weludlame lolungahle lucubuke noma nini; noma
 - (c) kushumayela intsandvo ngenga yebuhlanga, buve, bulili, noma inkholo, futsi lokukhomba kubhebhetselisa umoya wekubanga kulimata.

Umbutsano umshuco, kuphatsa tincwembe letibhalwe tikhalo kanye nekubeka ticelo ngekutibhala phasi

17. Wonkhwonkhe unelilungelo, ngekuthula futsi angakahlomi, lekubutsana, lekushuca, lekuphatsa tincwembe letibhalwe tikhalo nekwetfula ticelo letibhalwe phasi.

Inkhululelo yekuhlanganyela

18. Wonkhewonkhe unelilungelo lenkhululeko yekuhlanganyela.

Emalungelo etembusave

19. (1) Sonkhe sakhamuti sikhululekile ekwenteni tincumo mayelana netembusave, lokufaka ekhatsi lilungelo -
 - (a) lekubumba licembu letembusave;
 - (b) lekfaka sandla emisebentini yelicembu letembusave, noma lekusomela lelicembu letembusave emalunga; kanye
 - (c) nelekukhankhasela licembu letembusave noma inhlosi yetembusave.
- (2) Sonkhe sakhamuti sinelilungelo lelukhetfo lolukhululekile, lolunebulungiswa, futsi loluba khona njalo lwekuvotela noma muphi umtimba losemtsetfweni losungulwe ngekulandzela uMtsetfosisekelo.
- (3) Sonkhe sakhamuti lesidzala sinelilungelo -
 - (a) lekvota elukhetfweni lwanoma ngumuphi umtimba losemtsetfweni losungulwe ngekulandzela uMtsetfosisekelo, futsi sivote ngasese; kanye
 - (b) nelekungenela lukhetfo lwsikhundla selihhovisi lemmango nekutsi, uma sikhetsiwe, sibambe leso sikhundla.

Buve

20. Kute sakhamuti lesingemukwa lilungelo lekuba sakhamuti.

Inkhululeko yekuhamba nekuhlala noma kuphi

21. (1) Wonkhewonkhe unelilungelo lenkhululeko yekuhamba noma kuphi.
- (2) Wonkhewonkhe unelilungelo lekuhamba ashiye iRiphabhulikhi.
- (3) Sonkhe sakhamuti sinelilungelo lekungena, nekutsi sihlale, nekutsi sakhe noma kuphi eRiphabhulikhi.
- (4) Sonkhe sakhamuti sinelilungelo lekutfola iphasipoti.

Inkhululeko yetekuhweba, umsebenti kanye nemsebenti loceceshelwe

22. Sonkhe sakhamuti sinelilungelo lekutikhetsela luhwebo, umsebenti kanye nemsebenti loceceshelwe ngekukhululeka. Kuchuba lolo luhwebo, lowo msebenti noma lowo msebenti loceceshelwe kungalawulwa ngumtsetfo.

Budlelwano emkhatsini kwebacashi nebasebenti

23. (1) Wonkhewonkhe unelilungelo lekuphatfwa ngalokunebulungiswa emsebentini.
- (2) Wonkhe umcashwa unelilungelo –
- (a) lekubumba nekujoyina inyunya yebasebenti;
 - (b) lekuufaka sandla emishikashikeni nasetinhlelweni tetinyunya tebasebenti; kanye
 - (c) nelekuteleka.
- (3) Wonkhe umcashi unelilungelo –
- (a) lekubumba nekujoyina inhlanguano yebacashi; kanye
 - (b) nelekuufaka sandla emishikashikeni nasetinhlelweni tenhlanguano yebacashi.
- (4) Tonkhe tinyunyana tebasebenti nato tonkhe tinhlangano tebacashi tinelilungelo -
- (a) lekutincumela kuphatfwa kwato, tinhlelo kanye nemishikashika yato;
 - (b) lekuutsana; kanye
 - (c) nelekubumba nekujoyina licoco letinhlangano noma tinyunyana.
- (5) Tonkhe tinyunyana, tinhlangano tebacashi kanye nebacashi banelilungelo lekuocisana ngekuhlanganyela mayelana netinzuzu temacula onkhe. Umtsetfo wavelonkhe ungashaywa kutsi utawucondzisa kuocisana ngekuhlanganyela kwebacashi nebasebenti. Ngekufinyelela ezingeni lalowo mtsetfo longahle unciphise lilungelo lelikule SAHLUKO, lokuncishiswa kumele kuhambelane nesigaba 36 (1).
- (6) Umtsetfo wavelonkhe ungemukela tinhlelo tekuphepa tetinyunyana leticuketfwe etivumelwaneni tekucocisana ngekuhlanganyela kwebacashi nebasebenti. Ngekufinyelela ezingeni lalowo mtsetfo longahle unciphise lilungelo lelikulesahluko, lokuncishiswa kumele kuhambelane nesigaba 36 (1).

Simondzawo

24. Wonkhewonkhe unelilungelo –
- (a) lesimondzawo lesingesyo ingoti emphilweni yakhe noma ekuphileni kahle kwakhe; kanye
 - (b) nelekutsi simondzawo sivikeleke, kuze kuzuze netitukulwane letikhona naletitako, ngekusebentisa tinyatselo temitsetfo naletinye tindlela letifanele letentelwe-

- (i) kuvimbela kungcola nekuvimbela kwehla kwelizinga lendzawomvelo;
- (ii) kukhutsata kulondvolotwa kwemvelo; kanye
- (iii) nekuciniseksa kututfukiswa kwendzawomvelo lesimeme nekusetjentiswa kwemifombolusito yemvelo kubuye kututfukiswe ngendlela lengyo temnotfo netenhlalakahle.

Impahala

25. (1) Kute umuntfu longemukwa imphahla ngaphandle uma kwentiwa ngekwemtsetfo losebenta ngalokwetayelekile, futsi kute umtsetfo longavumela kutsatselwa imphahla ngalokungekho emtsetfweni.
- (2) Impahala ingatsatfwa kumnikati ngumbuso kuphela ngekulandzela umtsetfo losetjentiswa ngalokwatayelekile-
- (a) kuze isetjentiselwe injongo yemmango noma ngekwetimfuno temmango; futsi
 - (b) ngekubhalawa kwestincephetelo, linani laso, nesikhatsi kanye nendlela lekubhalawa ngayo lokumele kube ngulokuvunyelenwe ngako ngulabo labatsintsekako noma loncunyewe noma lokwemukelwe yinkantolo.
- (3) Linani lesincephetelo nesikhatsi, kanye nendlela lekfanele kubhalawwe ngayo sincephetelo kufanele kube ngulokunebulungiswa nalokufanele, kukhombe kulinganiseka lokunebulungiswa lokuhona emkhatsini kwetimfuno temmango mayelana naemphanhla kanye nalabo labatsintsekako ngalemphahla, ngemuva kwekubuketa tonkhe timo letifanele letifaka ekhatsi -
- (a) kusetjentiswa kwalemphahla ngaleso sikhatsi;
 - (b) umlandvo wekutfolakala kwalemphahla nekusetjentiswa kwayo;
 - (c) linani lekutsengiswa kwalemphahla emakethe;
 - (d) lizinga kanye nehubanti bekatalisa nekwelekelela ngetimali kwembuso Oekutfolakaleni nekwenteni ncono leyo mphahla; kanye
 - (e) Nenhoso yekutsatsa lemphahla kumnikati.
- (4) Ngekwenhoso yalesigaba -
- (a) timfuno temmango tifaka ekhatsi kutibophelela kwsive kungucuko kutemhlaba, netingucuko letiletsa kufinyeleka ngekwebulungiswa kwayo yonkhe imitfombolusito yemvelo yeNingizimu Afrika; futsi
 - (b) imphahla ayisiwo umhlaba kuphela.

- (5) Umbuso kumele utsatse tinyatselo temitsetfo kanye naletinye tindlela, ngekuya kwemifombolusito yawo lekhona, kuze kunconotwe simo lesitawenta kutsi takhamuti titfole umhlabla ngendlela lenebulungiswa.
- (6) Umuntfu noma ummango buniyo bawo kumhlabla bungenakucinisekisa kwemtsetfo ngesizatfu semitsetfo noma tinchubo tangaphambilini telubandlululo ngekwebuhlanga, unelilungelo lebuniyo lobucinisekisiwe noma lekuncephefelwa ngalokucatsanisekako, ngekuya ngekwetimiso teMtsetfo wePhalamende.
- (7) Umuntfu noma ummango lowatsatselwa imphahla ngemuva kwamhlaka 19 Inhlaba 1913 ngesizatfu semitsetfo noma tinchubo tangaphambilini telubandlululo ngekwebuhlanga unelilungelo, ngekuya ngekwetimiso teMtsetfo wePhalamende, lekutsi abuyiselwe imphahla yakhe noma ancephetelwe ngalokunebulungiswa.
- (8) Kute simiso kulesigaba lesingavimbela hulumende kutsi atsatse tinyatselo temetsetfo noma talolunye luhloba kuze kufinyelelw kutingucuko temhlabla, temanti nalokunye lokuhambisanako, ngesizatfu sekulungiswa kwemiphumela yelubandlululo yangaphambilini ngekwebuhlanga, ngaphasi kwembandzela wekutsi loko kuchezuka kuletimiso letikulesigaba kuyavumelana netimiso tesigaba 36 (1).
- (9) Iphalamende kumele iphasise lomtsetfo lophawulwe esigatjaneni (6).

Tindlu tekuhlala

26. (1) Wonkhewonkhe unelilungelo lekutsi afinyelele ekutfoleni indlu yekuhlala lefanele.
- (2) Umbuso kumele utsatse tinyatselo temitsetfo kanye naletinye tindlela, ngekuya kwemifombolusito yawo lekhona, kuze lelilungelo liphunyeleliswe ngekwetigaba tenchubekelembili.
- (3) Kute umuntfu lotawususwa ekhaya lakhe, noma likhaya lakhe libhidlitwe, ngaphandle kwemyalelo wenkantolo lotsetfw ngemuva kwekubuketa tonkhe timo letitsintsekako. Kute umtsetfo longagunyata kususwa kwemuntfu ekhaya lakhe ngalokungenabulungiswa.

Kunakekela tempthilo, kudla, emanti kanye nekuvikela kwetenhlalakahle

27. (1) Wonkhewonkhe unelilungelo lekufinyelela –
 - (a) kutinsita tekunakekelwa ngetempthilo, lokufaka ekhatsi kunakekelwa ekutfoleni bantfwana;

- (b) kudla lokwanele kanye nemanti lanele; kanye
- (c) nekuvikeleka kwetenhlalakahle, lokufaka ekhatsi, uma ngabe akakwati kutondla yena nelusendvo lwakhe, kulekelelwa kwetenhlalakahle.
- (2) Umbuso kumele utsatse tinyatselo temitsetfo kanye naletinye tindlela, ngekuya kwemifombolusito yawo lekhona, kuze lelo nalelo lungelo liphunyeleliswe ngekwetigaba tenchubekelbili.
- (3) Kute umuntfu lotawuncishwa kwelashwa etimeni letibucayi.

Bantfwana

28. (1) Wonkhe umntfwana unelilungelo –
- (a) Ilekuba neligama kanye nebuve kusukela atalwa;
 - (b) Ilekunakekelwa ngumndeni noma kunakekelwa batali, noma lokunye kunakekelwa lokufanelekile uma ngabe asuswe kusimondzawo semndeni wakhe;
 - (c) Ilekunkwa kudla lokusisekelo lokunemsoco, indzawo yekufihla inhloko, lusitosisekelo lwekunakekelwa ngetemphilo, kanye nelusito kutenhlalakahle;
 - (d) Iekuvikeleka ekuphatfweni kabi, ekunganakekelweni, ekuhlukunyetweni noma ekunyembenyweni;
 - (e) Iekuvikeleka ekuphatfweni kabi ngekwasemsebentini;
 - (f) Iekungentiswa noma lekungavunyelwa kutsi ente imisebenti -
 - (i) lengakamlungeli umntfwana waleyo minyaka; noma
 - (ii) lebeka imphilo yalowo mntfwana, imfundvo yakhe, umtimba wakhe noma ingcondvo yakhe noma kutfutfuka kwakhe ngekwemoya, ngekxesimilo noma ngekwenhlalakahle engotini;
 - (g) Iekungavalelw ejele, ngaphandle uma ngabe sekute lenye indlela, kantsi uma ngabe kudzingekile, ngetulu kulamalungelo umntfwana lanawo ngaphasi kwetigaba 12 na-35, lowo mntfwana angavalelw kuphela sikhatsi lesifanele lesincane futsi unelilungelo -
 - (i) Iekugcinwa ngekwehlukaniswa nalabanye bantfu labavalelw ejele labaneminyaka lengetulu kwa-18; kanye
 - (ii) nelekuphatfwa ngendlela, futsi agcinwe esimeni, lebonelela iminyaka yakhe;

- (h) lekuniketwa ummeli ngumbuso, lokhokhelwa ngetimali tembuso, emacaleni langafaki bugebengu latsinta lowo mntfwana, uma ngabe bulungiswa bungacekeleka phasi uma loku kungentiwa loku; kanye
- (i) nelekungasetjentiswa-ngco uma kunekekutbutana ngetikhali, kanye nekuvikeleka ngetikhatsi tekungcubutana ngetikhali.
- (2) Inhlalakahle yalomntfwana iyintfo lebalulek kakulu kuto tonkhe tintfo letiphat selene nalomntfwana.
- (3) Kulesigaba, ligama "umntfwana" lisho umuntfu loneminyaka lengaphasi kwa-18.

Temfundvo

29. (1) Wonkhewonkhe unelilungelo -
- (a) lemfundvo lesisekelo, lokufaka ekhatsi imfundvo lesisekelo yalabadzala; kanye
 - (b) lemfundvo lephakeme, ngekwetinyatselo temitsetfo kanye naletinye tindlela letifanalekile, lokumele umbuso uyente itfolakale futsi ifinyeleleka ngekwetigaba tenchubekelembali.
- (2) Wonkhewonkhe unelilungelo lekutfola imfundvo ngelulwimi noma ngetilwimi letisemtsetfweni latikhetsile etikhungweni temfundvo temmango uma ngabe loko kungephumeleka ngalokufaneleka. Kuze kucinisekiswe kufinyeleleka ngalokunemphumelelo kanye nekusetjentiswa kwalelilungelo, umbuso kumele ubukete tonkhe letinye tindlela tekufundzisa letingentiwa, lokufaka ekhatsi kusungula tikhungo temfundvo letisebentisa lulwimi lunye ekufundziseni, kubukwe loku -
- (a) bulungiswa;
 - (b) kuphumeleleka; kanye
 - (c) nesidzingo sekulinganisa imiphumela leyabangwa mitsetfo netinchubo tangaphambilini telubandlululo ngekwebuhlanga.
- (3) Wonkhewonkhe unelilungelo lekusungula nekugcina, ngekusebentisa timali takhe, tikhungo letitimele temfundvo -
- (a) letingabandlululi ngekwebuhlanga;
 - (b) letibhalisiwe nembuso; futsi
 - (c) letigcina emazinga langekho ngaphasi kwemazinga etikhungo tetemfundvo tembuso leticatsanisekako.
- (4) Sigatjiana (3) asencabeli kwelekelelwa kwetikhungo temfundvo letitimele ngumbuso ngetimali.

Lulwimi nemasiko

30. Wonkhewonkhe unelilungelo lekusebentisa lulwimi nekutimbandzakanya emishikashikeni yelisiko latikhetsese kona, kepha kute umuntfu lotawutsakasela lamalungelo ngendlela lengahambisani nanoma ngusiphi simiso seluCwebu lwemaLungelo eLuntfu.

Imimmango yemasiko, yetenkholo neyelulwimi

31. (1) Bantfu labangemalunga emmango yemasiko, yetenkholo noma yelulwimi angeke bavinjelwe lilungelo, nalamanye emalunga aleyo mimmango -
(a) lekutsakasela emasiko abo, lekuchuba inkholo yabo kanye nekusebentisa lulwimi lvabo; kanye
(b) nelekubumba, lekujoyina nelekugcina tinhlangano naleminye imitimba yemmango lokwesekeleke kumasiko, tenkholo nelulwimi.
(2) Lamalungelo lasesegatjaneni (1) angeke atsakaselwa ngendlela lengahambisani nanoma ngusiphi simiso seluCwebu lwemaLungelo eLuntfu.

Kufinyeleleka kwemininingwane

32. (1) Wonkhewonkhe unelilungelo lekufinyelela -
(a) kunoma nguyiphi iminininingwane legcinwe ngumbuso; kanye
(b) nanoma nguyiphi iminininingwane legcinwe ngulomunye umuntfu ledzingelwa kutsakasela noma kuvikela noma nguwaphi emalungelo.
(2) Kumele kupasiswe umtsetfo wavelonkhe kuze kutewuniketwa kusebenta kwalelilungelo, kantsi lomtsetfo ungabeka tindlela letifanelekako tekuphungula umtfwalo wekwengamela netetimali kuhulumende.

Sinyatselo setekuphatsa lesinebulungiswa

33. (1) Wonkhewonkhe unelilungelo lesinyatselo setekuphatsa lesisemtsetfweni, lesifanele futsi lesilandzela inchubo lenebulungiswa.
(2) Wonkhewonkhe emalungelo akhe latsikanyetwe sinyatselo setekuphatsa unelilungelo lekuniketwa tizatfu letibhalwe phasi.
(3) Kumele kupasiswe umtsetfo wavelonkhe kuze kutewuniketwa kusebenta kwalamalungelo futsi lomtsetfo kumele -

- (a) uniketele ngekubuyeketwa kwetinyatselo teteckuphatsa yinkatolo noma , lapho kufanele khona, yinkhundla letimele nalengakhetsi;
- (b) wetfwese umbuso ngemtfwalo wekuphumelisa kusebenta kwalamalungelo lasetigatjaneni (1) na-(2); uphindze
- (c) ututfukise kuphatsa kwembuso ngendlela lefanele.

Kufinyeleleka kwenkantolo

34. Wonkhewonkhe unelilungelo lekutsi noma ngabe nguluphi ludzaba lwembango lanalo lucatululwe ngekusetjentiswa kwemtsetfo nendlela lenebulungiswa ngembi kwenkantolo noma, uma kufanelekile, ngulenye inkhundla noma ngumtimba lotimele nalongakhetsi.

Bantfu lababoshiwe, labavalelwwe kanye nalabatfjeswe emacula

35. (1) Wonkhewonkhe loboshwe ngenga yekusolwa kutsi wente licala lelitsite unelilungelo –
- (a) lekubindza angasho lutfo;
 - (b) lekwatiswa ngekusheshisa -
 - (i) ngelilungelo lakhe lekubindza angasho lutfo; kanye
 - (ii) nangemphumela longaba khona uma ngabe angabindzi;
 - (c) lelungaphocelelwva kuvuma noma kwemukela sifungo lesingasetjentiswa njengebufakazi macondzana nalowo muntfu;
 - (d) lekuletfwa ngembi kwenkatolo ngekusheshisa, kepha hhayi ngemuva -
 - (i) kwemahora lange-48 ngemuva kwekuboshwa; noma
 - (ii) kwekuphela kwelusuku lwekutsetfwa kwemacala lwekucala ngemuva kwekuphela kwalamahora lange-48, uma lesikhatsi lesingemahora lange-48 siphela kumahora langesiwo ekutsetsa emacula noma siphela ngelilanga lelingesilo lekutsetsa emacula;
 - (e) ekuveleni kwekucala enkantolo ngemuva kwekuvalelwva, lekwetfjeswe licala noma lekwatiswa ngesizatfu sekuchubeka nekuvalelwva, noma akhululwe; kanye
 - (f) nelekukhululwa ekuvalelwvi uma ngabe timo tebulungiswa tivuma, ngaphasi kwemibandzela lefanele.
- (2) Wonkhewonkhe lovalelwvi, lokufaka ekhatsi leso naleso siboshwa lesigwetjiwe, unelilungelo -

- (a) lekwatiswa ngekusheshisa ngesizatfu sekuvalelw;
 - (b) lekukhetsa kanye nelekutsintsana nemmeli, kanye nekwatiswa ngalelilungelo ngekusheshisa;
 - (c) lekuba nemmeli lowo loboshiwe lekanikwe yena ngumbuso, ngetindleko tembuso, uma ngabe kungahle kube nekucekelwa phasi kwebulungiswa uma kwentiwa ngalolunye luhlobo, kanye nekwatiswa ngalelilungelo ngekusheshisa;
 - (d) lekubeka incabhai matfupha mayelana nekuba semtsetfweni kwekuvalelw kwakhe enkantolo kanye nekutsi, uma ngabe loko kuvaluelwa kungekho emtsetfweni, akhululwe;
 - (e) Iekuvalelw ngaphasi kwetimo letihambisana nekuhlonishwa kwebuntfu, lokufaka ekhatsi lokungenani simiso sekutsi atfole indzawo leyenele yekuhlala, kudla lokunemsoco, tintfo tekufundza kanye nekwhelashwa ngetindleko letikhokhelwa ngumbuso; kanye
 - (f) nekuchumana, nelekuvakashelwa, kwalowo muntfu -
 - (i) nguakakhe/noma singani sakhe;
 - (ii) tihlobo takhe tengati;
 - (iii) ngumeluleki wetenholo lokhetsiwe; kanye
 - (iv) nangudokotela lokhetsiwe.
- (3) Wonkhewonkhe lotfweswe licala unelilungelo lekushushisa
ngalokunebulungiswa, lokufaka ekhatsi lilungelo -
- (a) lekwatiswa mayelana nelicala latfweswe lona ngekuniketwa neminingwane leyanele kutsi akwati kutiphendvulalela macondzana naelicala;
 - (b) lekuniketwa sikhatsi lesanele netinsita tekulungiselala kutivikela kwakhe;
 - (c) lekushushisa ngembi kwemmango enkantolo leyetayelekile;
 - (d) lekutsi lelicalitsetfwe lize liyewuphela ngaphandle kwekuhanjelelw ngalokungenatizatfu;
 - (e) lekuba khona enkantolo ngesikhatsi ashushisa;
 - (f) lekukhetsa, nelekumelwa, ngummeli, kanye nelekwtiswa mayelana naelilungelo ngekusheshisa;
 - (g) lekuba nemmeli lowo lowtfweswe licala lekanikwe lona ngumbuso, ngetindleko tembuso, uma ngabe kungahle kube nekucekelwa phasi kwebulungiswa uma kwentiwa ngalolunye luhlobo, kanye nekwatiswa ngalelilungelo ngekusheshisa;

- (h) lekutsatfwa njengemuntfu longenacala, lekubindza angasho lutfo, futsi lekunganiki bufakazi ngesikhatsi sekutsetfwa kwelicala;
 - (i) lekwetfula kanye nelekuphikisa bufakazi;
 - (j) lekungaphocelawa kutsi anikete bufakazi lobungambophisa;
 - (k) lekugwetjwa ngelulwimi lowo lowetfweswe licala lekaluvisisako noma , uma ngabe loko kungakhonakali, lekutsi konkhe lokuchubekako kuhunyushelwe kulolo lwimi;
 - (l) lekungagwetjelwa kwephula noma kwephutsa ngesento lebesingesilo licala ngaphasi kwemtsetfo wavelonkhe noma kumhlabawonkhe ngalesikhatsi sephulwa noma sephutsa.
 - (m) lekungashushiselwa noma ngusiphi sephulomtsetfo macondzana nekwephula noma kwephutsa lowo muntfu lake wakhululwa noma wagwetjwa yinkantolo mayelana naso;
 - (n) lekutfola sigwebo lesilula kunaleti letinye letibekiwe uma ngabe sigwebo lesibekelwe lelo cala sintjintjiwe emkhatsini kwesikhatsi sekwephulwa kwemtsetfo naleso sekwetfulwa kwesigwebo; kanye
 - (o) nelekwendlulisela, noma lekubuyeketwa, kwalelo cala yinkantolo lenkhulu.

(4) Njalo-nje uma ngabe lesigaba sidzinga imininingwane kutsi iniketwe umuntu, leyo mininingwane kumele iniketwe ngelulwimi lowo muntfu laluvisisako;

(5) Bufakazi lobutfolakele ngendlela leyephula noma nguliphi lilungelo kuloluCwebu IwemaLungelo eLuntfu kumele bulahlelwae ngaphandle uma ngabe kwemukelwa kwalobo bufakazi kutawenta kutsetfwa kwalelicalal kube ngulokungenabulungiswa noma kutawucekela phasi kuchutjwa kwebulunqiswaa.

Kuncishiswa kwemalungelo

36. (1) Emalungelo lekakulolu Cwebu Iwema Lungelo eLuntfu angancishisa kuperha ngekulandzela umtsetfo losentjentiswa ngalokwetayelekile kuperha ngekuya ngekwelizinga lekutsi loko kuncishisa kunetizatfu letibonakalako futsi kuyemukeleka emmangweni loselubala newentsandvo yelingyenti lowesekelwe esitfuntini seluntfu, kulingana kanye nekuhululeka, ngekubuketa konkhe lokumcoka, lokufaka ekhattsi -
(a) inhlobo yelingelo;
(b) kubaluleka kwenhlosa valokuncishisa;

- (c) inhlobo nelizinga lekuncishisa;
 - (d) budlelwano emkhatsini kwekuncishisa nenhloso yako; kanye
 - (e) nendlela lengakhinyabeti kakhulu yekuzuza leyo nhloso.
- (2) Ngaphandle uma kuya njengoba kwendlalwe esigatjaneni (1) noma kusiphi lesinye simiso seMtsetfosiseloko, akukho umtsetfo longanciphisa nanoma nguliphi lilungelo lelishicilelwé kuloluCwebu IwemaLungelo eLuntfu.

Timo letibucayi

37. (1) Simo lesibucayi singamenyetelwa kuphela ngekulandzela uMtsetfo wePhalamende, futsi singamenyetelwa kuphela -
- (a) uma ngabe imphilo yesive yetfuswa ngekuba khona kwemphi, kuhlaselwa, kuvukela umbuso lokwetayelekile, kungalandzelwa kwemtsetfo, inhlakelelele yemvelo noma letinye tintfo letibucayi emmangweni; futsi
 - (b) uma lesimemetelo sidzingekile kutewuletsa kuthula nelulandzelwa kwemtsetfo.
- (2) Simemetelo sesimo lesibucayi, kanye nanoma ngumuphi umtsetfo loshayewe noma lesinye sinyatselo lesitsetfwe ngekulandzela lesi simemetelo, singasebenta kuphela -
- (a) ngemuva kwelilanga lesimenyetelwe ngalo; futsi
 - (b) malanga langendluli ku-21 ngemuva kwekumenyetelwa, ngaphandle uma ngabe Sigungu saVelonkhe sincuma kwelula lesimemetelo. Sigungu singelula kusebenta kwalessimemetelo ngesikhatsi lesingendluli etinyangeni letintsatfu ngesikhatsi sinye sekwelula. Kwelulwa kwekucala kwesimo lesibucayi kumele kwentiwe ngesincumo lesitsetfwe sasekelwa linyenti lermalunga aleSigungu. Noma ngukuphi kwelulwa lokulandzelako kumele kwentiwe ngesincumo lesitsetfwe sasekelwa ngemalunga lengekho ngaphasi kwemaphesenti langu-60 aleSigungu. Sincumo lesitsetfwe ngekulandzela lesigaba kumele sitsatfwe kuphela ngemuva kwenkhulumomphikiswano yaleSigungu levulekelele ummango.
- (3) Nanoma nguyiphi inkantolo leneligunya ingancuma ngekuba semtsetfwani -
- (a) kwekumenyetelwa kwesimo lesibucayi;
 - (b) kwanoma ngukuphi kwelulwa kwekumenyetelwa kwesimo lesibucayi; noma
 - (c) kwanoma ngumuphi umtsetfo loshayewe, noma lesinye sinyatselo lesitsetfwe, ngekulandzela kumenyetelwa kwesimo lesibucayi.

- (4) Nanoma ngumuphi umtsetfo loshaywe ngesizatfu sekumenyetelwa kwasimo lesibucayi ungehluka eluCwebini lwemaLungelo eLuntfu kufika ezingeni kuphela -
 - (a) lekutsi lokwehluka kudzingwa nguleso simo lesibucayi; futsi
 - (b) lekutsi lowo mtsetfo –
 - (i) uhambelana netibopho teRiphabhulikhi ngaphasi kwemtsetfo wemave emhlabu losebentako macondzana netimo letibucayi;
 - (ii) uyavumelana nesigatjana (5); futsi
 - (iii) ushicilelwa kuGazethi yaHulumende yavelonkhe ngekusheshisa lokwemukelekako ngemuva kwekutsi ushaywe.
- (5) Kute uMtsetfo wePhalamende loniketa ligunya lekumenyetelwa kwasimo lesibucayi, futsi kute umtsetfo loshaiyi noma lesinye sinyatselo lesitsetwe ngenga yaleso simemetelo, lokungavumela noma kunikete lingunya –
 - (a) lekuvikela umbuso noma lomunye umuntfu, macondzana netento letingekho emitsetfweni;
 - (b) noma ngukuphi kwehluka kulesigaba; noma
 - (c) ngukuphi kwehluka esigabeni lesiphawulwe eluhlwin 1 kuleliThebula lemaLungelo langenakuNcishiswa kuze kufike ezingeni lelikhonjiswe ngekucatsanisa lesigaba eluhlwin 3 lwaleliThebula.

LiThebula lemaLungelo langeke anNcishiswa

1 Inombolo yesigaba	2 Sihloko sesigaba	3 Lizinga lekunganciphiseki kwelilungelo
9	Kulingana	Uma kuphat selene nekubandlulula ngekwebuhlanga, libala, buve noma kutalwa, bulili, inkholo noma lulwimi
10	Sitfunti sebuntfu	Lonkhe
11	Imphilo	Lonkhe

SEHLUKO 2: LUCWEBU LWEMALUNGELO ELUNTFU

1 Inombolo yesigaba	2 Sihloko sesigaba	3 Lizinga lekunganciphiseki kwellilungelo
12	INkhululeko nekuVikeleka kwemuntfu	Uma kuphatselene netigatjana (1)(d) na(e) kanye na (2)(c)
13	Bugcili, kusebenta matima njengemtfunjwa kanye nekusentjentiswa ngenkhanii	Uma kuphatselene nebugcili nekuse- benta matima njengemtfunjwa
28	Bantfwana	Uma kuphatselene: - nesigatjana (1)(d) na(e) - nemalungelo lasetindzimeni(i) na(ii) tesigatjana (1) (g); kanye - nesigatjana (1)(i) uma kuphatselene nebantfwana labaneminyaka leli –15 nangaphasi
35	Bantu lababoshiwe, labavalelw e kanye nalabatfweswe emacula	Uma kuphatselene: - netigatjana (1)(a),(b) na-(c) kanye na-(2)(d); - nemalungelo lasetindzimeni(a) -(o) tesigatjana (3) ngaphandle kwendzima(d); - nesigatjana (4); kanye - nesigatjana (5) uma kuphatselene nekungemukelwa kwebufakazi uma kutsatfwa kwabo kutawenta kutsetfwa kwellicala kungabi nebulungiswa

- (6) Noma nini lapho umuntu avelewwe ngaphandle kwekushushiswa ngenca yesizatfu sekuncishiswa kwemalungelo akhe lesibangelwe kubekwa kwemtsetfo wesimo lesibucayi kute kulandzelwe lemibandzela lelandzelako -

- (a) Umuntfu lomdzala lolilungu lemndeni noma umngani walowo muntfu lovalelwe kufanele atsintfwе ngekungephuti lokungakadzingeki, futsi atjelwe kutsi lowo muntfu uvalelwe
 - (b) Satiso kuGazethi yaHulumende wavelonkhe kufute setfulwe kungakapheli emalanga lasihlanu avalelwe lowo muntfu, leso satiso shisho ligama lalowo lovalelwe kanye nendzawo lavalelwe kuyo kanye nemtsetfo wesimo lesibucayi lavalelwe ngaphasi kwaso lowo muntfu.
 - (c) Lovalelwe kumele avunyelwe kutsi akhetse nekutsi avakashelwe ngudokotela ngesikhatsi lesifanele
 - (d) Lovalelwe kumele avunyelwe kutsi akhetse nekutsi avakashelwe ngummeli ngesikhatsi lesifanele
 - (e) Inkantolo kumele ibuke kabusha lokuvalelwa kwalomuntfu ngekusheshisa, kepha kungakapheli emalanga lalishumi ngemuva kwekuvaluelwa kwalowo muntfu kantsi inkantolo kumele ikuhulule lomuntfu ngaphandle uma ngabe lokuchubeka nekuvaluelwa kudzingekile futsi kuletsa kuthula nekulandzelwa kwemtsetfo
 - (f) Lovalelwe kepha angakkhululwa ngekulandzela kubuyeketwa kabusha kwesigatjana (e), noma longakkhululwa ngekxesibuketo ngaphasi kwalesigatjana angenta sicelo enkantolo kutsi iphindze ibukete kuvaluelwa kwakhe esikhatsini lesingemalanga lali-10 ngemuva kwekubuyeketwa lokwendlulile, futsi inkantolo kumele ikuhulule lowo muntfu ngaphandle uma ngabe lokuvalelwa solo kudzingekile kuletsa kuthula nekulandzelwa kwemtsetfo
 - (g) Lovalelwe kumele avunyelwe kuta matfupha enkantolo lebuketa indzaba yakhe yekuvalelwa, amelwe ngummeli ekutekwani kwelicala, kanye nekubeka tikhalo tekutsi kuvaluelwa kungachubeki
 - (h) Umbuso kumele unikete inkantolo tizatfu letibhalwe phasi letivuma kuchubekisa kuvaluelwa kwaloyo muntfu uphindze unikele lowo muntfu lovalelwe umbhalo waletizatfu kungakapheli lokungenani emalanga lamabili inkantolo isengakakubeki lokuvalelwa
- (7) Uma ngabe inkantolo ikuhulula lovalelwe lowo muntfu angeke aphindze avalelwe ngetizatfu letifana naletu lebekavalelwe tonu ngaphandle uma ngabe umbuso uniketa inkantolo sizatfu lesicinile sekumvalela futsi

- (8) Tigatjana (6) na (7) atisebenti kubantfu labangenabo buve beNingizimu Afrika futsi lababoshwe ngesizatfu sekulwa ngetikhali ngaphasi kwemtsetfo wemave emhlabo. Esikhundleni saloko umbuso kumele ulandzele emazinga laphocelela iRiphabhulikhi ngaphasi kwemtsetfo wemave emhlabo mayelana nekuvalela bantfu baloluhlobo.

Kuphocelelwa kwemalungelo

38. Noma ngubani lobalwe kulesigaba unelilungelo lekuya enkantolo lefanele, asho kutsi lilungelo lelikuluCwebu IwemaLungelo eLuntfu lephuliwe noma lesatjisiwe, kantsi inkantolo inganiketa sincepheteliso lesifanele, lokufaka ekhatsi kucinisekiswa kwemalungelo. Bantfu labangaya enkantolo ngulaba labalandzelako -
- (a) noma ngubani lotiletsela sicelo egameni lakhe;
 - (b) noma ngubani loletsa sicelo esikhundleni salomunye umuntfu longakwati kutentela loko egameni lakhe;
 - (c) noma ngubani loletsa sicelo njengelilunga lelicembu, noma ngekwemfuno yelicembu noma licoco lebantfu;
 - (d) noma ngubani loletsa sicelo ngekwemfuno yemmango; kanye
 - (e) nenhlanganano leletsa sicelo ngekwemfuno yemalunga ayo.

Kuhunyushwa kweluCwebu IwemaLungelo eLuntfu

39. (1) Uma kuhunyushwa luCwebu IwemaLungelo eLuntfu inkantolo, libandla noma inkhundla -
- (a) kumele ikhutsate emagugu lasisekelo semmango loselubala newentsando yelingiyenti lowesekelwe esitfuntini seluntfu, kulingana kanye nekukhululeka;
 - (b) kumele ibuke umtsetfo wemave emhlabo; futsi
 - (c) ingabuka umtsetfo wemave angaphandle.
- (2) Uma kuhunyushwa noma ngumuphi umtsetfo, futsi uma kututfukiswa umtsetfo lowetayelekile noma umtsetfo wesintfu leyo naleyo nkantolo, emabandla noma tinkhundla kumele tikhutsate umoya, tinhoso kanye netinjongo teluCwebu IwemaLungelo eLuntfu.
- (3) LuCwebu IwemaLungelo eLuntfu alukuphikisi kuba khona kwalamanye emalungelo noma inkhululeko lokwemukelwa noma kuniketwa ngumtsetfo lowetayelekile, ngumtsetfo wesintfu noma kushaywa kwemtsetfo, kuyawufika ezingeni lapho kuhambisana khona neluCwebu IwemaLungelo eLuntfu.

SEHLUKO 3

HULUMENDE WELUBAMBISWANO

Hulumende weRiphabhulikhi

40. (1) ERiphabhulikhi, hulumende ubunjwe ngekwemikhakha wavelonkhe, weTifundza newahulumende wasekhaya, lokumikhakha leyehlukene, lencikelene nalesebtelanako.
- (2) Yonkhe imikhakha yahulumende kumele ibuke iphindze ilandzele timisomgomolelikuleSAHLUKO futsi kumele ichube imisebenti yayo ngaphasi kwetakhiwo leSAHLUKO lesitibekako.

Timisomgommo tahulumende welubambiswano nebuldelewano emkhatsini wabohulumende

41. (1) Yonkhe imikhakha yahulumende nato tonkhe tikhungo tembuso kulowo nalowo makhakha kumele -
- (a) tigcine kuthula, lubumbano lwavelonkhe kanye nekungachekeki kweRiphabhulikhi;
 - (b) tilondvolote inhlalakahle yebantfu beRiphabhulikhi;
 - (c) tinikete hulumende lonemiphumela, longenamfihlo, lonekutiphendvulela nalosebentela inchubekelembili yeRiphabhulikhi yonkhanha;
 - (d) tetsembeke kuMtsetfosisekelo, kuRiphabhulikhi nakubantfu bayo;
 - (e) tihtoniphe emagunya ngekwemtsetfosisekelo, tikhungo, emandla nemisebenti yahulumende kuleminye imikhakha;
 - (f) tingatsatsi emandla noma imisebenti ngaphandle kwaley letiniketwe yona nguMtsetfosisekelo;
 - (g) tisebentise emandla noma tente imisebenti yato ngendlela lengagcumukeli eminyeleni ekusebenteni nasekutimeleni khahulumende kulomunye umkhakha; futsi
 - (h) tisebentisane ngekwetsembana nangemoya lomuhle -
 - (i) ngekwakha budlelwano lobunebungani;
 - (ii) ngekwesekelana nekusitana;

SEHLUKO 3: HULUMENDE WELUBAMBISWANO

- (iii) ngekwatisana, nekubonisana, ngetintfo letitsinta timfuno tayo yonkhe imikhakha;
 - (iv) ngekumatanisa tento tato nemitsetfo yato;
 - (v) ngekulandzela tinchubo lekuvunyelenwe ngato; kanye
 - (vi) nekugwema kumangalelana etinkantolo.
- (2) UMtsetfo wePhalamende kumele -
- (a) usungule noma wente kube khona takhiwo tekukhutsata tiphindze tente budlelwano emkhatsini wabohulumende; futsi
 - (b) uniketele ngetakhiwo netinchubo letifanele tekucatulula kungcubutana emkhatsini wabohulumende.
- (3) Sikhungo sembuso lesitsintsekako ekungcubutaneni lokufaka bohulumende kumele sente tonkhe taba letingaphumeleleka tekucatulula lokungcubutana ngekusebentisa letakhiwo netinchubo letibekelwe loko, futsi kumele sitsatse onkhe lamanye emakhambi lafanele ngembi kwekuya enkantolo kutsi icatulule lokungcubutana.
- (4) Uma ngabe inkantolo ingeneliswa kutsi tidzingo tesigatjana (3) tiye talandzelwa, ingabuyisela loludzaba lwekungcubutana emuva kuleto tikhungo tembuso letitsintsekako.

SEHLUKO 4

IPHALAMENDE

Kubunjwa kwePhalamende

42. (1) IPhalamende ibunjwe –
- (a) Sigungu saVelonkhe; kanye
 - (b) neMkhandlu waVelonkhe weTifundza.
- (2) Sigungu saVelonkhe neMkhandlu waVelonkhe weTifundza sifaka sandla eluhlelweni lwekushaya umtsetfo ngendlela lebekwe kuMtsetfosisekelo
- (3) Sigungu saVelonkhe sikhetselwa kumela bantu nekucinisekisa hulumende webantu ngaphasi kweMtsetfosisekelo. Sikwenta loku ngekukhetsa Mengameli, ngekuniketa sive sonkhe inkhundla kutsi sicubungle tindzaba, ngekubeka imitsetfo nangekubukisisa nekwelusa tento teSigungu lesengamele.
- (4) Umkhandlu weTifundza umela tifundza kuze ucini sekise kutsi timfuno tetifundza tiyanakekelwa emkhakheni wahulumende wavelonkhe. Kwenta loku ikakhulukati ngeku faka sandla ekushayeni kwemtsetfo kuelonkhe nangekuniketa sive sonkhe inkhundla kutsi sicubungle tindzaba letitsinta tifundza.
- (5) Mengameli angabita iPhalamende kutsi ite emhlanganweni longaketayeleki nganoma ngusiphi sikhatsi kutewuchuba umsebenti welikhetselo.
- (6) Indzawo yekuhlanganel a kwePhalamende kuseKapa, kepha uMtsetfo wePhalamende lobekwe ngekulandzela tigaba 76(1) na-(5), ungabeka lenye indzawo kutsi kube yekuhlanganel a iPhalamende.

Ligunya lekushaya umtsetfo weRiphabhulikhi

43. (1) ERiphabhulikhi, ligunya lekushaya umtsetfo –
- (a) wemkhakha wahulumende wavelonkhe liniketwe iPhalamende njengoba kumiswe esigabeni 44
 - (b) wemkhakha wahulumende wesifundza liniketwe tishayamtsetfo tesifundza, njengoba kumiswe esigabeni 104; kantsi
 - (c) wemkhakha wahulumende wasekhaya liniketwe imikhandlu yaboMasipala, njengoba kumiswe esigabeni 156.

Ligunya lekushaya umtsetfo wavelonkhe

44. (1) Ligunya lekushaya umtsetfo wavelonkhe njengoba liniketwe yiPhalamende -
- (a) linika Sigungu saVelonkhe emandla -
 - (i) ekuchibiyela uMtsetfosisekelo;
 - (ii) ekushaya umtsetfo lophatselene nanoma yini, lokufaka neludzaba loluwela kuleyo migudvu yemisebenti lehleliswe kuShejuli 4, kepha lokungafaki ekhatsi, ngaphasi kwembandzela wesigatjana (2), ludzaba loluwela kuleyo migudvu yemisebenti lehleliswe kuShejuli 5; kanye
 - (iii) nekuniketa nganoma nguaphi emandla awo ekushaya umtsetfo, ngaphandle kwemandla ekuchibiyela uMtsetfosisekelo, kunoma ngumuphi umtimba wekushaya umtsetfo kulomunye umkhakha wahulumende; futsi
 - (b) linika Umkhandlu weTifundza emandla -
 - (i) ekufaka sandla ekuchitjiyelweni kweMtsetfosisekelo ngekulandzela sigaba 74;
 - (ii) ekushaya umtsetfo, ngekulandzela sigaba 76, lophatselene nanoma nguluphi ludzaba loluwela kuleyo migudvu yemisebenti lehleliswe kuShejuli 4, kanye nanoma nguluphi lolunye ludzaba ngekuyalela kweMtsetfosisekelo lokumele ushaywe ngekulandzela sigaba 76; kanye
 - (iii) nekucubungula, ngekulandzela sigaba 75, nanoma ngumuphi lomunye umtsetfo loshaywe Sigungu saVelonkhe.
- (2) IPhalamende ingangenela, ngekushaya umtsetfo ngekulandzela sigaba 76(1), eludzabeni loluwela kuleyo migudvu yemisebenti lehleliswe kuShejuli 5, uma ngabe kudzingekile -
- (a) kutewugcina kuphepha eveni lonkhe;
 - (b) kutewugcina lubumbano kutemnotfo;
 - (c) kutewugcina emazinga lafanelekile eveni lonkhe;
 - (d) kutewusungula emazingancanti lafunekako uma kwetfulwa imisebenti; noma
 - (e) kutewuvimbela tento letingakalungi letitsetfwe sifundza letikhinyabeta lesinye sifundza noma live lonkhana.
- (3) Umtsetfo lophatselene neludzaba lolubonakala lusidzingo, noma lolusondzelene ngandlela-tsite, ekusetjentisweni kwemandla ngalokusezingeni leliphakeme lokuphatselene neludzaba loluhleliswe kuShejuli 4, ngato tonkhe tinhoso,

ngumtsetfo lophatselene nako konkhe lokuhleliswe kuShejuli 4.

- (4) Uma ise bentisa liguna layo lekushaya umtsetfo, iPhalamende iboshwa kuphela nguMtsetfosisekelo, futsi kumele yente umsebenti wayo ngekulandzela tilinganiso teMtsetfosisekelo.

Iimitsetfomgom o lehlanganyelwe netibopho kanye nemakomiti lahlanganyelwe

45. (1) Sigungu saVelonkhe neMkhandlu waVelonkhe weTifundza kumele ubeke likomidi lelihlanganyelwe lelingabeka imitsetfomgom o netibopho letiphatselene nemisebenti yayo lehlanganyelwe, lokufaka imitsetfomgom o netibopho -
- (a) tekusungula tinchubo tekuhlelembisa kushaywa kwemtsetfo, lokufaka ekhatsi kubekwa kwesikhatsi lekfanele kutsi sinyatselo noma siphi sicedvwe ngaso kuleyo nchubo;
 - (b) tekusungula emakomiti lahlanganyelwe labunjwe ngemalunga lavela esigungwini saVelonkhe naseMkhandlwini waVelonkhe weTifundza ekubuka nekubika ngeMitsetfosisivinyo lebukelelwe ngekwetigaba 74 na-75 lemukiswe kulawo makomiti;
 - (c) tekusungula likomidi lelihlanganyelwe lekubuyeketa uMtsetfosisekelo lokungenani kanye ngemnyaka; kanye
 - (d) netekulawula inchubo nemisebenti -
 - (i) yelikomidi lelihlanganyelwe lemitsetfomgom o netibopho;
 - (ii) yelikomidi lekuLamula;
 - (iii) likomidi lekubuyeketa umtsetfosisekelo; kanye
 - (iv) nanoma nguaphi emakomiti lahlanganyelwe lasukunyiswe ngekulandzela indzima(b).
- (2) Emalunga eKhabhinethi, emalunga eSigungu saVelonkhe netifunywa teMkhandlu waVelonkhe weTifundza banemalungelomvume nekuvikeleka lokufanako embi kwekomiti lenhlanganyelwe yeSigungu saVelonkhe neMkhandlu waVelonkhe weTifundza.

Sigungu saVelonkhe

Kubunjwa nekukhetfwa

46. (1) Sigungu saVelonkhe sakhwi ngemalunga langekho ngaphasi kwe-350 futsi angabi ngetulu kwe-400 langulabasikati nalabadvuna labakhetfwe njengemalunga ngekulandzela luhlelo lwelukhetfo -
- (a) lolumiswe ngumtsetfo wavelonkhe;
 - (b) lolwesekelwe eluhlwin lolwetayelekile lwavelonkhe lwebavoti;
 - (c) lolubeka buncane beminyaka yekuvota lobu-18; futsi
 - (d) loluholela, jikelele, kumiphumela yekumelwa ngelinani lekuvotelewa kwelicembu letembusave.

[Sigatjana (1) siChitjiyelwe sigaba 1 seMtsetfo 2 wanga-2003.]

- (2) Umtsetfo wePhalamende kumele umise indlela yekubeka linani lemalunga eSigungu saVelonkhe.

[Ngekwesigatjana (1) seMtsetfo wesichibiyelo seLishumi seMtsetfosikelo wanga-2003 nangekwesi-gabaseMtsetfo weSichibiyelo seLishumi neSihlanu seMtsetfosikelo wanga-2008]

Bulunga

47. (1) Tonkhe takhamuti letivumelekile kutsi tivotole Sigungu saVelonkhe tamukelekile kutsi tibe lilunga leSigungu, ngaphandle -
- (a) kwanoma ngubani locashwe esikhundleni, noma losebentela, 34 ngaphasi kwembuso futsi abe aholelwa ngaloko kucashwa, ngaphandle -
 - (i) kwaMengameli, liSekela laMengameli, tiNdvuna teMbuso nemaSekela etiNdvuna teMbuso;
 - (ii) kwanoma ngutiphi tiphatsimandla lapho imisebenti yato ihambelana neyemalunga eSigungu, futsi lemiswe njengalehambelanako ngekulandzela umtsetfo wavelonkhe;
 - (b) kwetitfunya letingesuswa teMkhandlu waVelonkhe weTifundza noma emalunga esishayamtsetfo sesifundza noma eMkhandlu waMasipala;
 - (c) kwebantfu labangakabuyiselwa emalungelomvume abo ngekwemtsetfo ngesizatfu sekutsi banetikweleti;
 - (d) kwanoma ngumuphi umuntfu lotfolwe yinkantolo yeRiphabhulikhi kutsi akakaphili kahle engcondvweni; noma

- (e) kwanoma ngubani lokutse, ngemuva kwekucala kwekusebenta kwalesigaba, watfolwa anelicala waniketwa sigwebo setinyanga letingetulu kwa-12 ejele ngaphandle kwekunikwa lilungelo lekutsi akiphe inhlawulo, noma eRiphabhlukhi, noma ngaphandle kweRiphabhlukhi uma ngabe lesento lesakha lelicalu besingatsatwa njengelicala eRiphabhlukhi, kepha kute umuntfu lokungatsiwa ugwtetiwe uma kusengakancunyuwa kwendluliselwa kwelicala yinkantolo lephakeme noma sigwebo sisengakancunyuwa ngulenkantolo, noma kusengakaniketwa sigwebo, noma sikhatsi sekwendluliselisa licala enkantolo lephakeme sesiphelile, kwemukwa lemume ngekulandzela lendzima kuphela ngemuva kweminyaka lesihlanu kuphele lesigwebo.
- (2) Umuntfu longakemukeleki kuba lilunga leSigungu saVelonkhe ngekwetigatjana (1)(a) noma (b) angamela lukhetfo lweSigungu, ngaphasi kwemibandzela yetilinganiso nobe imikhawulo lemiswe ngekulandzela umtsetfo wavelonkhe.
- (3) Umuntfu ulahlekelwa bulunga beSigungu saVelonkhe uma ngabe lowo muntfu;
 - (a) angasemukeleki kuba lilunga;
 - (b) angekho esiGungwini ngaphandle kwemvume ngaphasi kwetimo lapho khona imitsetfomgomu netibopho teSigungu kumisa kutsi umuntfu longekho utawulahlekelwa bulunga; noma
 - (c) ayekela kuba lilunga lelicembu lelimkhetsile lowo muntfu njengelilunga leSigungu.
- [Sigatjana (3) sivalwe ngesigaba 2 seMtsetfo weLishumi wekuChitjiyelwa kweMtsetfosisekelo wanga-2003, nangesigaba 2 seMtsetfo weSichibiyelo weLishumi neSIhlanu weMtsetfosisekelo wanga-2008.]Nangekwesigaba 1 seMtsetfo weLishumi neSIhlanu wekuChitjiyelwa kweMtsetfosisekelo wanga-2008]
- (4) Tikhala esiGungwini saVelonkhe kumele tigcwaliswe ngekulandzela umtsetfo wavelonkhe.

Kufunga noma kuvuma ngekutibopha

48. Ngembi kwekutsi emalunga eSigungu saVelonkhe acale kwenta imisebenti yayo esiGungwini kumele afunge noma avume ngekutibopha kutsi atawetsembeka kuRiphabhlukhi nekutsi atawutfobela uMtsetfosisekelo, ngekulandzela iShejuli 2.

Budze besikhatsi sekusebenta kweSigungu saVelonkhe

49. (1) Sigungu saVelonkhe sikhetswa kutsi sisibente iminyaka lesihlanu.
(2) Uma ngabe Sigungu saVelonkhe sihlakatwa ngekulandzela sigaba 50, noma uma kuphela sikhatsi saso sekusebenta, Mengameli, ngekwasimemetelo semtsetfo, kumele abite futsi amise emalanga elukhetfo, lekumele lubanjwe kungakapheli emalanga lange-90 ngemuva kwekuhlakateka kweSigungu noma ngemuva kwekuhela kwasikhatsi sekusebenta kweSigungu saVelonkhe.

[Sigatjana (2) sivalwe ngesigaba 1 seMtsetfo weSihlanu wekuChitijiyelwa kweMtsetfosisekelo wanga-1999.]

- (3) Uma ngabe imiphumel yelukhetfo lweSigungu saVelonkhe ayikaniketwa ngesikhatsi lesibekwe esigaben 190, noma uma ngabe lukhetfo lubekwe eceleni yinkantolo, Mengameli ngesimemetelo semtsetfo, kumele abite futsi amise emalanga elukhetfo lolunye, lekumele lubanjwe kungakapheli emalanga lange-90 ngemuva kwekuhela kwaleso sikhatsi noma ngemuva kwelilanga lekwabekwa ngalo eceleni lolukhetfo.
(4) Sigungu saVelonkhe sitawuchubeka kuba nemandla ekusebenta kusukukela ngesikhatsi sihlakateka noma ngesikhatsi sipehelawa sikhatsi sekusebenta kuze kube lilanga ngembii kwelilanga lekucala lekuvotela lukhetfo lweSigungu lesilandzelako.

Kuhlakateka kweSigungu saVelonkhe kungakapheli sikhatsi saso sekusebenta

50. (1) Mengameli kumele ahlakate Sigungu saVelonkhe uma ngabe –
(a) Sigungu sitsatse sincumo sekuhlakateka ngelivoti lesekkelwa linyenti lemalunga aso; futsi
(b) iminyaka lemtsatu seyendlulile kusukela Sigungu sakhetfwa.
(2) LiBamba laMengameli kumele lihlakate Sigungu saVelonkhe uma ngabe -
(a) kunesikhala esikhundleni sekuba nguMengameli; futsi
(b) Sigungu sehluleka kukhetsa Mengameli lomusha kungakapheli emalanga lange-30 ngemuva kwekuvela kwsikhala saMengameli.

Tikhatsi tekuhlangana nekuphumula

51. (1) Ngemuva kwelukhetfo, kuhlangana kwekucala kweSigungu saVelonkhe kumele kwentek ngesikhatsi nangeli langa lelincunywe nguSomajaji kepha kungakapheli emalanga la-14 ngemuva kweuniketwa kwemiphumela yelukhetfo. Sigungu singancuma ngetikhatsi nebudze baletinye tikhatsi tekuhlangana kanye netikhatsi tekuphumula kwaso.

[Sigatjana (1) sivalwe ngesigaba 1 seMtsetfo weSitfupa wekuChitjiyelwa kweMtsetfosisekelo wanga-2001.]

- (2) Mengameli angabita Sigungu saVelonkhe kutsi site emhlanganweni longaketayeleki nganoma ngusiphi sikhatsi kutewuchuba umsebenti welikhetselo.
- (3) Kuhlangana kweSigungu saVelonkhe kuvumelekile kuletinye tindzawo ngaphandle kwendzawo yePhalamende kuphela ngetizatfu tetimfuno temmango, tekuphepha noma kufaneleka, futsi uma ngabe loko kumisiwe kumitsetfomgommo nakunchubo yaleSigungu.

Somlomo kanye neliSekela laSomlomo

52. (1) Emhlanganweni waso wekucala ngemuva kwelukhetfo Iwaso, noma uma kunesidzingo sekugwalisa sikhala, Sigungu saVelonkhe kumele sikhets Somlomo kanye neliSekela laSomlomo emalungeni aso.
- (2) Somajaji kumele engamele lukhetfo IwaSomlomo, noma amise lelinye lijaji lelitakwenta loko. Somlomo wengamela lukhetfo IweliSekela laSomlomo.

[Sigatjana (2) sivalwe ngesigaba 2 seMtsetfo weSitfupa wekuChitjiyelwa kweMtsetfosisekelo wanga-2001.]

- (3) Inchubo lemiswe eNcenyeni A kuShejuli 3 ise benta elukhetfweni IwaSomlomo kanye neliSekela laSomlomo.
- (4) Sigungu saVelonkhe singakhipha Somlomo noma liSekela laSomlomo esikhundleni ngesincumo. Linyenti lemalunga eSigungu kumele libe khona ngesikhatsi kutsatfwa lesincumo.
- (5) Ngekulandzela imitsetfomgommo netibopho taso, Sigungu saVelonkhe singakhetsa letinye tiphatsimandla tekwengamela emalungeni aso kutewulekelela Somlomo neliSekela laSomlomo.

Tincumo

53. (1) Ngaphandle uma ngabe uMtsetfosisekelo usho lokunye –
- (a) linyenti lemalunga eSigungu saVelonkhe kufanele libe khona ngembi kwekutsi kuvotelwe uMtsetfosivivinyo noma uMtsetfosivivinyo lochitjiyelwe;
 - (b) lokungenani linyenti lakunye kulokutsatfu lemalunga kumele libe khona ngembi kwekutsi kuvotelwe noma nguluphi lolunye ludzaba lolusembi kweSigungu; futsi
 - (c) yonkhe imibuto lesembii kweSigungu saVelonkhe incunywa ngebunyeti bemalunga lavotile.
- (2) Lilunga leSigungu saVelonkhe lelingusihlalo emhlanganweni weSigungu alinalo livoti letinkhulumiswano kepha -
- (a) kumele livotele kwenta sincumo uma kunelinani lemavoti lelilinganako kulelo nalelo cala lembuto; futsi
 - (b) lingafaka livoti letinkhulumiswano uma ngabe umbuto kumele uncunywe ngekwesekelwa linani lemalunga lokungenani langulokubili kulokutsatfu kwelinani lemalunga eSigungu.

Emalungelo emalunga latsite eKhabhinethi nemaSekela etiNdvuna teMbuso esiGungwini saVelonkhe

54. Mengameli kanye nanoma nguliphi lilunga leKhabhinethi kanye nanoma nguliphi liSekela leNdvuna yeMbuso lelingesilo lilunga leSigungu saVelonkhe, ngaphasi kwemibandzela yemitsetfomgomu netibopho teSigungu, lingaba khona liphindze likhulume esiGungwini, kepha lingete lavota.

[Sigaba 54 sivalwe ngesigaba 3 seMtsetfo 34 wanga-2001.]

Emandla eSigungu saVelonkhe

55. (1) Ekusebentiseni emandla aso ekushaya umtsetfo, Sigungu saVelonkhe –
- (a) singacubungula, sishaye, sichibiyele noma sicitse noma ngumuphi umtsetfo losembii kweSigungu; futsi
 - (b) singasukumisa noma silungise umtsetfo ngaphandle kweMitsetfosivivinyo yetetimali.

- (2) Sigungu saVelonkhe kumele sente tindlela –
- (a) tekucinisekisa kutsi tonkhe tikhungo tembuso letengamele emkhakheni wahulumente wavelonkhe tinekutiphendvulela kuso; futsi
 - (b) tekubeka liso -
 - (i) ekusetjentisweni kwemandla avelonkhe ekwengamela, lokufaka kuphunyeleiswa kwemitssetfo; kanye
 - (ii) nakunoma ngusiphi sikhungo sembuso.

Bufakazi noma imininingwane lesembi kweSigungu saVelonkhe

56. Sigungu saVelonkhe noma nguwaphi emakomiti aso –

- (a) singabita noma ngumuphi umuntu kutsi atewuvela embi kwaso kutewuniketa bufakazi ngekubufungela noma ngekuvuma, noma kutsi aletse imiculu;
- (b) singafuna noma ngumuphi umuntu noma sikhungo kutsi sitewubika kuso;
- (c) singaphocelela, ngekulandzela umtsetfo wavelonkhe noma imitsetfomgommo netibopho, noma ngumuphi umuntu noma sikhungo kutsi sihloniphe lokubitwa noma lesidzingo ngaphasi kwetigatjana(a) noma (b); futsi
- (d) singemukela tikhalo, kubekwa kweluvo noma tetfulo lokuvela kunoma ngumuphi umuntu noma sikhungo lesinenhisekelo.

Kuhlembisa kwangekhatsi, lokuchubekako netinchubo teSigungu saVelonkhe

57. (1) Sigungu saVelonkhe -
- (a) singancuma siphindze silawule kuhlembisa kwangekhatsi, lokuchubekako netinchubo taso; futsi
 - (b) singenta imitsetfomgommo netibopho macondzana nemisebenti yaso, ngekubukisia intsandvo yelinienti macondzana nekumelela nekubamba indzima, kutiphendvulela, kuba selubala kanye nekumbandzakanye ka kwemmango.
- (2) Imitsetfomgommo netibopho teSigungu saVelonkhe kumele tiniketele -
- (a) ngekusungulwa, kubunjwa, emandalia, imisebenti, tinchubo kanye nebudze besikhatsi semakomiti aso;
 - (b) ngekufaka sandla kwemacembu lamancane lekamelwe kuleSigungu

- emisebentini yeSigungu saVelonkhe nemakomiti aso, ngendlela lehambisana nentsandvo yelingyenti;
- (c) Iusito lwetetimali nelwukusebenta kulelo nalelo cembu lelimewe kuleSigungu ngekulandzela linani lemalunga alo, kuze kutewusita lelicembu nemholi walo kutsi akhone kwenta imisebenti yakhe esiGungwini ngalokunemphumelelo; kanye
 - (d) nekwemukelwa kwemholi welicembu lelikhulu leliphikisako kuleSigungu njengeMholi weliCembu leliPhikisako.

Lilungelomvume

58. (1) Emalunga eKhabhinethi, emaSekela etiNdvuna teMbuso kanye nemalunga eSigungu saVelonkhe -
- (a) anenkhululeko yekukhuluma esiGungwini kanye nasemakomitini aso, ngaphasi kwemibandzelza yemitsetfomgomu netibopho taso; futsi
 - (b) akukafaneli abekwe licala lembango noma lebugebengu, aboshwe, avalelwaejele noma ahlawuliswe -
 - (i) mayelana nanoma yini lekayisho, lekayefule noma lekayendlale kuleSigungu noma kunoma nguliphi likomidi laso; noma
 - (ii) mayelana nanoma yini levetwe ebeleni ngesizatfu sanoma yini lekayishilo, lekayefulise noma lekayendlale kuleSigungu noma kunoma nguliphi likomidi laso.

[Sigatjana (1) siChitjiyelwe sigaba 4 seMtsetfo weSitupha wekuChitjiyelwa kweMtsetfosisekelo wanga-2001.]

- (2) Lamanye emalungelomvume nekuviikeleka kwemalunga eSigungu saVelonkhe, emalunga eKhabhinethi kanye nemalunga eSigungu saVelonkhe angamiswa ngumtsetfo wavelonkhe.
- (3) Imiholo, tibonelelo netinzozo letikhokhelwa emalunga eSigungu saVelonkhe aluphakelo-mali lolucondzene nesiKhwama saVelonkhe seMali.

[Sigaba 58 sichebileye ngekwasigaba 4 seMtsetfo wekuchitjilelw kweMtsetfosisekelo wanga-2001]

Kuvumeleka kwemmango nekufaka sandla esiGungwini saVelonkhe

59. (1) Sigungu saVelonkhe kumele -
- (a) siciinisekise kufaka sandla kwemmango etinhlelweni tekushaya umtsetfo kanye naletinye teSigungu kanye nemakomiti aso; futsi

- (b) sichube umsebenti waso ngendlela leselubala, futsi sibambe imihlangano yaso, kanye naleyo yemakomiti aso, elubala, kepha kunetinyatselo letifanelekile letingatsatfwa -
 - (i) kulawula kuvumeleka kwemmango, lokufaka ekhatsi kuvumeleka kwebemitombo yetindzaba, kuleSigungu nemakomiti aso; kanye
 - (ii) nekuniketela ngekuseshwa kwanoma ngumuphi umuntu kanye, uma kufanelekile, nekwencatjelwa kwekungena, nomu kukhishwa, kwanoma ngumuphi umuntu.
- (2) Sigungu saVelonkhe akumelanga sencabele ummango, kufaka ekhatsi bemitombo yetindzaba, kunoma ngumuphi umhlangano wekomiti ngaphandle uma kufanelekile futsi kunebulungiswa kwenta njalo emmangweni loselubala wentsandvo yelingyenti.

Umkhandlu weTifundza

Kubunjwa kweMkhandlu waVelonkhe

- 60. (1) Umkhandlu weTifundza ubunjwe ngelitsimba lelinetitfunya letilishumi letivelu kuleso naleso sifundza.
- (2) Letitfunya letilishumi -
 - (a) tingemalunga lamane elikhetselo lafaka ekhatsi -
 - (i) Ndvunankhulu wesifundza nomu , uma Ndvunankhulu angekho, nomu nguliphi lilunga lesishayamtsetfo sesifundza lelikhetfwe nguNdvunankhulu jikelele nomu macondzana neludzaba lolutsite lolusembi kweMkhandlu waVelonkhe weTifundza; kanye
 - (ii) naletinye titfunya letintsatfu; kanye
 - (b) netitfunya letisitfupa lettingesuswa letikhetfwe ngekulandzela sigaba 61 (2).
- (3) Ndvunankhulu wesifundza, nomu uma ngabe Ndvunankhulu angekho, lilunga lelitsimba lesifundza lelikhetfwe nguNdvunankhulu, lihola lelitsimba.

Kubekwa kwetitfunywa

61. (1) Emacembu lekemelwe kusishayamtsetfo sesifundza anelilungelo lekuba netifunywa kulelitsimba lesifundza ngekulandzela lendlela lebekwe eNcenyen'i B yeShejuli 3.
- (2) (a) Kungakapheli emalanga langu-30 ngemuva kwekumenyetelwa kwemphumela welukhetfo lwasishayamtsetfo sesifundza, sishayamtsetfo kumele -
- (i) sincume, ngekulandzela umtsetfo wavelonkhe, ngekutsi tingaki titfunywa talinye ngalinye licembu letitawuba titfunywa letingesuswa nekutsi tingaki letitawuba titfunywa letitawuba telikhetselo; futsi
- (ii) sikhetse titfunywa letingesuswa ngekulandzela kuphakanyiswa kwemagama ngemacembu.
- (b) Sigaba (b) lesishiyewe ngekwasigaba2 seMtsetfo weLishumi naKune wekuChitjilelwka kweMtsetfosisekelo wanga-2008.

[Sigatjana (2) sivalwe ngesigaba 1 seMtsetfo weMfica wekuChitjijiyelwa kweMtsetfosisekelo wanga-2002.] nangesigaba 1 seMtsetfo weLishumi naKune wekuChitjilelwka kweMtsetfosisekelo wanga-2008.]

- (3) Lomtsetfo wavelonkhe lohlongotwe esigatjaneni (2)(a) kumele ucinisekise kumbandzakanyeka kwemacembu lamancane kuto totimbili letinhlobo tetitfunywa letingesuswa netitfuywa telikhetselo ngendlela lehambisana nentsando yelingyenti.
- (4) Sishayamtsetfo, ngekuvumelana kwaNdvunankhulu kanye nebaholi bemacembu lanelilungelo lekuba netifunywa telikhetselo elitsimbeni lesifundza, kumele simise titfunywa telikhetselo, njengoba kudzingeka njalo ngesikhatsi, kulamalunga esishayamtsetfo.

Titfunywa letingesuswa

62. (1) Umuntfu lokhetfwe njengesitfunywa lesingesuswa kumele abe ngulovumelekile kuba lilunga leshayamtsetfo sesifundza.
- (2) Uma ngabe umuntfu lolilunga leshayamtsetfo akhetfwa njengesitfunywa lesingesuswa, lowo muntfu akabe asaba lilunga leshayamtsetfo.
- (3) Titfunywa letingesuswa tikhetselwa sikhatsi lesiphela -
- (a) ngembili nje kwekuhlangana kwekucala kwasishayamtsetfo sesifundza ngemuva kwelukhetfo lwaso lolulandzelako; noma

[Sigatjana (3) sivalwe ngesigaba 2 seMtsetfo weMfica wekuChitjiyelwa kweMtsetfosisekelo wanga-2002 nangekwesigaba 4 seMtsetfo weLishumi naKune wekuChitjiyelwa kweMtsetfosisekelo wanga-2008]

- (4) Umuntfu akabe asaba sitfunywa lesingesuswa uma ngabe lowo muntfu -
 - (a) angasavumeleki kuba lilunga leshayamtsetfo sesifundza ngesizatfu lesinye ngaphandle kwaleso sekukhetfa abe lilunga lelingesuswa;
 - (b) aba lilunga leKhabbinethi;
 - (c) asalahlekelwe kwetsenjwa shayamtsetfo sesifundza futsi ahociswe licembu lelimkhetsile;
 - (d) angasabi lilunga lalelicembu lelamkhetsa lowo muntfu futsi ahociswe ngulelo cembu; nomu
 - (e) angabi khona eMkhandlwini waVelonkhe weTifundza ngaphandle kwemvume etimeni lapho imitsetfomgomo netibopho tibeka kulahlekelwa sikhundla sekuba sitfunywa lesingesuswa.
- (5) Tikhala ecenjini letifunywa letingesuswa kumele tivalwe ngekulandzela umtsetfo wavelonkhe.
- (6) Ngembi kweKucala kwenta umsebenti wato eMkhandlwini waVelonkhe weTifundza, titfunywa letingesuswa kumele tifunge noma tivume ngekutibophela kwetsembeka kuRiphabhlukhi nekutfobela uMtsetfosisekelo, ngekulandzela iShejuli 2.

Kuhlangana kweMkhandlu waVelonkhe weTifundza

63. (1) Umkhandlu weTifundza ungancuma tikhatsi nebudze bekuhlangana kwawo kanye netikhatsi tekuphumula.
- (2) Mengameli angabita Umkhandlu weTifundza kutsi ute emhlanganweni longaketayeleki nganoma ngusiphi sikhatsi kutewuchuba umsebenti welikhetselo.
- (3) Kuhlangana kweMkhandlu waVelonkhe weTifundza kuvumelekile kuletinye tindzawo ngaphandle kwendzawo yePhalamende kuphela ngetizatfu tetimfuno temmango, tekuphepha noma kufaneleka, futsi uma ngabe loko kumisiwe kumitsetfomgomo nasenchubeni yaloMkhandlu.

Sihlalo nemaSekela aSihlalo

64. (1) Umkhandlu weTifundza kumele ukhetse Sihlalo nemaSekela aSihlalo lamabili etitfunyweni.
- (2) Sihlalo nalinye liSekela bakhetfa etitfunyweni letingesuswa kutsi baphatse letikhundla iminyaka lesihlanu ngaphandle uma ngabe sikhatsi sabo sekuba titfunywa siphela kungakapheli leminyaka lesihlanu.
- (3) Leli lesibili liSekela laSihlalo likhetselwa kuphatsa lesikhundla umnyaka munye, kantsi kumele lilandzelwe sitfunywa lesibuya kulesinye sifundza, kuze kutsi tonkhe timelwe ngekulandzelana.
- (4) Somajaji kumele engamele lukhetfo lwaSihlalo, noma amise lelinye ijaji lelitakwenta loko. Sihlalo wengamela lukhetfo lwemaSekela aSihlalo.

[Sigatjana (4) sivalwe ngesigaba 5 seMtsetfo weSitupha wekuChitjiyelwa kweMtsetfosisekelo wanga-2001.]

- (5) Inchubo lemiswe eNcenyen'i A kuShejuli 3 iseBenta elukhetfweni lwaSihlalo kanye nemaSekela aSihlalo.
- (6) Umkhandlu weTifundza ungakhipha Sihlalo noma liSekela laSihlalo esikhundleni ngesincumo.
- (7) Ngekulandzela imitsetfomgomo netibopho tawo, Umkhandlu weTifundza ungakhetsa letinye tiphatsimandla tekwengamela emalungeni awo kutewulekelela Sihlalo nemaSekela aSihlalo.

Tincumo

65. (1) Ngaphandle lapho uMtsetfosisekelo usho ngalenye indlela -
- (a) sifundza ngasinye sinelivoti linye, lelifikwa egameni lesifundza yinhloko yetitfunywa tasoi; futsi
- (b) yonke imibono lesambi kweMkhandlu waVelonkhe weTifundza kusuke kuvunyelenwe ngayo uma ngabe lokungenani tifundza letisihlanu tiwemukela lowo mbono.
- (2) Umtsetfo wePhalamende, loshaywe ngekulandzela inchubo lebekwe ngekulandzela noma tigatjana (1) noma (2) tesigaba 76, kumele ubeke indlela lefanako lekumele tifundza tinikite ngayo ligunya etitfunyweni tato tekufaka emavoti egameni letifundza.

Kufaka sandla kwemalunga eSigungu savelonkhe lesengamele

66. (1) Emalunga eKhabhinethi kanye nanoma nguliphi liSekela leNdvuna yeMbuso lingaba khona, liphindze likhulume eMkhandlwini waVelonkhe weTifundza, kepha lingete lavota.
- (2) Umkhandlu weTifundza ungabita lilunga leKhabhinethi, liSekela leNdvuna yeMbuso noma siphatsimandla seSigungu lesengamele kuvelonkhe noma leSigungu sesifundza lesengamele kutsi sibe khona emhlanganweni weMkhandlu noma welikomidi laloMkhandlu.

Kufaka sandla kwalabamele hulumende wasekhaya

67. Emalunga ngalokungakagcwali langengci kusalishumi lakhetfwe bohulumende labahlelekile basekhaya ngekulandzela sigaba 163 kutewumela tigaba letehlukene tabomasipala angafaka sandla uma kudzingekile kunchubo yeMkhandlu waVelonkhe weTifundza kodvwa angete avote.

Emandla eMkhandlu waVelonkhe weTifundza

68. (1) Ekusebentiseni emandla awo ekushaya umtsetfo, Umkhandlu weTifundza -
- (a) ungacubungula, ushaye, uchibiyele noma ucitse noma ngumuphi umtsetfo losembi kweMkhandlu, ngekulandzela leSAHLUKO; futsi
 - (b) ungasukumisa noma ulungise umtsetfo lowela kuleyo migudvu yemisebenti lehleliswe kuShejuli 4 noma lomunye umtsetfo lophawulwe esigaben 76 (3), kepha angeke usukumise noma ulungise iMitsetfosivivinyo yetetimali.

Bufakazi noma imininingwane lesembi kweMkhandlu waVelonkhe

69. Umkhandlu weTifundza noma nguaphi emakomiti awo –

- (a) ungabita noma ngumuphi umuntfu kutsi atewuvela embi kwawo kutewuniketa bufakazi ngekubufungela noma ngekuvuma, noma kutsi aletse imiculu;
- (b) ungafuna noma ngumuphi umuntfu noma sikhungo kutsi sitewubika kuwo;
- (c) ungaphocelela, ngekulandzela umtsetfo wavelonkhe noma imitsetfomgomgo netibopho, noma ngumuphi umuntfu noma sikhungo kutsi sihloniphe lokubitwa noma lesidzingo ngaphasi kwetigatjana(a) noma (b); futsi
- (d) ungemukela tikhalo, kubekwa kwelovo noma tetfulo lokuvela kunoma ngumuphi umuntfu noma sikhungo lesinenhisekelo.

Kuhlelembisa kwangekhatsi, lokuchubekako netinchubo teMkhandlu waVelonkhe

70. (1) Umkhandlu weTifundza -
- (a) ungancuma uphindze ulawule kuhlelembisa kwangekhatsi, lokuchubekako netinchubo tawo; futsi
 - (b) ungenta imitsetfomgomu netibopho macondzana nemisebenti yawo, ngekubukisisa intsandvo yelinyenti macondzana nekumelela nekumbamba indzima, kutiphendvulela, kuba selubala kanye nekumbandzakanyeka kwemmango.
- (2) Imitsetfomgomu netibopho teMkhandlu waVelonkhe weTifundza kumele tiniketele -
- (a) ngekusungulwa, kubunja, emandla, imisebenti, tinchubo kanye nebudze besikhatsi semakomiti awo;
 - (b) ngekfaka sandla kwato tonkhe tifundza emisebentini yeMkhandlu waVelonkhe weTifundza ngendlela lehambisana nentsandvo yelinyenti; kanye
 - (c) nangekfaka sandla kwemacembu lamancane lekamelwe eMkhandlwini emisebentini yeMkhandlu waVelonkhe weTifundza nemakomiti awo, ngendlela lehambisana nentsandvo yelinyenti, uma ludzaba lutawuncunywa ngekulandzela sigaba 75.

Lilungelomvume

71. (1) Titfunywa teMkhandlu waVelonkhe weTifundza kanye nebantfu labaphawulwe etigabeni 66 na-67 -
- (a) tinenkhululeko yekukhuluma eMkhandlwini kanye nasemakomitini awo, ngaphasi kwemibandzela yemitsetfomgomu netibopho tawo; futsi
 - (b) akukafaneli tibekwe licala lembango noma lebugebengu, tiboshwe, tivalelwae ejele noma tihlawuliswe -
 - (i) mayelana nanoma yini letiyishoko, letiyetfule noma letiyendlale kuloMkhandlu noma kunoma nguliphi likomidi lawo; noma
 - (ii) mayelana nanoma yini levetwe ebeleni ngesizatfu sanoma yini letiyishito, letiyetfule noma letiyendlale kuloMkhandlu noma kunoma nguliphi likomidi lawo.

- (2) Lamanye emalungelomvume nekuviikeleka kwemalunga eMkhandlu waVelonke weTifundza, titfunywa teMkandlu kanye nebantfu labaphawulwe ngaphasi kwetigaba 66 na-67 angamiswa ngumtsetfo wavelonkhe.
- (3) Imiholo, tibonelelo netinzozo letikhokhelwa emalunga langesuswa eMkhandlu waVelonke weTifundza aluphakelo lolucondzene nesiKhwama saVelonke seMali.

Kuvumeleka kwemmango nekufaka sandla eMkhandlwini waVelonkhe

72. (1) Umkhandlu weTifundza kumele -
- (a) ucinisekise kufaka sandla kwemmango etinhlelweni tekushaya umtsetfo kanye naletinye teMkandlu kanye nemakomiti awo; futsi
 - (b) uchube umsebenti waho ngendlela leselubala, futsi ubambe imihlangano yaho, kanye naleyo yemakomiti awo, elubala, kepha kunetinyatselo letifanelekile lettingatsatfwa -
 - (i) kulawula kuvumeleka kwemmango, lokufaka ekhatsi kuvumeleka kwebemitombo yetindzaba, kuloMkandlu nemakomiti awo; kanye
 - (ii) nekuniketela ngekuseshwa kwanoma ngumuphi umuntu kanye, uma kufanelekile, nekwencatjewla kwekungena, noma kuhishwa, kwanoma ngumuphi umuntu.
- (2) Umkhandlu weTifundza akumelanga wencabele ummango, kufaka ekhatsi bemitombo yetindzaba, kunoma ngumuphi umhlangano wekomiti ngaphandle uma kufanelekile futsi kunebulungiswa kwenta njalo emmangweni loselubala wentsandvo yelingyenti.

Inchubo yekushaya umtsetfo waVelonkhe

IMitsetfosivivinyo Yonke

73. (1) Noma ngumuphi uMtsetfosivivinyo ungetfulwa ngembi kweSigungu saVelonkhe.
- (2) Lilunga leKhabhinethi kuphela noma liSekela leNdvuna yeMbuso, noma lilunga noma ikomiti yeSigungu saVelonkhe lelingengetfula uMtsetfosivivinyo embi kweSigungu, kepha lilunga leKhabhinethi lelibukene netindzaba tetimali kuvelonkhe kuphela lelingengetfula leMitsetfosivivinyo lelandzelako embi kweSigungu -

- (a) uMtsetfosivivinyo wetetimali; noma
- (b) uMtsetfosivivinyo loniketela ngemtsetfo lohlongotwa esigabeni 214.

[Sigatjana (2) sivalwe ngesigaba 1(a) seMtsetfo weSikhombisa wekuChitjiyelwa kweMtsetfosisekelo wanga-2001.]

- (3) UMTsetfosivivinyo lophawulwe esigabeni 76 (3), ngaphandle kweMtsetfosivivinyo lophawulwe esigatjaneni (2)(a) noma (b) walesigaba, ungetfulwa embi kweMkhandlu waVelonkhe weTifundza.

[Sigatjana (3) sivalwe ngesigaba 1(b) seMtsetfo weSikhombisa wekuChitjiyelwa kweMtsetfosisekelo wanga-2001.]

- (4) Lilunga noma ikomiti yeMkhandlu waVelonkhe weTifundza kuphela lelingetfula uMtsetfosivivinyo embi kweMkhandlu.
- (5) UMTsetfosivivinyo lophasiwe Sigungu saVelonkhe kumele utfunyelwe kUmkhandlu weTifundza uma ngabe kumele ucutjungulwe nguloMkhandlu. UMTsetfosivivinyo lophasiswe nguMkhandlu weTifundza kumele utfunyelwe esiGungwini saVelonkhe.

IMitsetfosivivinyo lechibiyela uMtsetfosisekelo

- 74. (1) Sigaba 1 kanye nalesigatjana tingaChitjiyelwa nguMtsetfosivivinyo lophasiswe –
 - (a) Sigungu saVelonkhe, ngekwesekelwa kwemavoti lokungenani langemaphesenti langu-75 emalunga aso; kanye
 - (b) nanguMkhandlu weTifundza ngekwesekelwa ngemavoti lokungenani etifundza letisitfupha.
- (2) SAHLUKO 2 singaChitjiyelwa nguMtsetfosivivinyo lophasiswe –
 - (a) Sigungu saVelonkhe ngekwesekelwa ngemavoti lokungenani langulokubili kulokutsatfu kwemalunga aso; kanye
 - (b) nanguMkhandlu weTifundza ngekwesekelwa ngemavoti lekungenani etifundza letisitfupha.
- (3) Letinye tiphakamiso teMtsetfosisekelo tingaChitjiyelwa nguMtsetfosivivinyo lophasiswe –
 - (a) Sigungu saVelonkhe ngekwesekelwa ngemavoti lokungenani langulokubili kulokutsatfu kwemalunga awo; kanye
 - (b) nanguMkhandlu weTifundza ngekwesekelwa ngemavoti lokungenani etifundza letisitfupha, uma ngabe lokuChitjiyelwa –

- (i) kuphatselene neludzaba lolutsintsia Umkhandlu weTifundza;
- (ii) kugucula iminyele, emandla, imisebenti noma tikhungo tetifundza; noma
 - (iii) kuchibiyela siphakamiso lesicondzene-ncgo neludzaba l̄wesifundza.
- (4) UMtsetfosivivinyo lochibiyela uMtsetfosisekelo akumelanga ufake ekhatsi letinye tiphakamiso ngaphandle kwetichibiyelo temtsetfosisekelo nalokunye lokuphatselene naletichibiyelo.
- (5) Lokungenani emalanga langu-30 ngemb̄i kwekutsi uMtsetfosivivinyo lochibiyela uMtsetfosisekelo wetfulwe ngekulandzela sigaba 73(2), lomuntfu noma ikomiti lefuna kwetfula loMtsetfosivivinyo kumele -
 - (a) ashicilele kuGazethi yaHulumende, futsi ngekuvumelana nemitsetfomgomō netibopho teSigungu saVelonkhe imininingwane yalesichibiyelo leshlongotwako kuze sive sitawuphawula;
 - (b) etfule ngekuvumelana nemitsetfomgomō netibopho teSigungu leyo mininingwane kutishayamtsetfo tetifundza kuze tibeke imibono yato;
 - (c) etfule ngekuvumelana nemitsetfomgomō netibopho teMkhandlu waVelonkhe weTifundza, leyo mininingwane eMkhandlwini kuze sive sikwati kucocisana ngawo, uma ngabe lesichibiyelo leshlongotiwe akusiso sichibiyelo lesidzinga kuphasiswa nguMkhandlu.
- (6) Uma uMtsetfosivivinyo lochibiyela uMtsetfosisekelo wetfulwa umuntfu noma ikomiti leyeffula lowo Mtsetfosivivinyo kumele etfule noma ngukuphi kuphawula lokubhaliwe lokutfolakale esiveni nakutishayamtsetfo tetifundza -
 - (a) kuSihlalo lotawendlala embi kweSigungu saVelonkhe; kanye
 - (b) uma kutichibiyelo letiphawulwe etigatjaneni (1), (2) noma (3)(b) kuSihlalo weMkhandlu waVelonkhe weTifundza lotawendlala embi kweMkhandlu.
- (7) UMtsetfosivivinyo lochibiyela uMtsetfosisekelo ungete wavotelwa esiGungwini savelonkhe emalangeni langu-30 -
 - (a) wetfuliwe uma Sigungu sihlangene ngalesikhatsi loMtsetfosivivinyo wetfulwa; noma
 - (b) wendlaliwe embi kweSigungu, uma Sigungu wephumulile ngalesikhatsi loMtsetfosivivinyo wetfulwa.
- (8) Uma uMtsetfosivivinyo lophawulwe esigatjaneni (3)(b), noma ngabe nguyiphi incenye yalowo Mtsetfosivivinyo, uphatselenengco nesifundza noma tifundza

leitsite, Umkhandlu weTifundza ungete wawuphasisa loMtsetfositivinyo noma lenceny e yaho letsintsekako ngaphandle uma ngabe wemukelwe sishayamtsetfo sesifundza noma tishayamtsetfo tetifundza letsintsekako.

- (9) UMTsetfositivinyo lochibiyela uMtsetfositivinyo ngaphandle kweMtsetfositivinyo lapho lenchubo lemiswe esigabeni 74 noma 76 ise benta khona, lowo Mtsetfositivinyo kumele utfunyelwe eMkhandlwini waVelonkhe weTifundza kutsi usetjentwe ngekuvumelana nalenchubo lelandzelako:

- (a) Umkhandlu kumele -
 - (i) uphasisa loMtsetfositivinyo;
 - (ii) uphasisa loMtsetfositivinyo loChitjiyelwe; noma
 - (iii) ucitise loMtsetfositivinyo.
 - (b) Uma ngabe uMkhandlu uphasisa uMtsetfositivinyo ngaphandle kwetichibiyelo, loMtsetfositivinyo kumele umikiswe kuMengameli kutsi awamukele.
 - (c) Uma ngabe uMkhandlu uwucitsa lomtsetfositivinyo noma uwuphasisa ngembandzela wekuChitjiyelwa, uMkhandlu kumele uphindze uwucubungule lowo Mtsetfositivinyo, unake noma ngutiphi tichibiyelo letiphakanyiswe nguMkhandlu, bese -
 - (i) uwuphasisa lowo Mtsetfositivinyo futsi, noma netichibiyelo noma ngaphandle kwato; noma
 - (ii) ungancuma kungachubeki nalowo Mtsetfositivinyo.
 - (d) UMTsetfositivinyo lophasisiwe nguMkhandlu waVelonkhe ngekulandzela sigatjana(c) kumele umikiswe kuMengameli kutsi awamukele.
- (2) Uma ngabe Umkhandlu weTifundza uvota mayelana neliphuze lelitsite ngaphasi kwalesigaba, sigaba 65 asisebenti; kepha
 - (a) ngasinye sitfunywa selitsimba letitfunywa tesifundza sinelivoti linye;
 - (b) linyenti lemalunga etitfunywa langukunye kulokutsatfu kumele libe khona kungakatsatfwa livoti ngaleliphuze; futsi

- (c) leliphuzu lemukelwe ngekutfola emavoti lamanyenti, kepha uma kunelinani lelilinganako alabalemukelako nalabalicitsako, sitfunywa lesisesihlalweni sifaka livoti lesincumo.

IMitsetfosivivinyo leyetayelekile letsintsia tifundza

76. (1) Uma ngabe uMkhandlu waVelonke uphasisa uMtsetfosivivinyo lophawulwe esigatjaneni (3), (4) noma (5), Iowo Mtsetfosivivinyo kumele wemukelwe eMkhandlwini waVelonke weTifundza futsi usetjentwe ngalendlela lelandzelako:
- (a) UMKhandlu kumele -
(i) uphasise loMtsetfosivivinyo;
(ii) uphasise loMtsetfosivivinyo loChitjiyelwe; noma
(iii) ucitse loMtsetfosivivinyo.
- (b) Uma ngabe uMkhandlu uphasisa uMtsetfosivivinyo ngaphandle kwetichibiyelo, loMtsetfosivivinyo kumele umikiswe kuMengameli kutsi awamukele.
- (c) Uma ngabe uMkhandlu uphasisa uMtsetfosivivinyo loChitjiyelwe, Iowo Mtsetfosivivinyo loChitjiyelwe kumele umikiswe eMkhandlwini, kantsi uma ngabe loMkhandlu uyawuphasisa loMtsetfosivivinyo loChitjiyelwe, kumele umikiswe kuMengameli awamukele.
- (d) Uma ngabe uMkhandlu uwucitsa Iowo Mtsetfosivivinyo noma uma ngabe uMkhandlu wala kuphasisa uMtsetfosivivinyo lophawulwe esigaben(c), Iowo Mtsetfosivivinyo noma , lapho kufanele khona, loMtsetfosivivinyo loChitjiyelwe, kumele uysiswe eKomidini lekuLamula, lelingavumelana -
(i) naloMtsetfosivivinyo njengoba uphasiswe nguMkhandlu waVelonke;
(ii) nekuChitjiyelwa kwaloMtsetfosivivinyo njengoba uphasiswe nguMkhandlu weTifundza; noma
(iii) nalomunye umbhalo waloMtsetfosivivinyo.
- (e) Uma ngabe likomidi lekuLamula lehluleka kuvumelana kungakapheli emalanga lange-30 ngeMtsetfosivivinyo lotfunyelwe kulo, Iowo Mtsetfosivivinyo kumele ulahlwe ngaphandle uma ngabe uMkhandlu waVelonke uwuphasisa futsi loMtsetfosivivinyo, kepha kufanele wesekelwe ngelinani lokungenani lemalunga langulokubili kulokutsatu wemalunga awo.
- (f) Uma ngabe lelikomidi lekuLamula liwemukela Iowo Mtsetfosivivinyo njengoba uphasiswe nguMkhandlu waVelonke, loMtsetfosivivinyo kumele utfunyelwe

- eMkhandlwini waVelonkhe weTifundza, futsi uma ngabe loMkhandlu waVelonkhe weTifundza uyawuphasisa loMtsetfosivivinyo, kumele uysiswe kuMengameli kutsi awamukele.
- (g) Uma ngabe likomidi lekuLamula livumelana ngeMtsetfosivivinyo loChitjiyelwe waphasiswa nguMkhandlu weTifundza, lowo Mtsetfosivivinyo kumele utfunyelwe eMkhandlwini waVelonkhe, futsi uma uphasiswe nguloMkhandlu waVelonkhe, kumele umukiswe kuMengameli kutsi awamukele.
 - (h) Uma ngabe likomidi lekuLawula livumelana ngeMtsetfosivivinyo lowehlukile kunalowo lovuniwe, lolo luhlobo lweMtsetfosivivinyo kumele lutfunyelwe kuyo yomibili uMkhandlu waVelonkhe kanye nemKhandlu weTifundza kutsi iwemukele, uma ngabe uphasiswe nguMkhandlu waVelonkhe noma weTifundza kumele utfunyelwe kuMengameli kutsi awamukele.
 - (i) Uma ngabe uMtsetfosivivinyo lotfunyelwe eMkhandlwini weTifundza ngekulandzela sigatjana (f) noma (h) ungaphasiswa nguloMkhandlu, lowo Mtsetfosivivinyo uphelelwa sikhatsi ngaphandle uma ngabe uMkhandlu waVelonkhe uwuphasisa ngekwesekelwa livoti lokungenani lalokubili kulokutsatfu lemalunga awo.
 - (j) Uma ngabe uMtsetfosivivinyo lotfunyelwe eMkhandlwini weTifundza ngekulandzela sigatjana (g) noma (h) ungaphasiswa nguloMkhandlu, lowo Mtsetfosivivinyo uphelelwa sikhatsi kepha lowo Mtsetfosivivinyo njengoba waphasiswa nguloMkhandlu ekucaleni ungaphindze futsi uphasiswe nguloMkhandlu, kepha ngekwesekelwa livoti lemalunga langulokubili kulokutsatfu emalunga awo.
 - (k) UMTsetfosivivinyo lophasiswe nguMkhandlu waVelonkhe ngekulandzela sigatjana(e),(i) noma (j) kumele utfunyelwe kuMengameli awamukele.
- (2) Uma uMkhandlu weTifundza uphasisa uMtsetfosivivinyo lophawulwe esigatjaneni (3) lowo Mtsetfosivivinyo kumele utfunyelwe eMkhandlwini waVelonkhe futsi esetjentwe ngekulandzela lenchubo lelandzelako -
- (a) UMkhandlu waVelonkhe kumele -
 - (i) uphasise loMtsetfosivivinyo;
 - (ii) uphasise loMtsetfosivivinyo loChitjiyelwe; noma
 - (iii) ucitsi loMtsetfosivivinyo.
 - (b) UMTsetfosivivinyo lophasiswe nguMkhandlu waVelonkhe ngekulandzela sigatjana(a)(i) kumele umikiswe kuMengameli kutsi awamukele.

- (c) Uma ngabe uMkhandlu uphasisa uMtsetfositivivinyo loChitjiyelwe, Iwo Mtsetfositivivinyo loChitjiyelwe kumele umikiswe eMkhandlwini weTifundza, kantsi uma ngabe loMkhandlu uyawuphasisa loMtsetfositivivinyo loChitjiyelwe, kumele umikiswe kuMengameli awamukele.
- (d) Uma ngabe uMkhandlu uwucitsa Iwo Mtsetfositivivinyo noma uma ngabe uMkhandlu weTifundza wala kuphasisa uMtsetfositivivinyo loChitjiyelwe lophawulwe esigaben(c), Iwo Mtsetfositivivinyo noma, lapho kufanele khona, loMtsetfositivivinyo loChitjiyelwe, kumele uyiswe ekomidini lekuLamula, lelingavumelana -
 - (i) naloMtsetfositivivinyo njengoba uphasiswe nguMkhandlu weTifundza;
 - (ii) nekuChitjiyelwa kwaloMtsetfositivivinyo njengoba uphasiswe nguMkhandlu waVelonkhe; noma
 - (iii) nalomunye umbhalo walоМtsetfositivivinyo.
- (e) Uma ngabe likomidi lekuLamula lehluleka kuvumelana kungakapheli emalanga langu-30 ngeMtsetfositivivinyo lotfunyelwe kulo, Iwo Mtsetfositivivinyo uphezelwa sikhatsi.
- (f) Uma ngabe elikomidi lekuLamula liwemukela Iwo Mtsetfositivivinyo njengoba uphasiswe nguMkhandlu waVelonkhe, loMtsetfositivivinyo kumele utfunyelwe eMkhandlwini waVelonkhe weTifundza, futsi uma ngabe loMkhandlu weTifundza uyawuphasisa loMtsetfositivivinyo, kumele uysiswe kuMengameli kutsi awamukele.
- (g) Uma ngabe likomidi lekuLamula livumelana ngeMtsetfositivivinyo loChitjiyelwe waphasiswa nguMkhandlu weTifundza, Iwo Mtsetfositivivinyo kumele utfunyelwe eMkhandlwini waVelonkhe, futsi uma uphasiswe nguloMkhandlu waVelonkhe, kumele umikiswe kuMengameli kutsi awamukele.
- (h) Uma ngabe likomidi lekuLawula livumelana ngeMtsetfositivivinyo lowehlkile kunalowo lovuniyiwe, lolohlu lweMtsetfositivivinyo kumele lutfunyelwe kuyo yomibili uMkhandlu waVelonkhe kanye neMkhandlu weTifundza kutsi iwemukele, uma ngabe uphasiswe nguMkhandlu waVelonkhe noma weTifundza kumele utfunyelwe kuMengameli kutsi awamukele.
- (i) Uma ngabe uMtsetfositivivinyo lotfunyelwe eMkhandlwini weTifundza ngekulandzela sigatjana (f) noma (h) ungaphasiswa nguloMkhandlu, Iwo Mtsetfositivivinyo uphezelwa sikhatsi.

- (3) UMTsetfosivivinyo kumele usetjentwe ngekulandzela inchubo lephawulwe esigatjaneni (1) noma esigatjaneni (2) uma ngabe uwela ngaphasi kwemandla ekusebenta labekwe kuShejuli 4 noma uma ngabe wenta kube khona kushaywa kwemtsetfo lokubekwe noma ngusiphi sigaba saleti letilandzelako:
- (a) sigaba 65(2);
 - (b) sigaba 163;
 - (c) sigaba 182;
 - (d) sigaba195(3) na-(4);
 - (e) sigaba sigaba 196; kanye
 - (f) nesigaba 197.
- (4) UMTsetfosivivinyo kumele usetjentwe ngekulandzela inchubo lephawulwe esigatjaneni (1) uma ngabe wenta kube khona kushaywa kwemtsetfo -
- (a) lobekwe esigabeni 44 (2) noma 220 (3); noma
 - (b) lobekwe eSehlukweni 13, futsi lofaka ekhatsi noma ngusiphi simiso lesiphatselene netindzaba tetimali temkhakha wahulumende weTifundza.
- [Indzima(b) ivalwe ngesigaba 1 seMtsetfo weLishumi naKunye wekuChitjiyelwa kweMtsetfosisekelo wanga-2003.]
- (5) UMTsetfosivivinyo lophawulwe esigabeni 42 (6) kumele usetjentwe ngekulandzela inchubo lephawulwe esigatjaneni (2), ngaphandlenje -
- (a) uma uMkhandlu waVelonkhe uvota ngaloMtsetfosivivinyo, timiso tesigaba 53 (1) atisebenti, esikhundleni saloko, loMtsetfosivivinyo ungaphasiswa kuphela-nje uma ngabe linyenti lemalunga eMkhandlu waVelonkhe livito ngekeweskela; futsi
 - (b) uma ngabe loMtsetfosivivinyo wendluliselwa eKomidini lekuLamula, kusetjentiswa lemitsetfomgomgo lelandzelako -
 - (i) uma ngabe uMkhandlu waVelonkhe ubuka uMtsetfosivivinyo lophawulwe esigatjaneni (1) (g) noma (h) lowo Mtsetfosivivinyo ungaphasiswa kuphela-nje uma ngabe linyenti lemalunga eMkhandlu waVelonkhe liweskela.
 - (ii) Uma ngabe uMkhandlu waVelonkhe ubuka noma ubuketa uMtsetfosivivinyo lophawulwe esigatjaneni (1)(e),(i) noma (j), lowo Mtsetfosivivinyo ungaphasiswa kuphela-nje uma ngabe emalunga langulokubili kulokutsatfu eMkhandlu waVelonkhe aweskela.

- (6) Lesigaba asisebenti eMitsetfwenisivivinyo yetetimali.

IMitsetfosivivinyo yetetiMali

77. (1) UMTsetfosivivinyo nguMtsetfosivivinyo wetetimali uma -
(a) waba imali;
(b) ubeka tintsela, tinhlawulo netimali letibhadalwako;
(c) ucitsa noma wehlisa, noma uniketela ngekucolelwa macondzana, nanoma ngutiphi tintsela, tinhlawulo, netimali letibhadalwako; noma
(d) ugunyata tindleko-ngco esiKhwameni saVelonkhe seMali, ngaphandle uma uMtsetfosivivinyo lohlongotwe esigabeni 214 sigunyata tindleko-ngco.
- (2) UMTsetfosivivinyo wetetimali akumelanga utsintsane nalolunye ludzaba ngaphandle -
(a) kweludzaba lolweyamile loluhambisana nekwabiwa kwemali;
(b) kwekubekwa kucitfwa noma kukhishwa kwetintselo tavelonkhe, tinhlawulo noma timali letibhadalwako;
(c) kuniketwa kwekucolelwa macondzana, nanoma ngutiphi tintsela, tinhlawulo, netimali letibhadalwako; noma
(d) kugunyatwa kwetindleko-ngco esiKhwameni saVelonkhe seMali.
- (3) Yonkhe iMitsetfosivivinyo yetetimali kumele ibekwe ngekulandzela inchubo lephawulwe esigabeni 75. UMTsetfo wePhalamende kumele wente kube khona inchubo yekuChitjiyelwa kweMitsetfosivivinyo yetetimali ePhalamende.

[Sigaba 77 sivalwe ngesigaba 2 seMtsetfo weSikhombisa wekuChitjiyelwa kweMtsetfosisekelo wanga-2001.]

Likomidi lekuLamula

78. (1) Likomidi lekuLamula libunjwe -
(a) ngemalunga layimfica eMkhandlu waVelonkhe lekakhetfwe nguloMkhandlu ngekulandzela inchubo yemitseshwana netibopho yaloMkhandlu futsi leyenta kube nemphumela wekumelwa kwemacembu etembusave ngendlela lefana naleyo lekamelwe ngayo eMkhandlwini waVelonkhe; futsi
(b) ngesitfunywa sinye lesiphuma kulelo nalelo cembu letitfunywa tetifundza lesikhETFWE ngemalunga esifundza eMkhandlwini waVelonkhe weTifundza.

- (2) Likomidi lekuLamula lisuke livumelene ngembhalo lotsite weMtsetfosivivinyo noma lincumile ngembuto lotsite uma lowo mbhalo lomusha noma lelinye licala lalowo mbuto, lesekeliwe –
- (a) lokungenani ngemalunga lasihlanu lamele uMkhandlu waVelonkhe; futsi
 - (b) lokungenani ngemalunga lasihlanu lekamele Umkhandlu weTifundza.

Kubusiswa kweMtsetfosivivinyo

79. (1) Mengameli kumele abusise aphindze futsi asayine uMtsetfosivivinyo lophasiswe negekwale SAHLUKO noma, uma ngabe Mengameli anekungabata ngebumtsetfosisekelo balowo Mtsetfosivivinyo, awubuyisele eMkhandlwini waVelonkhe uyewubuketwa kabusha.
- (2) Lemitsetfomgomgo netibopho letihlanganyelwe kumele tibeke inchubo yekubuyeketwa kabusha kweMtsetfosivivinyo nguMkhandlu waVelonkhe kanye neyekubambisana neMkhandlu waVelonkhe weTifundza kulenchubeko.
- (3) Umkhandlu weTifundza kumele ufake sandla ekubuyeketweni kabusha kwaloMtsetfosivivinyo lobuyiselwe nguMengameli emuva eMkhandlwini waVelonkhe uma ngabe –
- (a) kungabata kwaMengameli ngebumtsetfosisekelo baloMtsetfosivivinyo kuphat selene nenchubo letsinta Umkhandlu weTifundza; noma
 - (b) sigaba 74 (1), (2) noma (3)(b) noma 76 sasebenta uma kuphasiswa lowo Mtsetfosivivinyo.
- (4) Uma ngabe, ngemuva kwekubuyeketwa kabusha, loMtsetfosivivinyo uyatenetisa ngalokugcwele timfuno teMengameli, Mengameli kumele awamukele aphindze futsi awusayine lowo Mtsetfosivivinyo, uma ngabe kungesinjalo, Mengameli kumele –
- (a) awamukele aphindze futsi awusayine lowo Mtsetfosivivinyo; noma
 - (b) awutfumele eNkantolo yeMtsetfosisekelo kutsi ikhiphe sincumo sayo ngekuhambisana kwawo nemtsetfosisekelo.
- (5) Uma ngabe iNkantolo yeMtsetfosisekelo incuma kutsi luMtsetfosivivinyo uyahambisana neMtsetfosisekelo Mengameli kumele awamukele aphindze futsi awusayine.

Sicelo semaLunga eMkhandlu waVelonkhe eNkantolo yeMtsetfosisekelo

80. (1) Emalunga eMkhandlu waVelonkhe angasenta sicelo eNkantolo yeMtsetfosisekelo sekutfolu sincumo lesibeka kutsi wonkhe noma incenye leMtsetfo wePhalamende ayihambisane nemtsetfosisekelo.
- (2) Lesicelo kumele -
- (a) sesekele lokungenani ngemalunga langukunye kulokutsatu eMkhandlu; futsi
 - (b) sentiwe kungakapheli emalanga langu-30 kusukela ngalelo langa Mengameli labusisa waphindza futsi wawusayina ngalo lowo Mtsetfo.
- (3) iNkantolo yeMtsetfosisekelo ingancuma kutsi lowo Mtsetfo noma incenye yawo lekunesicelo ngawo noma ngayo ngekwesigatjana (1) awunawo emandla kuze kufike lapho iNkantolo incuma mayelana nesicelo kutsi -
- (a) tinjongo tebulungiswa tiyakudzinga loku; futsi
 - (b) lesicelo sibonakala sengatsi sitawuphumelela.
- (4) Uma ngabe lesicelo singaphumeleli, futsi sibe besingenato timphawu tekuphumelela, iNkantolo yeMtsetfosisekelo ingaphocelela labafake lesicelo kutsi batfwale tindleko.

Kushicilelewa kweMitsetfo

81. UMTsetfosisekelo lobusiswe waphindze futsi wasayinwa nguMengameli uba nguMtsetfo wePhalamende, kumele ushicilelw masinyane, futsi ucalu kusebenta uma sewushicilelw noma ngemalanga lalandzelako ngekubeka kwalowo Mtsetfo.

Kulondvolotwa kweMitsetfo yePhalamende

82. Lencwajana lesayiniwe yeMtsetfo wePhalamende ibufakazi lobuphelele betimiso talowo Mtsetfo, futsi kumele ngemuva kwekushicilelw uniketwe iNkantolo yeMtsetfosisekelo kutsi iwulondvolote.

SEHLUKO 5

MENGAMELI KANYE NESIGUNGU LESENGAMELE

Mengameli

83. Mengameli -

- (a) uyiNhloko yeMbuso futsi uyinhloko yeSigungu savelonkhe lesengamele;
- (b) kumele asekele, avikele futsi ahloniphe uMtsetfosisekelo njengemtsetfo lophakeme kunayo yonkhe imitsetfo yeRiphabhlukhi; futsi
- (c) ukhutsata lubumbano Iwesive kanye naloko lokutawuchubekisela iRiphabhlukhi embili.

Emandla kanye nemisebenti yaMengameli

- 84. (1) Mengameli unemandla laniketwe wona nguMtsetfosisekelo nemtsetfo, lokufaka ekhatsi nalawo ladzingeka kutsi akwati kwenta imisebenti yeNhloko yeMbuso nehloko yeSigungu savelonkhe lesengamele.
- (2) Mengameli wetfjeswe umtfwalo -
 - (a) wekubusisa aphindze futsi asayine iMtsetfosivivinyo;
 - (b) wekubuyisela emuva uMtsetfosivivinyo esiGungwini saVelonkhe kutsi ubuyeketwe kabusha mayelana kuhambisana kwavo neMtsetfosisekelo.
 - (c) wekwendulilisela uMtsetfosivivinyo eNkantolo yeMtsetfosisekelo kutsi yente sincumo kutsi lowo Mtsetfosivivinyo ngabe uyahambisana yini neMtsetfosisekelo;
 - (d) wekubita Sigungu saVelonkhe, Umkhandlu weTifundza noma iPhalamende kutsi ite emhlanganweni longaketayeleki kutewuchuba umsebenti welikhetselo;
 - (e) wekubeka bantu etikhundleni lapho uMtsetfosisekelo noma umtsetfo udzinga kutsi Mengameli akwente loko, ngaphandle kwekutsi angusihlalo weSigungu savelonkhe lesengamele;
 - (f) wekubeka emaKhomishani eluphenyo;
 - (g) wekubita kutsi sive sibeke luvo Iwaso sonkhe ngekweMtsetfo wePhalamende;
 - (h) wekuhloniha nekwemukela bosomachinga lababuya emaveni angaphandle nemancusa lekatawumela emave awo kuleli;

- (i) wekukhetsa emancusa, titfunywa letinemandla ekutitsatsela tincumo, bosomachinga nemancusa layawumela lelive ngaphandle kwaleli;
- (j) wekucolela tiboshwa noma wekwehlisa tigwebo futsi wekwehlisa tinhlawulo, kujeziswa noma kulahlekelwa tinhlawulo; kanye
- (k) newekuniketa buhlonishwa.

[Emavi ekuhlonipha akhishwe kuMtsetfo lothicilelwé kuGazethi yaHulumende 24155 yangeNgongoni 6 2002 nakuGazethi yaHulumende 25213 yangaKhlowane 2003]

Ligunya lekwengamela eRiphabhulikhí

85. (1) Ligunya lekwengamela eRiphabhulikhí libekwe emahlombe eMengameli.
- (2) Mengameli usebentisa leligunya lekwengamela, kanye nalamanye emalunga eKhabbinethi -
- (a) ngekuphumelelisa umtsetfo wavelonkhe ngaphandle lapho uMtsetfosisekelo noma uMtsetfo wePhalamende usho lokunye;
 - (b) ngekutfufukisa nekusebentisa inchubomgomoyavelonkhe;
 - (c) ngekumatanisa imisebenti yeminyangoyembuso neyekuphatsa;
 - (d) ngekulungisa nekusungula imitsetfo; kanye
 - (e) nangekwenta leminte imisebenti yalesikhundla lebekwe nguMtsetfosisekelo noma ngumtsetfo wavelonkhe.

Kukhetfwa kwaMengameli

86. (1) Emhlanganweni wekucala ngemuva kwelukhetfo Iwaso, kanye nanoma nini uma kudzingekile kutsi kugcwalisewé sikhala, Sigungu saVelonkhe kumele sikhetsé umuntfu lomsikati noma lomdvuna emalungeni aso kutsi abe nguMengameli.
- (2) Somajaji kumele engamele lukhetfo IweMengameli, noma amise lelinye lijaji lelitakwenta loko. Inchubo lemiswe eNcenyení A kuShejuli 3 iseBenta elukhetfweni IweMengameli.

[Sigatjana (2) sivalwe ngesigaba 6 seMtsetfo weSitupha wekuChitjiyelwa kweMtsetfosisekelo wanga-2001.]

- (3) Lukhetfo lwekuvala sikhala sesikhundla seMengameli kumele lwentiwe ngesikhatsi nangelilanga lelincunywe nguSomajaji, kepha loku kumele kwentiwe kungakapheli emalanga langu-30 ngemuva kwekuvela kwalesikhala.

[Sigatjana (3) sivalwe ngesigaba 6 seMtsetfo weSitfupha wekuChitjiyelwa kweMtsetfosisekelo wanga-2001.]

Kucala kusebenta kwaMengameli

87. Ngesikhatsi sekakhetsiwe kutsi abe nguMengameli, umuntu akabi asaba lilunga leSigungu saVelonkhe futsi, kungakapheli emalanga lasihlanu, kumele acale kusebenta esikhundleni sakhe ngekufunga noma avume ngekucinisekisa kutsi utawutsembeka kuRiphabhlukhi futsi utawuhlonipha uMtsetfosisekelo, ngekulandzela iShejuli 2.

Sikhatsi sekuba sesikhundleni kwaMengameli

88. (1) Sikhatsi sekuba sesikhundleni kwaMengameli sicala ngalesikhatsi angena esikhundleni futsi siphela ngalesikhatsi kuvela sikhala noma ngalesikhatsi lowo lokhetfwe kutsi abe nguMengameli lolandzelako angena esikhundleni.
(2) Kute umuntu longabamba sikhundla sekuba nguMengameli kwendlula tikhatsi letimbili tekuba sesikhundleni, kepha, uma umuntu akhetfwe kutsi avale sikhundla seMengameli, lesikhatsi lesisemkhatsini walolo lukhetfo nelukhetfo lololandzelako IwaMengameli asitsatfwa njengesikhatsi sekuba sesikhundleni.

Kususwa kwaMengameli esikhundleni

89. (1) Sigungu saVelonkhe, ngesincumo lesitsatfwe ngekwesekelwa linani lemalinga aso lelingulokubili kulokutsatfu, singamsusa Mengameli esikhundleni ngaletizatfu letilandzelako kuphela -
(a) kwephulwa lokukhulu kweMtsetfosisekelo noma umtsetfo;
(b) kutiphatsa kabi kakhulu; noma
(c) kwehluleka kwenta imisebenti lebekelwe leso sikhundla.
(2) Noma ngubani losekakhishwe esikhundleni sekuba nguMengameli ngekulandzela sigatjana (1)(a) noma (b), akumelanga atfole umvuzo wekuba kuleso sikhundla, kantsi futsi akumelnga atfole litfuba lekubekwa kunoma ngusiphi sikhundla sembuso.

Libambela laMengameli

90. (1) Uma ngabe Mengameli angekho eRiphabhulikhi noma angakwati kwenta imisebenti yaMengameli, noma uma kunesikhala esikhundleni seMengameli, lowo lobambe sikhundla njengalokulandzelako uba liBambela laMengameli -
- (a) liSekela laMengameli;
 - (b) iNdvuna yeMbuso lekhETFwe nguMengameli;
 - (c) iNdvuna yeMbuso lekhETFwe ngulamanye emalunga eKhabhinethi;
 - (d) Somlomo, kuze emalunga eSigungu saVelonkhe akhetse munye wawo.
- (2) LiBambela laMengameli linemitfwalo, emandla kanye nemisebenti yaMengameli.
- (3) Ngembi kwekucala kwetfwala, kusebentisa emandla nekwenta imisebenti yaMegameli, liBambela laMengameli kumele lifunge noma livume ngekutibophela kwetsembeka kuRiphabhulikhi nekutfobela uMtsetfosisekelo, ngekulandzela iShejuli 2.
- (4) Umuntu lowake wafunga noma wavuma ngekutibophela njengeliBambela laMengameli kwetsembeka kuRiphabhulikhi akukadzingeki kutsi aphindze inchubo yekufunga noma yekuvuma esikhatsini lesilandzelako njengeliBambela laMengameli ngesikhatsi lesiphela uma umuntu lolandzelako lokhetfwa njengaMengameli atsatsa sikhundla.

[Sigatjana (4) sengetwe ngesigaba 1 seMtsetfo weKucala wekuChitjiyelwa kweMtsetfosisekelo wanga-1997.]

IKhabhinethi

91. (1) IKhabhinethi ibunjwe nguMengameli, njengenhloko yeKhabhinethi, liSekela laMengameli kanye netiNdvuna teMbuso.
- (2) Mengameli ukhetsa liSekela laMengameli kanye netiNdvuna teMbuso, atinikete imisebenti yato, kantsi futsi Mengameli angabasusa etikhundleni labantfu labakhetse.
- (3) Mengameli -
- (a) kumele akhetse liSekela laMengameli emalungeni eSigungu saVelonkhe;
 - (b) angakhetsa linani noma lelingakanani letiNdvuna teMbuso emalungeni eSigungu saVelonkhe; futsi

- (c) angakhetsa bantfu labangengci kulababili labangaphandle kweSigungu saVelonkhe kutsi babe tiNdvuna teMbuso.
- (4) Mengameli kumele abeke lilunga leKhabhinethi kutsi libe ngumholi wemisebenti yahulumende esiGungwini saVelonkhe.
- (5) LiSekela laMengameli kumele lisite Mengameli ekwenteni imisebenti yeMbuso.

Kutiphendvulela kanye nemitfwalo

- 92. (1) Lisekela laMengameli netiNdvuna teMbuso batfwele umtfwalo wemandla kanye newemisebenti yeligunya labaliniketwe nguMengameli.
- (2) Emalunga eKhabhinethi onkhe eluswa yiPhalamende ekusebentiseni emandla awo nasekwenteni imisebenti yawo.
- (3) Emalunga eKhabhinethi kumele –
 - (a) asebente ngekulandzela uMtsetfosisekelo; futsi
 - (b) anikete iPhalamende imibiko legcwele futsi leyefulwa njalo nje macondzana netindzaba letingaphasi kwawo.

EmaSekela etiNdvuna teMbuso

- 93. (1) Mengameli angabeka etikhundleni –
 - (a) noma linani lelingakananani lemaSekela etiNdvuna teMbuso emalungeni eSigungu saVelonkhe; kanye
 - (b) nebantu labangengci kulababili labangaphandle kweSigungu saVelonkhe kutsi babe ngemaSekela etiNdvuna teMbuso, kutewusita emalunga eKhabhinethi, kantsi futsi angawasusa kuletikhundla.
- (2) EmaSekela etiNdvuna teMbuso lakhetfwe ngekulandzela sigatjana (1) b) anekutiphendvulela ePhalamende ngekuchutjwa kwemandla awo nekwentiwa kwemisebenti yawo.

[Sigaba 93 sivalwe ngesigaba 7 seMtsetfo weSitfupha wekuChitjiyelwa kweMtsetfosisekelo wanga-2001.]

Kuchubeka kweKhabhinethi ngemuva kwelukhetfo

- 94. Uma lukhetfo lweSigungu saVelonkhe lubanjwa, iKhabhinethi, liSekela laMengameli, tiNdvuna teMbuso kanye nemaSekela etiNdvuna teMbuso bayachubeka basebente

adzimate lowo muntfu lokhetfwe Sigungu lesilandzelako kutsi abe nguMengameli acale esikhundleni sakhe.

Sifungo noma kuvuma kwamukela sikhundla

95. Ngembili kwekube liSekela laMengameli, tiNdvuna teMbuso kanye nemaSekela etiNdvuna teMbuso bacale kwenta imisebenti yabo, kumele bafunge noma bavume ngekucinisekisa kwetsembeka kuRiphabhulikhi kanye nekufobel a uMtsetfosisekelo ngekweShejuli 2.

Kutiphatsa kwemalunga eKhabhinethi kanye nemaSekela etiNdvuna teMbuso

96. (1) Emalunga eKhabhinethi nemaSekela etiNdvuna teMbuso kumele asebente ngekulandzela lucwebu lwekuliphatsa lolumiswe ngumtsetfo wavelonke. –
(2) Emalunga eKhabhinethi kanye nemaSekela etiNdvuna teMbuso angete akwati –
(a) kwenta noma ngumuphi lomunye umsebenti lohkohhelako;
(b) kwenta lutfo nganoma abe sesimeni lesifaka ekhatsi ingoti yekungcubutana emkhatsini kwemisebenti yawo kanye netimphilo tawo tangasese; noma
(c) kusebentisa tikhundla tawo, noma nguluphi lwati lekaniketwe lona, alusebentisele kutizuzela wona noma asite lomunye umuntfu ngendlela lengakafaneli.

Kudluliselwa kwemisebenti

97. Mengameli ngesimemetelo semtsetfo angesusa aphindze anikete lilunga leKhabhinethi –
(a) kuphatfwa kwanoma ngumuphi umtsetfo lobewunikutwe lelinye lilunga;
noma
(b) emandla noma umsebenti loniketwe lelinye lilunga ngumtsetfo.

Kuniketwa kwemisebenti kwesikhashana

98. Mengameli anganiketa lilunga leKhabhinethi noma nguwaphi emandla kanye nemisebenti yalelinye lilunga lelingekho emsebentini noma lelingakhoni kusebentisa lawo mandla noma kwenta leyo misebenti.

Kuniketwa kwemisebenti

99. Lilunga leKhabhinethi linganiketa noma waphi emandla noma umsebenti lofanele uchutjwe noma wentiwe ngekulandzela uMtsetfo wePhalamende elungeni leMkhandlu loweNgamele wesifundza noma kuMkhandlu waMasipala. Lokuniketwa –
- (a) kumele kwentiwe ngekulandzela sivumelwano emkhatsini walelo lunga leKhabhinethi nalelo lunga leMkhandlu loweNgamele noma leMkhandlu waMasipala;
 - (b) kumele kuhambisane neMtsetfo wePhalamende kuchutjwa noma kusebentisa lawo mandla noma kwenta lowo msebenti lotsintsekako; futsi
 - (c) kucala kusebenta ngemuva kwekugunyatwa nguMengameli ngekwesimemetelo semtsetfo.

Kungenelela kwavelonkhe ekuphatfweni kweTifundza

[Sihloko siChitjiyelwe ngekwesigaba 2(a) weMtsetfo weLishumi wekuChitjiyelwa kweMtsetfosisekelo wanga-2003]

100. (1) Uma ngabe sifundza sehluleka noma singatifezi tidzingo temsebenti wekuphatsha lobekwe nguMtsetfosisekelo noma ngulomunye umtsetfo, Sigungu savelonkhe lesengamele singangenelela ngekutsi sitsatse tinyatselo letifanele kucinisekisa kufezekiswa kwaleylo mitfwalo, lokufaka ekhatti –
- (a) kukhipha umyalelo uye esigungwini sesifundza lesengamele, uchaza lizinga lalokwehluleka kwenta imisebenti yaso uphindze ubeke tinyatselo lekumele titsatfwe kuze sihangabetane nalemisebenti yaso; kanye
 - (b) nekutsatsa umtfwalo wekufezekisa lesidzingo kuleso sifundza kuze kufike ezingeni lelifanele –
 - (i) kutewugcina lizinga lelidzingekile lavelonkhe, noma kutfolakale lizinga lelemukelekile nalelidzingekako ekwentiweni kwemisebenti;
 - (ii) kutewugcina lubumbano kutemnotfo;
 - (iii) kutewugcina kuvikeleka kwesive; noma
 - (iv) kutewuvimbela tento letingakalungi letitsetfwe sifundza letikhinyabeta lesinye sifundza noma live lonkhana.

[Sigatjana (1) siChitjiyelwe sigaba 2(b) seMtsetfo weLishumi naKunye wekuChitjiyelwa kweMtsetfosisekelo wanga-2003.]

- (2) Uma ngabe Sigungu saVelonkhe singenela esifundzeni ngekwesigatjana (1)(b) –
- (a) satiso sekungenela kumele setfulwe embi kweMkhandlu waVelonkhe weTifundza kungakapheli emalanga langu-14 ekuhlanganeni kwawo kwekulala kucalile lokungenela;
 - (b) lokungenela kumele kuphele ngaphandle uma ngabe uMkhandlu ungakwemukeli lokungelela kungakapheli emalanga langu-180 kucalile lokungelela noma uma ekupheleni kwaleso sikhatsi ungazange ukwemukela lokungelela; futsi
 - (c) uMkhandlu, ngalesikhatsi lokungelela kusachubeka, kumele ukubukete kabusha lokungenela njalo nje bese wenta tiphakamiso letifanele esigungwini savelonkhe lesengamele.

[Sigatjana (2) sivalwe ngesigaba 2(c) seMtsetfo weLishumi naKunye wekuChitjiyelwa kweMtsetfo-sisekelo wanga-2003.]

- (3) UMTsetfo wavelonkhe unacondzisa lenchubo lesukunyiswe ngulesigaba.

[Sigaba 100 siChitjiyelwe sigaba 2(a) seMtsetfo weLishumi naKunye wekuChitjiyelwa kweMtsetfo-sisekelo wanga-2003.]

Tincumo teSigungu lesingamele

101. (1) Sincumo seMengameli kumele kube ngulesibhalwe phasi uma ngabe -
- (a) sitsatfwe ngekulandzela umtsetfo; noma
 - (b) sinemiphumela yekwemtsetfo.
- (2) Sincumo seMengameli lesibhalwe phasi kumele siphindze sisayinwe ngulelinye lilunga leKhabhinethi uma ngabe leso sincumo siphatselane neliphakelo lalelo lunga leKhabhinethi.
- (3) Tatiso, imitsetfo kanye naleminye imitsetfomgomolephatselene nekushaywa kwemtsetfo kumele ummango ukwati kuyitfolo.
- (4) Umtsetfo wavelonkhe ungachaza lizinga, nendlela, lekumele lemitsetfomgomolephawulwe esigatjaneni (3) –
- (a) yetfulwe ngayo ePhalamende; futsi
 - (b) ivunywe yiPhalamende.

Tiphakamiso tekungatsembakali

102. (1) Uma ngabe Sigungu saVelonkhe, ngelinyenti lemalunga aso, samukela aiphakamiso sekungatsembakali kweKhabhinethi lokungafaki ekhatsi Mengameli, Mengameli kumele abumbe iKhabhinethi kabusha.
- (2) Uma ngabe Sigungu saVelonkhe, ngelinyenti lemalunga aso, samukela siphakamiso sekungatsembakali kwaMengameli, Mengameli kanye nalawa lamanye emalunga eKhabhinethi kanye nemaSekela etiNdvuna teMbuso kumele bashiye etikhundleni.

SEHLUKO 6

TIFUNDZA

Tifundza

103. (1) IRiphabulikhi inaletifundza letilandzelako -

- (a) iMphumalanga Kapa;
- (b) iFuleyistata;
- (c) iGauteng;
- (d) iKaZulu-Natali;
- (e) iMpumalanga;
- (f) iNyakatfo Kapa;
- (g) iLimpopo;

[Indzima (g) ivalwe ngesigaba 3 seMtsetfo weLishumi naKunye wekuChitijiyelwa kweMtsetfosisekelo wanga-2003.]

- (h) Nyakatfo-Nshonalanga;
- (i) Nshonalanga Kapa.

(2) Iminyele yaletifundza nguleyo lebeyikhona ngesikhatsi loMtsetfosisekelo ucala kusebenta.

Tishayamtsetfo teTifundza

Ligunya lekushaya imitsetfo kweTifundza

104. (1) Ligunya lekushaya umtsetfo kwesifundza lisetandleni tesishayamtsetfo sesifundza,

futsi loko kunika sishayamtsetfo sesifundza, emandal –

(a) ekuphasisa umtsetfosisekelo wesifundza noma kuchibiyela nanoma ngumuphi

umtsetfosisekelo lophasisiwe ngiso sishayamtsetfo ngekwetigaba 142 na-143;

(b) ekuphasisa umtsetfo waleso sifundza mayelana –

(i) nanoma nguluphi ludzaba loluwela kuleyo migudvu yemisebenti

lehleliswe kuShejuli 4;

(ii) nanoma nguluphi ludzaba loluwela kuleyo migudvu yemisebenti

lehleliswe kuShejuli 5; kanye

(iii) noma nguluphi ludzaba lolungekho kuleto letiseluhlwini kepha

- sishayamtsetfo lesijutjelwe lona ngumtsetfo wavelonkhe; kanye
- (iv) nanoma nguluphi ludzaba siphakamiso seMtsetfosisekelo lesihlongote kubekwa kwalo kusishayamtsetfo sesifundza.
- (c) Kwehlisela emandla aso ekushaya umtsetfo eMkhandlwini waMasipala kuleso sifundza.
- (2) Sishayamtsetfo sesifundza ngesincumo lesitsatfwе ngekwesekelwa linani lemalinga aso lokungenani lelingulokubili kulkutsatfu, singacela iPhalamende intjintje ligama laleso sifundza.
- (3) Sishayamtsetfo sesifundza siboshwa nguMtsetfosisekelo kuphela futsi, uma ngabe siphasisse umtsetfosisekelo wesifundza waso, nangulowo mtsetfosisekelo wesifundza, futsi kumele sisebente ngendlela lehambisana naloko lokubekwe nguMtsetfosisekelo futsi silandzele iminyele yeMtsetfosisekelo kanye nalomtsetfosisekelo wesifundza.
- (4) UMTsetlo lophasiswe sifundza lekunesidzingo lesifanele, noma lohambelana ngengoti nje, kuze sifundza sikwati kuchuba tinjongo nemisebenti yaso letiseluhlwini lolukuShejuli 4, utsatfwa njengemtsetfo lowela ngaphasi kwalawo mandla etifundza.
- (5) Sishayamtsetfo sesifundza singenta siphakamiso esiGungwini saVelonkhe ngemtsetfo lophat selene nanoma nguluphi ludzaba lolungaphandle kwemandla aleso sishayamtsetfo, noma loluphat selene neMtsetfo wePhalamende losebenta ngetulu kwemtsetfo wesifundza.

Kubunjwa nekukhetfwa kwetishayamtsetfo tetifundza

105. (1) Sishayamtsetfo sesifundza sibunjwe ngulabasikati nalabadvuna labakhetfwe kutsi babe ngemalunga ngekulandzela indlela yekukhetsa –
- (a) lebekwe ngumtsetfo wavelonkhe;
- (b) lesukela eluhlwini lwebavoti balesifundza eluhlwini labavoti lavelonkhe;
- (c) lebeka kutsi iminyaka yekuvota isukela ku-18; futsi
- (d) lenemphumela, ngalokwtayeleykile, wekumelwa kulesishayamtsetfo ngendlela yebungako bebaboti belicembu.

[Sigatjana (1) siChitjiyelwe ngesigaba 3 seMtsetfo weLishumi wekuChitjiyelwa kweMtsetfosisekelo wanga-2003.] nangekwesigatjana (3) lesingetwe ngekwesigaba 4 seMtsetfo weLishumi neSihlanu wekuChitjilelwka kweMtsetfosisekelo wanga-2008]

- (2) Sishayamtsetfo sesifundza sinemalunga lasemkhatsini kwa-30 na-80. Linani lemalunga, lelingehlukahlukana etifundzeni ngasinye, kumele libekwe ngekwendlela lebekwe ngumtsetfo wavelonkhe.

Bulunga

106. (1) Tonkhe takhamuti letivumelekile kutsi tivotele Sigungu saVelonkhe tivumelekile kuba ngemalunga esishayamtsetfo sesifundza ngaphandle –
- (a) noma ngubani lobekwe esikhundleni ngumbuso noma losebentela umbuso futsi aholelwa ngiwo kulomsebenti lekawentako ngaphandle kwalaba labalandzelako –
 - (i) Ndvunankhulu wesifundza nalamanye emalunga eSigungu seMkhandlu lowengamele esifundzeni; kanye
 - (ii) nanoma ngubaphi labanye lababambe tikhundla letinemisebenti lehambelana nemisebenti yelilunga lesishayamtsetfo sesifundza, futsi lokuhambelana kugunyatwe ngumtsetfo wavelonkhe;
 - (b) emalunga eSigungu saVelonkhe, titfunywa letingesuswa teMkhandlu waVelonkhe weTifundza noma emalunga eMkhandlu waMasipala;
 - (c) bantfu labalahlekwel negemalungelo abo ngesizatfu sekutsi behluleke kukhokhela tikweleti tabo;
 - (d) noma ngubani umuntfu inkantolo yaseRiphabhulikhi lencume kutsi akakaphili engcondweni; kanye
 - (e) nanoma ngubani, ngemuva kwekucala kwekusebenta kwalesigaba, lotfolakale anelicala waniketwa sigwebo setinyanga letendlula ku-12 ejele ngaphandle kwekuniketwa ligunya lekutsi angakhetsa kubhadala inhlawulo, noma eRiphabhulikhi, noma ngaphandle kweRiphabhulikhi uma ngabe lesento lesakha lelicalas besingatsatfwa njengelicala eRiphabhulikhi, kepha kute umuntfu longatsatfwa ngekutsi ugwtjiwe kuze kuncunywe mayelana nekwendluliselwa kwelicala noma sigwebo sakhe enkantolo lephakeme, noma kuze kuphele sikhatsi sekwedlulisa licala noma sigwebo enkantolo lephakeme. Kungavunyelwa ngaphasi kwalesigatjana kuphela ngemuva kweminyaka lesihlanu sigwebo sesiphele.
- (2) Umuntfu longakavumeleki kuba lilunga lesishayamtsetfo sesifundza ngekwetigatjana (1)(a) noma (b) angamela lukhetfo lwasifundza, ngaphasi

- kwemikhawulo noma imibandzela lebekwe ngumtsetfo wavelonkhe.
- (3) Umuntu ulahlekelwa bulunga besishayamtsetfo sesifundza uma ngabe lowo muntfu –
- (a) angasavumeleki kutsi angakhetfa; noma
 - (b) aekho ekuhlanganeni kwasishayamtsetfo ngaphandle kwemvume esimeni lapho imitsetfomgomu netibopho tetishayamtsetfo tibeka kulahlekelwa bulunga.
 - (c) ayekela kuba lilunga lelicembu lelimkhetsile lowo muntfu njengelilunga lesishayamtsetfo.
- [Sigatjana (3) sivalwe ngesigaba 4 seMtsetfo weLishumi wekuChitjiyelwa kweMtsetfosisekelo wanga-2003. nangekwesigaba 4 seMtsetfo wesiChibiyelo seLishumi naKune seMtsetfosisekelo wanga-2008]
- (4) Tikhala tesishayamtsetfo sesifundza kumele tigcwaliswe ngekulandzela umtsetfo wavelonkhe.

Sifungo noma siccineko

107. Ngembi kwekutsi emalunga esishayamtsetfo sesifundza acale kwenta imisebenti yaho yesishayamtsetfo, kumele afunge noma avume ngekutibopha kutsi atawutsembe kaRiphabhlukhi futsi atawutfobela uMtsetfosisekelo, loku akwenta ngekutibopha ngekulandzela iShejuli 2.

Sikhatsi sekusebenta kwsishayamtsetfo sesifundza

108. (1) Sishayamtsetfo sesifundza sikhetswa kutsi sisebente iminyaka lesihlanu.
- (2) Uma ngabe sishayamtsetfo sesifundza sihlakatwa ngekulandzela sigaba 109, noma uma ngabe kuphela sikhatsi sekusebenta kwaso, Ndvnankhulu wesifundza, ngesimemetelo semtsetfo, kumele abite futsi abeke tinsuku telukhetfo, lolumele lubanje kungakapheli emalanga langu-90 kusukela ngelilanga sishayamtsetfo sihlakatiwe, noma lilanga lekuphelelwa sikhatsi kwaso. Simemetelo semtsetfo sekubita nekumisa emalanga elukhetfo singakhishwa ngembi noma ngemuva kwekuphela kwsikhatsi sekusebenta kwsishayamtsetfo.

[Sigatjana (2) sivalwe ngesigaba 1 seMtsetfo weSine wekuChitjiyelwa kweMtsetfosisekelo wanga-1999.]

- (3) Uma ngabe imiphumela yelukhetfo lwasishayamtsetfo sesifundza ayikacinisekiswa ngelesikhatsi lesibewe esigaben 109 noma uma ngabe lukhetfo lubekwe eceleni yinkantolo, Mengameli ngesimemetelo semtsetfo, kumele abite futsi abeke tinsuku telukhetfo lolunye, lokumele lubanjwe kungakapheli emalanga langu-90 ngemuva kwekuphela kwaleso sikhatsi noma ngemuva kwelilanga lukhetfo lolwabekwa eceleni ngalo.
- (4) Sishayamtsetfo sesifundza siyakwati kusebenta kusukela ngesikhatsi sihlakateka noma ngesikhatsi kuphela sikhatsi sekusebenta kwaso, kuze kuge lilanga lelisembili kwelilanga lekucala lelukhetfo lwasishayamtsetfo lesisha sesifundza.

Kuhlakatwa kwasishayamtsetfo sesifundza kungakapheli sikhatsi saso sekusebenta

109. (1) Ndvunankhulu wesifundza kumele ahlakate sishayamtsetfo sesifundza uma ngabe sishayamtsetfo –
- (a) sitsatsa sincumo lesisekela lokuhlakatwa lesesekelwe linyenti lemalunga aso; futsi
 - (b) iminyaka lemitsatfu seyiphehile sishayamtsetfo sakhetfa.
- (2) Loyo lolibambela laNdvunankhulu kumele ahlakate sishayamtsetfo uma ngabe –
- (a) kunesikhala kulesikhundla saNdvunankhulu; futsi
 - (b) sishayamtsetfo sehluleka kukhetsa Ndvunankhulu lomusha kungakapheli emalanga langu-30 ngemuva kwekuvela kwalesikhala.

Tikhatsi tekuhlangana netekuphumula

110. (1) Emuva kwelukhetfo, umhlangano wekucala wesishayamtsetfo sesifundza kumele ubanjwe ngesikhatsi nangelasuku loluncunywe lijai lelibekwe nguSomajaji, kepha loku kwenteke kungakapheli emalanga langu-14 ngemuva kwekumenyetelwa kwemiphumela yelukhetfo. Sishayamtsetfo sesifundza singancuma tikhatsi nebudze baleminye imihlangano yaso kanye netikhatsi tekuphumula.

[Sigatjana 1 sivalwe ngesigaba 9 seMsetfo weSifupha wekuChitjiyelwa kweMtsetfosisekelo wanga-2001.]

- (2) Ndvunankhulu wesifundza angabita sishayamtsetfo sesifundza kutsi site emhlanganweni lophutfumako nganoma ngusiphi sikhatsi kutewudzingidza ludzaba loluphfumako.

- (3) Sishayamtsetfo sesifundza singancuma indzawo lesitawuvama kuhlanganelo kuyo.

BoSomlomo nemaSekela aboSomlomo

111. (1) Emhlanganweni wekucala ngemuva kwelukhetfo, noma uma ngabe kunesidzingo sekugcwalisa sikhala, sishayamtsetfo sesifundza kumele sikhetsi Somlomo kanye neliSekela laSomlomo emalungeni aso.
- (2) LiJaji lelimiswe nguSomajaji kumele lengamele lukhetfo IwaSomlomo. Somlomo wengamela lukhetfo IweliSekela laSomlomo.

[Sigatjana (2) sivalwe ngesigaba 9 seMtsetfo weSitupha wekuChitjiyelwa kweMtsetfosisekelo wanga-2001.]

- (3) Inchubo lemiswe eNcenyen'i A kuShejuli 3 isebenta elukhetfweni IwaSomlomo kanye neliSekela laSomlomo.
- (4) Sishayamtsetfo sesifundza singakhapha Somlomo noma liSekela laSomlomo esikhundleni ngesincumo lesisentile. Linyenti lemalunga esishayamtsetfo kumele libe khona ngesikhatsi kwemukelwa lesincumo.
- (5) Ngekwemitsetfomgomu netibopho taso, sishayamtsetfo sesifundza singakhetsa emalungeni aso labanye labangaba bosihlalo kutewulekelela Somlomo neliSekela laSomlomo.

Tincumo

112. (1) Ngaphandle uma ngabe uMtsetfosisekelo ubeka ngalokunye –
- (a) linyenti lemalunga esishayamtsetfo sesifundza kumele libe khona ngembi kwekutsi kungatsatfw'a livoti leMtsetfosisivinyo noma sichibiyelo seMtsetfosisivinyo.
- (b) lokungenani linyenti lemalunga langulokunye kulokutsafu kumele libe khona ngembi kwekutsi kungatsatfw'a livoti lanoma nguluphi lolunye ludzaba embi kwestishayamtsetfo; futsi
- (c) tonkhe tindzaba letisembili kwestishayamtsetfo sesifundza kumele tincunywe ngelinyenti lemavoti lafakiwe.
- (2) Lilunga lesishayamtsetfo sesifundza lelihola umhlangano alinawo emandla ekuvota lokusincumo, kepha –
- (a) kumele lente livoti lesincumo uma ngabe kunelinani lemavoti lalinganako etinhlangotsini totimbili; futsi

- (b) lingenta livoti lelisincumo uma ngabe ludzaba kumele luncunywe ngekusekelwa ngemavoti lokungenani emalunga langulokubili kokutsatfu esishayamtsetfo.

Emalungelo etitfunywa letingesuswa kutishayamtsetfo tetifundza

113. Titfunywa tesifundza letingesuswa eMkhandlwini waVelonkhe weTifundza tingaba khona, futsi tingakhulumu, kutishayamtsetfo tetifundza, emakomitini ato, kepha tingete tavota. Sishayamtsetfo singadzinga kutsi sitfunywa lesingesuswa sibe khona kusishayamtsetfo noma emakomitini aso.

Emandla etishayamtsetfo tetifundza

114. (1) Ekusebentiseni emandla aso sishayamtsetfo sesifundza –
- (a) singabuketa, siphase, sichibele noma sicitse uMtsetfosivivinyo losembi kwestishayamtsetfo sesifundza; noma
 - (b) singabumba noma sakhe umtsetfo, ngaphandle kweMtsetfosivivinyo wetetimali.
- (2) Sishayamtsetfo sesifundza kumele sibe tindlela –
- (a) tekugcizelela kutsi yonkhe imitimba yembuso lephetse kulesifundza iyakwati kusebentela sona; kanye
 - (b) nekubeka liso –
 - (i) ekusetjentisweni kwemagunya nguMkhandlu wesifundza lowengamele, lokufaka kusetjentiswa kwemtsetfo; kanye
 - (ii) nakunoma ngusiphi sikhungo sembuso wesifundza.

Bufakazi noma imininingwane embi kwetishayamtsetfo tetifundza

115. Sishayamtsetfo sesifundza noma nawaphi emakomiti aso –
- (a) singabita noma ngubani umuntfu ete embi kwaso kutewetfula bufakazi lobucinisekisiwe noma akhiphe emabhuku;
 - (b) singafuna noma sippi sikhungo noma umuntfu ete kuso;
 - (c) singaphocelela, ngekulandzela umtsetfo wavelonkhe noma imitsetfomgomu noma tibopho, noma muphi umuntfu kutsi alalele noma ente lokufuneka etigatjaneni(a) noma (b); futsi
 - (d) singemukela tcelo, tinkhulumo kanye nalokuletfwe ngunoma ngubaphi bantfu noma tikhungo letitsintsekako.

Kutilawula, lokuchubekako netinchubo tetishayamtsetfo tetifundza

116. (1) Sishayamtsetfo sesifundza nemakomiti aso –
- (a) singabeka siphindze siphatse emalungiselelo aso angekhatsi, tinchubeko netinchubo; futsi
 - (b) singenta imitsetfomgommo netibopho mayelana nemisebenti yaso, sinakekele kumelwa nekufaka sandla ngekwentsandvo yelinyenti, kusebentela bavoti, kungabi namfihlo nekufaka sandla kwemmango etinchubekweni tembuso.
- (2) Lemitsetfomgommo netibopho tesishayamtsetfo sesifundza kumele tente kube khona –
- (a) kusungulwa, kubunjwa, emandla, imisebenti, tinchubo kanye nebudze bekusebenta kwemakomiti;
 - (b) kufaka sandla etinchubekweni tawo kumacembu lamancane lokuhambisana nentsandvo yelinyenti;
 - (c) lusito lwetimali nelwekuphatsa kulinye ngalinye licembu letembusave lelimelwe kusishayamtsetfo, lokulingana nekumelwa kwalo, kuze licembu ngalinye nemholi walo likwati kwenta imisebenti yalo kusishayamtsetfo; futsi
 - (d) kuhlonishwa kwemholi welicembu lelikhulu kunawo onkhe lamacembu etembusave laphikisako kusishayamtsetfo, njengeMholi welicembu leliPhikisako.

Emalungelomvume

117. (1) Emalunga esishayamtsetfo sesifundza netitfunywa teMkhandlu waVelonkhe weTifundza –
- (a) anelilungelomvume lekukhuluma kusishayamtsetfo nasemakomitini awo, ngekulandzela imitsetfomgommo netibopho tawo; futsi
 - (b) akanawubekwa licala noma amangalelwé, aboshwe, advonse sigwebo noma ahlawule –
 - (i) nganoma yini lekayisho, ayikhipha, noma ayiletsa kusishayamtsetfo noma nguliphi likomidi lawo; noma
 - (ii) nganoma yini ngesizatfu sentfo lekayishilo, ayikhipha noma ayiniketa shiyemtsetfo noma likomidi laso.
- (2) Lamanye emalungelomvume kanye nekuvikeleka kwasishayamtsetfo sesifundza kanye nemalunga aso kungabekwa ngumtsetfo wavelonkhe.

- (3) Imiholo, tibonelelo netinzuko letikhokhelwa emalunga esishayamtsetfo sesifundza ayincifo-ngco lecondzene nesiKhwama sesiFundza seMali.

Kungenela kwemmango nekufaka sandla kwawo kutishayamtsetfo tetifundza

118. (1) Sishayamtsetfo sesifundza kumele –
- (a) scinisekise kufaka sandla kvesive etinchubeni tekushaya umtsetfo naletinye tinchubo tetishayamtsetfo nemakomiti; futsi
 - (b) siphate umsebenti waso ngendlela leselubala, sibambe imihlangano yaso newemakomiti aso, ebaleni, kepha tinyatselo letidzingekile tingatsatfwa –
 - (i) kutewucondzisa kungeniswa kvesive, lokufaka nekungeniswa kwebemitombo yetindzaba, kusishayamtsetfo nasemakomitini aso;
 - (ii) kwenta kutsi kube khona kuseshwa kwemuntfu, lapho kufanele khona, kwalela kungena kwanoma ngumuphi umuntfu noma kukhishelwa ngaphandle kwanoma ngumuphi umuntfu.
- (2) Sishayamtsetfo sesifundza akumelanga sencabele ummango, kufaka ekhatsi bemitfombo yetindzaba, kunoma ngumuphi umhlangano wekomiti ngaphandle uma kufanelekile futsi kunebulungiswa kwenta njalo emmangweni loselubala wentsandvo yelingyenti.

Kwetfulwa kweMtsetfosivivinyo

119. Ngemalunga eMkhandlu loweNgamele sifundza kuphela noma likomidi noma lilunga leshayamtsetfo sesifundza labangetfulwa uMtsetfosivivinyo embi kwasishayamtsetfo; kepha lilunga leMkhandlu loweNgamele leliphetse tetimali kuleso sifundza kuphela lelingatfula uMtsetfosivivinyo wetetimali embi kwasishayamtsetfo.

Imitsetfosivivinyo yeTimali

120. (1) UMTsetfosivivinyo nguMtsetfosivivinyo wetetimali uma –
- (a) waba imali;
 - (b) ubeka tintsela, tinhlawulo netimali letibhadalwako;
 - (c) ucitsa noma wehilsa, noma uniketela ngekucolelwma condzana, nanoma ngutiphi tintsela tesifundza, tinhlawulo, netimali letibhadalwako; noma
 - (d) ugynyata tindleko-ngco esiKhwameni sesiFundza seMali.

- (2) UMTsetfosivivinyo wetetimali akumelanga utsintsane nalolunye ludzaba ngaphandle –
 - (a) kweludzaba lolweyamile loluhambisana nekwabiwa kwemali;
 - (b) kwekubekwa kucifwa noma kukhishwa kwetintselu tesifundza, tinhlawulo noma timali letibhadalwako;
 - (c) kuniketwa kwekucolelwu macondzana, nanoma ngutiphi tintsela tesifundza, tinhlawulo, netimali letibhadalwako; noma
 - (d) kugunyatwa kwetindleko-ngco esikhwameni sesifundza seMali.
- (3) UMTsetfo wesiFundza kumele wente kube khona inchubo sishayamtsetfo lesichibiyela ngayo uMtsetfosivivinyo wetetimali.

[Sigaba 120 sivalo ngesigaba 3 seMtsetfo weSikhombisa wekuChitijiyelwa kweMtsetfosisekelo wanga-2001.]

Kuvunyelwa kweMtsetfosivivinyo

- 121. (1) Ndvunankhulu wesifundza kumele avumele aphindze futsi asayine uMtsetfosivivinyo lophasiswe sishayamtsetfo sesifundza ngekwaleSahluko noma, uma anekungabata ngekuhambisana neMtsetfosisekelo kwaloMtsetfosivivinyo, awubuyisele emuva kusishayamtsetfo uyobuyeketwa kabusha.
- (2) Uma ngabe ngemuva kwekubuyeketwa kabusha kweMtsetfosivivinyo uyakwenetisa ngalokugcwele loko Ndvunankhulu bekanekungabata ngako, Ndvunankhulu kumele awamukele aphindze futsi awusayine lowoMtsetfosivivinyo, kepha uma ngabe ungakwenetisi ngalokugcwele loko kungaba kwakhe, Ndvunankhulu kumele –
 - (a) awuvumele aphindze futsi awusayine lowo Mtsetfosivivinyo; noma
 - (b) awutfumele eNkantolo yeMtsetfosisekelo kutsi incume ngekuhambisana kwawo neMtsetfosisekelo.
- (3) Uma ngabe iNkantolo yeMtsetfosisekelo incuma kutsi uMtsetfosivivinyo uyabambisana neMtsetfosisekelo, Ndvunankhulu kumele awuvumele aphindze futsi awusayine.

Sicelo semalunga esishayamtsetfo eNkantolo yeMtsetfosisekelo

122. (1) Emalunga esishayamtsetfo angacondzisa sicelo eNkantolo yeMtsetfosisekelo sekutfolia sincumo lesibeka kutsi uMtsetfo wesifundza lowemukelwe nom a lophasisiwe nom incenye yawo awuhambisani neMtsetfosisekelo.
- (2) Sicelo –
- (a) kumele sesekelwe lokungenani ngemalunga langemaphesenti langu-20 esishayamtsetfo; futsi
 - (b) kumele sentiwe kungakapheli emalanga langu-30 ngemuva kwekutsi uMtsetfo wesifundza ubusiswe waphindze futsi wasayinwa nguNdvnankhulu.
- (3) Inkantolo yeMtsetfosisekelo ingancuma kutsi loMtsetfo wesifundza nom incenye yawo lekunesicelo ngawo ngekwesigatjana (1) awunawo emandla kuze iNkantolo incume mayelana nalesicelo, uma ngabe –
- (a) loku kuyadzingeka kuze tinjongo tebulungiswa tifezeke; futsi
 - (b) lesicelo sibonakala sengatsi sitawuphumelela.
- (4) Uma ngabe lesicelo asiphumeleli iNkantolo yeMtsetfosisekelo ingaphocelela labo labafake lesicelo kutsi betfwale tindleko ngaphandle uma ngabe lesicelo besibonakala sengatsi sitawuphumelela.

Kushicelelwa KweMitsetfo yetifundza

123. Umtsetfivivinyo lobusiswe waphindze futsi wasayinwa nguNdvnankhulu uba nguMtsetfo wesifundza, futsi kumele ushicelelwe masinyane, ucale kusebenta uma sewushicelelwe nom ngelusuku lolubekwe ngulowo Mtsetfo.

Kulondvolotwa kweMitsetfo yetifundza ngalokuphephile

124. Ikhophi leyefwеле lesayiniwe yeMtsetfo wesifundza ibufakazi lobuphelele betimiso talowo Mtsetfo, kantsi kumele kutsi uniketwe iNkantolo yeMtsetfosisekelo kutsi iwulondvolote ngemuva kwekushicelelwa kwavo.

Labangamele Tifundza

Ligunya lekwengamela letifundza

125. (1) Ligunya lekwengamela esifundzeni lisemahlombe aNdvnankhulu waleso sifundza.

- (2) Ndvnankhulu usebentisa emandla ekwengamela futsi wenta nemisebenti leniketwe leso sikhundla ngekubonisana nalamanye emalunga eMkhandlu loweNgamele sifundza –
- (a) kumphumelelisa imitsetfo yesifundza esifundzeni;
 - (b) kumphumelelisa yonke imitsetfo yavelonkhe lengaphasi kweluhlu lolukuShejuli 4 noma 5 ngaphandle uma ngabe uMtsetfosisekelo noma uMtsetfo wePhalamende usho lokunye;
 - (c) kusebentisa kulesifundza, imitsetfo yavelonkhe lengaphandle kweluhlu lolukuShejuli 4 na-5, kuphatfwa kwayo kwehliselwe kuso nguMtsetfo wePhalamende; futsi
 - (d) kututufukisa nekusebentisa inchubomgomu yesifundza;
 - (e) kuhalanganisa imisebenti yeminyango yahulumende wesifundza;
 - (f) kwakha nekubumba imitsetfo yesifundza; kanye
 - (g) nekwenta noma ngimiphi leminye imisebenti leniketwe Sigungu lesengamele semkhandlu wesifundza nguMtsetfosisekelo noma nguMtsetfo wePhalamende.
- (3) Sifundza sineligunya lekuphatsa ngekwasigatjana (2)(b) kuze kufike esigabeni kuphela lapho sifundza sinawo emandla ekuphatsa futsi sesikwati kutsatsa lomtfwalo ngalokungiko. Hulumende wavelonkhe, ngetinyatselo temtsetfo naletinye, kumele asite tifundza kutsi titutufukise kukwati kuphatsa kwato lokudzingekile kuze tisebentise ngalokungiko lamandla ato nekwenta imisebenti yato lephawulwe esigatjaneni (2).
- (4) Noma ngukuphi kungcubutana lokusukela emandleni ekuphatsa esifundza mayelana nanoma ngumuphi umsebenti kumele kutunyelwe eMkhandlwini waVelonkhe weTifundza utewutsatsa sincumo ngako kungapheli emalanga langu-30 kusukela ngalolusuku lokwatunyelwa ngalo.
- (5) Ngaphasi kwembandzela wesigaba 100, kuphunyeleliwa kwemtsetfo yesifundza kungumsebenti weSigungu lesengamele kuphela sesifundza.
- (6) Sigungu sesifundza lesengamele kumele sisebente ngekulandzela –
- (a) uMtsetfosisekelo; kanye
 - (b) nemtsetfosisekelo wesifundza, uma ngabe umtsetfosisekelo wesifundza uphasisiwe.

Kuniketwa kwemisebenti

126. Lilunga leMkhandlu loweNgamele wesifundza linganiketa noma waphi emandla noma umsebenti lokumele uchutjwe noma wentiwe ngekweMtsetfo wePhalamense noma ngekweMtsetfo wesifundza, liwanikete uMkhandlu waMasipala lokuniketwa –
- (a) kumele kulandzele sivumelwano emkhatsini walelo lunga leMkhandlu wesifundza lelitsintsekako neleMkhandlu waMasipala;
 - (b) kumele kuhambisane naloMtsetfo lokusetjentiswa kwalawo mandla noma kwentiwa kwalawo msebenti lokungaphasi kwawo; futsi
 - (c) kucala kusebenta ngesimemetelo semtsetfo lesentiwe nguNdvunankhulu.

Emandla nemisebenti yaboNdvunankhulu

127. (1) Ndvunankhulu wesifundza unemandla nemisebenti leniketwe lesikhundla nguMtsetfosisekelo nanoma ngumuphi lomunye umtsetfo.
- (2) Ndvunankhulu wesifundza wetfweswe umtfwalo –
- (a) wekubusisa nekusayina iMitsetfosisivinyo;
 - (b) wekubuyisela emuva kusishayamtsetfo uMtsetfosisivinyo kutsi ubuyeketwe kabusha kungahambisani kwawo neMtsetfosisekelo;
 - (c) wekutfumela uMtsetfosisivinyo eNkantolo yeMtsetfosisekelo kutsi itsatse sincumo ngekuhambisana noma ngekungahambisani kwawo neMtsetfosisekelo;
 - (d) wekubitela sishayamtsetfo sesifundza emhlanganweni lophutfumako ngenhlosa yekutsi sente umsebenti lophutfumako;
 - (e) wekubeka emakhomishani eluphenyo; kanye
 - (f) newekubita luhlololovo esifundzeni ngekulandzela umtsetfo wavelonke.

Kukhetfwa kwaboNdvunankhulu

128. (1) Emhlanganweni waso wekucala ngemuva kwekukhetfwa kwaso, noma uma ngabe kunesidzingo sekugcwaliswa sikhala, sishayamtsetfo sesifundza kumele sikhetsse emalungeni aso umuntfu lomsikati noma lomdvuna lotawuba nguNdvunankhulu wesifundza.
- (2) LiJaji lelimiswe nguSomajaji kumele lengamele lukhetfo lwaNdvunankhulu. Inchubo lemiswe eNcenyeni A kuShejuli 3 iseBenta elukhetfweni lwaNdvunankhulu.

[Sigatjana (2) sivalwe ngesigaba 10 seMtsetfo weSitfupha wekuChitjiyelwa kweMtsetfosisekelo wanga-2001.]

- (3) Lukhetfo lwekuvala sikhala sesikhundla saNdvnankhulu kumele lubanjwe ngesikhatsi nangelusuku loluncunyiwe nguSomajaji, kepha kungakendluli emalanga langu-30 ngemuva kwekuvela kwaleso sikhala.

[Sigatjana (3) sivalwe ngesigaba 10 seMtsetfo weSitfupha wekuChitjiyelwa kweMtsetfosisekelo wanga-2001.]

Kucala kwaNdvnankhulu esikhundleni

129. Umuntfu lokhetfwе njengaNdvnankhulu, kumele atsatse sikhundla sakhe angakapheli emalanga lasihlanu akhetsiwe ngekufunga noma ngekuvuma ngekulandzela utakwetsembeka kuRiphabhulikhi aphindze atfobele uMtsetfosisekelo ngekulandzela iShejuli 2.

Sikhatsi sekuba sesiKhundleni KwaboNdvnankhulu

130. (1) Sikhatsi sekuba sesikhundleni saNdvnankhulu sicala ekutsatfweni kwasikhundla sidzimate siphele uma kuvela sikhala noma uma umuntfu lokhetfwе kutsi abe nguNdvnankhulu lolandzelako atsatse sikhundla.
- (2) Kute umuntfu lovumeleke kutsi abambe sikhundla sekuba nguNdvnankhulu ngetulu kwemahlandla lamabili, kepha uma umuntfu lokhetselwe kuvala sikhala esikhundleni saNdvnankhulu, sikhatsi lesisemkhatsini kweukhetfwa kwakhe, nekukhetfwa kwaNdvnankhulu lolandelako asitsatfwa njengesikhatsi sekuba sesikhundleni.
- (3) Sishayamtsetfo sesifundza, ngesincumo lesitsatfwe ngelivoti lelesekelwe ngemalunga aso langulokubili kulokutsatfu, singamsusa Ndvnankhulu esihlalweni kuphelanga ngeleti tizatfu –
(a) kwephulwa lokukhulu kweMtsetfosisekelo noma umtsetfo;
(b) kutiphatsa kabi kakhulu; noma
(c) kwehluleka kwenta imisebenti lebekelwe leso sikhundla.
- (4) Noma ngubani lokhishwe esikhundleni sekuba nguNdvnankhulu ngekulandzela sigatjana (3)(a) noma (b), akumelanga atfole umvuzo wekuba kuleso sikhundla, kantsi futsi akumelanga atfole litfuba lekubekwa kunoma ngusiphi sikhundla sembuso.

EmaBambela aboNdvunankhulu

131. (1) Uma Ndunankhulu angekho, noma angakwati kwenta umsebenti wesikhunlda sakhe, noma uma sikhundla saNdunankhulu singenamuntfu, lowo lobambe sikhundla njengalokulandzelako uba liBambela laNdunankhulu ngekulandzelana kwato –
- (a) Lilunga leMkhandlu loweNgamele lelibekwe nguNdunankhulu;
 - (b) Lilunga leMkhandlu loweNgamele lelibekwe ngulamanye emalunga eMkhandlu;
 - (c) Somlomo, sidzimate lesishayamtsetfo sikhetselome lomunye wemalunga aso.
- (2) LiBambela laNdunankhulu linemtfwalo, emagunya, nemisebenti lefanako naleyo yaNdunankhulu.
- (3) Ngembia kwekucala kutsatsa lemitfwalo, emandla nemisebenti yaNdunankhulu, liBambela laNdunankhulu kumele lifunge noma livume ngekutibophela kwetsembeka kuRiphabhulikhi nekutfobela uMtsetfosisekelo ngekulandzela iShejuli 2.

IMikhandlu leyeNgamele

132. (1) UMkhandlu loweNgamele wesifundza ubunjwe nguNdunankhulu, njengenhloko yeMkhandlu, kanye nangemalunga langekho ngaphasi kwalasihlanu, futsi langengci eshumini, lakkhetfwa nguNdunankhulu emalungeni esishayamtsetfo sesifundza.
- (2) Ndunankhulu wesifundza ubeka malunga eMkhandlu loweNgamele, awanike emandla nemisebenti, futsi angawasusa etikhundleni.

Kutiphendvulela kanye nemitfwalo

133. (1) Emalunga eMkhandlu loweNgamele wesifundza anekutiphendvulela ngemisebenti yekwengamela laniketwe yona nguNdunankhulu.
- (2) Emalunga eMkhandlu loweNgamele anemitfwalo ngekuhlanganyela kanye nemuntfu ngamunye wekutiphendvulela kusishayamtsetfo ngekuchuba kwawo emagunya awo kanye nekwenta imisebenti yawo.
- (3) Emalunga eMkhandlu loweNgamele kumele –
- (a) asebente ngekulandzela uMtsetfosisekelo, futsi

- (b) anikete sishayamtsetfo imibiko legcwele ngetikhatsi letivamile ngetindzaba letingaphasi kwavo.

Kuchubeka kwemiKhandlu yekweNgamela ngemuva kwelukhetfo

134. Uma kubanjwe lukhetfo iwasishayamtsetfo sesifundza, uMkhandlu loweNgamele nemalunga awo achubeka asebente kuze kube sikhatsi lapho lowo muntfu lokhetfwe kuba nguNdvnankhulu sishayamtsetfo lesilandzelako angene esikhundleni.

Kufunga noma kuvuma ngekutibopha

135. Ngembi kwekutsi emalunga eMkhandlu loweNgamele acale kwenta imisebenti yawo, kumele afunge noma avume ngekutibophela kwetsembeka kwavo kuRiphabhulikhi kanye nekutfobela uMtsetfosisekelo, lokhu akwenta ngekulandzela Shejuli 2.

Kutiphatsa kwemalunga eMkhandlu loweNgamele

136. (1) Emalunga eMkhandlu loweNgamele kumele atiphatse ngekuhambisana nelucwebu iwekutiphatsa lolumiswe ngumtsetfo wavelonkhe.
(2) Emalunga eMkhandlu loweNgamele akakavunyelwa –
(a) kwenta lomunye umsebenti lowaholelako;
(b) kutiphatsa ngendlela lengahambisani netikhundla tawo, noma attfolakale esimeni lesingadala kungcubutana emkhatsini kwemsebenti wawo kanye netifiso tawo tangasese; noma
(c) kusebentisa tikhundla tawo noma nanoma nguluphi lolunye Iwati lolusetandleni tawo ngenhloso yekutizuzela lokutsite, noma ngendlela yekusita noma ngumuphi lomunye umuntfu ngendlela lengakafaneli.

Kuntjintwa kwemagunya nemisebenti

137. Ndvnankhulu ngekusebentisa simemetelo semtsetfo angantjintjela kulelinye lilunga leMkhandlu loweNgamele –
(a) kuphatfwa kwanoma ngumuphi umtsetfo lebewuniketwe lelinye lilunga; noma
(b) nanoma ngiluphi ligunya noma umsebenti loniketwe lelinye lilunga ngekwemtsetfo.

Kunikwa kwesikhashana kwemagunya nemisebenti

138. Ndvunankhulu anganika lilunga leMkhandlu loweNgamele noma nguwaphi emagunya nemisebenti yalelinye lilunga lelingekho esikhundleni salo, noma lelingakwati kusebentisa lawo magunya ekwenteni umsebenti.

Kungenelela kwesifundza kuhulumende wasekhaya

139. (1) Uma ngabe hulumende wasekhaya ehluleka noma angafezi umsebenti wekuphatsa lobekwe ngumtsetfo, Sigungu sesifundza lesengamele lesitsintsekako singangenelela ngekutsi sitsatse tinyatselo letifanele kucinisekisa kufezekisa kwaleso sibopho, lokufaka –
- (a) kukhipha umyaletu uye eMkhandlwini waMasipala, uchaza lizinga lalokwehluleka kufezekisa tibopho taso uphindze ubeke tinyatselo lekumele titsatfwe kuze uhlangabetane netibopho taso; futsi
 - (b) kutsatsa nanoma ngukuphi kuphatfwa kwemtsetfo noma sente umsebenti kulowo masipala uma ngabe kunesidzingo kwentela -
 - (i) kugcina lizinga lavelonkhe noma kutfolakale lizinga lelemukelekile nalelidzingekoko ekwentiwi ngekutsi;
 - (ii) kuvimbela tento letingakalungi letitsetfwe ngumasipala letikhinyabeta lemunye masipala noma sifundza sonkhana; noma
 - (iii) kugcina lubumbano kutemnotfo.
 - (c) kuhlakata uMkhandlu waMasipala bese kukhetfwa umphatsi kudzimate kumenyetelwa kukhetfwa kweMkhandlu waMasipala lomusha, uma kunetimo letivelele letidzinga kutsatfwa kwesinyatselo lesinjalo.
- (2) Uma Sigungu sesifundza lesengamele singenelela ekuphatfweni kwamasipala ngekulandzela sigatjana (1)(b) -
- (a) kumele sitfumele satiso lesibhalifi salokungenelela -
 - (i) kulisilunga leKhabhinethi lelinemtfwalo wetindzaba tabohulumende basekhaya; kanye
 - (ii) nakusishayamtsetfo lesitsintsekako kanye nakUmkhandlu weTifundza, kungakapheli emalanga langu-14 ngemuva kwekucala kwalokungenelela;
 - (b) lokungenelela kumele kuphele uma -

SEHLUKO 6: TIFUNDZA

- (i) lilunga leKhabhinethi lelinemtfwalo wetindzaba tabohulumende basekhaya lingakwemukeli lokungenelela kungakapheli emalanga langu-28 ngemuva kwekucala kwalokungenelela noma ngasekupheleni kwaleso sikhatsi lingakwemukeli lokungenelela; noma
- (ii) uMkhandlu ungakwemukeli lokungenelela kungakapheli emalanga langu-180 ngemuva kwekucala kwalokungenelela noma ngasekupheleni kwaleso sikhatsi ungakwemukeli lokungenelela; futsi
- (c) uMkhandlu kumele, ngalesikhatsi lokungenelela kusachubeka, ubuyekete lokungenelela njalo kantsi ungaphindze wente tiphakamiso letifanelekile kuSigungu sesifundza lesengamele.
- (3) Uma uMkhandlu waMasipala uhlakatwa ngekulandzela sigatjana (1)(c) -
 - (a) Sigungu sesifundza lesengamele kumele ngekusheshisa setfule satiso lesibhalive ngalokuhlakatwa -
 - (i) kulilunga leKhabhinethi lelinemtfwalo wetindzaba tabohulumende basekhaya; kanye
 - (ii) nakusishayamtsetfo lesitsintsekako kanye nakUmkhandlu weTifundza; kantsi
 - (b) lokuhlakatwa kucala kusebenta ngemuva kwemalanga langu-14 ngemuva kwelilanga lekwemukelwa kwalesatiso nguMkhandlu ngaphandle uma sibekelwe eceleni ngulelo lunga leKhabhinethi noma nguMkhandlu ngembii kwekuphela kwalawo malanga langu-14.
- (4) Uma masipala angeke akwati noma ehluleka kufeza tibopho ngekulandzela uMtsetfosisekelo noma ngekwemtsetfo tekwemukela umcombelelotimali noma letinye tinyatselo tekungenisa imali letidzingekile kuphumelelisa umcombelelotimali, sishayamtsetfo sesifundza lesitsintsekako kumele singenelele ngekutsatsa tinyatselo letifanelekile kuze kutewucinisekiswa kutsi lomcombelelotimali noma leto tinyatselo tekungenisa imali tiyemukelwa, lokufaka ekhatsi kuhlakata uMkhandlu waMasipala kanye -
 - (a) nekukhetsa umphatsi kudzimate kumenyetelwe kukhetfwa kweMkhandlu waMasipala lomusha; kanye
 - (b) nekwemukela umcombelelotimali wesikhashana noma tinyatselo tekungenisa imali kuze kubonelelwe kuchubeka nekusebenta kwalomasipala.

- (5) Uma masipala, ngena yekungahambi kahle kwetintfo mayelana netetimali, atifola njalo ehluleka kakhulu kuLangabetaNa netibopho takhe tekwetfula tinsita letisisekelo noma kuLangabetaNa netibopho takhe kutetimali, noma avuma kuts akakwati kuLangabetaNa nemitfwalo yakhe noma netibopho takhe kutetimali, leSigungu sesifundza lesengamele lesitsintsekako kumele -
- (a) sisukumise lisu lekuvuselela lelihlose ekucinisekiseni kuhumelela kwamasipala kuLangabetaNa nemitfwalo yakhe yekwetfula tinsita letisisekelo noma kuLangabetaNa netibopho takhe kutetimali, lokumele -
- (i) kube lisu lelisukunyisa ngekulandzela umtsetfo wavelonkhe; futsi
- (ii) libophe masipala ekuchubeni ligunya lekushaya umtsetfo nelekwengamela, kepha kufikela ezingeni letidzingekile kutsi kusonjululwe lokungahambi kahle kwetintfo kutetimali; siphindze
- (b) sihlakate uMkhandlu waMasipala, uma lomasipala angakwati noma ehluleka kwemukela tinyatselo temtsetfo, lokufaka ekhati umcombelelotimali noma letinye tinyatselo tekungenisa imali, letidzingekile kutsi kuhunyeleliswe lelusu lekuvuselela, bese -
- (i) sikhetsa umphatsi kudzimate kumenyetelwe kukhetfwa kweMkhandlu waMasipala lomusha; kanye
- (ii) samukela umcombelelotimali wesikhashana noma tinyatselo tekungenisa imali noma letinye tinyatselo tekuphumelelisa lelusu lekuvuselela kuze kubonelelwwe kuchubeka nekusebenta kwalomasipala; noma
- (c) uma uMkhandlu waMasipala ungahlakatwa ngekulandzela indzima(b), sitsatse umtfwalo wekuphumelelisa lelusu lekuvuselela kuze kufike ezingeni lapho lomasipala angakwati noma ehluleka kusbentisa lelusu lekuvuselela.
- (6) Uma Sigungu sesifundza lesengamele singenelela kumasipala ngekulandzela sigatjana (4) noma (5), kumele setfule satiso lesibhaliwe ngalokungelela -
- (a) kulilunga leKhabhinethi lelinemtfwalo wetindzaba tabohulumende basekhaya; kanye
- (b) nakusishayamtsetfo lesitsintsekako kanye nakUmkhandlu weTifundza, kungakapheli emalanga langu-7 ngemuva kwekucala kwalokungelela.
- (7) Uma Sigungu sesifundza lesengamele singakwati noma sehluleka noma singafinyeleli ngalokwenelisako ekuchubeni lamandla noma ekwenteni lemisebenti

lephawulwe esigatjaneni (4) noma (5), Sigungu savelonkhe lesengamele kumele singenelele ngekulandzela sigatjana (4) noma (5) esikhundleni seSigungu sesifundza lesengamele lesitsintsekako.

- (8) Umtsetfo wavelonkhe ungalawula kusetjentiswa kwalesigaba, lokufaka ekhatsi netinhlelo letisungulwa ngulesigaba.

[Sigaba 139 sivalwe ngesigaba 4 seMtsetfo weLishumi naKunye wekuChitjiyelwa kweMtsetfosisekelo wanga-2003.]

Tincumo teSigungu lesengamele

140. (1) Sincumo saNdvunankhulu wesifundza kumele sibhalwe phasi uma ngabe -
(a) sentiwe ngekulandzela umtsetfo; noma
(b) sinemiphumela yetemtsetfo.
- (2) Sincumo saNdvunankhulu kumele sibhalwe siphindze futsi sisayinwe lilunga leMkhandlu loweNgamele uma ngabe leso sincumo siphatselene nemsebenti loniketwe lelo lunga.
- (3) Tatiso, imitsetfo kanye naleminye imitsetfomgomolo lephatselene nekushaywa kwemtsetfo kumele ummango ukwati kuyitfola.
- (4) Umtsetfo wesifundza ungachaza lizinga, ngendlela lekumele lemitsetfomgomolo lephawulwe esigatjaneni (3)-
(a) yetfulwe ngayo embi kwasishayamtsetfo sesifundza; futsi
(b) ivunywe sishayamtsetfo sesifundza.

Tiphakamiso tekungatsembakali

141. (1) Uma ngabe sishayamtsetfo sesifundza, ngelinyenti lemalunga aso, samukela siphakamiso sekungatsembakali kweMkhandlu loweNgamele wesifundza lokungafaki ekhatsi Ndvnankhulu, Ndvnankhulu kumele abumbe loMkhandlu loweNgamele kabusha.
- (2) Uma ngabe sishayamtsetfo sesifundza, ngelinyenti lemalunga aso, samukela siphakamiso sekungatsembakali kwaNdvnankhulu, Ndvnankhulu kanye nalawa lamanye emalunga eMkhandlu loweNgamele kumele bashiye etikhundleni.

IMitsetfosisekelo yetiFundza

Kuvunywa kweMitsetfosisekelo yetiFundza

142. Sishayamtsetfo sesifundza singaphasisa umtsetfosisekelo wesifundza noma , lapho kufanelekile, singachibiyela umtsetfosisekelo waso uma ngabe emalunga lalinani lelingalokubili kulokutsatfu avotela kwesekela lowo Mtsetfosivivinyo.

Lokucuketfwe ngumtsetfosisekelo weTifundza

143. (1) Umtsetfosisekelo wesifundza, noma sichibiyelo sawo, akumelanga ungcubutane naloMtsetfosisekelo, kepha ungabeka –
- (a) tikhungo letishaya umtsetfo noma tekwengamela netinchubo letehlukile kuleto letibekwe kuleSAHLUKO; noma
 - (b) tikhungo, kusebenta, ligunya nelizinga lenkhosi yekutalwa, lapho kudzingeke khona.
- (2) Tiphakamiso letikumtsetfosisekelo wesifundza noma sichibiyelo sawo ngekulandzela tindzima (a) noma (b) tesigatjana (1) –
- (a) kumele tihibisane netimiso letisesigaben 1 kanye neSAHLUKO 3; futsi
 - (b) tingke tinikete sifundza emandla nemisebenti –
 - (i) lewela ngaphandle kwemandla esifundza ngekweShejuli 4 noma 5; noma
 - (ii) lewela ngaphandle kwalawo mandla nemisebenti leniketwe sifundza nguletinye tigaba teMtsetfosisekelo.

Kucinisekiswa kwemitsetfosisekelo yetifundza

144. (1) Uma ngabe sishayamtsetfo sesifundza sesiphasise noma sesichibiyele umtsetfosisekelo, Somlomo wesishayamtsetfo sesifundza kumele etfule lombhalo walomtsetfosisekelo noma sichibiyelo semtsetfosisekelo eNkantolo yeMtsetfosisekelo utewucinisekiswa.
- (2) Kute umbhalo wemtsetfosisekelo wesifundza noma sichibiyelo sawo lesingaba ngumtsetfo iNkantolo yeMtsetfosisekelo ingakacinisekisi kutsi –
- (a) lombhalo uphasiswe ngekulandzela sigaba 142; nekutsi
 - (b) wonkhe lombhalo uhambisana nesigaba 143.

Kusayinwa, kushicilelwa nekulondvolotwa kwemitsetfosisekelo yetifundza

145. (1) Ndvunankhulu wesifundza kumele abusise aphindze asayine umbhalo wemtsetfosisekelo wesifundza noma sichibiyelo salomtsetfosisekelo locinisekiswe yiNkantolo yeMtsetfosisekelo.
- (2) Umbhalo lesewubusiswe waphindze wasayinwa nguNdvunankhulu kumele ushiclelw kuGazethi yaHulumende yavelonkhe kutsi uma sewushicilewe ucale kusebenta ngaleso sikhatsi noma ngelusuku lolulandzela kushicilelwa kwalombhalo lolubekwe ngekulandzela lovo mtsetfosisekelo noma lesichibiyelo sawo.
- (3) Lombhalo wemtsetfosisekelo wesifundza losayiniwe noma sichibiyelo sawo ubufakazi lobuphelele betimiso tawo, futsi ngemuva kwekushicilelwa kwavo kumele kutsi uniketwe iNkantolo yeMtsetfosisekelo kutsi iwulondvolote.

Imitsetfo lengcubutanako

Kungcubutana emkhatsini kwemtsetfo wavelonkhe newesifundza

146. (1) Lesigaba sisabenta esimeni lapho khona kune kungcubutana emkhatsini kwemtsetfo wavelonkhe kanye nemtsetfo wesifundza longaphasi kwaloluhlu lolokuShejuli 4.
- (2) Umtsetfo wavelonkhe losebenta ngekufanana eveni lonkhe uba ngetulu kwemtsetfo longcubutana nawo wesifundza uma ngabe letimo letilandzelako tigcwaliseka -
- (a) Umtsetfo wavelonkhe uphat selene neludzaba lolungeke luhatseke kahle ngemtsetfo lobekwe tifundza ngekwehlukana kwato;
- (b) Umtsetfo wavelonkhe utsintsia ludzaba, lolumele lusetjentiswe kahle, ludzinga kufanana eveni lonkhe, futsi lomtsetfo wavelonkhe wenta kube khona lokufanana ngekubeka –
- (i) tinchubo nemazinga;
- (ii) luhlakamsebenti; noma
- (iii) tinchubomgomgo tavelonkhe.

- (c) Lomtsetfo wavelonkhe udzingekela -
 - (i) kugcinwa kwekuvikeleka kwavelonkhe;
 - (ii) kugcinwa kwelubumbano lwetemnotfo;
 - (iii) kuvikelwa kwekuhweba ngekuhlanganyela mayelana nekusatjalaliswa kwemphahla lokuhwetjwa ngayo, temnotfo, imisebenti nebasebenti;
 - (iv) kugcugcutela temnotfo ngaphandle kweminyele yetifundza;
 - (v) kugcugcutela kulingana kanye nematfuba lalinganako ekufinyelela kubohulumende; noma
 - (vi) kuvikeleka kwemvelo.
- (3) Umtsetfo wavelonkhe uba ngetulu kwemtsetfo wesifundza uma ngabe umtsetfo wavelonkhe uhlose kuncandza sento sesifundza lesingakalungi –
 - (a) lesingakhinyabeta umnotfo noma kuphepha kwalesinye sifundza noma live lonkhana; noma
 - (b) lesivimbela kusettentiswa kwenchubomgomoyetemnotfo yavelonkhe.
- (4) Uma kunembango mayelana nekutsi ngabe umtsetfo wavelonkhe uydazinge ngekwenjongo leyendlalwe esigatjaneni (2)(c), futsi lowo mbango uletfwengembi kwenkantolo kutsi iwuksobulule, inkantolo kumele inake kwemukelwa noma kucitfwa kwalowo mtsetfo nguMkhandlu weTifundza.
- (5) Umtsetfo loshaywe sifundza ngiwo lophakeme kunemtsetfo wavelonkhe lapho khona sigatjana (2) noma (3) singasebenti.
- (6) Umtsetfo losukunyiswe ngekulandzelauMtsetfo wePhalamende noma uMtsetfo wesifundza ungasebenta kuphela uma lowo mtsetfo wemukelwe nguMkhandlu weTifundza.
- (7) Uma Umkhandlu weTifundza ungfaki esincumeni emalangeni langu-30 ekuhlanganeni kwawo kwekucala ngemuva kwekndluliselwa kwemtsetfo kuwo, lowo mtsetfo kumele kutsi utsatfwe ngekutsi wemukelwe nguloMkhandlu.
- (8) Uma Umkhandlu weTifundza ungawemukeli umtsetfo lowendluliselwe kuwo ngekwasigatjana (6), kumele, kungakapheli emalanga langu-30 utsatse lesincumo, wetfule tizatfu tekungemukeli lomtsetfo esigungwini lesendlulisela lomtsetfo kuwo.

Lokunye kungcubutana

147. (1) Uma ngabe kukhona kungcubutana emkhatsini kwemtsetfo wavelonkhe netimiso temtsetfosisekelo wesifundza mayelana –
- (a) neludzaba lapho uMtsetfosisekelo uncuma noma ufun a kutsi kushaywe umtsetfo wavelonkhe, lomtsetfo wavelonkhe ngiwo lotawusebenta ngetulu kwaleto timiso temtsetfosisekelo wesifundza letsintsekako;
 - (b) nekungenela kwavelonkhe ngekulandzela sigaba 44(2), umtsetfo wavelonkhe usebenta ngetulu kwaleso simiso semtsetfosisekelo wesifundza; noma
 - (c) neludzaba lolumayelana netintfo letikuloluhlu lolukuShejuli 4, sigaba 146 sisebenta sengatsi lencye yemtsetfosisekelo wesifundza letsintsekako bekungumtsetfo wesifundza lophawulwe kuleso sigaba.
- (2) UMTsetfo wavelonkhe lophawulwe esigabeni 44(2) uba ngetulu kwemtsetfo wesifundza etintfweni letishiwo kuloluhlu lolukuShejuli (5).

Kungcubutana lokungasombululeki

148. Uma ngabe umbango mayelana nekungcubutana kunete kwasonjululwa yinkantolo, umtsetfo wavelonkhe utawuba nemandla ngetulu kwemtsetfo wesifundza noma ngetulu kwemtsetfosisekelo wesifundza.

Lizinga lemtsetfo longahlulwa

149. Sincumo senkantolo kutsi umtsetfo unemandla ngetulu kwalomunye asiwenti lona lomunye umtsetfo ungasabebenti, kepha lomtsetfo lomunye awusebenti ngaleso sikhatsi kusenaloko kungcubutana.

Kuhunyushwa kwekungcubutana

150. Uma ngabe kucutjungulwa kungcubutana lokukhona emkhatsini kwemtsetfo wavelonkhe nemtsetfo wesifundza noma nemtsetfo wavelonkhe kanye nemtsetfosisekelo wesifundza, tonkhe tinkantolo kumele tikhets e kuhunyushwa lokufanele kwalowo mtsetfo noma umtsetfosisekelo lokuvikela lokungcubutana, ngetulu kwanoma ngukuphi lokunye kuhunyushwa lokubanga kungcubutana.

SEHLUKO 7

HULUMENDE WASEKHAYA

Lizinga labomasipala

151. (1) Umkhakha wahulumende wasekhaya ubunjwe bomasipala, lekumele basungulwe ngumtsetfo eveni lonkhe leRiphabhulikhi.
- (2) Ligunya lekwengamela nekushaya umtsetfo lamasipala lisemahlombe eMkhandlu waMasipala.
- (3) Masipala unelilungelo lekubusa, ngekutisungulela yena, yonkhe imisebenti yahulumende wasekhaya emiphakatsini yakhe, ngaphasi kwembandzela wekulandzela umtsetfo wavelonkhe newesifundza, njengoba kubekiwe kuMtsetfosisekelo.
- (4) Bohulumende wavelonkhe newesifundza akumelanga batsikamete noma bavimbele likhono noma lilungelo lamasipala lekusebentisa emandal ake noma lekwenta imisebenti yakhe.

Tinhoso tahulumende wasekhaya

152. (1) Tinhoso tahulumende wasekhaya –
- (a) kuniketa hulumende wentsando yelingyenti nalokwati kusebentela imiphakatsi;
- (b) kuniketa lusito emmangweni ngendlela lenekusimama;
- (c) kunconota kututufuka kwetenhlalakahle netemnotfo;
- (d) kututufukisa indzawo lephephile nalenemphilo;
- (e) kugcugcutela kumbandzakanywa kwemmango netinhlangano temiphakatsi etindzabeni tahulumende wasekhaya.
- (2) Masipala kumele atame ngemandla ake etimali nangekuhona kwakhe kuphatsa, kuphumelelisa lemigomo lebekwe esigatjaneni (1).

Imisebenti yekututufukisa yabomasipala

153. Masipala kumele –
- (a) ahlele aphindze alawule kuphatfwa kwawo, kuhlelwa kwetimali lekabelwe tona, kanye netinchubo tekuhlela kuniketa tidzingonchanti lizinga

- lelipakeme, futsi atfutfukise temphilo nentfutfuko yetemnotfo wemmango;
futsi
(b) afake sandla etinhelweni tekutfutfukisa kuvelonkhe nasesifundzeni.

BoMasipala kuhulumende welubambiswano

154. (1) Bohulumende wavelonkhe nebetfundza, ngekushaya imitsetfo naletinye tinyatselo, kumele basite futsi balekelele bomasipala kucinisa likhono labo lekuphatsa imisebenti yabo, kusebentisa emandla abo nekwenta imisebenti yabo.
(2) Umtsetfosivivinyo wavelonkhe noma wesifundza lotsintsia lizinga, tikhungo, emandla noma imisebenti yahulumende wasekhaya kumele ushicilelwé kuze ummango uphefumule ngawo ungakangenisa ePhalamende noma kusishayamtsetfo sesifundza ngendlela levumela hulumende wasekhaya lohlelekile, bomasipala nalabanye bantfu labatsintsekako litfuba lekwenta tiphakamiso ngalomtsetfosivivinyo.

Kubunjwa kwabomasipala

155. (1) Kukhona letigaba letilandzelako taboMasipala –
(a) Sigaba A: Masipala lonemandla laphelele amasipala kanye neligunya lekushaya umtsetfo endzaweni yakhe.
(b) Sigaba B: Masipala lohlanganyela nesigaba C samasipala lapho indzawo yakhe iphelela khona emandla amasipala kanye neligunya lekushaya umtsetfo endzaweni yakhe.
(c) Sigaba C: Masipala lonemandla amasipala kanye newekushaya umtsetfo endzaweni lefaka ekhati tindzawo letingetulu kwayinye tamasipala.
(2) Umtsetfo wavelonkhe kumele uchaze letinhlobo letehlukene tamasipala letingesungulwa kusinye ngasinye sigaba.
(3) Umtsetfo wavelonkhe kumele –
(a) usungule indlela yekuncuma kutsi indzawo ifanele nini kuba namasipala munye wesigaba A noma kunini lapho indzawo ifanele kuba nabomasipala besigaba B nesigaba C;
(b) usungule indlela netinchubo tekuncuma ngeminyele yamasipala Sigungu lesitimele; futsi
(c) ngekulandzela sigaba 229, wente tiphakamiso tekwabela bomasipala emandla

ngalokufanele kanye nemisebenti uma ngabe indzawo inabomasipala besigaba B nesigaba C. Kwabiwa kwemandla nemisebenti emkhatsini wamasipala wesigaba B namasipala wesigaba C kungehluka ekwabiwi eni kwemandla nemisebenti walomunye masipala wesigaba B kanye nalowo masipala wesigaba C.

- (4) Umtsetfo lophawulwe esigatjaneni (3) kumele unake sidzingo sekuniketa lusito lwamasipala ngalokulinganako nangendlela lenekusimama.
- (5) Sishayamtsetfo sesifundza kumele sincume ngetinhlobo letehlukene tabomasipala lekumele tisungulwe esifundzeni.
- (6) Hulumende ngamunye wesifundza kumele asungule bomasipala esifundzeni sakhe ngendlela levumelana nemtsetfo loshaywe ngekulandzela tigatjana (2) na-(3) ngekwemtsetfo noma ngaletinye tinyatselo; kumele -
 - (a) ente kube khona kwengamela nekunedza hulumende wasekhaya esifundzeni; futsi
 - (b) atfutfukise intfutfuko yemandla ahulumende wasekhaya kwenta bomasipala kutsi bakhone kwenta imisebenti yabo nekutsi bakwati kwengamela lokundzene nabo.
- (6A) Uma letimfuneko letihlongotwe esigatjaneni (3)(b) tingeke taphumelela ngaphandle kwekutsi umnyele wamasipala agabancele emnyeleni wesifundza -
 - (a) lowo mnyele wamasipala ungancunywa ekugabanceni kwemnyele wamasipala, kepha kuphela -
 - (i) ngekuvumelana nesifundza lesitsintsekako; futsi
 - (ii) ngemuva kwekutsi letigungu tekwengamela tetifundza tibe tigunyatwe ngumtsetfo wavelonkhe kutsi usungule masipala ngekhatsi kwalendzawo yamasipala; futsi
 - (b) umtsetfo wavelonkhe -
 - (i) ngaphasi kwembandzela wesigatjana (5), unganiketela ngekusungulwa kuleyo ndzawo yamasipala kweluhlobo lwamasipala lokuvunyelenwe ngalo emkhatsini kwaletifundza letitsintsekako;
 - (ii) unganiketela ngeluhlakamsebenti lwekusetjentiswa kweligunya lekwengamela lesifundza kuleyo ndzawo yamasipala kanye namacondzana nalowo masipala; futsi
 - (iii) unganiketela ngekucutjungulwa kabusha kweminyele yabomasipala

uma sinye setifundza letitsintsekako sihocisa kwesekela kwaso umnyele lomiswe ngekulandzela indzima(a).

[Sigatjana (6A) singeniswe ngesigaba 1 seMtsetfo 87 wanga-1998.]

- (7) Hulumende wavelonkhe ngaphasi kwetimiso letisesigatjaneni 44, kanye nabohulumende betifundza unemandla ekushaya neligunya lekuphatsa, kwelusa, kusebenta ngalokufanele kwabomasipala kwemisebenti yabo mayelana neluhlu lwetintfo letihlelwe kuShejuli 4 na-5, ngekucondzisa kusetjentiswa kwemandla abomasipala ekuphatsa lashiwo esigabeni 156 (1).

Emandla nemisebenti yabomasipala

156. (1) Masipala uneligunya lekwengamela futsi unelilungelo lekuphatsa –
(a) tindzaba tahulumende wasekhaya letihleliswe eNcenyen'i B yeShejuli 4 neNcenye B yeShejuli 5; kanye
(b) nanoma nguluphi ludzaba loluniketwe masipala ngumtsetfo wavelonkhe noma ngumtsetfo wesifundza.
- (2) Masipala angabeka aphindze aphantse imitsetfo-sigodzi kuze kusebenteke ngendlela lekahle kwetindzaba lanelilungelo lekutiphatsa.
- (3) Ngaphasi kwembandzela wesigaba 151 (4), umtsetfo-sigodzi wamasipala longcubutana nemtsetfo wavelonkhe noma wesifundza awusebenti. Uma ngabe kunekungcubutana kwemtsetfo-sigodzi wamasipala nemtsetfo wavelonkhe wesifundza longasebenti ngenga yalokungcubutana lokushiwo esigabeni 149, lomtsetfo-sigodzi wamasipala kumele utsatfwe ngekutsi uyasebenta kuleso sikhatsi lowo mtsetfo ungasebenti.
- (4) Hulumende wavelonkhe nabohulumende betifundza kumele babele masipala, ngesivumelwano, nanganoma nguyiphi imibandzela, kuphatfwa kweludzaba lolubekwe eNcenyen'i A seShejuli 4 noma iNcenye A seShejuli 5 lesiphatselene nahulumende wasekhaya uma ngabe -
(a) loludzaba lungaphatseka ngendlela lengiyo ekhaya; noma
(b) masipala unawo emandla ekuluphatsa.
- (5) Masipala unelilungelo lekusebentisa emandla laphatselene neludzaba lolusondzelene naloludzingekako, ekwenteni imisebenti yakhe.

Kubunjwa nekukhetfwa kwemikhandlu yabomasipala

157. (1) umkhandlu wamasipala ubunjwe –
- (a) ngemalunga lakukhetfwe ngekulandzela tigatjana (2) na-(3); noma
 - (b) uma ngabe kubekwe ngumtsetfo wavelonkhe –
 - (i) emalunga lakukhetfwe nguleminye iMikhandlu yaboMasipala kutsi atewumela leyo Mikhandlu leminye; noma
 - (ii) omabili emalunga lakukhetfwe ngekulandzela indzima(a) nemalunga lakukhetfwe ngekulandzela indzinyana(i) yalendzima.

[Sigatjana (1) sivalwe ngesigaba 1(a) seMtsetfo weSiphohlongo wekuChitjiyelwa kweMtsetfosisekelo wanga-2002.]

- (2) Kukhetfwa kwemalunga eMkhandlu waMasipala njengoba kushiwo esigatjaneni
 - (1)(a) kumele kulandzele umtsetfo wavelonkhe, lekumele ubeke idlela –
 - (a) yekumelwa ngalokunekulingana lokumiswe encenyeniyalo masipala yeluhlu lwebavoti Iwavelonkhe futsi lebeka ngekukhetfwa kwemalunga kulohlu lwemagama lowakhiwe ngekulandzela kukhetsa kwelicembu, noma
 - (b) yekumelwa ngalokunekulingana njengoba kuchaziwe esigatjaneni(a) kuhlangene nenchubo yekumelwa ngemawadi lokumiswe encenyeniyalo masipala yeluhlu lwebavoti Iwavelonkhe.
 - (3) Idlela yelukhetfo ngekulandzela sigatjana (2) kumele iholele, jikelele, kumiphumela yekumelwa ngelinani lekuvotelwa kwelicembu letembusave.
- (3) [Sigatjana (3) sivalwe ngesigaba 1(b) seMtsetfo weSiphohlongo wekuChitjiyelwa kweMtsetfosisekelo wanga-2002.]
- (4) (a) Uma ngabe lendlela yelukhetfo ifaka kumelwa kwemawadi, kubekwa kwemawadi kumele kwentiwe Sigungu lesitimele lesibekwe ngekulandzela, futsi lesisebenta ngekulandzela, tincumo netimiso letibekwe ngumtsetfo wavelonkhe.
 - (b) Uma umnyele wamasipala uye wabekwa ngekulandzela sigaba 155 (6A), liwadi lelibekwe ngekhatsi kwalowo mnyele wamasipala akumelanga ligabancele emnyeleni wesifundza lesitsintsekako.

[Sigatjana (4) sivalwe ngesigaba 2 seMtsetfo weSitsatu wekuChitjiyelwa kweMtsetfosisekelo wanga-1998.]

[Umugca (b) ucitfwe ngesigaba 3 seMtsetfo weLishumi naKibili wekuChitjiyelwa kweMtsetfosisekelo wanga-2005]

- (5) Umuntu angavota endzaweni yamasipala kuphela uma ngabe lowo muntfu ubhaliswe encenyeni yalomasipala eluhlwi iwebavoti lwavelonkhe.
- (6) Umtsetfo wavelonkhe lophawulwe esigatjaneni (1)(b) kumele usungule indlela levumela emacembu netimfuno letibonakalako kuloMkhandlu waMasipala kwenta kubewa etikhundleni, kubo ngulokulingana kahle kuloMkhandlu waMasipala lapho lokubekwa etikhundleni kwentelwe khona.

Bulunga beMkhandlu yaboMasipala

158. (1) Sonke sakhamuti lesinelilungelo lekuvotela uMkhandlu waMasipala sinelilungelo lekumela bulunga beMkhandlu, ngaphandle –
- (a) kwanoma ngubani locashwe, noma losebenta, kumasipala futsi ahola kulokucashwa noma kusebenta, futsi angakacolewa kulokungavumeleki ngekwemtsetfo wavelonkhe;
 - (b) kwanoma locashiwe, noma losebentela uMbuso kulelinye lizinga, futsi lekaholelwako kulokucashwa noma lowo msebenti, longakavumeleki kuba lilunga laloMkhandlu ngemtsetfo wavelonkhe;
 - (c) kwanoma ngubani longakavumeleki kuvotela Sigungu saVelonkhe noma longakavumeleki ngekwesigaba 47 (1)(c),(d) noma (e) kuba lilunga leSigungu saVelonkhe;
 - (d) kwelilunga leSigungu saVelonkhe, sitfunywa seMkhandlu waVelonkhe weTifundza, noma lilunga leshayamtsetfo sesifundza, kepha lokungavumeleki akusebenti elungeni leMkhandlu waMasipala lelimele hulumende wasekhaya eMkhandlwini waVelonkhe; noma
 - (e) kwelilunga lalomunye uMkhandlu waMasipala; kepha longakavumeleki akusebenti elungeni leMkhandlu waMasipala lelimele lowo Mkhandlu kulumunye uMkhandlu waMasipala esigabeni lesehlukile.
- (2) Umuntu longavumeleki kuba lilunga leMkhandlu waMasipala ngekwesigatjana (1)(a),(b),(d) noma (e) angaba lilunga laloMkhandlu kuphela nije ngaphasi kweminyele nemibandzela lebekwe ngumtsetfo wavelonkhe.
- (3) Tikhala temisebenti Emikhandlwini waMasipala kufanele tigcwatjiswe ngekwekushaywa kwemtsetfo kwavelonkhe.

[Sigatjana (3) sengetwe ngesigaba 4 seMtsetfo weLishumi neSihlanu wekuChitjiyelwa kweMtset-fosisekelo wanga-2008 nangeMtsetfo weLishumi neSitfupha wekuChitjiyelwa kweMtsetfosisekelo wanga-2009.]

Sikhatsi sekusebenta kweMikhandlu yaboMasipala

159. (1) Sikhatsi sekusebenta kweMkhandlu waMasipala angeke sendlule iminyaka lesihlanu, njenekuncuma kwemtsetfo wavelonkhe.
- (2) Uma uMkhandlu waMasipala uhlakatwa ngekulandzela umtsetfo wavelonkhe, noma uma sikhatsi sawo siphela, lukhetfo kumele lubanjwe kungakapheli emalanga langu-90 ngemuva kwelilanga lowo Mkhandlu uhlakatwe ngalo ngobe sikhatsi sawo siphelile.
- (3) UMkhandlu waMasipala, ngaphandle kweMkhandlu loye wahlakatwa kulandzela kungenenela ngekulandzela sigaba 139, uyachubeka nekuba neligunya lekusebenta kusukela ngalesikhatsi uhlakatwe ngaso noma sikhatsi sawo siphelile, kudzimate kumenyetelwe uMkhandlu lomusha lokhetsiwe.

[Sigaba 159 sivalwe ngesigaba 1 seMtsetfo weSibili wekuChitjiyelwa kweMtsetfosekelo wanga-1998.]

Tichubo tangekhatsi

160. (1) Umkhandlu waMasipala –
- wenta tincumo mayelana nekusetjentiswa kwawo onkhe emandla kanye nayo yonkhe imisebenti yamasipala;
 - kumele ukhetse sihlalo wawo;
 - ungakhetsa likomidi lekwengamela kanye nalamanye emakomiti; futsi
 - ungacasha bantfu labadzingekile kutsi utewenta imisebenti yawo ngelizinga lelifanele.
- (2) Lemisebenti lelandzelako uMkhandlu waMasipala ungete wayaba -
- kuphasisa imitsetfo-sigodzi;
 - kwemukela umcombeleotimali;
 - kubeka tintsela naleminye imitselo, imitsedlwana netimali letibhadalwako; kanye
 - kukhulisa imalimboleko.
- (3) (a) linyenti lemalunga eMkhandlu waMasipala kumele libe khona ngembi kwekutsi kuvotelwe noma ngabe nguluphi ludzaba.
- (b) Yonkhe imibuto lephatselene neludzaba lolushiwo esigatjaneni (2) incunywa ngesincumo lesitsetfwe nguMkhandlu waMasipala lesesekelwe livoti lelinyenti lemalunga awo.

- (c) Yonkhe leminye imibuto lesemb i kweMkhandlu waMasipala incunywa linyenti lemavoti lafakiwe.
- (4) Kute imitsetfomgom o lengaphasiswa nguMkhandlu waMasipala ngaphandle uma ngabe –
 - (a) onkhe emalunga aloMkhandlu aniketwe satiso ngesikhatsi lesenele; futsi
 - (b) umtsetfo-sigodzi lophakanyisiwe ushicelelw e kuze sive sikwati kwetfula tincumo ngawo.
- (5) Umtsetfo wavelonkhe ungancoma indlela yokuncuma –
 - (a) bukhulu beMkhandlu waMasipala;
 - (b) kutsi uMkhandlu waMasipala ungalikhetsa yini likomidi lekwengamela noma naliphi likomidi; noma
 - (c) bukhulu belikomidi lekwengamela noma naliphi likomidi leMkhandlu waMasipala.
- (6) Umkhandlu waMasipala ungenta imitsetfomgom o lechaza imitsetfo netibopho –
 - (a) tetinchubo tangekhatsi;
 - (b) temisebenti yawo netinchubo; futsi
 - (c) tekusungulwa, kubunjwa, tinchubo, emandla, imisebenti netinchubo temakomiti tawo.
- (7) Umkhandlu waMasipala kumele uchube imisebenti yawo ngendlela lengenamfihlo, futsi ungavala kutsi bantfu bangakungeneli kuhlangana kwavo noma kwemakomiti awo, kuphela uma ngabe kufanelekile kwenta njalo uma kubukwa lenhlolo yemsebenti lowentiwako.
- (8) Emalunga eMkhandlu weMasipala kumele akwati kufaka sandla enchubeni yawo naleyo yemakomiti awo ngendlela –
 - (a) levumela emacembu nemibono yawo kutsi ibonakale kuloMkhandlu futsi imelelwe ngendlela lefanele;
 - (b) lehambelana nentsandvo yelin yenti; futsi
 - (c) lengacondziswa ngumtsetfo wavelonkhe.

Emalungelomvume

161. Umtsetfo wesifundza ngekulandzela imibandzela yemtsetfo wavelonkhe ungabeka emalungelomvume nekukhuseleka kweMkhandlu yaboMasipala nemalunga ayo.

Kushicilelwa kwemitsetfo-sigodzi yamasipala

162. (1) Umtsetfo-sigodzi wamasipala ungasebenta kuhela ngemuva kwekushicilelwa kwavo kugazethi yembuso yesifundza lesitsintsekako.
- (2) Igazethi yahulumende wesifundza kumele ishicile imitsetfomgom yamasipala uma iceliwe ngulomasipala.
- (3) Imitsetfo-sigodzi yamasipala kumele itfolakale esiveni.

Hulumende wasekhaya lohlelekile

163. UMtsetfo wePhalamende lobekwe ngekwenchubo lebekwe esigaben 76 kumele –
- (a) ubuke ngekuhlonishwa kwemitimba yabohulumende bavelonkhe nebetfundza lemele labomasipala; futsi
- (b) uncume ngetinchubo lokutawutsi ngato hulumende wasekhaya akwati –
- (i) kutsintsana nahulumende wavelonkhe noma wesifundza;
- (ii) akhetse titfunywa letitawufaka sandla eMkhandlwini waVelonkhe weTifundza; kanye
- (iii) kufaka sandla eluhlelweni lolwendlalwe emtsetfweni wavelonkhe lohlongotwe esigaben 221 (1)(c).

[Indzima (b) ivalwe ngesigaba 4 seMtsetfo weSikhombisa wekuChitjiyelwa kweMtsetfosisekelo wanga-2001.]

Letinye tindzaba

164. Tonkhe tindzaba letiphatselene nahulumende wasekhaya lettingakatsintfwa kuMtsetfosisekelo tingachazwa ngumtsetfo wavelonkhe noma umtsetfo wesifundza ngaphasi kwetimiso temtsetfo wavelonkhe.

SEHLUKO 8

TINKANTOLO NEKUPHATFWA KWEBULUNGISWA

Emandla etebulungiswa

165. (1) Emandla etemtsetfo eRiphabhulikhi asemahlombe etinkantolo.
- (2) Tinkantolo titimele kepha tingaphasi kweMtsetfosisekelo kanye nemtsetfo kuphela, lekfanele tiwusebentise ngaphandle kwekukhetsa luhangotsi nangaphandle kwekwesaba, kwekuvuna labanye noma kakhinyabeta.
- (3) Kute umuntfu noma sikhungo sembuso lokumele sitsikamete kusebenta kwetinkantolo.
- (4) Tikhungo tembuso, ngetinyatselo temtsetfo naletinye tinyatselo, kumele telekelele futsi tivikele tinkantolo kuze kucinisekiswe kutimela, kusebenta ngaphandle kwekukhetsa luhangotsi, sitfunti, kufinyeleka kanye nekusebenta ngempumhelelo kwetinkantolo.
- (5) Umyalo noma sincumo lesikhishwe yinkantolo sibopha wonkhewonkhe kanye netikhungo tembuso lesisebenta kuto.
- (6) Somajaji uyinhloko yetemtsetfo futsi usebentisa sibopho sekumiswa kanye nekucaphelwa kwemihambo nemazinga ekusetjentisweni kwemisebenti yetemtsetfo kuto tonkhe tinkantolo.

[Sigatjana (6) sengetwe nguMtsetfo weLishumi nesikhombisa wekuChitjiwelwa kweMtsetfosisekelo wanga-2012]

Luhlelo lwetemtsetfo

166. Tinkantolo -
- (a) yiNkantolo yeMtsetfosisekelo;
- (b) yiNkantolo lePhakeme kunato tonkhe yekweNdululisel emacala;
- (c) iNkantolo lePhakeme yaseNingizimu Afrika, kanye nanoma nguyiphi inkantolo yekwendlulisel emacala lengasungulwa ngekulandzela uMtsetfo wePhalamende kutewulalela emacala latfunyelwe ngunobe nguyiphi inkantolo lenesifunti lesifana neNkantolo lePhakeme yaseNingizimu Afrika;
- (d) tiNkantolo taboMantji; kanye

- (e) nanoma ngutiphi letinye tinkantolo letisungulwe noma lethlonishwa nguMtsetfo wePhalamende, lokufaka ekhatsi tinkantolo telizinga lelifana neleNkantolo lePhakeme yaseNingizimu Afrika noma tiNkantolo taboMantji.

[Sigaba 166 sivalwe ngesigaba 2 seMtsetfo weLishumi nesikhombisa wekuChitjiyelwa kweMtsetfo-sisekelo wanga-2012]

INkantolo yeMtsetfosisekelo

167. (1) INkantolo yeMtsetfosisekelo ibunjwe ngaSomajaji, liSekela laSomajaji kanye nalamanye emajaji layimfica.

[Sigatjana (1) sivalwe ngesigaba 11 seMtsetfo weSitfupha wekuChitjiyelwa kweMtsetfosisekelo wanga-2001.]

- (2) Ludzaba lolusembi kweNkantolo yeMtsetfosisekelo kumele lulalelwé lokungenani ngemajaji lasiphohlongo.
- (3) INkantolo yeMtsetfosisekelo –
- (a) yinkantolo lephakeme yeRiphabhluki; futsi
 - (b) ingancuma
 - (i) tindzaba temtsetfosisekelo; futsi
 - (ii) nanome ngabe nguyiphi indzaba, uma iNkantolo yeMtsetfosisekelo ivumela kundulisia kwelicala ngetizatfu tekutsi lendzaba iveta liphuza lekudzingidwa lemtsetfo lekubaluleka kwempahkatsi jikelela lelidzinga kubukwa yiNkantolo; futsi
 - (c) yenta sincumo sekugcina ngekhatsi kwelulawulo Iwayo.

[Sigatjana (3) sivalwe ngesigaba 3 seMtsetfo weLishumi nesikhombisa wekuChitjiyelwa kweMtsetfosisekelo wanga-2012]

- (4) YiNkantolo yeMtsetfosisekelo kuphela –
- (a) lengancuma tindzaba lekuphikiswana ngato emkhatsini kwetitfunywa tembuso ezingeni lavelonkhe noma lesifundza mayelana nelizinga ngekwemtsetfosisekelo, emandla kanye nemisebenti yanoma ngumuphi umnyango wembuso;
 - (b) ingancuma ngebumtsetfosisekelo weMtsetfosivinyo noma wephalamende noma wesifundza, kepha loku ingakwenta esimeni lesicatjangwe esigaben 79 noma 121;
 - (c) ingancuma ngeticelo letihlongotwe esigaben 80 noma 122;

- (d) ingancuma ngebumtsetfosisekelo besichibiyelo seMtsetfosisekelo;
(e) ingancuma kutsi iPhalamende noma Mengameli wehlulekile kwenta umsebenti ngekwesibopho semtsetfosisekelo, noma
(f) ingacinisekisa umtsetfosisekelo wesifundza ngekulandzela sigaba 144.
- (5) INkantolo yeMtsetfosisekelo ngijo letsatsa sincumo sekugcina kutsi uMtsetfo wePhalamende, uMtsetfo wesifundza sento seMengameli siyahambelana yini neMtsetfosisekelo, futsi kumele icinisekise noma ngumuphi umyalo wekumisa lotsetfwе yiNkantolo lePhakeme kunato tonkhe yekweNdululisela emacula, yiNkantolo lePhakeme yaseNingizimu Afrika noma yinkantolo lenelizinga lelifanana naleti tinkantolo ngembi kwekutsi lowo myalo ube nemandla.

[Sigatjana (5) sivalwe ngesigaba 3 seMtsetfo weLishumi nesikhombisa wekuChitjiyelwa kweMtset-fosisekelo wanga-2012]

- (6) UMTsetfo wavelonkhe noma imitsetfomgomо yeNkantolo yeMtsetfosisekelo kumele ivumele umuntfu uma ngabe kunesidzingo sebulungiswa futsi nangemvumo yeNkantolo yeMtsetfosisekelo -
(a) kuletsa ludzaba ngco eNkantolo yeMtsetfosisekelo; noma
(b) kwendlulisel-a-ngco sikhalo eNkantolo yeMtsetfosisekelo iesisuka kulenyе inkantolo.
- (7) Ludzaba loluphat selene nemtsetfosisekelo lufaka noma yini lephat selene nekuhunyushwa, kuvikela nekucinisekisa kusebenta kweMtsetfosisekelo.

INkantolo lePhakeme kunato tonkhe yekweNdululisela emacula

168. (1) INkantolo lePhakeme kunato tonkhe yekweNdululisela emacula ibunjwe ngeMengameli, liSekela laMengameli kanye nelinani lemajaji lekwendululiselwa kuwo emacula lelincunywe nguMtsetfo wePhalamende.

[Sigatjana (1) sivalwe ngesigaba 12 seMtsetfo weSitfupha wekuChitjiyelwa kweMtsetfosisekelo wanga-2001.]

- (2) Ludzaba lolusembi kweNkantolo lePhakeme kunato tonkhe yekweNdululisela emacula kumele luncunywe linani lemajaji lelibekwe nguMtsetfo wePhalamende.

[Sigatjana (2) sivalwe ngesigaba 12 seMtsetfo weSitfupha wekuChitjiyelwa kweMtsetfosisekelo wanga-2001.]

- (3) (a) INkantolo lePhakeme kunato tonkhe yekweNdululisa emacula ingancuma emacula lakendlulisela kuyo kunoma nguyiphi indzaba lesukela eNkantolo lePhakeme yaseNingizimu Afrika noma inkantolo lesezingeni lelifana neNkantolo lePhakeme yaseNingizimu Afrika, ngaphandle kwetindzaba letimayelana netemisebenti nobe kuncintisana ngendlela lengancunywa nguMtsetfo wePhalamende.
- (b) Inkantolo lePhakeme kunato tonkhe yekweNdululisa emacula ingancuma kuphela
- (i) tcelo letendlulisiwe;
 - (ii) tindzaba letiphatselene nekwendluliswa kwemacula; kanye
 - (iii) nanoma nguluphi ludzaba lolungaletfwa kuyo esimeni lesichazwe nguMtsetfo wePhalamende.

[Sigatjana (3) sivalwe ngesigaba 4 seMtsetfo weLishumi nesikhombisa wekuChitjiyelwa kweMtset-fosisekelo wanga-2012]

INkantolo lePhakeme yaseNingizimu Afrika

169. (1) INkantolo lePhakeme yaseNingizimu Afrika ingancuma –
- (a) noma nguyiphi indzaba yemtsetfosisekelo ngaphandle kwalena –
 - (i) iNkantolo yeMtsetfosisekelo levume kuyilalela ngco ngekulandzela sigaba 167(6)(a); noma
 - (ii) iniketwe nguMtsetfo wePhalamende kulenyi inkantolo lizinga layo lelifanana neleNkantolo lePhakeme yaseNingizimu Afrika; kanye
 - (b) nanoma nguluphi ludzaba lolunganiketwa lenye inkantolo nguMtsetfo wePhalamende.
- (2) INkantolo lePhakeme yaseNingizimu Afrika icuketse Ligumbi lelincunywe nguMtsetfo wePhalamende, lekumele livumele –
- (a) kusungulwa kwemaGumbi, lanesihlalo sinye nobe letimbili kuliGumbi; kanye
 - (b) nekuniketwa kwemandla emtsetfo kuliGumbi nobe sihlalo neliGumbi
- (3) Ligumbi ngalinye leNkantolo lePhakeme yaseNingizimu Afrika –
- (a) linamengameli weliJaji
 - (b) linga neliSekela linye nobe langetulu aMengamel wemaJaji; futsi
 - (c) linelinani lalamanye emajaji lancunywe ngekulandzela umtsetfo wavelonkhe.

[Sigaba 169 sivalwe ngesigaba 5 seMtsetfo weLishumi nesikhombisa wekuChitjiyelwa kweMtset-fosisekelo wanga-2012]

Letinye tinkantolo

170. Tonke tinkantolo ngaphandle kwaleti lekushiwo kuto kutigaba 167, 168 na 169 tingancuma tindzaba letibekwe nguMtsetfo wePhalamende wavelonkhe kepha inkantolo yelizinga lelingaphasi kweNkantolo lePhakeme yaseNingizimu Afrika ingeke ikwati kubuka noma incume ngekuambisana nemtsetfosisekelo kwanoma ngumuphi umtsetfo noma sento seMengameli.

[Sigaba 170 sivalwe ngesigaba 6 seMtsetfo weLishumi nesikhombisa wekuChitijiyelwa kweMtsetfo-sisekelo wanga-2012]

Tinchubo tetiNkantolo

171. Tonke tinkantolo tisebenta ngekulandzela umtsetfo wavelonkhe, futsi imitsetfomgommo netibopho tato kumele tibekwe ngekwemtsetfo wavelonkhe.

Emandla etinkantolo etindzabeni temtsetfosisekelo

172. (1) Uma ngabe sincumo mayelana nekuambisana nemtsetfosisekelo kwendzaba lewela ngaphasi kwemandla ayo, inkantolo –
- (a) kumele ibeve kutsi noma muphi umtsetfo noma sento lesingahambisani neMtsetfosisekelo kasinamandla kuze kufike ezingeni lekungcubutana kwaso neMtsetfosisekelo; futsi
 - (b) ingenta noma muphi umyalo lolungile, nalofanelekile, lokufaka ekhatsi –
 - (i) umyalo lokunciphisa kusebenta ngekubuyela emuva kwalokubekwa kwekungasebenti; kanye
 - (ii) nemyalo lomisa lokubekwa kwekungasebenti sikhatsi noma lesingakanani iphindze ibeve nemibandzela, kuniketa siphatsimandla lesineligunya kutsi silungise leso siphosiso.
- (2) (a) INkantolo lePhakeme kunato tonke yekweNdilulisela emacala, iNkantolo lePhakeme noma inkantolo yelizinga lelifanako ingenta sincumo ngebumtsetfosisekelo beMtsetfo wePhalamende, uMtsetfo wesifundza, nanoma ngukuphi kutiphatsa kwaMengameli, kepha sincumo ngekungahambisani neMtsetfosisekelo asisebenti ngaphandle kwekucinisekisa yiNkantolo yeMtsetfosisekelo.
- (b) inkantolo leyenta sincumo sekungasebenti ngekwemtsetfosisekelo inganiketa

sivimbelo sesikhashana, noma lolunye lusito lwsikhashana kumunfu, noma ingake imise lelicalu kuze kupuhume sincumo seNkantolo yeMtsetfosisekelo ngekusebenta kweMtsetfo noma sento.

- (c) Umtsetfo wavelonkhe kumele ubeke indlela yekwendluliselwa kwesincumo sekungahambisani nemtsetfosisekelo.
- (d) noma ngumuphi umuntfu noma sikhungo sembuso lesinenshisekelo angendluliselala licala, noma afake sicelo, lesicondze-ngco eNkantolo yeMtsetfosisekelo kuze inkantolo icinisekise noma igucule sincumo senkantolo sekungahambisani nemtsetfosisekelo ngekulandzela lesigatjana.

Emandla lekavele akhona enkantolo

173. Inkantolo yeMtsetfosisekelo, iNkantolo lePhakeme kunato tonkhe yekweNdululiselera emacula kanye netiNkantolo letiPhakeme tinemandla lekavele akhona ekuvikela nekucondzisa inchubo letisebenta ngayo, kanye nekutfutufukisa umtsetfo lowetayelekile, tinake kuphela tinhloso tebulungiswa.

[Sigaba 173 sivalwe ngesigaba 8 seMtsetfo weLishumi nesikhombisa wekuChitjiyelwa kweMtsetfosisekelo wanga-2012]

Kukhetfwa kwetiphatsimandla temtsetfo

174. (1) Noma muphi umuntfu lomsikati noma lomdvuna lofundzele lomsebenti ngalokwenele lofanelekile futsi nalokulungele kuba sesikhundleni, angakhetfwa njengesiphatsimandla setemtsetfo. Noma muphi umuntfu longakhetselwa kuba seNkantolo yeMtsetfosisekelo kumele aphindze abe sakhamuti saseNingizimu Afrika.
- (2) Uma kukhetfwa tiphatsimandla tetemtsetfo, kufanele kubukwe sidzingo sekukhombisa ngalokwenabile kwakheka kwemmango waseNingizimu Afrika ngekwebunhlanga kanye nebulili.
- (3) Mengameli njengenhlоко yeSigungu savelonkhe lesengamele, ngemuva kwekubonisana neliKhomishani leMisebenti yeTemptsetfo nebaholi bemacembu lekamelwe esiGungwini saVelonkhe, ukhetsa Somajaji kanye neliSekela laSomajaji, futsi ngemuva kwekubonisana naletiKhomishani leMisebenti yeTemptsetfo, ukhetsa Mengameli kanye neliSekela laMengameli weNkantolo lePhakeme kunato tonkhe

yeKweNdilulisela emacala.

[Sigatjana (3) sivalwe ngesigaba 13 seMtsetfo weSitfupha wekuChitjiyelwa kweMtsetfosisekelo wanga-2001.]

- (4) Lawa lamanye emajaji eNkantolo yeMtsetfosisekelo akhetfwa nguMengameli njengenhloko yeSigungu savelonkhe lesengamele ngemuva kwekubonisana naSomajaji nebaholi bemacembu lekamelwe esiGungwini saVelonkhe ngekulandzela lenchubo -
- (a) LiKhomishani leMisebenti yeTemptsetfo kufanele lilungise luhlu lwemagama ebantfu labaphakanyiswa lolunemagama lamatsatu ngetulu kwaleso sibalo sebantu labafanele babekwe etikhundleni, bese lilyisa kuMengameli.
 - (b) Mengameli angabeka bantfu labakuloluhlu lwemagama, futsi kumele achazele lelikhomishani leMisebenti yeTemptsetfo, anikete netizatfu, uma labanye balabantu labaphakanyisiwe bangemukeleki uma kusadzinga kutsi kubekwe labanye.
 - (c) LiKhomishani leMisebenti yeTemptsetfo kumele lengete kuloluhlu ngalamanye emagama laphakanyisiwe kantsi futsi Mengameli kumele abeke labo bebasele abatsatse kuloluhlu lolwengetiwe.

[Sigatjana (4) sivalwe ngesigaba 13 seMtsetfo weSitfupha wekuChitjiyelwa kweMtsetfosisekelo wanga-2001.]

- (5) Ngato tonkhe tikhatsi, kumele lokungenani emalunga lamane eNkantolo yeMtsetfosisekelo kube bantfu lebebangemajaji ngesikhatsi bakhetselwa kuba seNkantolo yeMtsetfosisekelo.
- (6) Mengameli kumele abeke amajaji ato tonkhe letinye tinkantolo ngekwelulekwa liKhomishani leMisebenti yeTemptsetfo.
- (7) Letinye tiphatimandla tetemtsetfo kumele tibekwe ngekulandzela uMtsetfo wePhalamende lokumele ucinisekise kutsi kubekwa, kukhushulwa, kuntjintjelwa kulenyen indzawo noma kucoshwa noma tinyatselo tekucondziswa kwaletikhulu kwenteka ngaphandle kwekvuvuna noma kukhetsa.
- (8) Tingakacali kusebenta letiphatsimandla tetemtsetfo kumele tifunge noma tivume ngekutibopha, ngekulandzela iShejuli 2, kutsi titawuphakamisa tiphindze tivikele uMtsetfosisekelo.

Kukhetfwa kwemaBambela emaJaji

175. (1) Mengameli angabeka esikhundleni umuntu lomsikati noma lomvuna kusebenta njengelibambela leliSekela laSomajaji nobe lijaji leNkantolo yeMtsetfosisekelo uma ngabe kunesikhala kulelinye lalamahhovisi noma uma umuntu lobambe lelo lihhovisi angekho. Lokubewa esikhundleni kumele kwentiwe ngesiphakamiso selilunga leKhabbinethi leliphetse kuphatfwa kwetebulungiswa, ngekutsintsana naSomajaji, kantsi kukhetfwa njengelibambela leliSekela laSomajaji kumele kwentiwe kumarenki emajaji lakhetfwe kuNkantolo yeMtsetfosisekelo ngekulandzela sigaba 174(4).

[Sigatjana (1) sivalwe ngesigaba 14 seMtsetfo weSitupha wekuChitjiyelwa kweMtsetfosisekelo wanga-2001 futsi sivalwe ngesigaba 9 seMtsetfo weLishumi nesikhombisa wekuChitjiyelwa kweMtsetfosisekelo wanga-2012.]

- (2) Lilunga leKhabbinethi leliphetse kuphatfwa kwetebulungiswa kumele libeke emajaji latawubamba tikhundla tebujaji kuletinye tinkantolo ngemuva kwekubonisana nelijaji lelikhulu lalenkantolo lapho khona kutawusebenta lelijaji lelibambela.

Sikhatsi sekusebenta kanye nemiholo

176. (1) Lijaji leNkantolo yeMtsetfosisekelo libekwa esikhundleni kutsi lisebente sikhatsi lesingavuseleleki seminyaaka lelishumi nakubili, noma lidzimati lifike eminyakeni lengu-70, kuye ngaloko lokufika kucala, ngaphandle uma uMtsetfo wePhalamende welula lesikhatsi sekusebenta kweliJaji leNkantolo yeMtsetfosisekelo.

[Sigatjana (1) sivalwe ngesigaba 15 seMtsetfo weSitupha wekuChitjiyelwa kweMtsetfosisekelo wanga-2001.]

- (2) Lamanye emajaji aba sesikhundleni adzimate akhishwe ngekulandzela uMtsetfo wePhalamende.
(3) Imiholo, tibonelelo netinzozo temajaji akumelanga tincishiswe.

Kukhishwa esikhundleni

177. (1) Lijaji lingakhishwa esikhundleni kuphela nje uma ngabe –
(a) LiKhomishani leMisebenti yeTemtsetfo litfola kutsi lelo jaji alinawo emandla ekwenta umsebenti, lehluleka ngalokwendlulele kwenta umsebenti noma litfolakale linelicala lekutiphatса kabi kakhulu; futsi

- (b) Sigungu saVelonkhe sitsatsa sincumo sekutsi lelo jaji likhishwe esikhundleni, ngesincumo lesesekelwe ngemavoti lokungenani elinyenti lalokubili kulokutsatfu kwemalunga aso.
- (2) Mengameli kumele akhiphe lijaji esikhundleni uma ngabe sincumo sekutsi lelo jaji likhishwe semukelwe.
- (3) Mengameli, ngeseluleko seliKhomishani leMisebenti yeTemtsetfo, angemisa emsebentini lijaji lelipahawulwe kulenchubo lebekwe esigatjaneni (1).

LiKhomishani leMisebenti yeTemtsetfo

178. (1) KuneliKhomishani leMisebenti yeTemtsetfo, lelibunjwe -
- (a) nguSomajaji, lowengamela imihlangano yaleliKhomishani;
 - (b) nguMengameli weNkantolo lePhakeme kunato tonkhe yekweNdululisela emacala;
 - [Indzima(b) ivalwe ngesigaba 16 seMtsetfo weSitfupha wekuChitjiyelwa kweMtsetfosisekelo wanga-2001.]
 - (c) ngumunye Mengameli wemaJaji lokhetfwе boMengameli bemaJaji;
 - (d) lilunga leKhabhinethi leliphetse tebulungiswa, noma lomunye lokhetfwе ngulelo lunga leKhabhinethi;
 - (e) bameli basemajajini lababili labenta lomsebenti labakhetfwе kulobungcweti bebumeli kutsi bemele bameli balobungcweti bonkhana, futsi lababekwe nguMengameli;
 - (f) bameli lababili labenta lomsebenti labakhetfwе kulobungcweti bebumeli kutsi bemele bameli balobungcweti bonkhana, futsi lababekwe nguMengameli;
 - (g) ngumunye umfundzisi wemtsetfo lokhetfwе bafundzisi bemtsetfo emaNyuvesi aseNingizimu Afrika;
 - (h) bantfu labasitfupha lebakhetfwе Sigungu saVelonkhe emalungeni awo, lokungenani labatsatfu kubo lokungemalunga emacembu laphikisako lekamelwe kuleSigungu;
 - (i) titfunya letine letingesuswa eMkhandlwini waVelonkhe weTifundza letibekwe ngekuhlanganya nguloMkhandlu ngelivoti lekwesekela lokungenani letifundza letisitfupha;
 - (j) bantfu labane lababekwe nguMengameli njengenhlоко yeSigungu savelonkhe lesengamele, ngemuva kwekubonisana nebaholi bemacembu onkhe esiGungwini savelonkhe; kanye

- (k) uma kubuyeketswa ludzaba loluphatselene-ngco neLigumbi leNkantolo lePhakeme, Mengameli wemaJaji walelo liGumbi kanye naNdunankhulu wesifundza lesintsekako, noma lomunye lomiswe ngibo.

[Indzima (k) ivalwe ngesigaba 2 seMtsetfo weSibili wekuChitjiyelwa kweMtsetfosisekelo wanga-1998 sigaba 16(b) seMtsetfo weSitfupa wanga-2001 futsi sivalwe ngesigaba 9 seMtsetfo weLishumi nesikhombisa wekuChitjiyelwa kweMtsetfosisekelo wanga-2012.]

- (2) Uma ngabe linani lebantfu labaphakanyisi kulomtimba webameli basemajajini noma bameli jikelele ngekulandzela sigatjana (1)(e) noma (f) lilingana tikhala lekumele tigcwaliswe, Mengameli kumele abeke labo bantfu. Uma ngabe linani lebantfu labaphakanyiswe lengca letikhundla lokumele tigcwaliswe Mengameli, ngemuva kwekubonisana nalomtimba webungcweti bebumeli, kumele abeke linani lelenele kugcwalisa leto tikhala, ngekunaka sidzingo sekutsi lababekiwe bemele bungcweti bebumeli bonkhana.
- (3) Emalunga aleliKhomishani lakhetfwa nguMkhandlu weTifundza asebent aze akhishwe kanye-kanye, noma kuze kuvele sikhala enanini lawo. Lamanye emalunga lakhetselwa noma emagama awo laphakamiselwa kuleliKhomishani asebenta aze asuswe ngulabo lebawakhetsa noma labaphakamisa emagama abo.
- (4) LiKhomishani leMisebenti yeTemptsetfo linemagunya nemisebenti leliyabelwe nguMtsetfosisekelo nangumtsetfo wavelonkhe.
- (5) LiKhomishani leMisebenti yeTemptsetfo lingeluleka hulumende wavelonkhe noma ngatiphi tindzaba letiphatselene netetinkantolo noma nekuphatfwa kwetemtsetfo, kepha uma licubungula noma luphi ludzaba ngaphandle kwekubekwa kwelijaji, kumele lihangane ngaphandle kwemalunga lakhetfwe ngekulandzela sigatjana (1)(h) noma (i).
- (6) LiKhomishani leMisebenti yeTemptsetfo lingatibekela tinchubo talo, kepha tincumo taleliKhomishani tesekelwa linyenti lemalunga alo.
- (7) Uma Somajaji noma Mengameli weNkantolo lePhakeme kunato tonkhe yekweNduluisela emacula angaphumelei kwsikhashana kusebenta kuleliKhomishani, liSekela laSomajaji noma liSekela laMengameli weNkantolo lePhakeme kunato tonkhe yekweNduluisela emacula, kuye ngekutsi ngumuphi lotsintsekako, utawungena esikhundleni sakhe kuleliKhomishani.

[Sigatjana (7) sifakwe ngesigaba 2(b) seMtsetfo weSibili wekuChitjiyelwa kweMtsetfosisekelo wanga-1998 saphindze savalwa ngesigaba 16(c) seMtsetfo weSitfupa wekuChitjiyelwa kweMtsetfosisekelo wanga-2001.]

- (8) Mengameli kanye nalabantfu labakhetsa, labaphakamisa noma labamisa emalunga elikhomishani ngekulandzela sigatjana (1)(c),(e), (f) na-(g), ngendlela lefanako, nabo bangahetsa, baphakamise noma bamise labatawungena etikhundleni tabo ngamunye njengemalunga, kutsi basebente kuleliKhomishani uma lelilunga lelitsintsekako lingaphumeleli kwesikhashana kutsi lisebente ngesizatfu sekungabi neligunya noma kungabi khona eRiphabhulikhi noma ngenga yanoma ngusiphi lesinye sizatfu lesivakalako.

[Sigatjana (8) sifakwe ngesigaba 2(b) seMtsetfo weSibili wekuChitjiyelwa kweMtsetfosisekelo wanga-1998.]

UMtimba wekuShushisa

179. (1) Kunemtimba munye wekushushisa wavelonkhe eRiphabhulikhi lowakhiwe ngekwemtsetfo wePhalamende futsi lobunjwe –
- ngumCondzisi waVelonkhe weTekushushisa, loyinhloko yalomtimba wekushushisa, futsi lobekwe nguMengameli, njengenhloko yeSigungu savelonkhe lesengamele; kanye
 - nebaCondzisi beTekushushisa nebashushisi njenekubekwa kweMtsetfo wePhalamende.
- (2) uMtimba wekuShushisa unemandla ekusungula tinchubo tekushushisa emacula, egameni lembuso, newekuchuba yonkhe imisebenti ledzingekile ekusungulenii tinchubo tekushushisa bugebengu.
- (3) Umtsetfo wavelonkhe kumele ucinisekise kutsi baCondzisi beTekushushisa –
- bafundzele ngalokwenele; futsi
 - banetindzawo letisikiwe lapho bashushisa khona, ngaphasi kwembandzela wesigatjana 5.
- (4) Umtsetfo wavelonkhe kumele ucinisekise kutsi umtimba wekushushisa wenta imisebenti yawo ngaphandle kweluvalo, kuvuna nekukhinyabeta.
- (5) UmCondzisi waVelonkhe weTekushushisa -
- kumele ancume, ngekuvumelana nelilunga leKhabhinethi leliphetse tebulungiswa, futsi ngemuva kwekubonisana nebaCondzisi beTekushushisa, tinchubomgomgo tekushushisa lokumele tilandzelwe kuyo yonkhe inchubo yekushushisa;

- (b) kumele akhiphe tibopho tenchubomgom o lekumele tilandzelwe kuyo yonke inchubo yekushushisa;
- (c) angangenela kulenchubo yekushushisa uma ngabe tibopho tenchubomgom o tingakalandzelwa; futsi
- (d) angabuyeketa kabusha noma akhiphe imiyaleto yekutsi kushushiswe emacula latsite, ngemuva kwekubonisana nemCondzisi weTekushushisa lotsintsekako futsi ngemuva kwekutsatsa luvo kungakapheli sikhatsi lesincunywe ngumCondzisi waVelonkhe weTekushushisa, kulaba labalandzelako -
 - (i) Ummangalelw a.
 - (ii) Ummangali.
 - (iii) Noma muphi umuntfu noma licembu umCondzisi waVelonkhe weTekushushisa ambona afanele.
- (6) Lilunga leKhabhinethi leliphetse tebulungiswa kumele kube ngilo lelinemtfwalo wekubeka liso kuolimba wekushushisa.
- (7) Tonkhe letinye tindzaba letiphatselene nekushushisa kumele tincunywe ngukwemtsetfo wavelonkhe.

Letinye tindzaba letitsinta kuphatfwa kwetebulungiswa

180. Umtsetfo wavelonkhe ungalungisela noma nguluphi ludzaba lolumayelana nanoma ngukuphi kuphatfwa kwetebulungiswa lokungakatsintfwa kuMtsetfosisekelo, lokufaka ekhatsi –
- (a) tinhlelo tekucecesha tiphatsimandla tetemtsetfo;
 - (b) tindlela tekubukana netikhalo ngetiphatsimandla tetemtsetfo; kanye
 - (c) nekufaka sandla kwebantfu ngaphandle kwalabo labatiphatsimandla tetemtsetfo kutincumo tenkantolo.

SEHLUKO 9

TIKHUNGO TEMBUSO LETISEKELE INTSANDVO YELINYENTI NGEKWEMTSETFOSISEKELO

Kusungulwa kanye nemigomosisekelo lebusako

181. (1) Letikhungo tembuso letilandzelako ticinisekisa intsandvo yelinyenti ngekwemtsetfosisekelo eRiphabulikhi -
- (a) UMvikeli wemmango
 - (b) LiKhomishani laseNingizimu Afrika lemaLungelo eLuntfu
- [Indzima(b) iChitjiyelwe ngesigaba 4 seMtsetfo 65 wanga-1998.]
- (c) LiKhomishani lekuTfutukiswa nekuVikelwa kwemaLungelo emiPhakatsi yemaSiko, teNkholo neluLwimi
 - (d) LiKhomishani lekuLingana ngeBulili
 - (e) Umcwaningimabhuku-Jikelele
 - (f) LiKhomishani leluKhetfo.
- (2) Letikhungo titimele, futsi tiboshwa kuphela nguMtsetfosisekelo nemtsetfo, futsi kumele tingakhetsi luhlangotsi futsi kumele tisebentise emandla ato futsi tente imisebenti yato ngaphandle kwekwesaba, kwekuvuna nom a kwekukhinyabeta.
- (3) Letinye tikhungo tembuso, kumele ngetinyatselo temtsetfo naletinye, tisite futsi tivikele letikhungo kutewucinisekisa kutimela, kungakhetsi luhlangotsi, sitfunti kanye nekusebenta ngemphumelelo kwaletikhungo.
- (4) Kute umuntu nom a sikhungo sembuso lokumele sitsikamete kusebenta kwaletikhungo.
- (5) Letikhungo tineketiphendvulela esiGungwini saVelonkhe kantsi kumele tiletse umbiko wekusebenta nekuchutjwa kwemisebenti yato kuleSigungu lokungenani kanye ngemnyaka.

UMvikeli wemmango

Imisebenti yeMvikeli weMmango

182. (1) UMvikeli wemmango unemandla, njengoba kucondzisa ngumtsetfo wavelonkhe –
- (a) ekuphenya noma ngusiphi sento etindzabeni tembuso, noma kulawulwa kwembuso kunoma ngumuphi umkhakha wahulumende lekutsiwa noma lekusolakala kutsi asikalungi noma sitawuletsa kungalungi noma lukhinyabeteke;
 - (b) ekubika mayelana naleso sento; kanye
 - (c) nekutsatsa sinyatselo lesifanele lesilikhambi laloku.
- (2) UMvikeli wemmango unemandla nemisebenti leyengetiwe laniketwe yona ngumtsetfo wavelonkhe.
- (3) UMvikeli wemmango akumelanga aphenye tincumo tetinkantolo.
- (4) UMvikeli wemmango kumele afinyeleleke kubo bonkhe bantfu nakuyo yonke imiphakatsi.
- (5) Noma ngumuphi umbiko lokhishwe nguMvikeli wemmango kumele ummango ukwati kuwutfolwa, ngaphandle uma ngabe timo letitsite letingakavami, letitawuncunywa ngumtsetfo wavelonkhe, tibeka kutsi umbiko lotsite ugcinwe uyimfihlo.

Sikhatsi sekuba sesikhundleni

183. UMvikeli wemmango ubekwa esikhundleni kutsi asebente iminyaka lesikhombisa lengavuselelwa. LiKhomishani laseNingizimu Afrika lemaLungelo eLuntfu (sigaba 184)

Imisebenti yeliKhomishani lemaLungelo eLuntfu

184. (1) LiKhomishani laseNingizimu Afrika lemaLungelo eLuntfu kumele –
- (a) likhutsate kuhlonishwa kwemaLungelo eLuntfu kanye nekutfufukiswa kwelisiko lemalungelo eluntfu eRiphabhulikh;
 - (b) likhutsate kutfufukiswa, kuvikelwa kanye nekutfolakala kwemaLungelo eLuntfu; futsi
 - (c) libeke liso liphindze lihlatiye kuhlonishwa kwemalungelo eluntfu eRiphabhulikh.

**SEHLUKO 9: TIKHUNGO TEMBUSO LETISEKELE INTSANDVO
YELINYENTI NGEKWEMTSETFOSISEKELO**

- (2) LiKhomishani laseNingizimu Afrika lemaLungelo eLuntfu linemandla, njengoba kubekwe ngumtsetfo wavelonkhe, ladzingekile kutsi lente imisebenti yalo, lokufaka ekhatsi emandla –
- (a) ekuphenya kanye nekubika mayelana nekuhlonishwa kwemalungelo eluntfu;
 - (b) ekutsatsa tinyatselo kucinisekisa sincestelo lesifanele uma ngabe emalungelo eluntfu ephuliwe;
 - (c) ekwenta lucwaningo; kanye
 - (d) ekufundzisa.
- (3) Njalo ngemnyaka liKhomishani lemaLungelo eLuntfu kumele libophelele tikhungo tembuso kutsi tetfule kuleliKhomishani imininingwane ngetinyatselo letititsetse leticondze ekuphunyelelisweni kwemalungelo lakuluCwebu lwemaLungelo eLuntfu laphat selene netindlu, lunakekelo lwetemphilo, kudla, emanti, kuvikeleka kutenhlakahle, imfundvo, kanye nesimondzawo.
- (4) LiKhomishani laseNingizimu Afrika lemaLungelo eLuntfu linemandla nemisebenti leyengetiwe leliniketwe yona ngumtsetfo wavelonkhe.

[Sigaba 184 siChitjiyelwe ngesigaba 4 seMtsetfo 65 wanga-1998.]

**LiKhomishani lekuTfutfukiswa nekuVikelwa kwemaLungelo
emiPhakatsi yemaSiko, teNkholo neluLwimi**

Imisebenti yaleliKhomishani

185. (1) Tinhloso letinkhulu taleliKhomishani lekuTfutfukiswa nekuVikelwa kwemaLungelo emiPhakatsi yemaSiko, teNkholo neluLwimi -
- (a) kutfutfukisa kuhlonishwa kwemalungelo emiphakatsi lebunjwe ngemasiko, tenkholo netilwimi;
 - (b) kunconota nekutfutfukisa kuthula, bungani, buntfu, kubeketelelana nebunye besive emiphakatsini lebunjwe ngemasiko, tenkholo netilwimi lokumiswe esisekelweni sekulingana, kungabandlululi nekuhlangana ngenkhululeko; kanye
 - (c) nekwenta tiphakamiso tekusungulwa noma tekwemukelwa, ngekulandzela umtsetfo wavelonkhe, kwemkhandlu wetemasiko noma lokunye noma imikhandlu yemmango noma imiphakatsi eNingizimu Afrika.

**SEHLUKO 9: TIKHUNGO TEMBUSO LETISEKELE INTSANDVO
YELINYENTI NGEKWEMTSETFOSISEKELO**

- (2) LeliKhomishani linemandla, njengoba kubeka umtsetfo wavelonkhe, leliwadzingako kufenza tinhlosoncanti talo, lokufaka ekhattsi emandla ekulandzelela, ekuphenya, ekucwaninga, ekufundzisa, ekusomela kwesekelwa, ekweluleka nekubika ngetindzaba letiphatselene nemalungelo emiphakatsi lebunjwe negetemasiko, ngetenkholo nangetilwimi.
- (3) LeliKhomishani lingetfula imibiko ngeludzaba loluwela ngaphasi kwemandla nemisebenti alo lekuliKhomishani laseNingizimu Afrika lemaLungelo eLuntfu kutsi luphenywe.

[Sigatjana (3) siChitjiyw ngesigaba 4 seMtsetfo 65 wanga-1998.]

- (4) LeliKhomishani linemandla nemisebenti leyengetiwe leliniketwe yona ngumtsetfo wavelonkhe.

Kubunjwa kwaleliKhomishani

186. (1) Linani lemalunga aleliKhomishani lekuTfutfukiswa nekuVikelwa kwemaLungelo emiPhakatsi yemaSiko, teNkholo neluLwimi kanye nekubekwa etikhundleni nemibandzela yekucashwa kwawo kumele kubekwe ngumtsetfo wavelonkhe.
- (2) Kubunjwa kwaleliKhomishani –
- (a) kumele kukhombise kumelwa ngalokubanti kwemiphakatsi lemikhulu kutemasiko, tenkholo netilwimi eNingizimu Afrika; futsi
 - (b) kukhombise ngalokubanti bonyenti bebulili lobukhona eNingizimu Afrika.

LiKhomishani lekuLingana ngeBulili

Imisebenti yeliKhomishani lekuLingana ngeBulili

187. (1) LiKhomishani lekuLingana ngeBulili kumele likhutsate kuhlonishwa kwekulingana ngekwebulili, kanye nekutfutfukiswa, kuvikelwa kanye nekuzuzwa kwekulingana ngekwebulili.
- (2) LiKhomishani lekuLingana ngeBulili linemandla, njengoba kubekwe ngumtsetfo wavelonkhe, ladzingekako ekwenteni imisebenti yalo, lokufaka ekhattsi emandla ekulandzelela, ekuphenya, ekucwaninga, ekufundzisa, ekusomela kwesekelwa, ekweluleka nekubika ngetindzaba letiphatselene nekulingana kwebulili.

**SEHLUKO 9: TIKHUNGO TEMBUSO LETISEKELE INTSANDVO
YELINYENTI NGEKWEMTSETFOSISEKELO**

- (3) LiKhomishani lekuLingana ngeBulili linemandla nemisebenti leyengetiwe leliniketwe yona ngumtsetfo wavelonkhe.

UmCwaningimabhuku-Jikelele

Imisebenti yemCwaningimabhuku-Jikelele

188. (1) UmCwaningimabhuku-Jikelele kumele acwaninge aphindze ente imibiko ngemabhuku etetimali, netitatemende tetetimali kanye nekuphatfwa kwetimali –
(a) kuwo onkhe ematiko embuso emkhakheni wavelonkhe newesifundza kanye nemahhovisi embuso;
(b) kubo bonkhe bomasipala; kanye
(c) nakunoma ngusiphi lesinye sikhungo noma licadzi lekutiphendvulela lekufuneka ngekwemtsetfo wavelonkhe noma wesifundza kutsi ticwaningwe ngumCwaningimabhuku-Jikelele.
- (2) Ngetulu kwalemisebenti lebekwe esigatjaneni (1), futsi nangekulandzela noma ngumuphi umtsetfo, umCwaningimabhuku- Jikelele angacwaninga aphindze abike ngekugcinwa kwetetimali, titatimende tetetimali nekuphatfwa -
(a) kwanoma ngusiphi sikhungo lesinkwa timali letiphuma esiKhwameni saVelonkhe seMali, esiKhwameni sesiFundza seMali noma samasipala; noma
(b) kwanoma ngusiphi sikhungo lesivunyelwe ngunoma ngumuphi umtsetfo kwemukela imali syekuchuba imisebenti yemmango.
- (3) UmCwaningimabhuku-Jikelele kumele etfule imibiko kunoma ngusiphi shishayamtsetfo lesinenshisekelo-ngco kulolo lucwaningo, nakunoma ngusiphi lesinye siphatsimandla lesishiwu ngumtsetfo wavelonkhe. Yonkhe imibiko kumele ingabi yimfihlo.
- (4) Umcwaningimabhuku-Jikelele unemandla nemisebenti leyengetiwe laniketwe yona ngumtsetfo wavelonkhe.

Sikhatsi sekuba sesikhundleni

189. Umcwaningimabhuku-Jikelele kumele abekwe sikhatsi lesimisiwe, lesingavuselewa lesisemkhatsini kweminyaka lesihlanu nalesishumi.

LiKhomishani leluKhetfo

Imisebenti yeliKhomishani leluKhetfo

190. (1) LiKhomishani leluKhetfo kumele –
- (a) liphatse lukhetfo lwayo yonke imitimba yekushaya umtsetfo kuvelonke, etifundzeni nakubomasipala ngekulandzela umtsetfo wavelonkhe;
 - (b) licinisekise kutsi lolo lukhetfo lukhululekile futsi lulnebungiswa; futsi
 - (c) likhiphe imiphumela yalolo lukhetfo ngesikhatsi lesitawubekwa ngumtsetfo wavelonkhe lesifishane ngalokungaphumeleleka.
- (2) LiKhomishani leluKhetfo linemandla nemisebenti leyengetiwe leliniketwe yona ngumtsetfo wavelonkhe.

Kubunjwa kweliKhomishani leluKhetfo

191. LiKhomishani leluKhetfo kumele libunjwe bantfu lokungenani labatsatfu. Linani lemalunga nebudze betikhatsi tekusebenta kwawo kumele kubekwe ngumtsetfo wavelonkhe.

UMtimba lotiMele wekuLawula TekuSakata

UMtimba weTekuSakata

192. Umtsetfo wavelonkhe kumele ubeke umtimba lotimele kutewulawula tekusakata ngekwemfuno yemiphaktsi, kanye nekucinisekisa bulungiswa nemibono leyehlukahlukene lemele imiphaktsi yeNingizimu Afrika ngalokubanti.

Timiso Jikelele

Kubekwa esikhundleni

193. (1) UMvikeli wemmango kanye nemalunga eliKhomishani lelisungulwe nguleSAHLUKO kufanele babe ngulabasikati noma labadvuna -
- (a) labatakhamuti taseNingizimu Afrika;
 - (b) labalungele futsi labafanele kubamba leto tikhundla; futsi
 - (c) labanetisa tonkhe letinje tidzingo letibekwe ngumtsetfo wavelonkhe.

**SEHLUKO 9: TIKHUNGO TEMBUSO LETISEKELE INTSANDVO
YELINYENTI NGEKWEMTSETFOSISEKELO**

- (2) Sidzingo seliKhomishani lesisungulwe nguleSAHLUKO sekukhonbisa kabanti kwakheka ngebuuhlanga nangebulili kweNingizimu Afrika kumele sinakwe uma kubekwa emalunga.
- (3) UmCwaningimabhuku-Jikelele kumele kube ngumuntfu lomsikati noma lomdvuna losakhamuti seNingizimu Afrika futsi lofanele nalolungele kubamba lesosikhundla. Lwati lolujulile, noma sipiliyoni, ekucwaningeni, timali tembuso kanye nekuphatfwa kwembuso kumele kunakwe uma kucashwa umCwaningimabhuku-Jikelele.
- (4) Mengameli ngetincomo teSigungu saVelonkhe, kumele akhetse uMvikeli wemmango nemCwaningimabhuku-Jikelele nemalunga –
(a) eliKhomishani laseNingizimu Afrika lemaLungelo eLuntfu;
[Indzima (a) iChitjiyelwe ngesiga 4 seMtsetfo 65 wanga-1998.]
(b) eliKhomishani lekuLingana ngeBulili; kanye
(c) eliKhomishani leluKhetfo.
- (5) Sigungu saVelonkhe kumele sincome bantu –
(a) labaphakanyiswe likomidi leSigungu saVelonkhe lelinemalunga lamele onkhe emacembu ngebuncane nangebukhulu bawo kuleSigungu;
(b) labemukelwe nguleSigungu ngesincumo lesivunywe livoti lelesekwelwe –
(i) linyenti lemalunga lokungenani langemaphesenti langu- 60 aleSigungu, uma ngabe lesincomo siphatselene nekubekwa esikhundleni kweMvikeli weMmango noma umCwaningimabhuku-Jikelele; noma
(ii) linyenti lemalunga aleSigungu uma ngabe lesincomo siphatselene nekubekwa esikhundleni kwelilunga leliKhomishani.
- (6) Kufaka sandla kwemmango kulenchubo yetincomo kungaphunyeleliswa njengoba kushiwu esigaben 59(1)(a).

Kukhishwa esikhundleni

194. (1) U Mvikeli wemmango, umCwaningimabhuku-Jikelele noma lilunga leliKhomishani lelisungulwe nguleSAHLUKO bangakhishwa esikhundleni kuphela nje –
(a) ngesizatfu sekutiphatsa kabi, kwehluleka kwenta umsebenti noma kungabi nelwati lolwenele lwekwenta umsebenti;
(b) kunebufakazi baloko lobutfolwe likomidi leSigungu saVelonkhe; kanye
(c) nekutsi Sigungu saVelonkhe semukele sincumo sekutsi lowo muntfu akakhishwe esikhundleni.

**SEHLUKO 9: TIKHUNGO TEMBUSO LETISEKELE INTSANDVO
YELINYENTI NGEKWEMTSETFOSISEKELO**

- (2) Sincumo lesitsetfwe Sigungu saVelonkhe lesiphatselene nekukhishwa esikhundleni –
- (a) kweMvikeli weMmango noma umCwaningimabuku-Jikelele kumele semukelwe ngelivoti lelesekewa ngemalunga langulokubili kulokutsatfu aleSigungu; noma
 - (b) kwelilunga leliKhomishani kumele semukelwe ngelivoti lelesekewa linyenti lemalinga aleSigungu.
- (3) Mengameli –
- (a) angammisa kwsikhashana umuntfu esikhundleni noma nini ngemuva kwekucala kweluphenyo Iwekomiti yeSigungu saVelonkhe mayelana ngekukhishwa kwalowo muntfu esikhundleni; futsi
 - (b) kumele amkhiphe umuntfu esikhundleni uma Sigungu saVelonkhe sitsetse sincumo lesitsi lowo muntfu akakhishwe.

SEHLUKO 10

KUPHATFWA KWEMBUSO

Timiso letimcoka nemigomosisekelo lesingatse kuphatfwa kwembuso

195. (1) Kuphatfwa kwembuso kumele kubuswe yimibandzela yentsandvo yelinyenti nemigomomsekelo letishicilelw kuMtsetfosisekelo lokufaka lemigomosisekelo lelandzelako –
- (a) Lizinga lesisetulu lebungcweti bekutiphatsa emsebentini kumele litfutfukiswe liphindze ligincwe;
 - (b) Kukhutsatwe kusetjentiswa kwengcebo ngendlela lekhombisa likhono, konga nemandla;
 - (c) Umsebenti wekuphatfwa kwembuso kumele uhlose kutfutfukisa
 - (d) Imisebenti kumele yentiwe ngendlela lengakhetsi, lecofo, ngalokulinganako, nangaphandle kwelubandlululo;
 - (e) Tidzingo tebantu kumele tinakwe, futsi ummango kumele ukhutsatwe kutsi ufafe sandla ekubekweni kwenchubomgommo
 - (f) Umbuso kumele ukwati kubikela ummango ngendlela lesebenta ngayo,
 - (g) Kusebenta kwembuso kumele kube ngulokungasiyo imfihlo ngekutsi umphatsi uniketwe lwati ngaleso sikhatsi kutfolakala malula kwemininingwane yelwati futsi kube lwati lolungemaciniso;
 - (h) Kumele kukhutsatwe emakhono ekuphatsa kahle tisebenti kanye nekutfukiswa kwekfundzelwa kwemisebenti ngenhlosa yekutsi bantfu bente imisebenti ngelizinga leisetulu;
 - (i) Kuphatfwa kwembuso kumele kumele ngalokubanti bonkhe bantfu baseNingizimu Afrika, kantsi tento tekucasha kanye nekuphatsa tisebenti kumele tisinyiswe ekutseni bantfu banemakhono, baphatsi abakhetsi nekutsi kunesidzingo sekucedza kungaphatfwa ngalokungalinganako kwebantfu baseNingizimu Afrika kwasikhatsi lesedlulile, kuze tonkhe tinhlobo tebantu timelwe kabanti.
- (2) Lemigomosisekelo lengenhla isepta –
- (a) ekuphatfweni kwavo onkhe emazinga ahulumende;
 - (b) ekuphatfweni kwetikhungo tembuso; kanye
 - (c) nasetikhungweni temmango.

- (3) Umtsetfo wavelonkhe kumele ucinisekise kutfutfukiswa kwalemigosisekelo nemibandzela lebalwe esigatjaneni (1).
- (4) Kubekwa etikhundleni kwelinani lebantu lebatawusebentela hulumende ngekunaka imigomosisekelo akukashiywa ngaphandle, kepha umtsetfo wavelonkhe kumele ucondzise lokucashelwa kwalabantu emisebentini yembuso.
- (5) Umtsetfo lobusa indlela yekuphatsa umbuso ungehlukanisa emkhatsini kweminyango, kwengamela kanye netikhungo.
- (6) Inhlobo nemisebenti yeminyango leyehlukene, kwengamela nomina tikhungo tekuphatfwa kwembuso tintfo letiphatsekako letimele tibukwe uma kubekwa lophatsa kuphatfwa kwembuso.

LiKhomishani lekuPhatfwa kweMbuso

196. (1) KuneliKhomishani linye lekuPhatfwa kweMbuso eRiphabulikhi.
- (2) LeliKhomishani litimele futsi kumele lingakhetsi, futsi kumele lisebentise emandla alo liphindze lente umsebenti walo ngaphandle kwekwesaba, kweukhetsa nomina kukhinyabeta ngenhloslo yekugcina kuphatfwa ngendlela lenemandla nalefanele kanye nelizinga lelipahkeme lebungcweti bekutiphatsa emsebentini wembuso leliKhomishani kumele liphatfwe ngumtsetfo wavelonkhe.
- (3) Letinye tembuso, ngemtsetfo nomina ngaletinye tinyatselo kumele tisite tivikele leliKhomishani kucinisekisa kutimela, kungakhetsi, sitfunti nemandla aleliKhomishani. Kute umuntfu nomina sikhungo sembuso lesitsikameta kusebenta kwaleliKhomishani.
- (4) Emandla nemisebenti yeliKhomishani –
 - (a) kukhutsata imibandzela nemigomosisekelo lephawulwe esigaben 195, kuto tonkhe tisebenti tembuso;
 - (b) kuphenya, kwelusa nekuvivinya inhlangano nekwengamela, kanye nemikhuba yetisebenti tembuso;
 - (c) kuncoma tinyatselo letitsite kutewucinisekisa kusebenta lokunemandla nalokufanele etisebentini tembuso;
 - (d) kuniketa tindlela lekuhloswe ngato kucinisekisa kutsi tinchubo tetisebenti letiphatselene nekufunwa, kuntjintjwa, kushushulwa kanye nekusakatwa tiyavumelana yini nemibandzela kanye nemigomosisekelo lephawulwe esigaben 195;

- (e) kubika mayelana nalokwentiwa nguleliKhomishani kanye nekwenta kwalo imisebenti yalo, lekufaka ekhantsi noma yini letfolakele lelingayenta netindlela kanye neteluleko lelingatinikela, nekwenta kubu khona kuhlolalizinga imibandzela nemigomosisekelo lephawulwe esigabeni 195 lehambelana ngalo nayo; futsi
- (f) noma ngentsandvo yalo noma ngekutfola sikhalo –
 - (i) kuphenya nekuhlola cicelo setisebenti nemkhuba wekuphatfwa kwetembuso, futsi nekubikela Sigungu noma sisayamtsetfo lesifanele;
 - (ii) kuphenya tikhalo tebasebenti bembuso mayelana nekwentiwa noma kwentiwa kwetento letisemtsetfweni, futsi letfule tincomo letifanele tekulungisa lesimo;
 - (iii) kwelusa nekuphenya kulandzela tinchubo letisebentisekako etisebentini tembuso; kanye
 - (iv) nekweluleka tikhungo tembuso wavelonkhe netetifundza mayelana nemkhubo wetisebenti tembuso, lokufaka ekhatsi letiphatselene nekufunwa, kucashwa, kuntjintjwa, kusakatwa kanye nalokunye lokuphatselene nemisebenti yebasebenti bembuso.
- (g) kuchuba emandalia noma kwenta imisebenti leyengetiwe lebekwe nguMtsetfo wePhalamende.

[Indzima (g) ifakwe ngesigaba 3 seMtsetfo weSibili wekuChitijiyelwa kweMtsetfosisekelo wanga-1998.]

- (5) LeliKhomishani linekutiphendvulela kuSigungu saVelonkhe.
- (6) LeliKhomishani kumele litetfule umbiko lokungenani kanye ngemnyaka ngekwasigtjana (4)(e) –
 - (a) embi kweSigungu saVelonkhe; kanye
 - (b) mayelana nemisebenti yalo esifundzeni, nasembi kwasishayamtsetfo saleso sifundza.
- (7) LeliKhomishani lina-14 waboKhomishani labalandzelako lababekwe nguMengameli –
 - (a) boKhomishani labasihlanu labemukelwe Sigungu saVelonkhe ngekulandzela sigatjana (8)(a); kanye
 - (b) naKhomishani munye wesifundza ngesifundza lophakanyiswe nguNdvunankhulu wesifundza ngekulandzela sigatjana (8)(b).

- (8) (a) Khomishani lobekwe ngekwasigatjana (7)(a)kumele -
(i) anconye likomidi leSigungu saVelonkhe lelaklıwe ngelinani lebungako bermalunga elicembu ngelicembu lelimelwe kuloMkhandlu; futsi
(ii) emukelwe ngulesishayamtsetfo ngesincumo lesitstfwe ngekwesekelwa livoti lelinyenti lemalunga aso.
- (9) UMTsetfo wePhalamende kumele ucondzise inchubo yekubekwa kwaboKhomishani.
- (10) Khomishani ubekwa kutsi asebente sikhatsi lesiminyaka lesihlanu lesivuselewako kutsi asebente kwsibili kuphela, futsi kumele kube ngumuntfu lomsikati noma lomdvuna -
(a) losakhamuti seNingizimu Afrika; futsi
(b) angumuntfu lolungele nalofanelekile nalonetwati, noma sipiliyon, kutekuphatsa, tekwengamela noma tetimiso tebasebenti bembuso.
- (11) Khomishani angehliswa esikhundleni kuphela nje -
(a) ngesizatfu sekutiphatsa kabi, kwehluleka noma kungabi namandla;
(b) kuvetwa ebaleni kwaloko likomidi leSigungu saVelonkhe noma , uma ngabe kunguKhomishani lophakanyiswe nguNdvunankhulu wesifundza, likomidi lesishayamtsetfo saleso sifundza; kanye
(c) ngesincumo lesitstfwe Sigungu noma sishayamtsetfo sesifundza lesitsintsekako, ngelivoti lelisekelwe linyenti lemalunga awo noma aso laphakamisa kutsi Khomishani akhishwe esikhundleni.
- (12) Mengameli kumele akhiphe lowo Khomishani lotsintsekako esikhundleni emuva –
(a) kwekutsatfwa nguleSigungu kwasincumo sekukhishwa kwaKhomishani esikhundleni; noma
(b) kwekubhalwa kwesimemetelo nguNdvunankhulu kutsi sishayamtsetfo sesifundza sesitsatse sincumo sekukhishwa kwaKhomishani esikhundleni.
- (13) BoKhomishani labashiwo esigatjaneni (7)(b) bangasebentisa emandalu futsi bangenta imisebenti yaleliKhomishani etifundzeni tabo njengoba kuchazwa ngumtsetfo wavelonkhe.

Kusebenta kuhulumende

197. (1) Embusweni kunesikhungo semisebenti yahulumende weRiphabhulikhi, lokumele sisebente, futsi sihlelwe, ngekulandzela umtsetfo wavelonkhe, futsi lokumele sigcine ngekwetsembeka inchubomgomu lesemsetfweni yahulumende wangaleso sikhatsi.
- (2) Imibandzela yekucashwa netimfanelo tetisebenti tahulumende kumele kuphatfwe ngumtsetfo wavelonkhe. Tisebenti tinelilungelo lekutfola umhlalaphasi lofanele, njengekusho kwemtsetfo wavelonkhe.
- (3) Kute sisebenti sahulumende lesingavunwa noma sibandlululwe ngesizatfu sekutsi lovo muntfu weseckela licembu lelitsite letembusave noma ludzaba lolutsite.
- (4) Bohulumende betifundza banelilungelo lekufuna, kucasha, kukhuphula, kuntjintja nekusakata tisebenti tahulumende letingaphasi kwabo kepha ngaphasi kwesitfungetelo senchubo nemazinga lafanako lasebenta etisebentini tahulumende jikelele.

SEHLUKO 11

TEKUVIKELA

Imigomosisekelo lebusako

198. Lemigomosisekelo lelandzelako ibusa tekuvikelwa kwelive eRiphabulikhi -
- (a) kuvikelwa kwavelonkhe, kumele kubonakalise kutinikela kwabo bonkhe bantfu baseNingizimu Afrika, kwemuntfu ngamunye nesive sonkhe, kutsi baphile ngendlela yekulingana, bahlale ngekuthula nangekuvana, bangabi neluvalo nekweswela, futsi bafune imphilo lencono.
 - (b) Kutimisela kuhlala ngekuthula kuvimbela Sonkhe sakhamuti seNingizimu Afrika ekungeneleni kuhlonyiwe noma ngekhatsi noma ngaphandle kwaleli, ngaphandle njengoba kubeka uMtsetfosisekelo noma umtsetfo wavelonkhe.
 - (c) Kuvikelwa kwavelonkhe kumele kwentiwe ngekulandzela umtsetfo lokufaka ekhatsi nemtsetfo wemave emhlaba.
 - (d) Kuvikelwa kwavelonkhe kungaphasi kweliguanya lePhalamende kanye neSigungu savelonkhe lesengamele.

Kusungulwa, kuhlelwa kanye nekutiphatsa kwemibutfo yetekuphepha

199. (1) Imibutfo yetekuphepha eRiphabulikhi ibunjwe ngembutfo munye wetekuvikela, umbutfo munye wetebuphoyisa kanye naleminye imibutfo yetebunhloli, lesungulwe ngekulandzela uMtsetfosisekelo.
- (2) Umbutfo wetekuvikela ngiwo wodvwa umbutfo wetemphi losemtsetfweni eRiphabulikhi.
- (3) Ngaphandle kwemibutfo yetekuphepha lesungulwe ngekulandzela uMtsetfosisekelo, tinhlangano letiphatsa tikhali noma lokunye lokusebenta loko tingasungulwa ngekulandzela umtsetfo wavelonkhe.
- (4) Imibutfo yetekuphepha kumele ihlewe futsi iphatfwe ngumtsetfo wavelonkhe.
- (5) Imibutfo yetekuphepha kumele yente futsi kumele ifundzise iphindze iphocelele kutsi emalunga ayo ente njengoba kupocelela uMtsetfosisekelo kanye nemtsetfo, lokufaka ekhatsi umtsetfo wendzabuko kumhlabawonkhe kanye netivumelwano temave emhlaba letibopha iRiphabulikhi.

- (6) Alikho lilunga lanoma ngumuphi umbutfo wetekuphepha lokumele lilalele umyalo lokucace ngalokuphelele kutsi uphambane nemtsetfo.
- (7) Kute umbutfo wetephepha noma linye lemalunga alombutfo, ekwenteni imisebenti yabo –
 - (a) labangakhinyabeta tinhoso telicembu letembusave lelisemtsetfweni ngekwemtsetfosisekelo; noma
 - (b) labangachubela embili, ngendlela yekwesekela, noma tiphi tinhoso telicembu linye letembusave.
- (8) Kuniketa kuciniseka kwemgomosisekelo wekusebenta lokungenamfiho nekusebentela bavoti, emakomiti emacembu etembusave onkhe lasephalamende kumele abeke liso kuyo yonkhe imibutfo yetekuphepha ngendlela lebekwe mitsetfomgomu netibopho tePhalamende.

Tekuvikela

UMbutfo weTekuvikela

200. (1) Umbofuo weTekuvikela kumele uhlwelwe futsi uphatfwe njengembutfo wetemphi lohloniphako.
- (2) Inhoso lenkhulu yembutfo wetekuvikela kulwela nekuvikela iRiphabhulikhi, kuvikela iminyele yayo, kanye nebantu bayo ngekulandzela uMtsetfosisekelo nemigomosisekelo yemtsetfo wemave emhlaba lecondzisa kusetjentiswa kwekulwa.

Kutiphendvulela ngetembusave

201. (1) Lilunga leKhabhinethi kumele liphatse umbutfo wetekuvikela.
- (2) NguMengameli kuphela, njengenholo yeSigungu lesengamele, longaniketa emandla ekusetjentiswa kwembutfo wetekuvikela –
 - (a) ngekubambisana nembutfo wetebuphoyisa;
 - (b) kuvikela iRiphabhulikhi; noma
 - (c) kuphumelelisa sibopho semave emhlaba
- (3) Uma ngabe umbutfo wetekuvikela usetjentiselwa noma ngabe nguyiphi inhoso lephawulwe esigatjaneni (2), Mengameli kumele abikele iPhalamende ngekusheshisa futsi nangemininingwane leyenele –

- (a) ngetizatfu tekusebentisa lombutfo;
 - (b) ngendzawo noma kuphi lapho lombutfo usetjentiswa khona;
 - (c) ngelinani lebantfu labatsintsekako; kanye
 - (d) nebudze besikhatsi lekubhekeke kutsi usicitse kuleyo ndzawo lombutfo.
- (4) Uma ngabe iPhalamende ingahlangani emuva kwemalanga lasikhombisa lombutfo ubekiwe kutsi usebente ngekwesigatjana (2), Mengameli kumele anikete ikomiti lefanele imininingwane ledzingekile esigatjaneni (3).

Kukhutwa kwembutfo wetekuvikela

202. (1) Mengameli njengenhlоко yeSigungu lesengamele unguMekhuti loMkhulu wembutfo wetekuvikela, futsi kumele abeke Khomanda wetemphi walombutfo wetekuvikela.
- (2) Kukhutwa kwembutfo wetekuvikela kumele kwentiwe ngekulandzela indlela lebekwe lilunga leKhabhinethi leliphetse temphi, ngaphasi kweliguна laMengameli.

Simo sekuvikelwa kwavelonkhe

203. (1) Mengameli njengenhlоко yeSigungu lesengamele angabeka simo sekuvikelwa kwavelonkhe, futsi kumele abikele iPhalamende ngekusheshisa anikete neminingwane leyene –
- (a) ngetizatfu talokubekwa kwalesimo;
 - (b) ngendzawo noma kuphi lapho lombutfo usetjentiswa khona; kanye
 - (c) nangesibalo sebantu labatsintsekako.
- (2) Uma ngabe iPhalamende ingahlangani uma kubekwa lesimo sekuvikelwa kwavelonkhe, Mengameli kumele abite iPhalamende kutsi ite emhlanganweni lophutfumako kungakapheli emalanga lasikhombisa sibekiwe lesimo.
- (3) Kubekwa kwesimo sekuvikelwa kwavelonkhe kuphelelwa sikhatsi ngaphandle uma ngabe kuvunywe yiPhalamende kungapheli emalanga lasikhombisa kubekiwe.

Lihhovisi letebubhalane lebantfu labangekho embutfweni

204. Lihhovisi letebubhalane lebantfu labangekho embutfweni kumele lisukunyiswe ngekwemtsetfo wavelonkhe ngaphasi kwesandla selilunga leKhabhinethi leliphetse tekuvikela.

Tebuphoyisa

Umbutfo wetebuphoyisa

205. (1) Umbutfo wetebuphoyisa kumele uhlelwe ngendlela yekutsi usebente emikhakheni yavelonkhe, yetifundza kanye, uma ngabe kufanele, nakuhulumende wasekhaya.
- (2) Umtsetfo wavelonkhe kumele usungule emandla nemisebenti yembutfo wetebuphoyisa futsi wente kutsi umbutfo wetebuphoyisa ukwati kuyenta kahle imisebenti yawo, kuye nangetidzingo tetifundza.
- (3) Tinhoso tembutfo wetebuphoyisa kuvimbela, kulwa kanye nekuphenya ngebugebengu, kugcina kusebenta kwemtsetfo emmangweni, kugcina umtsetfo, nekuvikela nekuphephisa bantfu labahlala eRiphabhlukhi kanye nemphahla yabo nekuhlonipha kanye nekucindzeta kusebenta kwemtsetfo.

Kutiphendvulela ngetembusave

206. (1) Lilunga leKhabhinethi kumele liphatse umsebenti wetekuvikelwa ngemaphoyisa futsi libeke inchubomgomu yavelonkhe yetekuvikelwa ngesiphoyisa ngemuva kwekuhlolisana nabohulumende betifundza kanye nekutsi kulandzelwe netidzingo tetifundza njengoba tinconywe tigungu letengamele tetifundza.
- (2) Inchubomgomu yetebuphoyisa yavelonkhe ingenta tiphakamiso ngetinchubomgomu letehlukene ngekwehlukana kweTifundza emuva kwekubuketa tidzingo tekuvikelwa ngebuphoyisa nalokumcoka kwaletifundza.
- (3) Sifundza ngasinye sineligunya –
- (a) Iekugadza kutiphatsa kwemaphoyisa;
 - (b) Iekubeka liso ekusebenteni lokunemandla nalokunemphumelelo kwembutfo wetekuvikela, lokufaka ekhatsi kwemukela imibiko ngembutfo wetekuvikela;
 - (c) kutfutfukisa budlelwano lobuhle emkhatsini kwemaphoyisa kanye nemmango;
 - (d) kuphenya imphumelelo lebonakalako yekuvikelwa kwemiphakatsi ngulombutfo; kanye
 - (e) nekuchumana nelilunga leKhabhinethi leliphetse tekuvikelwa ngumbutfo wetekuvikela mayelana nebugebengu nekuvikela kweTifundza.

- (4) Sigungu sesifundza lesengamele setfwele umtfwalo wemisebenti yemaphoyisa –
 - (a) lesetfweswe wona nguleSAHLUKO;
 - (b) lesabelwe wona ngumtsetfo wavelonkhe; kanye
 - (c) naloniketwe kuso kunchubomgomu yavelonkhe yetebuphoyisa.
- (5) Kuze sikwati kwenta imisebenti lehlelw esigatjaneni (3), sifundza –
 - (a) singaphena, noma sibeke iKhomishani yeluphenyo, noma tiphi tikhalo ngekungakhoni kusebenta kwemaphoyisa noma kuhela kwebudlelwano emkhatsini kwemaphoyisa nanoma ngumuphi ummango; futsi
 - (b) kumele sente tincumo elungeni leKhabhinethi leliphetse tebuphoyisa.
- (6) Ngemuva kwekfufola sikhalo lesifikwe Sigungu sesifundza lesengamele, ibhodi letimele yetikhalo ngebuphoyisa lesungulwe ngumtsetfo wavelonkhe kumele iphenye noma kuphi kutiphatsa kabi, noma kwephulwa kwemtsetfo lilunga letembutfo webuphoyisa esifundzeni.
- (7) Umtsetfo wavelonkhe kumele wente kube khona sitfungeletelo sekusungulwa, semandla, semisebenti neseukuphatfwa kwembutfo wemaphoyisa abomasipala.
- (8) Likomidi lelibunjwe ngelilunga leKhabhinethi nemalunga eMkhandlu waVelonkhe weTifundza letfweswe umtfwalo wetebuphoyisa kumele lisungulwe kutewucinisekisa kusebentisana lokunemphumela ngumbutfo wemaphoyisa nelubambiswano lolunemphumela emkhatsini kwetikhungo tahlumende.
- (9) Sishayamtsetfo sesifundza singacela Khomishani wesifundza kutsi atfule embi kwaso noma kukuwaphi emakomiti aso kutewuphendvula imibuto letsite.

Kulawulwa kwembutfo wetebuphoyisa

- 207.
- (1) Mengameli njengenhlоко yeSigungu lesengamele kumele abeke umuntfu lomsikati noma lomdvuna kutsi abe nguKhomishani wavelonkhe wemaphoyisa, kucondzisa nekuphatsa umbutfo wetekuvikela.
 - (2) Khomishani wavelonkhe wemaphoyisa, kumele aphatse futsi acondzise umbutfo wetekuvikela ngekulandzela inchubomgomu yavelonkhe yetekuvikela kanye nemiyalo yelilunga leKhabhinethi lelengamele tekuvikelwa ngumbutfo wetebuphoyisa.
 - (3) Khomishani wavelonkhe wemaphoyisa, ngekuvumelana neSigungu sesifundza lesengamele, kumele abeke umuntfu lomsikati noma lomdvuna kutsi abe

- nguKhomishani wesifundza waleso sifundza, kepha uma ngabe Khomishani wavelonkhe neSigungu sesifundza lesengamele bangakhoni kuvumelana ngalomuntfu lokumele abekwe, lilunga leKhabhinethi leliphetsa umbutfo wetebuphoyisa kumele libe ngumlamuli emkhatsini kwalamacembu.
- (4) BoKhomishani bemaphoyisa betifundza banemtfwalo wetebuphoyisa etifundzeni tabo ngasinye –
 - (a) njengoba kuchaza umtsetfo wavelonkhe; futsi
 - (b) nangekulandzela emandal aKhomishani wemaPhoyisa wavelonkhe ekucondzisa nekuphatsa umbutfo wetebuphoyisa ngekulandzela sigatjana (2).
 - (5) Khomishani wesifundza kumele abike kusishayamtsetfo sesifundza njalo nje ngeminyaka ngekuvikela ngembutfo wemaphoyisa esifundzeni, futsi kumele atfumele ikhophi yalombiko kuKhomishani wavelonkhe.
 - (6) Uma Khomishani wesifundza asalahlekewa kwetsenjwa Sigungu sesifundza lesengamele leso Sigungu singenta tinyatselo letisemtsetfweni tekumkhipha esikhundleni, tekumtjintja noma tekumjezisa, Iwo Khomishani ngekulandzela umtsetfo wavelonkhe.

Lihhovisi labomabhalane lebantfu labangekho ebuphoyiseni

208. Lihhovisi labomabhalane lebantfu labangekho embutfweni wetebuphoyisa kumele livulwe ngekulandzela umtsetfo wavelonkhe, futsi lisebente ngaphantsi kwesandla selilunga leKhabhinethi lelibukene nemsebenti webuphoyisa.

Bunhloli

Kusungulwa nekuphatfwa kwemibutfo yebunhloli

209. (1) Noma muphi umbutfo webunhloli, ngaphandle kwemibutfo yebunhloli lebunebuciko lobusetulu yembutfo wetemphi noma wetekuvikela ngebuphoyisa ingasungulwa kuphela nguMengameli njengenhlоко yeSigungu lesengamele, futsi kuphela nangekulandzela umtsetfo wavelonkhe.
- (2) Mengameli njengenhlоко yeSigungu lesengamele kumele abeke umuntfu lomsikati noma lomdvuna njengenhlоко yalowo nalowo mbutfo webunhloli lobunebuciko lobusetulu bembutfo wetemphi noma wetekuvikela ngebuphoyisa lowakhiwe

ngekwesigatjana (1), futsi kumele noma atsatse umtfwalo ngekwepolitiki wekucondzisa nekuphatsa kwanoma ngumuphi walembutfo, noma akhetse lilunga leKhabhinethi kutsi litsatse lowo mtfwalo.

Emandla, imisebenti nekweluswa

210. Umtsetfo wavelonkhe kumele uphatse tinhoso, emandla kanye nemisebenti yemibutfo yebunhloli, lokufaka noma muphi umbutfo webunhloli lobunebuciko lobusetulu wembutfo wetemphi noma wetekuvikela ngebuphoyisa, futsi kumele wente kube khona –
- (a) kumataniswa kahle kwayo yonkhe imibutfo yebunhloli; futsi
 - (b) kweluswa sive kwemisebenti yalemibutfo yebunhloli ngumhloli lobekwe nguMengameli njengenholoko yeSigungu lesengamele, futsi loko kwemukelwa ngesincumo lesitsetfwé Sigungu saVelonkhe ngekweselekwa ngemalunga awo langulokubili kulokutsatfu.

SEHLUKO 12

BAHOLI BENDZABUKO

Kuhlonishwa

211. (1) Bukhosи, lizinga, indzima yebaholi bendzabuko ngekwemtsetfo wesintfu, kuhlonishwa kuphela nje uma kutfobela uMtsetfosisekelo.
- (2) Sigungu sebaholi bendzabuko lesilandzela umtsetfo wesintfu singasebenta ngekulandzela noma muphi umtsetfo losebentako, nemasiko lokufaka ekhatsi tichibiyelo, kucifwa kwalowo mtsetfo noma lawo masiko.
- (3) Tinkantolo kumele tisebentise umtsetfo wesintfu uma ngabe lowo mtsetfo usebenta ngaphasi kweMtsetfosisekelo nanoma ngumuphi lomunye umtsetfo locondzene ngco nemtsetfo wesintfu.

Indzima yebaholi bendzabuko

212. (1) Umtsetfo wavelonkhe ungenta kube khona indzima yebaholi bendzabuko njengeSigungu lesengamele ezingeni lahulumende wasekhaya etintfweni letitsinta tindzaba temiphakatsi etindzaweni tayo.
- (2) Kusebenta tindzaba letiphatselene nebaholi bendzabuko indzima yebaholi bendzabuko, umtsetfo wesintfu nemasiko emiphakatsi legcina leyo nchubo yemtsetfo wesintfu –
- (a) umtsetfo wavelonkhe noma weTifundza ungenta kube khona kusungulwa kwetindlu tebaholi bendzabuko; futsi
- (b) umtsetfo wavelonkhe ungasungula umkhandlu webaholi bendzabuko.

SEHLUKO 13

TETIMALI

Tindzaba jikelele teTimali

SiKhwama seMali saVelonkhe

213. (1) Kukhona siKhwama seMali saVelonkhe lapho tonkhe timali letemukelwe nguhulumende wavelonkhe lekumele tibhadalwe kuso ngaphandle kwetimali letibekwe eceleni ngalokufanele nguMtsetfo wePhalamende.
- (2) Imali ingakhishwa kulesiKhwama seMali saVelonkhe kuphela–
- (a) ngekulandzela sabelo lesentiwe nguMtsetfo wePhalamende; noma
 - (b) njengesikwelete lesikhishwa kuleSikhwama seMali saVelonkhe, uma ngabe kuvunyelwe nguMtsetfosisekelo noma nguMtsetfo wePhalamende.
- (3) Incenye yesifundza lefanele kuletimali letibutfwе eveni lonkhe ikhishwa kuleSikhwama seMali saVelonkhe.

Tabelo letinebulungiswa nekuphakelwa kwemali

214. (1) Umtsetfo wavelonkhe kumele wente kube khona –
- (a) kwehlukanisela ngalokufanele kwemali legcogcwе kuvelonkhe emkhatsini khahulumende wavelonkhe nabohulumende betifundza nebasekhaya;
 - (b) kuncunyuwa kwesabelo lesifanele sesifundza ngasinye esabelweni setifundza; kanye
 - (c) nekuniketwa kwanoma ngutiphi letinje tabelo tetimali etifundzeni nakubomasipala letiphuma encenyenи yahulumende wavelonkhe, kanye nemibandzela loko kuniketwa lokwentiwe ngayo.
- (2) UMTsetfo lophawulwe esigatjaneni (1) ungasetjentiswa kuphela ngemuva kwekubonisana nabohulumende betifundza, nabohulumende basekhaya labahlelekile kanye neliKhomishani lekuPhatfwa kweTetimali nesiLulu seMnotfo waHulumende, futsi noma ngutiphi tincumo taleliKhomishani setibuketiwe, futsi kumele kunakisiswe –

- (a) tindzingo tavelonkhe;
- (b) noma ngutiphi timiso lokumele tentive mayelana nesikwelete savelonkhe kanye naletinye tibopho tavelonkhe;
- (c) tidzingo kanye netimfuno tahulumende wavelonkhe, letincunywe ngekusetjentiswa kwetindlela tekubuka letifanele;
- (d) sidzingo sekwenta nakanjani kutsi tifundza nabomasipala bakwati kuniketa imisebenti lesisekelo nekwenta imisebenti lebanikwe yona;
- (e) emandla nelikhono letifundza nabomasipala labanalo lekuphatsa tetimali;
- (f) tidzingo tentfutfuko, naletinye nje tidzingo tetifundza, tahulumende wasekhaya metabomasipala;
- (g) kwehlukana ngetemnotfo esifundzeni nakuletinye tifundza;
- (h) tibopho tetifundza nabomasipala ngekwemtsetfo wavelonkhe;
- (i) kufuneka kwekwabelwa kwetincencye lokutintile nalokucagelekako; kanye
- (j) nesidzingo sekwtama kulungisa melula timo letibucayi noma tidzingo tesikhashana naletinye tintfo letimise ekubukisiseni ngekufanana.

Imicombelelotimali yavelonkhe, yetifundza neyabomasipala

215. (1) Imicombelelotimali yavelonkhe, yetifundza neyabomasipala netinchubo temcombelelotimali kumele titfutfukise kusebenta lokungenamfiho, kwetsembeka, kanye nekuphatfwa ngendlela lengiyo kwemnotfo, tikwelete neligumbi lembuso.
- (2) Umtsetfo wavelonkhe kumele uchaze –
- (a) simo semicombelelotimali yavelonkhe, yetifundza neyabomasipala;
 - (b) sikhatsi lapho imicombelelotimali yavelonkhe neyesifundza kumele yetfulwe ngaso etafulen; kanye
 - (c) nekutsi umcombelelotimali kulowo nalowo mkhakha wahulumende kumele ukhombe imitombo yamali nendlela lababona ngayo kutsi lokusetjentiswa kutawuhambisana nemtsetfo wahulumende wavelonkhe.
- (3) Imicombelelotimali kulowo nalowo mkhakha wahulumende kumele ibe –
- (a) nesicombelelo ngetimali nangekusetjentiswa kwato, lesehlukanisa emkhatsini kwetimali letikhona naletidzingekako ngaleso sikhatsi;
 - (b) netiphakamiso tekubhadala kushoda lokungase kwenteke ngaleso sikhatsi semcombelelotimali; kanye

- (c) netinhloso tekwebolekwa kwetimali naletinye tikwelete tembuso letingakhuphula sikwelete sembuso emnyakeni lolandzelako.

Kuphatfwa kwsigcinamafa

216. (1) Umtsetfo wavelonkhe kumele usungule sigcinamafa savelonkhe futsi uchaze netindlela tekucinisekisa kungabi namfihlo, nekuvimbela kusetjentiswa kabe kwetimali kuyo yonkhé imikhakha yahulumende, ngekwetfula –
(a) inchubo lehlonishwako yekuphatfwa kwetimali;
(b) kwehlukanisa kwekusebentisa timali lokufanako; kanye
(c) nemigomo nemazinga ekugcina timali lafanako.
(2) Sigcinamafa savelonkhe kumele sicinisekise kulandzelwa kwetinyatselo letisungulwe ngekulandzela sigatjana (1), futsi singamisa kwendlulisewa kwetimali kunoma ngusiphi sikhungo sembuso uma ngabe leso sikhungo sephula noma sichubeka nekwehphula letinyatselo ngalokunyantisako.

[Sigatjana (2) sivalwe ngesigaba 5(a) seMtsetfo weSikhombisa wekuChitijiyelwa kweMtsetfosisekelo wanga-2001.]

- (3) Sincumo sekuvimba kwendluliswa kwetimali leticondzene nesifundza ngekulandzela sigaba 214(1)(b) singatsatfwa kuphela etimeni letiphawulwe esigatjaneni (2), futsi –
(a) angeke sivimbele kwendluliswa kwetimali emalanga langetulu kwalangu-120; futsi
(b) singasebenta ngaleso sikhatsi, kepha sitawuphelelwa ngemandla ngekubuyela emuva kwaso ngaphandle uma ngabe iPhalamende isamukela ngemuva kwenchubo lefananako ncimishi naleyo lebekwe esigabeni 76(1) futsi lebekwe mitsetfomgomu netibopho letihlanganyelwe tePhalamende. Lenchubo kumele iphele esikhatsini semalanga langu-30 kusukela sacala kusebenta lesincumo lesitsatfwe sigcinamafa savelonkhe.

[Sigatjana (3) sivalwe ngesigaba 5(b) seMtsetfo 6weSikhombisa wekuChitijiyelwa kweMtsetfosisekelo wanga-2001.]

- (4) IPhalamende ingasivusetela lesincumo sekuvimbla kwendluliswa kwetimali kungakengci emalanga langu-120 ngekulandzelana kwawo lokungaphatamiseki, ngekulandzela lenchubo lechazwe esigatjaneni (3).

- (5) Ngembii kwekutsi iPhalamende yemukele noma ivuselele sincumo sekuvimbela kwendluliswa kwetimali tiye esifundzeni –
(a) umCwaningimabhku-Jikele kumele etfule umbiko ePhalamende, futsi
(b) sifundza kumele sinikwe litfuba lekutiphendvulela ngaletinsolo letibhekiswe kuso, futsi sibeke luhlangotsi lwaso ngalenzaba, ekomidini.

Kutfolakala kwemphahla

217. (1) Uma ngabe sikhungo sembuso emkhakheni wahulumende wavelonkhe, wesifundza noma wasekhaya, noma sippi lesinye sikhungo lesiphawuliwi emtsetfweni wavelonkhe, sitsatsa emakontileka etimphahla noma emisebenti, kumele sikkwente loko ngekulandzela imitsetfo yavelonkhe neyetifundza lechaza indlela lengiyo, lelungile, lefanelekile, lengenamfiho, lenekuchudzelana futsi leyongako.
(2) Sigatjana (1) asivimbeli tikhungo tembuso noma tikhungo letishiwu kuleso sigatjana kusetjentiswa kwenchubomgomoyekutfolakala kwetimphahla leyenta kube khona –
(a) tigaba tekunconota uma kuniketwa emakontileka; kanye
(b) nekuvikelwa noma kutufukiswa kwebantfu, ticuku tebantfu labakhinyabetwa lubandlululo lolungakafaneli.
(3) Umtsetfo wavelonkhe kumele usukumise luhlakamsebenti lenchubomgomolephawulwe esigatjaneni (2) lengasetjentiswa ngaphasi kwalo.

[Sigatjana (3) sivalwe ngesigaba 6 seMtsetfo weSikhombisa wekuChitjiyelwa kweMtsetfosiekelo wanga-2001.]

Ticiniseko tahulumende ngetikwelete

218. (1) Hulumende wavelonkhe, hulumende wesifundza noma hulumende wamasipala anganika saciniseko ngemali lebolekwe kuphela nije uma leso saciniseko sihambisana nemibandzela lebekwe emtsetfweni wavelonkhe.
(2) Umtsetfo wavelonkhe lophawulwe esigatjaneni (1) ungasebenta kuphela ngemuva kwekubukisisa noma tiphi tiphakamiso teliKhomishani lekuPhatfwa kweTetimali nesiLulu seMnotfo waHulumende.
(3) Ngalowo nalowo mnyaka wonkhe hulumende kumele etfule umbiko ngeticinisekiso lakatentile.

Kuholelwa kwebantfu labanetikhundla embusweni

219. (1) Umtsetfo wavelonkhe kumele usungule sikali sekubeka –
- (a) imiholo, tibonelelo netinzuko temalunga eSigungu saVelonkhe, titfunywa letingesulwa eMkhandlwini waVelonkhe weTifundza, emalunga eKhabhinethi, emaSekela etiNdvuna teMbuso, baholi bendzabuko nemalunga emikhandlu yebaholi bendzabuko; kanye
 - (b) nemazinga ebukhulu bemiholo, netibonelelo netinzuko temalunga etishayamtsetfo tetifundza, emalunga etiGungu leteNgamele nemalunga eMikhandlu yaboMasipala betinhloba letehlukile.
- (2) Umtsetfo wavelonkhe kumele usungule liKhomishani letitawenta tincumo ngemiholo, tibonelelo netinzuko temalunga letishiwo esigatjaneni (1).
- (3) IPhalamende ingaphasisa umtsetfo lophawulwe esigatjaneni (1) kuphela nje ngemuva kwekubuketa tincumo taleliKhomishani lelisungulwe ngekwesigatjana (2).
- (4) Sigungu savelonkhe lesengamele, Sigungu sesifundza lesengamele, masipala kanye nanoma muphi umtimba lowengamele singasabentisa umtsetfo wavelonkhe lophawulwe esigatjaneni (1) kuphela nje ngemuva kwekubuketa tincumo taleliKhomishani lelisungulwe ngekwesigatjana (2).
- (5) Umtsetfo wavelonkhe kumele usungule iminyele yekuncuma imiholo, tibonelelo netinzuko temajaji, uMvikeli wemmango, umCwaningimabhku-Jikelele kanye nemalunga anoma nguliphi liKhomishani lelibekwe ngekweMtsetfosisekelo lokufaka ekhatsi nemtimba wetekusakata lophawulwe esigabeni 192.

LiKhomishani lekuPhatfwa kweTetimali nesiLulu seMnotfo waHulumende

Kusungulwa nemisebenti yalo

220. (1) KuneliKhomishani lekuPhatfwa kweTetimali nesiLulu seMnotfo waHulumende eRiphabhulikhi lelenta tincumo letishiwo kuleSAHLUKO, noma emtsetfweni wavelonkhe, ePhalamende, kutishayamtsetfo tetifundza nakuleminye imitimba leyengamele lencunywe ngumtsetfo wavelonkhe.

- (2) LeliKhomishani litimele futsi linekutiphendvulela kuphela ngekweMtsetfosisekelo nemtsetfo, futsi kumele lingakhetsi luhlangotsi.
- (3) LeliKhomishani kumele lisebente ngekulandzela uMtsetfo wePhalamende futsi ekwenteni imisebenti kwalo, kumele libuke tonkhe tintfo letitsintsekako lokufaka ekhatsi leto lethihelwe esigabeni 214(2).

Kubekwa nesikhatsi sekusebenta kwemalunga

221. (1) LeliKhomishani libunjwe ngalabantu labasikati nalabadvuna labalandzelako, labakhetfwe nguMengameli njengenholko yeSigungu savelonkhe lesengamele –
- (a) sihlalo kanye nelisekela lasihlalo;
 - (b) bantfu labatsatfu labakhetfwe, ngemuva kwekubonisana nabonDvunankhulu, eluhlwin iwlwakhiwe ngekulandzela luhlelo lolumiswe ngekwemtsetfo wavelonkhe;
 - (c) bantfu lababili labakhetfwe, ngemuva kwekubonisana nabohulumende basekhaya labahalekile, eluhlwin iwlwakhiwe ngekulandzela luhlelo lolumiswe ngekwemtsetfo wavelonkhe; kanye
 - (d) nalabanye bantfu lababili.

[Sigatjana (1) sivalwe ngesigaba 7(a) seMtsetfo weSihlanu wekuChitjiyelwa kweMtsetfosisekelo wanga-1999.] [avalwe ngesigatjana 7(a) weMtsetfo weSikhombisa wekuChitjiyelwa kweMtsetfosisekelo wanga-2001]

- (1A) Umtsetfo waVelonkhe lophawulwe esigatjaneni (1) kumele uniketele ngekumbandzakanyeka –
- (a) kwaboNdvunakhulu ekwakhiweni kweluhlu loluhlongotwe esigatjaneni (1)(b); kanye
 - (b) nabohulumende basekhaya labahalekile ekwakhiweni kweluhlu loluhlongotwe esigatjaneni (1)(c).

[Sigatjana (1A) sifakwe ngesigaba 7(b) seMtsetfo weSikhombisa wekuChitjiyelwa kweMtsetfosisekelo wanga-2001.]

- (2) Emalunga aleliKhomishani kumele abe nelwati lolulungele lomsebenti.
- (3) Emalunga aleliKhomishani asebenta sikhatsi lesincunywe ngekulandzela umtsetfo wavelonkhe. Mengameli angakhokha lilunga laleliKhomishani kuleKhomishani ngekutiphatsa kabi kwalo, kungakhoni kusebenta nekungakwati kwenta umsebenti.

Imibiko

222. LeliKhomishani kumele letfule umbiko walo ePhalamende kanye nakutishayamtsetfo tetifundza njalo nje.

LiBhange laseNkhabeni

Kusungulwa kwalo

223. LiBhange laseNkhabeni, liBhange lesiLulu laseNingizimu Afrika (iSouth African Reserve Bank), ngulona bhange lesive leRiphabhulikhi futsi liphetfwe ngekulandzela umtsetfo wePhalamende.

Inhloso lebalulekile

224. (1) Inhloso lebalulekile yeliBhange lesiLulu laseNingizimu Afrika kuvikela emandla emali yeRiphabhulikhi kute kube khona kutfutfuka lokulingene futsi lokusimeme nalokukhulako kwemnotfo eRiphabhulikhi.
(2) LiBhange lesiLulu laseNingizimu Afrika, ekulandzeleni inhloso yalo lebaluleke, kumele lisebente ngekutimela futsi ngaphandle kwekwesaba, kwekuhetsa luuhlangotsi noma kukhinyabeta, kepha kumele kube khona kubonisana njalo nje emkhatsini kwaleliBhange kanye nalelilunga leKhabhinethi lelibukene netindzaba tetimali kuvelonkhe.

Emandla nemisebenti

225. Emandla kanye nemisebenti yeliBhange lesiLulu laseNingizimu Afrika, nguleyo levamise kusetjentwa iphindze yentiwe ngemabhange esive, lokumandla nemisebenti lokumele kuncunye ngumtsetfo wePhalamende futsi lokumele kusetjentiswe futsi kwentiwe ngekulandzela imibandzela lechazwe ngulowo Mtsetfo.

Tindzaba tetimali tetifundza netasekhaya

Tikhwama temali yetiFundza

226. (1) Kukhona siKhwama seMali yesiFundza kuleso naleso sifundza lapho tonkhe timali letemukelwe nguhulumende wesifundza kumele tifakwe khona, ngaphandle kwetimali letibekwe eceleni ngalokufanele nguMtsetfo wePhalamende.
- (2) Imali lingakhishwa eSikhwameni seTimali teMbuso letingenako sesifundza kuphela nje –
- (a) ngesabelo lesentiwe ngeMtsetfo wesifundza; noma
 - (b) njengesikwelete lesikhishwa kulesiKhwama seMali yesiFundza letingenako tesifundza, uma ngabe lokukubekwe nguMtsetfosisekelo noma nguMtsetfo wesifundza.
- (3) Imali leniketwe hulumende wasekhaya kepha leyendluliswe kuhulumende wesifundza, ngekulandzela sigaba 214(1), iyindlekongco esiKhwameni seMali yesiFundza.
- (4) UMTsetfo wavelonkhe ungancuma luhlakamsebenti lokumele ngaphasi kwalo -
- (a) uMTsetfo wesifundza ngekulandzela sigatjana (2)(b) ugunitye kuhishwa kwemali njengendleko-ncgo esiKhwameni seMali yesiFundza; kanye
 - (b) nekutsi imali lephakelwe hulumende wasekhaya ngekwengca esifundzeni ngekulandzela sigatjana (3) kumele ikhokhelwe njani kubomasipala basesifundzeni.

[Sigatjana (4) sifakwe ngesigaba 8 seMtsetfo weSikhombisa wekuChitjiyelwa kweMtsetfosisekelo wanga-2001.]

Imitfombo yavelonkhe yetimali tabohulumende betifundza nebasekhaya

227. (1) Hulumende wasekhaya newesifundza ngasinye –
- (a) unelilungelo lekutfola ineny lemfanele yetimali letibutfwe eveni lonkhe kute akwati kuniketa tidzingosisekelo nekwenta imisebenti lekabelwe yona; futsi
 - (b) angemukela letinye tabelo letibuya esikhwameni savelonkhe setimali letingenako, noma tinemibandzela noma tite.
- (2) Imali lengetako lebutfwe tifundza noma bomasipala angeke ikhishwe encenyenii yabo yetimali letibutfwe eveni lonkhe, noma kuletinye tabelo tabo lebatinikwa

nguhulumende wavelonkhe. Ngalokunjalo, kute sibopho kuhulumende wavelonkhe sekungetela tifundza nabomasipala labangabutsi timali ngekulandzela likhono labo letetimali netintselo.

- (3) Incenye yesifundza lefanele lebutfwе eveni lonkhe kumele yendluliselwe kulesifundza ngekusheshisa futsi ingakahleshulwa ngaphandle uma ngabe lokwendululisa kumisiwe ngekwesigaba 216.
- (4) Sifundza kumele sitibekelo sona ngekwaso imitfombo ledzingekako ngekwetiphakamiso temtsetfosisekelo wesifundza, leyengetela etulu kwetidzingo taso letishiwo kuMtsetfosisekelo.

[Lilanga lekucala kusebenta kwasigaba 227: 1 Bhimbidwane 1998.]

Tintsela tesifundza

228. (1) Sishayamtsetfo sesifundza singabeka –
- (a) tintsela, umtsedlwana nemtselo ngaphandle kwemtselo ngekwekuholo, kwentsela yentsengo yekubita kwemphahla, intsela yentsengo jikelele kanye nentsela yendzawo noma yemphahla lengeniswa kulelive eminyeleni yalo; futsi
 - (b) tintsela letilinganako ngetulu kwanoma yiphi intsela, umtsedlwana noma umtselo lebekwe ngumtsetfo wavelonkhe, kepha ngaphandle kwentsela yemiholo etinkampanini, intsela yentsengo yekubita kwemphahla nentsela yendzawo noma yemphahla lengeniswa kulelive eminyeleni yalo.

[Indzima(b) ivalwe ngesigaba 9 seMtsetfo weSikhombisa wekuChitjiyelwa kweMtsetfosisekelo wanga-2001.]

- (2) Emandla esishayamtsetfo sesifundza ekutsi sibeke tinsela, umtsedlwana, timali letibhadalwa uma kungeniswa timphahla naletinye timali –
 - (a) angeke asetjentiswe ngendlela lebeka inchubomgomu yemnotfo yavelonkhe esimeni lesibi, budlelwano betifundza kutemnotfo noma kuhanjiswa kwetimphahla, kwelusito kwemali noma kwebasebenti; futsi
 - (b) kumele kuphatfwe ngumtsetfo wePhalamende longabekwa kuphela nje ngemuva kwekutsi noma tiphi tincumo teliKhomishani lekuPhatfwa kweTetimali nesiLulu seMnotfo waHulumende setibuketiwe.

[Lilanga lekucala kusebenta kwasigaba 228: 1 Bhimbidwane 1998.]

Emandla amasipala ekuphatsa timali nemisebenti

229. (1) Ngekulandzela tigatjana (2), (3) na-(4), Masipala angabeka –
- (a) intselo emphahleni futsi engete ngetulu etimalini letikhokhela lusito lolwentiwe ngumasipala noma lowentiwe esikhundleni sakhe; futsi
 - (b) uma agunyatwe ngumtsetfo wavelonkhe, letinye tintsela, imitsedlwana naletinye timali letibhadalwako letifanele hulumende wasekhaya noma sigaba sahulumende wasekhaya lapho lomasipala awela khona, kepha masipala angeke abeke intselo yemiholo, intselo yentsengo lengetiwe, intselo yentsengo leyetayelekile noma imali lebhadalwa uma kungeniswa timphahla.
- (2) Emandla amasipala ekubeka intselo emphahlensi ekwengeta ngetulu etimalini letibhadalwako ngelusito lolwentiwe nguye noma lolwentiwe esikhundleni samasipala, noma leminye imitselo, imitsedlwana noma imali lebhadalwa ngekungeniswa kwemphahla –
- (a) angeke assetjentiswe ngendrela lebeka inchubomgommo yemnotfo yavelonkhe esimeni lesibi, budlelwano babomasipala kutemnotfo, noma kuhanjisa kwetimpahala kwelusito, kwemali noma kwebasebenti; futsi
 - (b) angacondziswa ngumtsetfo wavelonkhe.
- (3) Uma ngabe bomasipala lababili banemandla nemisebenti lefananako yekuphatsa timali mayelana nendzawo yinye, kwehlukaniswa lokufanele kwalawo mandla nemisebenti kumele kwentiwe ngekulandzela umtsetfo wavelonkhe. Lokwehlukaniswa kungentiwa kuphela nje emuva kwekutsatsa lokungenanai letindlela letilandzelako –
- (a) Sidzingo sekuhambelana imigomosisekelo yekutsela lelungile;
 - (b) Emandla nemisebenti leyentiwa ngumasipala ngamunye;
 - (c) Emandla ekuphatsa timali amasipala ngamunye;
 - (d) Emandla nelikhono lekubutsa imitselo, umtsedlwana naletinye timali letibhadalwako; kanye
 - (e) Nebulungiswa.
- (4) Kute kulesigaba lokuvimbela kwabelana ngemali lebutfwe ngelandzela lesigaba emkhatsini wabomasipala labanemandla ekuphatsa timali nemisebenti lefananako endzaweni yinye.
- (5) Umtsetfo wavelonkhe lophawulwe kulesigaba ungasebenta kuphela nje ngemuva hulumende wasekhaya lohlelekile neliKhomishani lekuPhatfwia

kweTetimali nesiLulu seMnotfo waHulumende kwatisiwe, futsi noma tiphi tincomo taleliKhomishani setibuketiwe.

[Lilanga lekucala kusebenta kwsigaba 229: 1 Bhimbidvwane 1998.]

Timali tekubolekwa tifundza

230. (1) Sifundza singaboleka timali tekugcina tidzingo letimile noma tidzingo tesikhashana ngekulandzela imibandzela lefanele letincunye ngumtsetfo wavelonkhe, kepha imali yetidzingo tanyalo ingabolekwa kuphela uma ngabe kudzingeke kuvalwe tidzingo kwesikhashana ngalowo myakatimali.
- (2) Umtsetfo wavelonkhe lophawulwe esigatjaneni (1) ungasebenta kuphela nje ngemuva noma tiphi tiphakamiso teliKhomishani lekuPhatfwa kweTetimali nesiLulu seMnotfo waHulumende setibukiwe.

[Sigaba 230 sivalwe ngesigaba 10 seMtsetfo weSikhombisa wekuChitjiyelwa kweMtsetfosisekelo wanga-2001.]

Timali tekubolekwa bomasipala

- 230A. (1) UMkhandlu waMasipala, ngekulandzela umtsetfo wavelonkhe –
- (a) ungaboleka timali tekugcina tidzingo letimile noma tidzingo tesikhashana ngekulandzela imibandzela lefanele letincunye ngumtsetfo wavelonkhe, kepha imali yetidzingo tanyalo ingabolekwa kuphela uma ngabe kudzingeke kuvalwe tidzingo kwesikhashana ngalowo myakatimali; futsi
- (b) ungatibophelela wona kanye neMkhandlu wesikhatsi lesitako ekusetjentisweni kweliguanya lawo lekushaya umtsetfo nelekwengamela ekutfoleni imalimboleko noma kutjalwa kwetimali tamasipala.
- (2) Umtsetfo wavelonkhe lophawulwe esigatjaneni (1) ungasebenta kuphela nje ngemuva noma tiphi tiphakamiso teliKhomishani lekuPhatfwa kweTetimali nesiLulu seMnotfo waHulumende setibukiwe.

[Sigaba 230A sifakwe ngesigaba 17 seMtsetfo weSitupha wekuChitjiyelwa kweMtsetfosisekelo wanga-2001.]

SEHLUKO 14

TIMISO JIKELELE

Umtsetfo wemave emhlaba

Tivumelwano nemave emhlaba

231. (1) Kucocisana nekusayina tivumelwano nemave emhlaba kusibopho seSigungu savelonkhe lesengamele.
(2) Sivumelwano nemave emhlaba sibopha iRiphabhulikhi kuphela nje uma ngabe semukelwe ngesincumo kuyo yombili Sigungu saVelonkhe neMkhandlu waVelonkhe weTifundza ngaphandle uma ngabe kusivumelwano lesishiwo esigatjaneni (3).
(3) Sivumelwano nemave emhlaba senhlobo yebuchwepheshe, yekuphatsa noma yeSigungu lesengamele, noma sivumelwano lesingadzingi kwemukelwa noma kucinisekiswa losentiwe Sigungu lesengamele, sibopha iRiphabhulikhi ngaphandle kwekuvunywa Sigungu saVelonkhe neMkhandlu waVelonkhe weTifundza, kepha kumele setfulwe embi kweSigungu saVelonkhe kanye nasembi kweMkhandlu waVelonkhe weTifundza kungakapheli sikhatsi lesidze.
(4) Noma siphi sivumelwano nemave emhlaba siba ngumtsetfo eRiphabhulikhi nasibekwa saba ngumtsetfo sisayamtsetfo savelonkhe, kodvwa siba siphakamiso lesinemandla eRiphabhulikhi ngaphandle uma ngabe singahambisani neMtsetfosisekelo noma neMtsetfo wePhalamende.
(5) iRiphabhulikhi iboshwa tivumelwano nemave emhlaba lebetivele tiybopha iRiphabhulikhi loMtsetfosisekelo uma ucala kusebenta.

Umtsetfo wendzabuko wamhlabawonkhe

232. Umtsetfo wendzabuko wamhlabawonkhe ungumtsetfo eRiphabhulikhi ngaphandle uma ngabe ungahambisani neMtsetfosisekelo noma uMtsefto wePhalamende.

Kusetjentiswa kwemtsefto wemave emhlaba

233. Uma kuhunyushwa noma ngumuphi umtsetfo, tonkhe tinkantolo kumele tikhetsé kuhunyushwa lokungiko kwalowo mtsetfo lokuhambisana nemtsetfo wemave emhlaba ngetulu kwalokunye kuhunyushwa lokungahambisani nemtsetfo wemave emhlaba.

Letinye Tindzaba

Tivumelwano temaLungelo

234. Kuze kwandziswe lisiko lentsandvo yelingenti lelisungulwe nguMtsetfosisekelo, iPhalamende ingatemukela tiVumelwano temaLungelo letihambisana netimiso teMtsetfosisekelo.

Kutibusu ngekwakho

235. Lilungelo labo bonkhe bantfu baseNingizimu Afrika lekutibusu ngekwabo njengoba lichaziwa kuloMtsetfosisekelo, alishiyi ngaphandle, ngekhatsi kweluhlakamsebenti walelilungelo, kuhlonishwa kwemcabango ngelilungelo lekutibusu ngekwawo ummango lobunjwe ngemasiklo lafanako nelulwimi lolufanako ngekwentalelwane, indzawo letsite khona lapha eRiphabkulikhi noma futsi ngayiphi lenye indlela, lencunywe ngumtsetfo wavelonkhe.

Kwelekelelwa ngetimali kwemacembu embusave

236. Kuze kubonakale intsandvo yelingenti, umtsetfo wavelonkhe kumele wente kube khona kuniketwa kwetimali emacembu embusave lafaka sandla kusishayamtsetfo savelonkhe netetifundza ngalokufanele nangebunyenti noma bungako bemavoti licembu ngelicembu lelawatfola elukhetfweni lwavelonkhe nelweTifundza.

Kwentiwa kwemisebenti ngekutimisela

237. Yonkhe imisebenti lebkwe ngekwemtsetfosisekelo kumele yentiwe ngekutimisela futsi nangaphandle kwekucitsa sikhatsi.

Kuphutfuma netitfunywa

238. Sigungu lesengamele kunoma ngumuphi umkhakha wahulumende –
- (a) singaniketa noma waphi emandla lokumele asetjentiswe noma umsebenti lokumele wentiwe ngekulandzela umtsetfo wavelonkhe noma siphil esinye sitfo tembuso kuhela nje uma ngabe lokuniketa kuhambisana nalowo mtsetfo lowo mandla asetjentiswe lowo msebenti wentiwa ngaphasi kwawo; noma
 - (b) singasebentisa noma waphi emandla noma sente noma muphi umsebenti siwentela noma siphil esinye sikhungo sembuso lesiphets ngekuphufuma noma ngesizatfu sekutfunywa.

Tinchazelo

239. KuloMtsetfosisekelo, ngaphandle uma ingcikitsi ibonisa ngalenyi indlela –
“umtsetfo wavelonkhe” ufaka ekhatsi—
- (a) umtsetfo longaphasi kwemtsetfo lobunjwe ngekulandzela uMtsetfo wePhalamende; futsi
 - (b) umtsetfo lebewusebenta ngesikhatsi loMtsetfosisekelo ucalu kusebenta futsi losetjentiswa nguhulumende wavelonkhe;
“sikhungo sembuso” shiso—
 - (a) noma muphi umnyango wembuso noma wekuphatsa ezingeni hulumende wavelonkhe wesifundza noma wasekhaya; noma
 - (b) noma siphil siphatsimandla noma sikhungo—
 - (i) lesisebentisa emandla noma senta umsebenti ngekulandzela uMtsetfosisekelo noma umtsetfosisekelo wesifundza; noma
 - (ii) lesisebentisa emandla emmango noma lesenta umsebenti wemmango ngekulandzela noma muphi umtsetfo, kepha loko akufaki ekhatsi inkantolo noma siphatsimandla setemtsetfo;
- “umtsetfo wesifundza”** ufaka ekhatsi—
- (a) umtsetfo longaphasi kwemtsetfo lobunjwe ngekulandzela uMtsetfo wesifundza; futsi
 - (b) umtsetfo lebewusebenta ngesikhatsi loMtsetfosisekelo ucalu kusebenta futsi losetjentiswa nguhulumende wesifundza.

Kungahambelani emkhatsini kwemibhalo leyehlukene

240. Uma kwenteka kuba khona kungahambelani emkhatsini kwemibhalo leyehlukene yeMtsetfosisekelo, umbhalo wesiNgisi weMtsetfosisekelo ngiwo longetulu kwato tonkhe tihumusho.

Emalungiselelo esikhashana

241. Ishejuli 6 isebenta kulesikhashana ngalesikhatsi sekwetfulwa kwenchubo lensha yekulandzelwa kwemtsetfosisekelo lesungulwe nguloMtsetfosisekelo, kanye nanoma nguluphi lolunye ludzaba loluhambelana ngandlela-tsite nalesikhashana sengukudo.

Kucitfwa kwemitsetfo

242. Lemitsetfo lephawulwe kuShejuli 7 iyacitfwa, ngaphasi kwemibandzela yesigaba 243 neShejuli 6.

Sihloko lesifishane nekucala kusebenta


243. (1) LoMtsetfo utawubitwa ngekutsi nguMtsetfosisekelo weRiphabhulikhi yeNingizimu Afrika wanga-1996, futsi ucalu kusebenta ngelusuku lolutawumenyetelwa nguMengameli, kepha lusuku lolungeke lube semuva kwamhlaka 1 Kholwane 1997.
(2) Mengameli angahlela tinsuku letehlukile lungakefiki lusuku lolo lushiwo esigatjaneni (1) mayelana netiphakamiso letehlukene taloMtsetfosisekelo.
(3) Ngaphandle uma kushiwo ngalenyen indlela, kucashunwa kwasiphakamiso seMtsetfosisekelo ngesikhatsi uMtsetfosisekelo ucalu kusebenta kumele kutsatfwe lokucashunwa njengesikhatsi lesiphakamiso sicala kusebenta.
(4) Uma ngabe kuhlelwie lusuku lolwehlukile lwekusebenta kwesiphakamiso lesitsite seMtsetfosisekelo ngekulandzela sigatjana (2), noma siphiri siphakamiso lesifana naleso seMtsetfosisekelo weRiphabhulikhi yeNingizimu, 1993 (uMtsetfo 200 wanga-1993), lophawulwe kulesimemetelo semtsetfo, uyacitfwa kusukela ngalolo lusuku. (5) Tigaba 213, 214, 215, 216, 218, 226, 227, 228, 229 na 230 ticala kusebenta ngamhlaka 1 Bhimbidvwane 1998, kepha loko akuvimbili kusebenta ngekulandzela loMtsetfosisekelo kwemtsetfo lochazwe kunoma ngutiphi taletiphakamiso kungakefiki lolo lusuku. Kuze kufike lolo lusuku noma siphiri siphakamiso lesifana noma ngandlela-tsite netiphakamiso taloMtsetfosisekelo weRiphabhulikhi yeNingizimu Afrika, wanga-1993, sichubeka nekusebenta.

ISHEJULI 1

UMJEKA WELIVE

- (1) Umjeka wavelonkhe ungumdvwebomacalandze; lonebudze loluphindvwe kanye nesigamu uma bucatsaniswa nebulanti bawo.
- (2) Unemibala lomnyama, losagolide, loluhlata njengetjani, lomhloph, lobovu njengapelepele nalolingangane.
- (3) Uneliphaca leliluhlata njengetjani, bubanti balo liyincenyakunye kulosihlanu kwebubanti bemjeka. Imiga lesemkhatsini yaleliphaca icala emnyeleni losetulu nasemnyeleni lophasi wemakhona alomtjeka madvutane nje nensika yemaphetselo lekangasekulda salomtjeka uma uwubuka ulenga esigcotjeni, ichubeke yehle sengatsi iyawuhlangana emkhatsini walomtjeka, bese iyajika masinyane nje ichubeka ivundle ite iyewuphelela entsikenyi yemaphetselo lekangasesancele salomtjeka.
- (4) Leliphaca leliluhlata njengetjani likakwe, ngetulu nangaphasi, ngumushi lomhloph, kantsi ngakulensika yemaphetselo lekangasekulda, likakwe ngumushi losagolode. Lokukakwa ngakunye kungukunye kulokulishumi nesihlanu uma kucatsaniswa nebulanti bemjeka.
- (5) Lomdvwebomacalamatsatfu losedvute nensika yemaphetselo lekangasekulda umnyama.
- (6) LeNcnye lesivundlile ngenhla kwaleliphaca sibovu njengapelepele, kantsi leNcnye lesivundlile ngentansi kwaleliphaca ulingangane. Sicephu ngasinye siyincenyakunye kulokutsatfu uma kucatsaniswa nebulanti bemjeka.

ISHEJULI 1: UMJEKA WELIVE



Black - Mnyama

Gold - Golide

White - Mhlophe

Green - Luhlata

Red - Bovu

Blue - Lingangane

ISHEJULI 1A

TINDZAWO TEKWAKHIWA KWETIFUNDZA

[Ishejuli 1A ifakwe ngeMtsetfo welishumi nesikhombisa wekuChitjiyelwa kweMtsetfosisekelo wanga-2005 nalovalwe ngesigaba 1 seMtsetfo weLishumi nakuTsatfu wekuChitjilelwa kweMtsetfosisekelo wanga-2007 nangeMtsetfo weLishumi neSikhombisa wekuChitjiyelwa kweMtsetfosisekelo wanga-2009.]

Sifundza saseMpumalanga Koloni

[Kuhlukaniswa kwesifundza saseMpumalanga Koloni lokuvalwe nguMtsetfo weLishumi nakuTsatfu wekuChitjiyelwa kweMtsetfosisekelo wanga-2007.]

Libalave nombolo 3 weshejuli 1 kuya kusatiso 1998 sanga-2005
Libalave nombolo 6 weshejuli 2 kuya kusatiso 1998 sanga-2005
Libalave nombolo 7 weshejuli 2 kuya kusatiso 1998 sanga-2005
Libalave nombolo 8 weshejuli 2 kuya kusatiso 1998 sanga-2005
Libalave nombolo 9 weshejuli 2 kuya kusatiso 1998 sanga-2005
Libalave nombolo 10 weshejuli 2 kuya kusatiso 1998 sanga-2005
Libalave nombolo 11 weshejuli 2 kuya kusatiso 1998 sanga-2005

Sifundza sase Fuleyistata

Libalave nombolo 12 weshejuli 2 kuya kusatiso 1998 sanga-2005
Libalave nombolo 13 weshejuli 2 kuya kusatiso 1998 sanga-2005
Libalave nombolo 14 weshejuli 2 kuya kusatiso 1998 sanga-2005
Libalave nombolo 15 weshejuli 2 kuya kusatiso 1998 sanga-2005
Libalave nombolo 16 weshejuli 2 kuya kusatiso 1998 sanga-2005

Sifundza saseGauteng

[Kuhlukaniswa kwesifundza saseGauteng lokuvalwe nguMtsetfo welishumi nesitfupha wekuChitjiyelwa kweMtsetfosisekelo wanga-2009 ngesatiso 1490 wanga-2008]
[Ngekubuka libalave nombolo 4 lowalwe ngekwesigaba 1(a) seMtsetfo welishumi nesitfupha wekuChitjiyelwa kweMtsetfosisekelo wanga-2009]

Libalave nombolo 17 weshejuli 2 kuya kusatiso 1998 sanga-2005
Libalave nombolo 18 weshejuli 2 kuya kusatiso 1998 sanga-2005

Libalave nombolo 19 weshejuli 2 kuya kusatiso 1998 sanga-2005

Libalave nombolo 20 weshejuli 2 kuya kusatiso 1998 sanga-2005

Libalave nombolo 21 weshejuli 2 kuya kusatiso 1998 sanga-2005

Sifundza saseKwaZulu-Natali

[Kuhlukaniswa kwesifundza sakwa-Zulu Natal lokuvalwe nguMtsetfo welishumi nesitfupa wekuCh-itjiyelwa kweMtsetfosisekelo wanga-2007]

Libalave nombolo 22 weshejuli 2 kuya kusatiso 1998 sanga-2005

Libalave nombolo 23 weshejuli 2 kuya kusatiso 1998 sanga-2005

Libalave nombolo 24 weshejuli 2 kuya kusatiso 1998 sanga-2005

Libalave nombolo 25 weshejuli 2 kuya kusatiso 1998 sanga-2005

Libalave nombolo 26 weshejuli 2 kuya kusatiso 1998 sanga-2005

Libalave nombolo 27 weshejuli 2 kuya kusatiso 1998 sanga-2005

Libalave nombolo 28 weshejuli 2 kuya kusatiso 1998 sanga-2005

Libalave nombolo 29 weshejuli 2 kuya kusatiso 1998 sanga-2005

Libalave nombolo 30 weshejuli 2 kuya kusatiso 1998 sanga-2005

Libalave nombolo 31 weshejuli 2 kuya kusatiso 1998 sanga-2005

Libalave nombolo 32 weshejuli 2 kuya kusatiso 1998 sanga-2005

Sifundza saseLimpopo

Libalave nombolo 33 weshejuli 2 kuya kusatiso 1998 sanga-2005

Libalave nombolo 34 weshejuli 2 kuya kusatiso 1998 sanga-2005

Libalave nombolo 35 weshejuli 2 kuya kusatiso 1998 sanga-2005

Libalave nombolo 36 weshejuli 2 kuya kusatiso 1998 sanga-2005

Libalave nombolo 37 weshejuli 2 kuya kusatiso 1998 sanga-2005

Sifundza saseMpumalanga

Libalave nombolo 38 weshejuli 2 kuya kusatiso 1998 sanga-2005

Libalave nombolo 39 weshejuli 2 kuya kusatiso 1998 sanga-2005

Libalave nombolo 40 weshejuli 2 kuya kusatiso 1998 sanga-2005

Sifundza saseNshonalanga Koloni

Libalave nombolo 41 weshejuli 2 kuya kusatiso 1998 sanga-2005
Libalave nombolo 42 weshejuli 2 kuya kusatiso 1998 sanga-2005
Libalave nombolo 43 weshejuli 2 kuya kusatiso 1998 sanga-2005
Libalave nombolo 44 weshejuli 2 kuya kusatiso 1998 sanga-2005
Libalave nombolo 45 weshejuli 2 kuya kusatiso 1998 sanga-2005

Sifundza saseNyakatfo Nshonalanga

[Kuhlukanisa kwasifundza sase-North West lokuvalwe nguMtsetfo welishumi nesitfupha wekuCh-itijiyelwa kweMtsetfosisekelo wanga-2009 ngesatiso 1490 sanga-2008]

[Ngekubuka libalave nombolo 5 lovalwe ngekwesigaba 1(b) seMtsetfo welishumi nesitfupha wekuChitjiyelwa kweMtsetfosisekelo wanga-2009]

Libalave nombolo 46 weshejuli 2 kuya kusatiso 1998 sanga-2005
Libalave nombolo 47 weshejuli 2 kuya kusatiso 1998 sanga-2005
Libalave nombolo 48 weshejuli 2 kuya kusatiso 1998 sanga-2005

Sifundza saseNshonalanga Kapa

Libalave nombolo 49 weshejuli 2 kuya kusatiso 1998 sanga-2005
Libalave nombolo 50 weshejuli 2 kuya kusatiso 1998 sanga-2005
Libalave nombolo 51 weshejuli 2 kuya kusatiso 1998 sanga-2005
Libalave nombolo 52 weshejuli 2 kuya kusatiso 1998 sanga-2005
Libalave nombolo 53 weshejuli 2 kuya kusatiso 1998 sanga-2005
Libalave nombolo 54 weshejuli 2 kuya kusatiso 1998 sanga-2005

ISHEJULI 2

TIFUNGO TEKUNGENA ESIKHUNDLENI NEKUVUMA NGEKUTIBOPHA

[IShejuli 2 iChitjiyelwe ngesigaba 2 seMtsetfo 35 wanga-1997 yaphindze yavalwa ngesigaba 18 seMtsetfo 34 wanga-2001.]

Sifungo noma kuvuma ngekutibopha kwaMengameli neliBambela laMengameli

1. Mengameli noma liBambela laMengameli ngembi kwaSomajaji, noma lelinye liJaji lelimiswe nguSomajaji, kumele afunge/avume ngekutibopha ngalendlela lelandzelako: Embi kwabo bonkhe bantfu lababutsene lapha, nangekubona bumcoka balomsebenti lomkhulu lengibitelwe kuwo ngiyasitsata sikhundla sekuba nguMengameli/liBambela laMengameli weRiphabhulikhi yeNingizimu Afrika, Mine, A.B., ngiyafunga/ ngiyavuma ngekutibopha kutsi ngitawetsembeka kuRiphabhulikhi yeNingizimu Afrika, futsi ngitawutfobela, ngitawulandzela, ngitawuhlonipha futsi ngitawugcina uMtsetfosikelo nayo yonkhe imitsetfo yeRiphabhulikhi; futsi ngiyacinisekisa futsi ngiyetsembisa ngekutifoba kutsi ngaso sonkhe sikhatsi—
Ngitawugcugcutela loko lokuchubekisa iRiphabhulikhi, ngilwe nako konkhe lokungayilimata;
Ngitawuvikela futsi ngigcugcutele emalungelo abo bonkhe bantfu baseNingizimu Afrika;
Ngitawukwenta yonkhe imisebenti yami ngemandla ami onkhe nangetibopho tamii nangako konkhe kwati nako konkhe kukhona kwami futsi ngitawetsembeka etifisweni tanembeza wami;
Ngitawukwenta bulungiswa kubo bonkhe; futsi
Ngitawutinikela ekutufukiseni inhlalakahle yeRiphabhulikhi nebantu bayo bonkhe.
(Uma ngabe kusifungo: Inkhosi ingisite)

Sifungo noma kuvuma ngekutibopha kweliSekela laMengameli

2. Lisekela laMengameli, ngembi kwaSomajaji, noma lelinye liJaji lelimiswe nguSomajaji, kumele lifunge/livume ngekutibopha ngalendlela lelandzelako:

Embi kwabo bonkhe bantfu lababutsene lapha, nangekubona bumcoka balomsebenti ngiyasitsatsa sikhundla sekuba liSekela laMengameli weRiphabhlukhi yeNingizimu Afrika, mine, A.B., ngiyafunga/ngiyavuma ngekutibopha kutsi ngitawetsembeka kuRiphabhlukhi yeNingizimu Afrika, ngitawutfobela, ngitawulandzela, ngitawuhlonipha futsi ngitawugcina uMtsetfosisekelo nayo yonkhe imitsetfo yeRiphabhlukhi, futsi ngiyacinisekisa futsi ngiyetsembisa ngekutifoba kutsi ngaso sonkhe sikhatsi— Ngitawugcugcutela loko lokuchubekisa iRiphabhlukhi, ngilwe naloko lokungayilimata; Ngitawuba ngumeluleki loneliciniso nallowetsembekile; Ngitawukwehta yonkhe imisebenti yami ngemandala ami onkhe nangetiphiwo tami nangako konkhe kwami nako konkhe kukhona kwami futsi ngitawetsembeka etifisweni tanembeza wami; Ngitawukwenta bulungiswa kubo bonkhe; futsi Ngitawutinikela ekutfutfukiseni inhlalakahle yeRiphabhlukhi nebantfu bayo bonkhe. (Uma ngabe kusifungo: Inkhosi ingisite.)

Sifungo noma kuvuma ngekutibopha kwetiNdvuna teMbuso nemaSekela etiNdvuna

3. Nguleyo naleyo Ndvuna yeMbuso neliSekela leNdvuna yeMbuso, kwaSomajaji, ngembia kwaSomajaji noma lelinye liJaji lelimiswe nguSomajaji, kumele lifunge/livume ngekutibopha ngalendlae lelandzelako:
Mine, A.B., ngiyafunga/ngiyavuma ngekutibopha kutsi ngitawetsembeka kuRiphabhlukhi yeNingizimu Afrika futsi ngitawutfobela, ngitawuhlonipha futsi ngitawuphakamisa uMtsetfosisekelo kanye nayo yonkhe imitsetfo yeRiphabhlukhi, futsi ngetsembisa kuphatsa sikhundla sami njengeNdvuna yeMbuso/liSekela leNdvuna yeMbuso ngekwetsembeka nangesizotsa; kuba ngumeluleki loneliciniso nekwetsembeka; kanye nekungakhiphi-ngo noma nsombo timfihlo lengetfweswe ton, nekwenta imisebenti yesikhundla sami ngekwetsembeka nangekutimisela.
(Uma ngabe kusifungo: Inkhosi ingisite)

Sifungo kuvuma ngekutibopha kwemalunga eSigungu saVelonkhe, emalunga langasuswa eMkhandlu waVelonkhe weTifundza nemalunga etishayamtsetfo tetifundza

4.
 - (1) Emalunga eSigungu saVelonkhe, emalunga latitfunya langesuswa eMkhandlu waVelonkhe weTifundza, ngembi kwaSomajaji noma lelinye liJaji lelimiswe nguSomajaji, kumele afunge/avume ngekutibopha ngalendlela lelandzelako: Mine, A.B., ngiyafunga/ngiyavuma ngekutibopha kutsi ngitawetsembeka kuRiphabhulikhi yeNingizimu Afrika, nekutsi ngitawutfobela, ngitawuhlonipa futsi ngitawuphakamisa uMtsetfosisekelo kanye nayo yonkhe imitsetfo yeRiphabhulikhi, futsi ngetsembisa kwenta imisebenti yami njengelilunga leSigungu saVelonkhe/ sitfunya lesingesuswa seMkhandlu waVelonkhe weTifundza/lilunga leshishayamtsetfo sesifundza seC. D ngekutimisela.
(Uma ngabe kusifungo: Inkhosi ingisite)
 - (2) Bantfu labavala tikhala esiGungwini saVelonkhe, titfunya letingesuswa kUmkhandlu weTifundza noma tishayamtsetfo tetifundza kumele bafunge noma bavume ngekutibopha ngekulandzela sigatjana (1) embi kwalowengamele lowo Mkhandlu, Sigungu noma sishayamtsetfo, noma ngukuphi kwaloku.

Sifungo noma kuvuma ngekutibopha kwaNdvnankhulu, emaBambela aboNdvnankhulu nemalunga etigungu teMkhandlu loweNgamele

5. Ndvnankhulu noma liBambela laNdvnankhulu wesifundza nalinye ngalinye lilunga leSigungu seMkhandlu loweNgamele sifundza, ngembi kwaSomajaji noma lelinye liJaji lelimiswe nguSomajaji, kumele afunge/avume ngekutibopha ngalendlela lelandzelako: Mine, A.B., ngiyafunga/ngiyavuma ngekutibopha kutsi ngitawetsembeka kuRiphabhulikhi yeNingizimu Afrika, nekutsi ngitawutfobela, ngitawuhlonipa futsi ngitawuphakamisa uMtsetfosisekelo kanye nayo yonkhe imitsetfo yeRiphabhulikhi, futsi ngetsembisa kwenta imisebenti yami njengeNdvnankhulu/ liBambela laNdvnankhulu/lilunga leSigungu seMkhandlu loweNgamele wesifundza ngekuzotsa nangekwetsembeka; kuba ngumeluleki loneliciniso nekwetsembeka; kanye nekungakhipi timfihlo-ngco noma nsombo lengetfweswe tona; nekwenta imisebenti yesikhundla sami ngekwetsembaka nangekutimisela.
(Uma ngabe kusifungo: Inkhosi ingisite)

Sifungo sekungena esikhundleni noma kuvuma ngekutibopha kwetiphatsimandla tetemtsetfo

6. (1) Lijaji ngalinye noma lijaji lelilibambela, embi kwaSomajaji noma lelinye lijaji lelimiswe nguSomajaji, kumele lifunge noma livume ngalendlela lelandzelako: Mine, A.B., ngiyafunga/ngiyavuma ngekutibopha kutsi, njengelijaji leNkantolo yeMtsetfosisekelo, leNkantolo lephakeme kunato tonkhe yekwendluliselis emacala leNkantolo lephakeme/leNkantolo ye-EF, ngitawetsembeka eRiphabulikhi yeNingizimu Afrika, ngitawuphakamisa futsi ngitawuvikela uMtsetfosisekelo nemalungelo eluntfu labekwe kuwo futsi ngitawusebentisa umtsetfo kubo bonkhe bantfu ngekulufana ngaphandle kwekwesaba, nekukhetsa noma kubandlulula, ngekulandzela uMtsetfosisekelo kanye nemtsetfo.
(Uma ngabe kusifungo: Inkhosи ingisite)
- (2) Umuntfu lobekwe esikhundleni saSomajaji lobekavele angasilo lijaji ngesikhatsi abekwa kumele afunge noma avume ngekutibopha ngembali kweliSekela laSomajaji, noma uma kwehluleka lelo jaji, ngembali kwelijaji lelikhulu kunalamanye lelikhona eNkantolo yeMtsetfosisekelo.
- (3) Tiphatimandla tetemtsetfo, kanye nemabambela ato, lekungesiwo emajaji kumele tifunge/tivume ngekutibopha ngekulandzela umtsetfo wavelonkhe.

ISHEJULI 3

TINCHUBO TELUKHETFO

[IShejuli 3 iChitjiyelwe nesigaba 2 seMtsetfo weSine wanga-1999 nesigaba 19 seMtsetfo weSifupha wekuChitjiyelwa kweMtsethosisekelo wanga-2001 kanye nesigaba 3 seMtsetfo weMfica wekuChitjiyelwa kweMtsetfosisekelo wanga 2002 nangekwesigaba 1 seMtsetfo weLishumi naKune wekuChitjiyelwa kweMtsetfosisekelo.]

Incenye A

Tinchubo telukhetfo Iwebantfu Labanetikhundla ngekwemtsetfosisekelo

Kusebenta

1. Lenchubo lehlelwe kuleShejuli isebenta uma ngabe –
 - (a) Sigungu saVelonkhe sihlanganelia kutewukhetsa Mengameli, noma Somlomo noma liSekela laSomlomo weSigungu;
 - (b) Umkhandlu weTifundza uhlanganelia kutewukhetsa Sihlalo noma liSekela laSihlalo waloMkhandlu; noma
 - (c) Sishayamtsetfo sesifundza sihlanganelia kutewukhetsa Ndvinankhulu noma Somlomo noma liSekela laSomlomo walesishayamtsetfo.

Kuphakanyiswa

2. Umntfu lowengamele umhlangano lapho leShejuli isebenta khona kumele abite kuphakanyiswa kwebantfu labangenela lukhetfo kulowo mhlangano.

Tidzingo letibekiwe

3. (1) Kuphakanyiswa kwebantfu kumele kwentiwe kulelo fomu lelichazwe yimitsetfomgomgo letfolakala ephuzwini 9.
(2) Lelifomu lekubhalwe kulo ligama lemuntfu lophakanyiswako kumele lisayinwe –
 - (a) ngemalunga lamabili eSigungu saVelonkhe, uma kutawukhetfa Mengameli noma Somlomo noma liSekela laSomlomo weSigungu;

- (b) egameni lematsimba letifundza letimbili, uma kutawukhetfa Sihlalo noma liSekela laSihlalo weMkhandlu waVelonkhe weTifundza; noma
 - (c) ngemalunga lamabili aleso sishayamtsetfo sesifundza lesitsintsekako, uma kutawukhetfa Ndvunankhulu wesifundza, Somlomo noma liSekela laSomlomo lesishayamtsetfo.
- (3) Umuntu ligama lakhe lelipakanyisiwe kumele abonise kwemukela lokupakanyiswa ngekusayina noma lelibomu lelibhalwe emagama ebantu labaphakanyisiwe noma ngasiphi siboniso lesibaliwe lesicinisekisa kwemukela kupakanyiswa.

Kumenyetelwa kwemagama alabaphakanyisiwe

4. Emhlanganweni lapho leShejuli iseBenta khona lomuntu lowengamele kumele amemetele emagama alabantfu labaphakanyisiwe kutsi bangenele lukhetfo, kepha akumelanga avumele inkhulumomphikiswano.

Kupakanyiswa kweligama linye

5. Uma ngabe linye kuphela ligama lelipakanyisiwe, lomuntu lowengamele kumele amemetele kutsi lowo muntu lophakanyisiwe sewukhetsiwe.

Inchubo yelukhetfo

6. Uma ngabe kupakanyisiwe bantfu labendlula kumunye –
- (a) kumele kwentiwe livoti emhlanganweni ngekukhetsa ngasese;
 - (b) Ielo nalelo lunga lelikhona, noma uma kungumhlangano weMkhandlu waVelonkhe weTifundza, sifundza ngasinye lesimelwe kulowo mhlangano, singafaka livoti linye; futsi
 - (c) umuntu lowengamele lowo mhlangano kumele amemetele kubekwa kwalowo muntu lotfole emavoti lamanyenti.

Inchubo yekukhishwa

7. (1) Uma kute kulabaphakanyisiwe lotfole emavoti lamanyenti, lophakanyisiwe lotfole emavoti lamancane kunawo onkhe kumele akhishwe kuhindze kutsatfwе livoti kulabo labasele ngekulandzela sigatjana 6. Lenchubo kumele iphindwе kuze kube khona munye lotfolo emavoti lamanyenti.

- (2) Uma ngabe kusetjentiswa sigatjana (1), uma babili noma ngetulu kwamunye labaphakanyisiwe batfole emavoti lamancane kunabo bonkhe, livoti leliseceleni kumele litsatfwe kulabo bantfu futsi liphindvwwe kanengi kuze kutfolakale lowo muntfu lokumele akhishwe.

Leminye imihlangano

8. (1) Uma kuphakanyiswe emagama lamabili kuphela, noma uma bababili kuphela labasele ngemuva kwenchubo yekukhishwa, kantsi futsi labo lababili batfole emavoti lalinganako, lomunye umhlangano kumele ubanje kungakapheli emalanga lasikhombisa, ngesikhatsi lesincunywe ngulomuntfu lowengamele.
- (2) Uma umhlangano lomunye ubanjwa ngekulandzela sigatjana (1), lenchubo lebekwe kuleShejuli kumele ilandzelwe sengatsi lowo mhlangano wekucala walolo lukhetfo.

Imitsetfomgomomo

9. (1) Somajaji kumele ente imitsetfomgomomo lechaza –
- inchubo yemihlangano lapho leShejuli iseBente khona;
 - imisebenti yalowo lowengamele umhlangano, kanye nanoma ngumuphi umuntfu losita lowp lowengamele;
 - liforu lekumele kubhalwe kulo emagama alabaphakanyiswako; kanye
 - nendlela lekumele kuchutjwe ngayo kuvota.
- (2) Lemitsetfomgomomo kumele yatiswe bantfu ngendlela Somajaji layincumile.

[Liphuza 9 livalwe ngesigaba 19 seMsetfo 34 wanga-2001.]

Incenye B

Inchubo Yekutfola Kungenela Kwemacembu Etembusave Kumatsimba Emkhandlwini Wavelonkhe WeTifundza

1. Linani letitfunywa telicembu letembusave lelinelilungelo lalo letikulelibandla lelimele sifundza eMkhandlwini waVelonkhe weTifundza, kumele litfolakale ngekutsatsa linani letihlalo talelo cembu kusishayamtsetfo sesifundza liphindvwe ngalokulishumi bese umphumela wehlukaniswa ngelinani letihlalo kusishayamtsetfo bese ngekwenta sinye ngetulu.
2. Uma kubala lokwentiwe ngekulandzela liphuzu 1 ngenhla kukhipha linani lelingenetu lelingeneli lelo leliniketwe lelo cembu ngekulandzela leliphuzu, lelo nani lelingenetu kumele libangisane nemanani lafana nalo ngekuba ngetulu kwaleli lelinye licembu noma kwalawa lamanye emacembu kulelibandla lelitfunywa emalunga langakabiwa kumele afakwe ngekwebucembu ngekulandzelana kucale linani lelikhulu kunawo onkhe kuye ngekuya.
3. Uma lamanani langetulu lachudzelanako lahlongotwa ephuzwini alingana, letitfunywa lettingakasatjalalisa kulelitsimba kumele tabelwe kulelicembu noma emacembu,), nalelo nani lelingenetu ngekulandzelana kwemavoti labhaliwe,larekhodelwe lamacembu elukhetfweni lwekugcina Iwesishayamtsetfo sesifundza lesitsintsekako.i.
[Liphuzu 3 lifakwe ngesigaba 2 seMtsetfo 3 wanga-1999 saphindze savalwa ngesigaba 3 seMtsetfo wemfpa wanga-2002. Nangekwesigaba 5(a) seMtsetfo weLishumi naKune wekuChitjiyelwa kweMtsetfosisekelo wanga-2008]
4. Uma emacembu langetulu kwalinye lelinilinani lelilinganako lelirekhodiwe lemavoti ngesikhatsi selukhetfo lwekugcina sesishayamtsetfo sesifundza lesifanele, sishayamtsetfo lesufanele kufanele sifake emalunga langakahlukaniswa etitfunywa kulenhlangano lenelinani lemavoti ngendlela lengagucuki nentsandvoyelinentyi.
[Liphuzu 4 lifakwe ngesigaba 5(b) seMtsetfo weLishumi naKune wekuChitjiyelwa wanga-2008]

ISHEJULI 4

TINDZAWO LAPHO HULUMENDE WAVEILONKHE KANYE NEBETIFUNDZA BANEMANDLA EKUSHAYA UMTSETFO NGEKUHLANGANYELA

Inceny A

- Kuphatfwa kwemahlatsi emvelo
- Tebulimi
- Tikhumulo tetindiza, ngaphandle kwetikhumulo tetindiza letiphumela emaveni langaphandle netikhumulo tetindiza letisebenta ngekhatsi kwellive kuphela
- Kuphatfwa kwetilwane netifo
- Emakhasino, imijaho, kugembula, kubheja, lokungafaki imincintiswano nekubheja kwetemidlalo lokwentiwa ndzawonye
- Tindzaba letiphatselene nemasiko
- Kuvikelwa kwebatsengi
- Kuphatfwa kwetimo temonakalo
- Imfundvo kuwo onkhe emazinga, ngaphandle kwemfundvo lephakeme
- Simo semvelo
- Temphilo
- Tetindlu
- Umtsetfo wesintfu kanye nalophatselene nemasiko, ngaphasi kwembandzela weSAHLUKO 12 seMtsetfosikelo
- Kututfukiswa kwetimboni Inchubomgomu yelulwimi nekulawulwa kwetilwimi letisemtsetfweni esifundzeni ngekulandzela tiphakamiso tesigaba 6 seMtsetfosikelo lapho lesigaba sivumela sifundza kushaya umtsetfo
- Imitfombo yemmango yetindzaba tesifundza lephetfwe ncgo noma lebekwe nguhulumende wesifundza ngekulandzela sigaba 192
- Kulondvolotwa kwemvelo, kungafakwa ekhatsi tikhungo tekonga imvelo tavelonkhe, tindzawo tetingadze tesive kanye nemitfombo yaselwandle
- Tekuvikelwa ngemaphoyisa uma kufika etiphakanyisweni letibekwe eSehlukwensi 11 seMtsetfosikelo lesinika emandalia shayamtsetfo sesifundza

ISHEJULI 4: TINDZAWO LAPHO HULUMENDE WAVELONKHE KANYE NEBETI-FUNDZA BANEMANDLA EKUSHAYA UMTSETFO NGEKUHLANGANYELA

- Tekugadza kungcoliswa kwemoya
- Tekututfukisa sibalo sebantfu
- Inkokhelo yekushintjiselana imphahla/umhlaba
- Tikhungo temmango teluhwebo kuleto tindzawo tekusebenta letibekwe kuleShejuli nakuShejuli 5
- Tekutufsa ummango
- Imisebenti yesive etidzingweni kuperha tahulumende wesifundza ngematiko akhe latfweswe umtfwalo wekuphatsa lemisebenti nguMtsetfosisekelo noma lomunye umtsetfo
- Kuhlelwa kwesifundza nekututfukiswa kwaso
- Kuphatfwa kwekuuhamba kwetimoto emgwacweni
- Kulondvolotwa kwemhlabatsi
- Tekuvakasha
- Tetimboni
- Baholi bendzabuko ngekulandzela SAHLUKO 12 seMtsetfosisekelo
- Kututfukiswa kwetindzawo letisemadolobheni naletisemaphandleni
- Kuniketwa kwetimoto imvume
- Tenhlalakahle

INCENYE B

Letindzaba letilandzelako tahulumende wasekhaya kuyawufika kulelizinga lelihlelw esigabeni 155(6)(a) na-(7):

- Kungcoliswa kwemoya
- Imitsetfo yekwakha takhiwo
- Tindzawo/tintfo tekunakekelwa kwebantfvana
- Gezi kanye nekukhishwa kwagesi
- Tikhungo tekulwa nemililo
- Tekuvakasha tasekhaya
- Tikhumulo tetindiza tabomasipala
- Kuhlelwa kwabomasipala
- Imisebenti yabomasipala yetemphilo
- Imisebenti yabomasipala yekututfwa kwebantfu

ISHEJULI 4: TINDZAWO LAPHO HULUMENDE WAVEILONKHE KANYE NEBETI-FUNDZA BANEMANDLA EKUSHAYA UMTSETFO NGEKUHLANGANYELA

- Temisebenti yesive tabomasipala kufika ezingeni letidzingo tabomasipala ekufezeni imisebenti yabo yekwengamela imisebenti lebayinikwe ngco nguMtsetfosisekelo noma lomunye umtsetfo
- Emabhalohoh getulu kwemifula, tikebhe/tindizanyana, tindzawo tekuvikela tikebhe/imikhumbi, tindzawo letima tikebhe/imikhumbi kanye netikhumulo temikhumbi ngaphandle kwekuphatfwa kwetekuhamba kwemikhumbi emaveni onkhe nakuleli kanye netintfo letiphatselene nekuhanjiswa ngemkhumbi
- Kuphatfwa kwemanti etimvula etindzaweni letakhiwe
- Imitsfomgomoyekutsengisa
- Emanti nekuhlelwa nekwetfwalwa kwetibi ezingeni lemanti lekatfwalekako nekulahlwa kwemanti lekasebentile nenchubo yekulahlwa kwemangcoliso

ISHEJULI 5

TINDZAWO LAPHO HULUMENDE WESIFUNDZA YEDVWANA ANEMANDLA EKUSHAYA UMTSETFO

INCENYE A

- Temadzele
- Ema-ambulensi
- Tikhungo temisamo ngaphandle kwemisamo yavelonke
- Imitapo yetincwadzi ngaphandle kwemitapo yavelonke
- Imvume yekutsengisa tjwala
- Tindzawo tekubeka tintfo letimcoka tesive ngaphandle kwaletu tavelonke
- Kuhlelwa kwesifundza
- Tindzaba temasiko esifundza
- Tindzawo tesifundza tekujabulisa netikhungo
- Temidlalo yesifundza
- Temigwaco nekuhamba kwtimoto kwsifundza
- Tekwelashwa kwetilwane ngaphandle kwekuphatfwa kwalobuchwephesheshe

INCENYE B

Letindzaba tahulumende wasekhaya letilandzelako kufike ezingeni lelihlelwesigaben 155(6)
(a) na-(7):

- Tihlabatsi taselwandle netindzawo tekutijabulisa
- Tincwembe tekukhangisa nekubeka kweukhangisa endzaweni yemmango
- Emathuna, timoshali, netindzawo tekushisela tidvumbu
- Kuhlotjiswa ngekxesintfu
- Kwenganyelwa kwetintfo letinyanyisako emmangweni
- Kwenganyelwa kwetindzawo letitsengisela ummango tjwala
- Tindzawo tekubeka, tekunakekelwa nekungcwatjwa kwetilwane
- Kubiyela ngemafenisi
- Timvume tetinja
- Timvume nekuphatfwa kwetindzawo letitsengisela ummango kudla
- Tikhungo tasekhaya

ISHEJULI 5: TINDZAWO LAPHO HULUMENDE WESIFUNDZA YEDVVANA ANEMANDLA EKUSHAYA UMTSETFO

- Tindzawo temidlalo tasekhaya
- Timakethe
- Emadzele amasipala
- Emapaki amasipala netekutijabulisa
- Imigwaco yamasipala
- Kungcoliswa ngemsindvo
- Tikidi
- Tindzawo temmango
- Kututfwa kwetibi/emangcoliso, tindzawo tekulahlha tibi/emangcoloso nekulahlwa kwetibi leticinile
- Kutsengisa emigwacweni
- Kukhanyisa emigwacweni
- Tetimoto nekupaka

ISHEJULI 6

TIMISELO TESIKHASHANA

[IShejuli 6 iChitijiyelwe ngesigaba 3 seMtsetfo weKucala wekuChitijiyelwa kweMtsetfosisekelo wanga-1997, sigaba 5 semtsetfo weSibili wekuChitijiyelwa kweMtsetfosisekelo wanga-1998 kanye nesigaba 20 seMtsetfo weSitupha wekuChitijiyelwa kweMtsetfosisekelo wanga-2001.]

Tinchazelo

1. KuleShejuli, ngaphandle kungahambisani nengcikitsi -

"sabelo" shiso indzawo leyincenyе yeRiphabulikhi lapho ngesikhatsi ungakacali kusebenta uMtsetfosisekelo lowelanywa ngulona wanyalo, beyiphetfwe nguMtsetfo weNingizimu Afrika itsatwa njengelive lelitimele noma sabelo lesitibusako;

"UMtsetfosisekelo lomusha" usho uMtsetfosisekelo weRiphabulikhi yeNingizimu Afrika, wanga-1996;

"Imitsetfo lemildzala" isho imitsetfo leyabekwa kungakacali kusebenta kweMtsetfosisekelo lowelanywa ngulona; "UMtsetfosisekelo lomdzala" usho uMtsetfosisekelo weRiphabulikhi yeNingizimu Afrika, wanga-1993, (uMtsetfo 200 wanga-1993)..

Kuchubeka kwekusebenta kwemitsetfo lekhona

2. (1) Yonkhe imitsetfo lebeyikhona iseBenta kungakacali kusebenta kwaloMtsetfosisekelo lomusha, iyachubeka nekusebenta, ngaphasi kwembandzela -
 - (a) wanoma kuphi kuchitijiyelwa noma kucitfwa; kanye
 - (b) nekuhambisana neMtsetfosisekelo lomusha.
- (2) Imitsetfo lemildzala letawuchubeka nekusebenta ngekulandzela sigatjana (1) -
 - (a) kayinawusebenta ngalokwengetekile, noma ngekwendzawo noma nangayiphi lenyе indlela kwendlula ngesikhatsi uMtsetfosisekelo lomdzala ucalu kusebenta ngaphandle uma ngabe yachitijiyelwa kuze iseBente ngalokwengetekile; futsi
 - (b) iyachubeka nekusetjentiswa tiphatsimandla lebtivele tiyisebentisa kungakacali kusebenta kweMtsetfosisekelo lomusha, kepha ngaphasi kwembandzela weMtsetfosisekelo lomusha.

Kuhunyushwa kwemitselofo levele ikhona

3. (1) Ngaphandle uma ngabe kungahambisani nengcikitsi noma kungafaneli kwasanhlobo, kucashunwa kwemitselofo lobewuvele ukhona uma kucala kusebenta loMtsetfosisekelo lomusha uma ngabe kukhulunywa -
- (a) ngeRiphabulikhii yeNingizimu noma ngesabelo (ngaphandle uma kushiwo umhlaba) kumele kutsatfwе ngekutsi kushiwo iRiphabulikhii yeNingizimu Afrika ngaphasi kwaloMtsetfosisekelo lomusha;
 - (b) ngePhalamende, ngeSigungu saVelonkhe noma ngeNdlu yetiMphunga, kumele kutsatfwе ngekutsi kushiwo iPhalamende, Sigungu saVelonkhe noma Umkhandlu weTifundza ngaphasi kweMtsetfosisekelo lomusha;
 - (c) ngeMengameli, ngeliSekela laMengameli, ngeNdvuna yeMbuso, liSekela leNdvuna yeMbuso noma iKhabhinethi, kumele kutsatfwе ngekutsi kushiwo Mengameli, ngeliSekela laMengameli, ngeNdvuna yeMbuso, liSekela leNdvuna yeMbuso noma iKhabhinethi ngaphasi kweMtsetfosisekelo lomusha, kepha ngekulandzela liphuzu 9 laleShejuli;
 - (d) ngeMengameli wetiMphunga, kumele kutsatfwе ngekutsi kushiwo Sihlalo weMkhandlu waVelonkhe weTifundza;
 - (e) ngesishayamtsetfo sesifundza, Ndvnankhulu, Sigungu leseNgamele noma lilunga leSigungu leseNgamele sesifundza, kumele kutsatfwе ngekutsi kushiwo sishayamtsetfo sesifundza, Ndvnankhulu, Sigungu leseNgamele noma lilunga leSigungu leseNgamele sesifundza ngaphasi kweMtsetfosisekelo lomusha, kepha ngekulandzela liphuzu 12 laleShejuli; noma
 - (f) ngelulwimi lolusemtsetfweni noma tilwimi, kumele kutsatfwе ngekutsi kushiwo noma ngabe ngutiphi tilwimi letisemtsetfweni ngaphasi kwaloMtsetfosisekelo lomusha.
- (2) Ngaphandle uma ngabe kungahambisani nengcikitsi noma kungafaneli kwasanhlobo, uma encyeneni yemtsetfo lomdzala kukhulunywa -
- (a) ngePhalamende, iNdlu yePhalamende noma sishayamtsetfo noma Sigungu seRiphabulikhii noma wesabelo, kumele kutsatfwе ngekutsi kushiwo -
 - (i) iPhalamende ngaphasi kweMtsetfosisekelo lomusha, uma kuphatfwa kwalomtsetfo kwehliselwe noma kuniketwe ngekulandzela uMtsetfosisekelo lomdzala noma nguleShejuli kuhulumende wavelonkhe; noma

- (ii) sishayamtsetfo sesifundza, uma kuphatfwa kwalowo mtsetfo kuniketwe noma kwehliselwe ngekulandzela uMtsetfosisekelo lomdzala noma ngekulandzela leShejuli kuhulumende wesifundza;
- (b) ngeMengameli weMbuso, Ndvunankhulu, umPhatsi noma umPhatsi weSigungu, tiNdvuna teMbuso, iKhabhinethi noma uMkhandlu wetiNdvuna teMbuso noma umkhandlu lowengamele waseRiphabulikhi noma wesabelo, kumele kutsafwe ngekutsi kushiwo -
 - (i) Mengameli ngaphasi kweMtsetfosisekelo lomusha, uma kuphatfwa kwalowo mtsetfo kwehliselwe noma kuniketwe ngekulandzela uMtsetfosisekelo lomdzala noma leShejuli kuhulumende wavelonkhe; noma
 - (ii) Ndvunankhulu wesifundza ngaphasi kweMtsetfosisekelo lomusha, uma kuphatfwa kwalowo mtsetfo kwehliselwe noma kuniketwe ngekulandzela uMtsetfosisekelo lomdzala noma leShejuli kuhulumende wesifundza.

Sigungu saVelonkhe

- 4. (1) Noma ngubani lobekalilunga noma anesikhundla esiGungwini saVelonkhe ungakacali kusebenta loMtsetfosisekelo lomusha, uba lilunga noma abambe sikhundla esiGungwini saVelonkhe ngaphasi kweMtsetfosisekelo lomusha.
- (2) LeSigungu saVelonkhe njengoba sibunjwe ngaphasi kweliphuzwana (1) ngetindlela tonkhe sitsatfwa ngekutsi sakhetfwa ngaphasi kwaloMtsetfosisekelo lomusha kutsi sisibente kuze kuphele sikhatsi saso ngamlhaka 30 Apreli 1999.
- (3) Sigungu saVelonkhe sinemalunga langu-400 kuze kuyewuphela sikhatsi saso, kuze kufike mhlaka 30 Apreli 1999, ngekulandzela sigaba 49(4) seMtsetfosisekelo lomusha.
- (4) Imitsetfomgomu kanye nenchubo yaleSigungu saVelonkhe lebeyisebenta kungakangeni loMtsetfosisekelo lomusha itawujinge ichubeke nekusebenta ngaphandle uma ingachitjiyelwa noma icitfwe ngaphasi kwaloMtsetfosisekelo lomusha.

Ludzaba lolungakapheli ePhalamende

5. (1) Noma nguluphi ludzaba lolungakapheli lolusembi kweSigungu saVelonkhe kungakacali kusebenta kwaloMtsetfosisekelo lomusha kumele kuchutjekwe ngalo ngaphasi kwaloMtsetfosisekelo lomusha.
(2) Noma ngabe nguluphi ludzaba lolungakapheli lolusembi kwetiMphunga kungakacali kusebenta kwaloMtsetfosisekelo lomusha kumele lumikiswe eMkhandlwini waVelonkhe weTifundza, futsi loMkhandlu kumele uchubeke nalo ngaphasi kwaloMtsetfosisekelo.

LuKhetfo IweSigungu saVelonkhe

6. (1) Kute lukhetfo IweSigungu saVelonkhe lolungabanja kungakefiki mhlaka 30 Apreli 1999 ngaphandle uma ngabe leSigungu sicifwa ngekulandzela sigaba 50(2) ngemuva kwesiphakamiso sekungetsembeki kwekusebenta kwaMengameli ngekulandzela sigaba 102(2) seMtsetfosisekelo lomusha.
(2) Sigaba 50(1) seMtsetfosisekelo lomusha siyemiswa kuze kube ngamhlaka 30 Apreli 1999.
(3) Nanoma uMtsetfosisekelo lomdzala ucitsiwe, iShejuli 2 yalowo Mtsetfosisekelo njengoba uchitijiyelwe siHlomelo A saleShejuli, iyasebenta -
 - (a) elukhetfweni lwekucala IweSigungu saVelonkhe ngaphasi kweMtsetfosisekelo lomusha.
 - (b) ekulahlekelweni bulunga beSigungu saVelonkhe etimeni ngaphandle kwaleto letichazwe esigabeni 47(3) seMtsetfosisekelo lomusha; kanye
 - (c) nasekugcwaliseni tikhala kuleSigungu saVelonkhe, nekwengeta, kubuketa nekusetjentiswa kweluhlu lwemacembu kugcwalisa tikhala eluhlwini lwemacembu, kuze kufike lukhetfo Iwesibili IwaleSigungu ngaphasi kweMtsetfosisekelo lomusha.
(4) Sigaba 47(4) seMtsetfosisekelo lomusha simisiwe kuze kufike lukhetfo Iwesibili IweSigungu saVelonkhe ngaphasi kweMtsetfosisekelo lomusha.

Umkhandlu weTifundza

7. (1) Kuze kuphele lesikhatsi lesiphela singakahlangani kwekucala sishayamtsetfo sesifundza lesibunjwe ngemuva kwelikhetfo Iwaso lwekucala

ISHEJULI 6: TIMISELO TESIKHASHANA

ngekwaloMtsetfosisekelo lomusha -

- (a) kumelwa kwemacembu nguletitfunywa tesifundza kuloMkhandlu waVelonkhe weTifundza kumele kufanane nekumelwa kwsifundza timphunga letingu-10 njengekubekwa kwato ngaphasi kwsigaba 48 seMtsetfosisekelo lomdzala futsi
- (b) kubekwa kwetitfunywa letingesuswa netitfunywa letisiphesheli emacenjini lamelwe kusishayamtsetfo sesifundza, kume kanje:

SIFUNDZA	TITFUNYWA LETINGASUSWA	TITFUNYWA TELIKHETSELO
1. Mpumalanga Kapa	ANC NP1	ANC 4
2. Fuleyistata	ANC 4 FF 1 NP1	ANC 4
3. Gauteng	ANC 3 DP 1 FF 1 NP 1	ANC 3 NP 1
4. KwaZulu-Natali	ANC 1 DP 1 IFP 3 NP 1	ANC 2 IFP 2
5. Mpumalanga	ANC 4 FF 1 NP 2	ANC 2
6. Nyakatfo Kapa	ANC 3 FF 1 NP 2	ANC 2 NP 2
7. Sifundza saseNyakatfo	ANC 6	ANC 4

SIFUNDZA	TITFUNYWA LETINGASUSWA	TITFUNYWA TELIKHETSELO
8. Nyakatfo Nshonalanga	ANC 4 FF 1 NP 1	ANC 4
9. Nshonalanga Kapa	ANC 2 DP 1 NP 3	ANC 1 NP 3

- (2) Licembu lelimelwe kusishayamtsetfo sesifundza -
- (a) kumele likhetse emalunga lengesuswa kulabo bantfu lebebatimphunga ngesikhatsi kucala kusebenta kwaloMtsetfosisekelo lomusha njengetitfunywa letingesuswa; futsi
 - (b) lingakhetsa labanye bantfu kutsi babe titfunywa letingesuswa kuphela uma ngabe kute noma aleneli linani lalabo labebatimphunga lelidzingekako.
- (3) Sishayamtsetfo sesifundza kumele sibeke titfunywa taso letingesuswa ngekulandzela tiphakamiso temacembu.
- (4) Tigatjana (2) na-(3) tisebenta kuphela ekubekeni titfunywa letingesuswa tekucala kuleSigungu saVelonkhe weTifundza.
- (5) Sigaba 62(1) seMtsetfosisekelo lomusha asisebenti etiphakanyisweni nekubekwa kwalabo bebatimphunga njengetitfunywa letingesuswa ngekwaleliphuze.
- (6) Imitsetfomgomu netibopho tetiMphunga lebeyisebenta uma kucala kusebenta loMtsetfosisekelo lomusha, kumele ichubeke isebeante emisebentini yeMkhandlu waVelonkhe weTifundza kuze kufike ezingeni lapho isebeanta khona, kepha nje ngaphasi kwetichibiyelo noma kwekucitfwa kwayo.

Lebebatimphunga

8. (1) Umuntfu lobekayimphunga longakakhettwa njengesitfunywa lesingesuswa seMkhandlu waVelonkhe weTifundza unelilungelo kutsi abe lilunga lelivotako ngalokupuhelele lesishayamtsetfo saleso sifundza lesakhetsa lowo muntfu njengelilunga letimphunga ngekulandzela sigaba 48 ngaphasi kweMtsetfosisekelo lomdzala.

- (2) Uma lobekayimphunga akhetsa kungabi lilunga leshayamtsetfo lowo muntfu utsatfwa ngekutsi sewuhleli phasi akasesio imphunga ngayitolo ngembili kwekutsi uMtsetfosisekelo ucale kusebenta.
- (3) Umholo, tibonelelo noma tinzozo temuntfu lobekayimphunga lokhetfwe njengesitfunya lesingesuswa noma njengelilunga leshayamtsetfo sesifundza tingete tehliswa ngesizatfu saloko kukhetfwa.

Sigungu savelonkhe lesengamele

9. (1) Noma ngubani lobekanguMengameli, liSekela laMengameli, iNdvuna yeMbuso noma liSekela leNdvuna yeMbuso weRiphabhulikhi ngaphasi kweMtsetfosisekelo lomdzala ungakacali kusebenta loMtsetfosisekelo lomusha, utawuchubeka futsi abambe sikhundla ngaphasi kwaloMtsetfosisekelo lomusha, kepha ngaphasi kwembandzela wesigatjana (2).
- (2) Kuze kufike April 30 1999, tigaba 84, 89, 90, 91, 93 na-96 teMtsetfosisekelo lomusha titawutsatfwa ngekutsi tifundzeka njengoba tihleliwe eSihlomelweni B saleShejuli.
- (3) Sigatjana (2) asivimbeli iNdvuna yeMbuso lebeyiyimphunga ungakacali kusebenta loMtsetfosisekelo lomusha, kutsi ichubeke njengeNdvuna yeMbuso lephawulwe esigabeni 91(1)(a) seMtsetfosisekelo lomusha, njengoba lesu sigaba sifundzeka eSihlomelweni B.

Tishayamtsetfo tetifundza

10. (1) Noma ngubani lobekalilunga noma abambe sikhundla kusishayamtsetfo sesifundza ungakacali kusebenta uMtsetfosisekelo lomusha, uba lilunga noma abambe sikhundla kusishayamtsetfo sesifundza ngaphasi kweMtsetfosisekelo lomusha, abambe sikhundla njengelilunga noma umuntfu lonesikhundla ngaphasi kwaloMtsetfosisekelo nangaphasi kwanoma ngumuphi umtsetfosisekelo wesifundza longabekwa.
- (2) Sishayamtsetfo sesifundza njengoba sibunjwe ngekulandzela sigatjana (1) ngetindlela tonkhe sitsatfwa ngekutsi sikhetfwe ngaphasi kweMtsetfosisekelo lomusha esikhatsini lesitawuphela ngamhlaka 30 Apreli 1999.

- (3) Kuze kuphele sikhatsi sekusebenta kwasishayamtsetfo sesifundza nangekulandzela sigaba 108(4), sishayamtsetfo sibunjwe linani lemalunga labekelwe leso sishayamtsetfo ngaphasi kweMtsetfosisekelo lomdzala kanye nelinani lalabo bantfu labebatimpunga lesebangemalunga esishayamtsetfo ngekulandzela liphuzu 8 laleShejuli.
- (4) Imitsetfomgomu netibopho yesishayamtsetfo sesifundza lesebentako ungakacali kusebenta loMtsetfosisekelo lomusha, iyachubeka nekusebenta ngaphandle uma ngabe ichitjiyelwe noma ichitsiwe.

Kukhetfwa kwetishayamtsetfo tetifundza

- 11. (1) Noma njena uMtsetfosisekelo lomdzala ucitsiwe, iShejuli 2 yallowo Mtsetfosisekelo, njengoba uchitjiyelwe Sihlomelo A saleShejuli uyasebenta -
 - (a) elukhetfweni lwekucala lesishayamtsetfo sesifundza ngaphasi kweMtsetfosisekelo lomusha;
 - (b) ekulahlekelweni bulunga besishayamtsetfo kwesimo ngaphasi kwaleso lesishwi esigabeni 106(3) saloMtsetfosisekelo lomusha, kanye
 - (c) nasekugcwaliseni tikhala kusishayamtsetfo, nekwengeta, kubuketa nekusetjentiswa kweluhlu lwemacembu kuze kugcwaliswe tikhala, kuze kufike lukhetfo lwasibili ngaphasi kweMtsetfosisekelo lomusha.
- (2) Sigaba 106(4) seMtsetfosisekelo lomusha simisiwe kusishayamtsetfo kuze kuge Lukhetfo lwasibili lwaleso sishayamtsetfo ngaphasi kweMtsetfosisekelo lomusha.

Tigungu tetifundza letengamele

- 12. (1) Noma ngubani lobekanguNdvunankhulu noma lilunga leMkhandlu loweNgamele sifundza ungakacali kusebenta loMtsetfosisekelo lomusha, uyachubeka nekusebenta futsi abambe sikhundla ngaphasi kweMtsetfosisekelo lomusha nangaphasi kwanoma muphi umtsetfosisekelo wesifundza longabekwa, kepha ngaphasi kwembandzela weliphuzwana (2).
- (2) Kuze Ndvunankhulu akhetfwe ngemuva kwelukhetfo lwasishayamtsetfo sesifundza ngaphasi kweMtsetfosisekelo lomusha atsatse sikhundla sakhe, noma sifundza sibeke umtsetfosisekelo waso, noma ngukuphi lokungenteka kucala, tigaba132 na-136 teMtsetfosisekelo lomusha titawutsatfwa ngekutsi tifundzeka njengoba kuhleliwe eSihlomelweni C saleShejuli.

Imitsetfosisekelo yetifundza

13. Umtsetfosisekelo wesifundza lobekwe kungakacali kusebenta kweMtsetfosisekelo lomusha kumele ulandzele sigaba 143 saloMtsetfosisekelo lomusha.

Kuniketwa kwemitetfo etifundzeni

14. (1) Imitsetfo lephatselene neludzaba loluwela ngaphasi kweluhlu lolutfolakala eShejulini 4 noma eShejulini 5 kuloMtsetfosisekelo lomusha, futsi lo ngesikhatsi ungakacali kusebenta loMtsetfosisekelo lomusha, bewuphetwe siphatsimandla setiNdvuna teMbuso wavelonkhe, unganiketwa nguMengameli, ngesimemetelo semtsetfo, esiphatsinimandla seSigungu lesiphetse seMkhandlu wesifundza lesikhettwe nguNdvunankhulu waleso sifundza.
- (2) Uma ngabe kunesidzingo kuze kuniketwa kwemitetfo ngaphasi kweliphuzwana (1) kwentekengendlela, Mengameli ngesimemetelo semtsetfo-
- (a) angachibiyela noma antijintje lomtsetfo kuze kuhambe kahle kuhunyushwa kwawo noma kusetjentiswa kwawo;
 - (b) lapho kuniketwa kwemitetfo kungasebenti kuleyo ncenyemtsetfo wonkhana, angacitsa futsi avuselele, netichibiyelo noma ngaphandle kwato letishiwendozinyeneni(a), leto ticeshana tawo lapho kuniketwa kusebenta khona noma kuze kufike lapho tisembenta khona;
 - (c) angacondzisa lapho kuhambisana kahle noma nguluphi lolunye ludzaba lolungahle ludzingeke nganca yalokuniketwa, lokufakwa ekhatsi kucoconyiswa noma kutfutukiswa kwetisebenti noma kucoconyiswa kwetintfo letingumnotfo, tikwelete, emalungelo kanye netibopho letibuya noma letiye esigungwini sembuso noma sesifundza noma lamanye ematiko embuso, ekuphatsa, ekuvikela noma letinye tikhungo.
- (3) (a) Umbhalo wesimemetelo ngasinye semtsetfo lesikhishiwe ngekweliphuzwana (1) noma (2) kumele wetfulwe kuleSigungu saVelonkhe neMkhandlu waVelonkhe weTifundza angakapheli emalanga langu-10 sikhishiwe lesimemetelo.
- (b) Uma Sigungu saVelonkhe neMkhandlu waVelonkhe weTifundza ngesincumo ungasemukeli lesimemetelo semtsetfo noma siphisiphakamiso saso, leso simemetelo noma siphakamiso siphelwelwa sikhatsi, kepha singatsikameti -

- (i) kusebenta kwanoma yini intfo leyentiwe ngalesimemetelo semtsetfo noma siphakamiso singakapehelewa sikhatsi; noma
 - (ii) lilungelo noma lilungelomvume lelitfolakele noma sobopho noma umtfwalo lotfolakele singakapehelewa sikhatsi.
- (4) Uma ngabe kuniketwa umtsetfo ngaphasi kweliphuzwana (1), noma kuphi lokushiwu kuleyo mtsetfo siphatsimandla, kumele kutsatfwe ngekutsi kusho siphatsimandla lesu lokuniketwe sona emandla.
- (5) Noma kuphi kuniketwa kwemtsetfo ngaphasi kwsigaba 235(8) saloMtsetfosisekelo lomdzala, lokufaka noma sippi sichibiyelo, kuntjintjwa, noma kucifwa kanye nekuvuselelwa kwemtsetfo noma lesinye sinyatselo lesitsetfwe ngaphasi kwaleso sigaba, kumele kutsatfwe ngekutsi kwentiwe ngaphasi kwaleliphuze.

Imitsetfo lebeyivele ikhona ngaphandle kwemandla ekushaya umtsetfo kwePhalamende

15. (1) Siphatsimandla esigungwini savelonkhe lesengamele noma muphi umtsetfo lowela ngaphandle kwemandla ekushaya umtsetfo kwePhalamende uma kucala kusebenta lomtsetfosisekelo lomusha, siyachubeka kuba nemandla ekuphatsa lowo mtsetfo kuze kufike sikhatsi lapho uniketwe khona siphatsimandla sesifundza lesisierungwini lesengamele ngekulandzela liphuzu 14 laleShejuli.
- (2) Liphuzwana (1) liphelelwa sikhatsi ngemuva kweminyaka lemibili ucalile kusebenta loMtsetfosisekelo lomusha.

Tinkantolo

16. (1) Tonkhe tinkantolo lokufaka tebaholi bendzabuko lebetikhona kusukela kungakacali kusebenta kwaloMtsetfosisekelo lomusha, tiyachubeka kusebenta nekusebentisa emandla ato ngekwemtsetfo losebenta kuto, futsi noma ngubani lonesikhundla njengemehluleli achubeke kubamba lesu sikhundla ngekulandzela umtsetfo losebenta mayelana naleso sikhundla, kepha ngekulandzela -
(a) noma ngusiphi sichibiyelo noma kucifwa kwalowo mtsetfo; futsi
(b) kuhambisana neMtsetfosisekelo lomusha.
- (2) (a) INkantolo yeMtsetfosisekelo lesungulwe nguMtsetfosisekelo lomdzala iba yiNkantolo yeMtsetfosisekelo ngaphasi

ISHEJULI 6: TIMISELO TESIKHASHANA

(b)

[Liphuzwana 16(2)(b) livalwe ngesigaba 20 seMtsetfo weSitupha wekuChitjiyelwa kweMtsetfo-sisekelo wanga-2001.]

- (3) (a) INkantolo lePhakeme kunato tonkhe yekweNdlulisela emacula eNingizimu Afrika iba yiNkantolo lePhakeme kunato tonkhe yekweNdlulisela emacula ngaphasi kweMtsetfosisekelo lomusha.

(b)

[Liphuzwana 16(3)(b) livalwe ngesigaba 20 seMtsetfo weSitupha wekuChitjiyelwa kweMtsetfo-sisekelo wanga-2001.]

- (4) (a) Inkantolo yesifundza noma yendzawo yelizinga leNkantolo lephakeme yeNingizimu Afrika, noma iNkantolo lephakeme yesifundza noma yelizinga leletayelekile iba yiNkantolo lephakeme ngaphasi kweMtsetfosisekelo lomusha ngaphandle kwekuntjintja kwendzawo lapho iseBenta khona ngaphasi kwebulungiswa lebuchazwe ephuzwaneni (6).
- (b) noma ngubani lobambe sikhundla noma lotsatfwa kutsi ubambe sikhundla seMengameli noma liSekela laMengameli noma lijaji leNkantolo lekukhunyulwa ngalo endzinyaneni(a) kungakacali kusebenta kweMtsetfosisekelo lomusha, uba nguMengameli weMajaji, liSekela laMengameli noma lijaji laleyo nkantolo ngaphasi kweMtsetfosisekelo lomusha njengoba kubekwe ephuzwaneni (6).
- (5) Ngaphandle uma kungahambisan nekusho noma kungasingiko mbamba uma kukhulunywa kunoma ngumuphi umtsetfo noma inchubo -
- (a) yeNkantolo yeMtsetfosisekelo ngaphasi kweMtsetfosisekelo lomdzala, kumele kutsatfwe ngekutsi kushiwo iNkantolo yeMtsetfosisekelo ngaphasi kwaloMtsetfosisekelo lomusha;
- (b) yeNkantolo yekweNdlulisela emacula yeNingizimu Afrika, kumele itsatfwe njengeNkantolo lePhakeme kunato tonkhe yekweNdlulisela emacula; futsi
- (c) yeNkantolo yesifundza noma yendzawo yelizinga leNkantolo lePhakeme yeNingizimu Afrika noma yeNkantolo lePhakeme yesabelo noma yeNkantolo lePhakeme yendzawo, kumele itsatfwe ngekutsi kushiwo yeNkantolo lePhakeme.

- (6) (a) Uma ngabe sekukhonakala ngemuva kwekucala kusebenta kweMtsetfosisekelo lomusha, tonkhe tinkantolo, kumiswa kwato, kubunjwa, kusebenta kanye nemandla ato, nayo yonkhe imitsetfo letisebentako, kumele kuhlelwe kahle kuze tebulungiswa tifeze tidzingo taloMtsetfosisekelo lomusha.
- (b) Lilunga leKhabhinethi leliphetse tebulungiswa lihloliswa liKhomishani leliphetse kubekwa kwetiphatsimandla tetemtsetfo kumele lisungule lokuhlelwa kahle lokucatjangwa endzinyaneni(a).
- (7) (a) Noma ngubani lobambe sikhundla, uma uMtsetfo wesiChibiyelo seMtsetfosisekelo weRiphabulikhi yeNingizimu Afrika, 2001, ucala kusebenta -
- (i) njengeMengameli weNkantolo yeMtsetfosisekelo, uba nguSomajaji njengoba kulindzeleke esigabeni 167 (1) seMtsetfosisekelo lomusha;
 - (ii) njengeliSekela laMengameli weNkantolo yeMtsetfosisekelo, uba liSekela laSomajaji njengoba kulindzeleke esigabeni 167 (1) seMtsetfosisekelo lomusha;
 - (iii) njengaSomajaji, uba nguMengameli weNkantolo lePhakeme kunato tonkhe yekweNdilulisela emacula njengoba kulindzeleke esigabeni 168 (1) seMtsetfosisekelo lomusha; kanye
 - (iv) nanjengeliSekela laSomajaji, uba liSekela laMengameli weNkantolo lePhakeme kunato tonkhe yekweNdilulisela emacula njengoba kulindzeleke esigabeni 168 (1) seMtsetfosisekelo lomusha.
- (b) Yonkhe imitsetfomgomu, timisomtsetfo noma imiyalelo leyentiwe nguMengameli weNkantolo yeMtsetfosisekelo noma nguSomajaji lesebentako ngembi-nje kwekutsi uMtsetfo wesiChibiyelo seMtsetfosisekelo weRiphabulikhi yeNingizimu Afrika, 2001, ucale kusebenta, itawuchubeka ise bente idzimate icifwe noma ichitjiwelwe.
- (c) Ngaphandle uma kungahambisan i nengcikitsi noma kungafaneleki kwasanhlobo, kucondzisa kunoma ngumuphi umtsetfo noma inchubo kuSomajaji noma kuMengameli weNkantolo yeMtsetfosisekelo, kumele kutsatfwe njengekucondzisa kuSomajaji njengoba kulindzeleke esigabeni 167 (1) seMtsetfosisekelo lomusha.

[Liphuwana 16(7) lifakwe ngesigaba 20 seMtsetfo weSitfupha wekuChitjiwelwa kweMtsetfosisekelo wanga-2001.]

Emacala langakacedvwa etinkantolo

17. Onkhe emacala langakacedvwa lasembi kwetinkantolo kungakacali kusebenta kwaloMtsetfosisekelo lomusha kumele kuchutjekwe ngawo aze acedvwe kube ngatsi loku kwentiwa usengakacali kusebenta lomtsetfosisekelo lomusha, ngaphandle uma ngabe bulungiswa bufuna ngalenyne indlela.

UMtimba wekuShushisa

18. (1) Sigaba 108 seMtsetfosisekelo lomdzala siyachubeka kusebenta kuze uMtsetfo wePhalamende lophawulwe esigabeni 179 seMtsetfosisekelo lomusha ucale kusebenta. Leliphuzwana alitsikameti kubekwa kweMcondzisi waloMtimba loshushisako lobekwe ngekwasigaba 179.
(2) Umshushisi jikelele lobambe sikhundla nawucala kusebenta loMtsetfosisekelo lomusha, uyachubeka kusebenta ngekulandzela umtsetfo losebenta kuleso sikhundla, ngaphasi kweliphuzwana (1).

Tifungo nekuvuma ngekutibopha

19. Umuntfu lochubeka esikhundleni ngekwaleShejuli futsi lowatsatsa sifungo sekungena esikhundleni ngaphasi kweMtsetfosisekelo lomdzala, akakadzingeki kutsi aphindze sifungo sekungena esikhundleni noma avume ngekutibopha ngaphasi kweMtsetfosisekelo lomusha.

Letinye tikhungo temtsetfosisekelo

20. (1) Kulesigaba "**sikhungo semtsetfosisekelo**" shiso -
(a) uMvikeli wemmango;
(b) LiKhomishani laseNingizimu Afrika lemaLungelo eLuntfu;
[Indzima(b) ivalwe ngesigaba 4 seMtsetfo weSibili wekuChitjiyelwa kweMtsetfosisekelo wanga-1998.]
(c) liKhomishani lekuLingana ngeBulili;
(d) UmCwaningimabhuku-Jikelele;
(e) LiBhange lesiLulu laseNingizimu Afrika;
(f) liKhomishani lekuPhatfwa kweTetimali nesiLulu seMnotfo waHulumende;
(g) liKhomishani leMisebenti yeTemtsetfo; noma

- (h) liBhodi letiLwimi Tonkhe taseNingizimu Afrika
- (2) Sikhungo seMtsetfosisekelo lesakhiwa ngekweMtsetfosisekelo lomdzala siyachubeka kusebenta ngekulandzela imitsetfo lesebenta kuso, futsi noma ngubani lobambe sikhundla njengelilunga leKhomishani, lilunga lelibhodi leliBhange lesiLulu noma liBhodi letiLwimi Tonkhe taseNingizimu Afrika, uMvikeli wemmango noma umCwaningimabhu-Jikelele ngalesikhatsi uMtsetfosisekelo lomusha ucalu kusebenta uyachubeka abambe lesu sikhundla ngekulandzela lowo mtsetfo losebenta kuso, kepha ngaphasi wembandzela -
(a) wanoma ngusiphi sichibiyelo noma kucitfwa kwalowo mtsetfo; kanye
(b) nekuhambisana kwawo neMtsetfosisekelo lomusha.
- (3) Tigaba 199(1), 200(1), (3) na-(5) kuyawufika ku-(11) na-201 kuyawufika ku-206 teMtsetfosisekelo lomdzala tiyachubeka kusebenta tize ticitfwe nguMtsetfo wePhalamende lophasiswe ngekulandzela sigaba 75 seMtsetfosisekelo lomusha.
- (4) Emalunga eliKhomishani lekuPhatfwa kweTiphatsimandla tetemtsetfo lashiwo esigaben 105(1)(h) seMtsetfosisekelo lomdzala ayayekela kuba ngemalunga aleliKhomishani uma ngabe lamalunga lashiwo esigaben 178(1)(i) seMtsetfosisekelo lomusha abekwa.
- (5) (a) Umkhandlu wamaBhunu lowasungulwa ngekweMtsetfosisekelo lomdzala uyachubeka kusebenta ngekwemtsetfo losebenta kuwo, futsi noma ngubani lobambe sikhundla njengelilunga laloMkhandlu nawucala kusebenta uMtsetfosisekelo lomusha, lowo mtsetfo losebenta kuso, kepha ngekulandzela -
(i) noma ngusiphi sichibiyelo noma kucitfwa kwalowo mtsetfo; futsi
(ii) kuhambisana kwawo neMtsetfosisekelo lomusha.
(b) Tigaba 184 A na-184 B(1) na-(d) teMtsetfosisekelo lomdzala tiyachubeka kuba nemandla tize ticitfwe nguMtsetfo wePhalamende lophasiswe ngesigaba 75 seMtsetfosisekelo lomusha.

Kushaywa kwemtsetfo lefunwa nguMtsetfosisekelo lomusha

21. (1) Lapho uMtsetfosisekelo lomusha udzinga kushaywa kwemtsetfo wavelonkhe noma wesifundza, lowo mtsetfo kumele ushaywe nguleso Sigungu lesifanele ngekungephuti kusukela kungene uMtsetfosisekelo lomusha.

- (2) Sigaba 198(b) seMtsetfosisekelo lomusha singete sasetjentiswa kuze umtsetfo lophawulwe kuleso sigaba ushaywe.
- (3) Sigaba 199(3)(a) seMtsetfosisekelo lomusha singete sasetjentiswa kungakapheli tinyanga letingu-3 ngemuva kwekushaywa kwalomtsetfo lophawulwe kuleso sigaba.
- (4) UMtsetfo wavelonkhe lophawulwe esigabeni 217(3) seMtsetfosisekelo lomusha kumele ushaywe kungakapheli iminyaka lemtsatzu kucale kusebenta uMtsetfosisekelo lomusha, kepha kungabikho kwalomtsetfo ngalesikhatsi akuvimbili kusebenta kwenchubomgomu lephawulwe esigabeni 217(2).
- (5) Kuze kufike sikhatsi lapho uMtsetfo wePhalamende lophawulwe esigabeni 65(2) seMtsetfosisekelo lomusha ucala kesetjentiswa, ngasinye sishayamtsetfo sesifundza singatincumela inchubo yaso mayelana nemandla laniketwe titfunywa taso kutsi tifake lovoti esikhundleni saso eMkhandlwini wavelonkhe we Tifundza.
- (6) Kufike sikhatsi lapho umtsetfo lophawulwe esigabeni 229(1)(b) seMtsetfosisekelo lomusha ucala kusetjentiswa, hulumende wamasipala uhlala unawo emandla ekushaya umtsetfo mayelana nemtselo, umtsedlwana netimali letibhadelelwa imphahila lengenako lebekavele anikwe kutsi awasebentise uMtsetfosisekelo lomusha usengakacali kusebenta.

Lubumbano Iwavelonkhe nekubuyisana

- 22. (1) Nanoma kunaletinye tiphakamiso teMtsetfosisekelo lomusha kanye nekucitfwa kweMtsetfosisekelo lomdzala, tonkhe tiphakamiso letiphatselene nashwele letikuloMtsetfosisekelo lomdzala ngaphasi kwesihloko "Lubumbano IweSive nekuBuyisana" titsatfwa kutsi tiyincenyne yaloMtsetfosisekelo lomusha letiyinhloso yekuTfkiswa kweLubambano IweSive nekuBuyisana uMtsetfo, 1995(uMtsetfo 34 wanga-1995), njengoba uchitjiwelwa, lokufaka ekhatsi tinhloso tekuciniseka kwato.
- (2) Ngekwenhloso yeliphuzwana (1), lusuku Iwamhlaka '6 Disemba 1993' lapho livela etimisweni teMtsetfosisekelo lomdzala ngaphasi kwesihloko "IuBumbano IwaVelonkhe nekuBuyisana", kumele lufundwwe njengamhlaka "11 Meyi 1994".

[Liphuzwana 22(2) lifakwe ngesigaba 3 seMtsetfo weKuala wekuChitjiwelwa kweMtsetfosisekelo wanga-1997.]

LuCwebu IwemaLungelo eLuntfu

23. (1) Umtsetfo wavelonkhe lophawulwe etigabeni 9 (4), 32 (2), na-33(3) teMtsetfosisekelo lomusha kumele usebente kungakapheli iminyaka lemtsatu uMtsetfosisekelo lomusha ucale kusebenta.
- (2) Kuze kusebente lomtsetfosisekelo lomusha kumele usebente lomtsetfo lophawulwe etigabeni 32 (2) na-33 (3) teMtsetfosisekelo lomusha -
- (a) sigaba 32 (1) kumele sitsatfwе ngekutsi sifundze ngalendlela:
“(1) Bonkhe bantfu banelilungelo lekutfolo imininingwane leselandleni tembuso noma tikhungo tawo kunoma ngumuphi umkhakha wahulumende uma ngabe lemininingwane bayidzingela kuyisebentisa noma kuvikela emalungelo abo”; kantsi
- (b) sigaba 33 (1) na-(2) kumele titsatfwе ngekutsi tifundzeka ngalendlela lelandzelako:
“Bonkhe bantfu banelilungelo—
- (a) letento tahlumende letinebulungiswa tekuphatsa letiphatselene nabo lapho emalungelo netimfuno tabo titsintseka noma tesatjiswa ngekutsikanyetwa;
- (b) letento tahlumende letinebulungiswa tekuphatsa letiphatselene nabo lapho emalungelo noma tifiso titsikameta noma tesatjiswa;
- (c) ekuniketwa tizatfu letibaliwe taleso sento sahulumende sekuphatsa lesitsikameta emalungelo netifiso tabo ngaphandle uma ngabe tizatfu talesento ummango watisiwe ngato; kanye
- (d) neletento tekuphatsa letivumelekako ngekwetizatfu letiniketiwe lapho lalamungelo atsikameteka noma esatjiswa khona.”
- (3) Tigaba 32 (2) na-33 (3) teMtsetfosisekelo lomusha tiphelelwa sikhatsi uma ngabe lemitsetfo lephawulwe kuletigaba, ngekulandzelana kwato, ungabekwa ngemuva kweminyaka lengu-3 kucale kusebenta loMtsetfosisekelo lomusha.

Kuphatfwa kwembuso nemibutfo yetekuphepha

24. (1) Tigaba 82 (4)(b), 215, 219(1), 224 kuya ku-228, 236 (1), (2), (3), (6), (7)(b) na-(8), 237(1) na-(2)(a) kanye na-239 (4) na-(5) teMtseftosisekelo lomdzala tiyachubeka tisebente sengatsi loMtsetfosisekelo lomdzala awukacitfwa, kepha ngaphasi kwembandzela -

- (a) wetichibiyelo taleto tigaba njengoba tihlelw eSihlomelweni D;
 - (b) wanoma tiphi tichibiyelo noma kucitfwa kwaleto tigaba nguMtsetfo wePhalamende lophasiswe ngekwasiba 75 seMtsetfosisekelo lomusha; futsi
 - (c) wekuhambisana neMtsetfosisekelo lomusha. (2) LiKhomishani lekuPhatfwa kweMbuso kanye nalawo etifundza lashiwo eSehlukweni 13 seMtsetfosisekelo lomdzala ayachubeka kusebenta ngekwaleso SAHLUKO nangekwemtsetfo kuwo sengatsi leSAHLUKO asikacitfwa, kuze leliKhomishani nalawo etifundza abhidlitwe nguMtsetfo wePhalamende lophasiswe ngekulandzela sigaba 75 seMtsetfosisekelo lomusha.
- (3) Kucitfwa kweMtsetfosisekelo lomdzala kakutsikameti noma sippi simemetelo semtsetfo lesikhishiwe ngaphasi kwasigaba 237 (3), seMtsetfosisekelo lomdzala, futsi noma sippi leso satiso semtsetfo sisebenta ngemandla, kuphela nije -
- (a) uma silandzela sichibiyelo noma kucitfwa; noma
 - (b) uma sihambisana neMtsetfosisekelo lomusha.

Kungavumeleki kwebulunga lokwenetwe betishayamtsetfo

25. (1) Noma ngubani ngesikhatsi uMtsetfosisekelo lomusha ucala kusebenta lobekadvonsa sigwebo eRiphabulikhi setinyanga letengca ku-12 ngaphandle kweunikwa lilungelo lekukhipha inhlawulo, akakavumeleki kuba lilunga leSigungu saVelonkhe noma lesishayamtsetfo sesifundza.
- (2) Lokungavumeleki kwemuntfu ngekweliphuwana (1)-
- (a) kuyaphela uma ngabe sigwebo sibekwe eceleni noma sehliswa uma endlulisele lelicala lakhe embili sase siba ngulesingvimbeli lowo muntfu; futsi
 - (b) kuphela ngemuva kweminyaka lesihlanu sigwebo saphela.

Hulumende wasekhaya

26. (1) Nanoma kune tiphakamiso tetigaba 151, 155, 156 nesigaba 157 teMtsetfotfosisekelo lomusha -
- (a) timiso teMtsetfo wesiKhashana waboHulumende baseKhaya, 1993, (uMtsetfo 209 wanga-1993), njengoba ungachitjiyelwa njalo njalo ngumtsetfosisekelo lomusha, tihlala tinemandla mayelana neMkhandlu waMasipala kuze kufike sikhatsi lapho khona uMkhandlu waMasipala lovala lowo Mkhandlu

umenyetelwe njengalokhetsiwe ngenca yemphumela welukhetfo jikelele lwekulala IweMikhandlu yaboMasipala emva kwekulala kusebenta kweMtsetfosekelo lomusha; futsi

[Liphuzwana 26 (1)(a) livalwe ngesigaba 5(a) seMtsetfoweSibili wekuChitjiyelwa kweMtsetfosekelo wanga-1998.]

- (b) umholi wendzabuko wemmango lohlonipha umtsetfo wesintfu futsi losakhamuti sendzawo lesendzaweni yemkhandlu wasekhaya wesikhashana, umkhandlu wasekhaya wesikhashana noma umkhandlu webameleli wesikhashana, lophawulwe eMtsetfweni waHulumende weSikhashana wasekhaya, 1993, lotfolakele njengoba kuhleliwe esigabeni 182 seMtsetfosekelo lomdzala, unelilungelo ngelizinga lakhe lekuba lilunga lalowo mkhandlu kuze i kufike sikhatsi lapho khona uMkhandlu waMasipala lovala lowo mkhandlu umengetelwe njengalokhetsiwe ngenca yelukhetfo jikelele lwekulala IweMikhandlu yaboMasipala emva kwekulala kusebenta kweMtsetfosekelo wekulala.

[Liphuzwana 26(1)(b) livalwe ngesigaba 5(a) seMtsetfo weSibili wekuChitjiyelwa kweMtsetfosekelo wanga-1998.]

- (2) Sigaba 245 (4) seMtsetfosekelo lomdzala siyachubeka sibe nemandla kuze kusetjentiswa kwaleso sigaba kuphele. Sigaba 16(5) na-(6) seMtsetfo waboHulumende baseKhaya, 1993, angeke sacitfwa ngembi kwamhlaka 30 Apreli 2000.

[Liphuzu 26(2) liChitjiyelwe sigaba 5(b) seMtsetfo weSibili wekuChitjiyelwa kweMtsetfosekelo wanga-1998.]

Kulondvolotwa kweMitsetfo yePhalamende neyetifundza

27. Tigaba 82 na-124 teMtsetfosekelo lomusha atitsikameti kulondvolotwa kweMitsetfo yePhalamende noma yetiFundza leyabekwa ungakacali kusebenta loMtsetfosekelo lomusha.

Kubhaliswa kwemphahla yembuso lenganyakati

28. (1) Uma umtimba logunyatiwe ukhiphe sitifiketi sekutsi leyo mphahla lenganyakati yembuso ibekwe kuhulumende lotsite ngekwesigaba 239 seMtsetfosekelo lomdzala, umbhalisi wetimphahla kumele ayibhale lemphahla noma acinisekise

ISHEJULI 6: TIMISELO TESIKHASHANA

- noma encwadzini lefanele, sihloko salemphahla noma lokunye lokungumbhalo encwadzini yetimphahla letinganyakati egameni lolowo hulumende.
- (2) Kute inkokhelo, imali noma kuhaululiswa lokubhadalwako mayelana nekubhaliswa ngekulandzela liphuzwana (1).

SIHLOMELO A

Tichibiyelo eShejulini 2 yeMtsetfosisekelo lomdzala

1. Kususwa kweliphuzu (1) kufakwe leliphuzu lesilandzelako:

“1. Emacembu labhaliswe ngekulandzela umtsetfo wavelonkhe; futsi lekangenele lukhetfo IweSigungu saVelonkhe, atawuphakamisa emagama ebantfu labatawungenela lolukhetfo ngeluhlu lwemagama ebantfu lolwentiwe ngekulandzela leShejuli nesishayamtsetfo savelonkhe.”

2. Kususwa kweliphuzu 2 kufakwe leliphuzu lesilandzelako:

“2. Tihlalo kuleSigungu saVelonkhe njengoba tincunywe ngekulandzela sigaba 46 seMtsetfosisekelo lomusha, titawugcwaliswa ngalendlela lelandzelako—

- (a) Linani lelinguhhafu laletihlalo litawutsatfwa kuloluhlu IweTifundza loluletfwe ngemacembu lakehlukene, kantsi linani letihlalo lelibekiwi litawubekewla sifundza ngasinye njengoba kuncume liKhomishani lwelukhetfo lololandzelako IweMkhandlu, kunakwe kuphela imininingwane leyentiwe ngekwebuciko lephatselene nebavoti, nekumelwa kwemacembu latsintsekako.
- (b) Lolomunye hhafu wetihlalo uneluhlu loluvela eveni lonkhe loluletfwe ngemacembu lakehlukene, noma , kuloluhlu loluvela etifundzeni uma ngabe luuhlu loluvela eveni lonkhe lungakaletfwa.”

3. Kususwa kweliphuzu 3 kufakwe leliphuzu lesilandzelako:

“3. Loluhlu lwalabemele lukhetfo loluletfwe licembu, naseluhlangene lutawuba nemagama langengci linani lebantfu labalingana netihlalo kuloSigungu saVelonkhe, futsi luuhlu ngalunye lutawubeka lamagama ngandlela lelinconota ngayo umuntfu licembu ngalinye.”

4. KuChitjiyelwa kweliphuzu 5 ngekufaka lamagama lendvulela indzima(a) ngalawo lalandzelako:

“5. Letihlalo letishiwo ephuzwini 2(a) titawuniketwa ngekwesifundza emacenjini lekangenele lukhetfo, ngalendla lelandzelako:”

5. KuChitjiyelwa kweliphuzu 6:

- (a) ngekufaka lamagama lendvulela indzima(a) ngalawa lalandzelako:
“6. Tihlalo letishiwo ephuzwini 2(b) titawuniketwa emacembu lekangenele lukhetfo, ngalendlela lelandzelako;” futsi
(b) ngekuvala indzima(a) ngalendzima lelandzelako:
“(a) Incenye yemavoti ngesihlalo ngasinye itawutfolakala ngekuhlukanisa linani lonkhe lemavoti eveni lonkhe ngelinani letihlalo kuloSigungu saVelonkhe, nakunye ngetulu, umphumela nakunye ngetulu, kunganakwa tincenyana, kutawuba incenye yemavoti ngesihlalo sinye.”

6. KuChitjiyelwa kweliphuzu 7 (3) ngekususa luhpuzu(b) kufakwe leli lelilandzelako:

“(b) Incenye lelungisiwe yemavoti ngesihlalo ngasinye itawutfolakala ngekwehlukanisa kwemavoti lafakiwe eveni lonkhe lakesekela licembu, kususwe linani lemavoti lakesekela licembu lelishiwo endzimeni(a), ngelinani letihlalo kuloMkhandlu, kwengetwe sinye, kususwe linani letihlalo letiniketwe lelo cembu ekugcineni ngekulandzela indzima (a).”

7. Kukhishwa kweliphuzu 10 kufakwe leli lelilandzelako:

“10. Linani letihlalo kusishayamtsetfo sesifundza ngasinye litawuba njengekuncuma kwsigaba 105 seMtsetfosisekelo lomusha.”

8. Kukhishwa kweliphuzu 11 kufakwe leli lelilandzelako:

“11. Emacembu labhalisiwe ngekwemtsetfo wavelonkhe futsi lekangenele lukhetfo Iwesishayamtsetfo sesifundza atawenta luhlu lwemagama ebantfu labatawufakwa kulesishayamtsetfo sesifundza lolungiswe ngekulandzela leShejuli nemtsetfo wavelonkhe.”

9. Kususwa kweliphuzu 16 kufakwe leli lelilandzelako:

“Kubekwa kwetitfunya

16. (1) Uma sekucedziwe kubalwa kwemavoti, linani letitfunya telicembu ngalinye selibekiwe nephumela welukhetfo sewukhishiwe ngekulandzela sigaba 190 seMtsetfosisekelo lomusha, liKhomishani, kungakapheli emalanga lamabili umphumela ukhishiwe, litawubeka kuluhlu ngalunye lwemagama, lolushicilelw ngekulandzela

umtsetfo wavelonkhe, labamele licembu ngalinye kusishayamtsetfo.

(2) Kulandzela lokubekwa lokushiwo ephuzwaneni (1), uma ngabe ligama lalobekiwe livela etinhlwini letingetulu kwalunye IweSigungu saVelonkhe noma kuto totimbili tinhlu IweSigungu saVelonkhe nelwesishayamtsetfo sesifundza (uma lukhetto IweMkhandlu nelwesishayamtsetfo lubanje sikhatsi sinye), futsi lolobekiwe utawuyekela kusinye saletikhundla, licembu leliletse loluhlu, kumele ngemalanga lamabili alokubekwa, lisho kuleliKhomishani kutsi lowo muntfu utawubekwa kuluphi luhlu futsi utawungena kusiphi sisahayamtsetfo, kuze kutsi ligama lakhe licishwe kuloluhlu lolunye.

(3) LeliKhomishani litawushicilela ngekushesha emagama alabo labakhetsiwe kusishayamtsetfo noma kutishayamtsetfo.”

10. Kuchitjiyelwa kweliphuzu 18 ngekususwa kwendzima (b) kufakwe lendzima lelandzelako:

“(b) sitfunya sikhetswa njengesitfunya lesingesuswa eMkhandlwini wavelonkhe weTifundza;”.

11. Kususwa kweliphuzu 19 kufakwe leli lellandzelako:

“19. Luhlu lwetifunyuwa letishiwo ephuzwini 16 (1) lungengetwa kanye kuphela noma nini etinyangeni letingu-12 kusukela ngelilanga lekwabekwa ngalo titfunyuwa ngaphasi kweliphuzu 16, kuze kugcwaliswe tikhala letivelile: kuphela nje uma ngabe loko kwengetwa kwentiwa ekugcineni kweluhlu.

12. Kususwa kwalelophuzu 23 kufakwe leli lellandzelako:

Tikhala

23. “(1) Uma ngabe kuvela sikhala kusishayamtsetfo sesifundza lapho leShejuli isebeita khona, licembu lelikhetse lilunga leliphumako litawugcwalisa leso sikhala ngeukhetsa umuntfu—
(a) ligama lakhe lelikhona kuloluhlu lwebantfu lapho lelilunga leliphumako lakhetfwa khona ekucaleni; kanye
(b) nalokunguye lolandzelako lofanele nalokhona kuloluhlu.
(2) Kuphakanyiswa kwemagama ebantfu labatawugcwalisa leso sikhala kutawuniketwa Somlomo kubhalwe phansi.

(3) Uma ngabe licembu lelimelwe kusishayamtsetfo libhidlitwa noma lingasekho nemalunga alo ashiya tihlalo tawo ngekulandzela liphuzu 23A (1), letihlalo titawuniketwa emacembu lekasele ngalokunjalo kube sengatsi tihlalo letemukelwa licembu ngekweliphuzu 7 noma 14, njengoba kungenteka.”

- 13. Kufakwa kweliphuzu lelilandzelako ngemuva kweliphuzu 23:**
“Tizatfu letengetiwe tekulahlekelwa bulunga besishayamtsetfo
- 23A. (1) Lilunga lilahlekela bulunga besishayamtsetfo lapho leShejuli inemandla khona uma lowo muntfu ayekela kuba lilunga lelicembu lelamkhetsa kutsi abe lilunga lesishayamtsetfo.
- (2) Ngaphandle kweliphuzwana (1) noma liphi licembu letembusave lingantjintja ligama lalo noma nini.
- (3) Umtsetfo wePhalamende, kungakendluli sikhatsi lesidze loMtsetfosisekelo lomusha ucale kusebenta ungaphasiswa ngekulandzela sigaba 76 (1) seMtsetfosisekelo lomusha kuchibiyela leliphuzu kanye neliphuzu 23 kuze kubekwe indlela lokungentiwa ngayo kutsi lilunga lesishayamtsetfo leseliyekelile kuba lilunga lalelicembu lelalikhetsa, kutewugcina bulunga balo kusishayamtsetfo.
- (4) UMTsetfo wePhalamende lophawulwe ephuzwini (3) ungenta kube khona futsi—
- (a) kuhlangana kwelicembu nalelinye licembu; noma
(b) kuhlephuka kwelicembu libe ngemacembu lamanyenti.”

14. Kucishwa kweliphuzu 24.

- 15. KuChitjiyelwa kweliphuzu 25**
- (a) ngekufaka lenchazelo “yeliKhomishani” ephuzwini 25:
“liKhomishani” lisho liKhomishani leluKhetfo lelishiwo esigabeni 190 seMtsetfosisekelo lomusha;”; kanye
- (b) nangekufaka lenchazelo lelandzelako ngemuva kwenchazelo:
“luhlu lwavelonkhe”;
“UMtsetfosisekelo lomusha’ usho uMtsetfosisekelo weRiphabulikhi yeNingizimu Afrika, 1996”.

16. Kucishwa kweliphuzu 26.

SIHLOMELO B

Hulumende Welubumbano Lwavelonke: Umkhakha Wavelonke

1. **Sigaba 84 seMtsetfosisekelo lomusha sitsatfwa kwekutsi sicuketse lesigatjana lesengetako lesilandzelako:**

- "(3) Mengameli kumele abonisane nemaSekela eMengameli -
- (a) ekutufukisweni nasekuchutjweni kwenchubomgomu yaHulumende wavelonke;
 - (b) kuto tonkhe tindzaba letiphatselene nekuphatfwa kweKhabhinethi nekwentiwa kwemisebenti yeKhabhinethi;
 - (c) ekuniketeni imisebenti emaSekeleni eMengameli;
 - (d) kungakabekwa muntfu ngaphasi kweMtsetfosisekelo noma ngaphasi kwanoma ngumuphi umtsetfo, lokufaka kubekwa kwemancusa noma titfunywa letimele lelive kulamanye emave;
 - (e) kungakabekwa emaKhomishani eluphenyo;
 - (f) kungakabitwa luholololuvo; futsi
 - (g) kungakacolelw noma kungancishiswa sigwebo sesiboshwa."

2. **Sigaba 89 seMtsetfosisekelo lomusha kumele sitsatfwe ngekutsi sicuketse lesigatjana lesengetako lesilandzelako:**

"(3) Tigatjana (1) na- (2) tiyasebenta futsi naseSekeleni laMengameli."

3. **Indzima(a) yesigaba 90 (1) saloMtsetfosisekelo lomusha itsatfwa ngekutsi ifundzeka kanje:**

"(a) liSekela laMengameli lelikhetfwe nguMengameli;".

4. **Sigaba 91 seMtsetfosisekelo lomusha sitsatfwa kutsi sifundzeka kanje:
"iKhabinethi**

- 91 (1) iKhabinethi ibunjwe ngeMengameli, emaSekela eMengameli kanye—
- (a) netiNdvuna teMbuso letingengci ku-27 letingemalunga eSigungu saVelonke letibekwe ngekulandzela sigatjana (8) kuya ku-(12); kanye
 - (b) neNdvuna yeMbuso lengengci yinye lengasilo lilunga leSigungu saVelonke,

- futsi lebekwe ngekulandzela sigatjana (13), kepha uma abeka leNdvuna Mengameli, ahlolisana nemaSekela aMengameli kanye nebaholi bermacembu lekamelwe esiGungwini, uma abona kubekwa kwaleyo Ndvuna yembuso kudzingekile.
- (2) Licembu ngalinye lelinetihlalo letisukela ku-80 kuleSigungu saVelonkhe linelilungelo lekukhetsa liSekela laMengameli emalungeni aleSigungu.
 - (3) Uma kute licembu noma linye kuphela licembu lekungilo lelinetihlalo letingu-80 noma ngetulu kwaloko kuleSigungu, licembu lelinetihlalo letinyenti kanye nalelo lelinetihlalo letilandzelako anelilungelo ngalinye lekukhetsa linye liSekela laMengameli emalungeni aleSigungu.
 - (4) Uma lilunga selibekiwe kuba liSekela laMengameli, lingakhetsa kuchubeka noma liyekele kuba lilunga laleSigungu.
 - (5) LiSekela laMengameli lingasebentisa emandla alo liphindze lente nemisebenti yalo leliyetwfwe ngulesikhundla sebuSekela Mengameli nguMtsetfosisekelo noma leniketwe lesikhundla nguMengameli.
 - (6) LiSekela laMengameli liba sesikhundleni –
 - (a) kute kufike mhlaka 30 Apreli 1999 ngaphandle uma likhishiwe noma libuyiselwe umuva ngulelicembu lelinelilungelo lekulikhetsa ngaphasi kwetigatjana (2) na-(3); noma
 - (b) kuze umuntfu lokhetfwe kuba nguMengameli ngemuva kwanoma luphi lukhetfo lweSigungu saVelonkhe lolubanjwe kungekafiki mhlaka 30 Apreli 1999, atsatsé sikhundla sakhe.
 - (7) Sikhala sesikhundla seliSekela laMengameli singavalwa ngulelo cembu lebelikhetsese liSekela laMengameli.
 - (8) Licembu lelinetihlalo lokungenani letingu-20 kuSigungu saVelonkhe futsi lelingenile kuhulumende welubumbano, linelilungelo lekuniketwa sikhundla sinye noma ngetulu kwaloko kuletikhundla teKhabhinethi lekutawukhetselwa kuto tiNdvuna teMbuso njenekusho kwesigaba (1)(a) tingabekwa, ngekucatsaniswa kwetihlalo letiphetfwe ngulelicembu kuleSigungu kanye netihlalo letiphetfwe ngulamanye emacembu lekakhona.
 - (9) Tikhundla teKhabhinethi kumele tabiwe kulawo macembu lekakhona ngekulandzela lendlela lelandzelako:

- (a) Incenyen yetihlalo ngesikhundla kumele incunywe ngekuhlukanisa linani letihlalo kuleSigungu saVelonkhe letibanjwe ngekuhlanganyela ngemacembu lekakha hulumende welubanjiswano ngelinani letikhundla lelishiwo esigatjaneni (1)(a), nasinye ngetulu.
 - (b) Umphumela, kungabukwa tincencyana kusukela kuyesitsatu, uma ngabe tikhona, ngiyona ncenyen yetihlalo ngesikhundla ngasinye.
 - (c) Linani letikhundla letabelwa emacembu lekakhona lapho libekwa ngekwehlukanisa linani letihlalo selilonkhe leliphetfwe ngulelo cembu kuloSigungu saVelonkhe ngalencencye lechazwe endzimeni (b).
 - (d) Umphumela, ngekulandzela indzima (e), ukhomba linani letikhundla leliniketwa licembu lelo.
 - (e) Lapho kulandzela kusetjentiswa kwalendlela lechazwe ngenhla kukhipha umphumela longetulu kulongatsatwa nguletikhundla letiniketwe licembu, lomphumela longetulu ubangisana naleminye imiphumela lengetulu yalamanye emacembu, futsi noma siph i sikhundla noma tikhundla letisele lekumele tiniketwe lelo cembu noma lawo macembu ngekulandzelana kwaleyo miphumela lengetulu, kumele tiniketwe lelo cembu noma lawo macembu lanemphumela longetulu lomnyenti kunaleminye ngekulandzelana.
- (10) Mengameli ngemuva kwekubonisana nemaSekela aMengameli nebaholi bemacembu lekakhona lapho, kumele –
- (a) ancume tikhundla letifanele lekufanele tiniketwe emacembu lekakhona kuhulumende welubanjiswano ngekulandzela linani letikhundla letiniketwe lamacembu ngaphasi kwsigatjana (9);
 - (b) abeke kuleso naleso sikhundla lilunga leSigungu saVelonkhe leliphindze libe lilunga lelicembu leliniketwe lesi sikhundla ngaphasi kwendzima(a), njengeNdvuna yeMbuso lephetse lesi sikhundla;
 - (c) Uma ngabe kuba nesidzingo ngekweMtsetfosisekelo noma ngesizatfu sahulumende lokahle, agucule lokuncunywa ngaphasi kwendzima(a), kepha kuphela ngekulandzela sigatjana (9);
 - (d) kubekwa noma ngukuphi esikhundleni ngaphasi kwendzima(b)-
 - (i) uma ngabe Mengameli ucelwa ngumholi welicembu lelo iNdvuna yeMbuso letsintsekako iilunga lalo; noma
 - (ii) uma kuba nesidzingo ngekweMtsetfosisekelo noma ngesizatfu sahulumende lokahle;

- (e) agcwalise, uma kulesidzingo, kepha kuphela ngekulandzela indzima(b), sikhala lesivele esikhundleni seNdvuna yeMbuso.
- (11) Sigatjana (10) kumele silandzelwe ngemoya locuketfwe ngulomcondvo wahulumende welubumbano, futsi Mengameli naletinye tiphatsimandla letitsintsekako kumele awusebentise ngekufana kutfola kuvumelana ngato tonkhe tikhatsi: uma ngabe kuvumelana kungatfolakali –
 - (a) ekusebentiseni emandla latfolakala etindzimeni(a),(c) noma (d)(ii) taleso sigatjana, sincumo seMengameli siyema;
 - (b) ekusebentiseni emandla latfolakala etindzimeni(b),(d)(i) noma (e) taleso sigatjana lokutsinta umuntfu longasilo lilunga lelicembu laMengameli, sincumo semholi welicembu lalowo muntfu lalilunga lalo siyema; futsi
 - (c) ekusebentiseni emandla lekashiwo endzimeni(b) noma (e) alesigaba lesitsinta umuntfu lolilunga lelicembu laMengameli, sincumo seMengameli siyema.
- (12) Uma kubekwa etikhundleni kuguculwa ngaphasi kwsigatjana (10)(c), tiNdvuna teMbuso letitsintsekako kumele tishiye tikhundla tato kepha tivumelekile, lapho kunekwenteka, kutsi tingaphindze tibekwe kuletinye tikhundla letinikwe emacembu ato ngekulandzela loluntjintjo.
- (13) Mengameli –
 - (a) ngekuhlolisa nemaSekela aMengameli nebaholi bermacembu lekakhona kuhulumende welubanjiswano, kumele—
 - (i) ancume sikhundla lesitsite seNdvuna yeMbuso lekukhulunyuwa ngaso esigatjaneni(i)(b) uma ngabe kunesidzingo lesilandzela sincumo seMengameli ngaphasi kwaleso sigatjana;
 - (ii) abeke kuleso sikhundla lowo muntfu longasilo lilunga leSigungu saVelonkhe, njengeNdvuna yeMbuso lephetse leso sikhundla
 - (iii) agcwalise, uma kudzingekile sikhala kuleso sikhundla; noma
 - (b) ngemuva kwekubonisana nemaSekela aMengameli kanye nebaholi bermacembu lekakhona kuhulumende welubanjiswano, kumele acitse kubekwa esikhundleni ngaphasi kwendzima(a) uma ngabe loku kuyadzingeka ngesizatfu seMtsetfosisekelo noma sahulumende lokahle.
- (14) Imihlangano yeKhabhinethi kumele iholwe nguMengameli, noma , uma Mengameli asho njalo, liSekela laMengameli: Loku kwenteke ngekutsi emaSekela eMengameli

ahole lemihlangano ngekuntjintjana ngaphandle uma ngabe tidzingo tahulumende nemoya wahulumende welubumbano kukhomba ngalenyne indlela.

- (15) IKhabhinethi kumele iseBente ngendlela leniketa kucatjangelwa kwemoya wekufuna kuvumelana ngekulandzela sifiso sekuba nahulumende welubumbano kanye nahulumende losebenta ngendlela lengijo.”

5. Sigatjana 93 seMtsetfosiseKelo sitsatfwa ngekutsi sifundzeka kanje:

“Kubekwa kwemaSekela etiNdvuna tembusu

- 93 (1) Mengameli ngemuva kwekubonisana neMaseKela aMengameli nebaholi bemacembu lekakhona eSigungwini setiNdvuna teMbuso, angakha tikhundla temaSekela etiNdvuna teMbuso.
- (2) Licembu linelilungelo lekunikwa sinye noma ngetulu sikhundla sebuSekela NdVuna yeMbuso ngendlela lefananako ngalokulingene njengoba kwentiwe nakwabiwa tikhundla tetiNdvuna teMbuso.
- (3) Letiphakamiso tesigaba 91 (10) kuya ku-(12) tiyasebenta, netingucuko letidzingekako, nasemaSekeleni etiNdvuna teMbuso, futsi kulokusetjentiswa kutsintfwa kulesigaba kwendvuna yembuso noma sikhundla kumele kutsatfwe ngekutsi kushiwo liSekela leNdVuna yeMbuso noma sikhundla seliSekela leNdVuna yeMbuso, ngalokunjalo.
- (4) Uma umuntfu abekwe njengeliSekela leNdVuna yeMbuso kunoma ngusiphi sikhundla lesiniketwe iNdVuna yeMbuso –
- (a) Ielo liSekela leNdVuna yeMbuso kumele lisebentise emandla alo liphindze lente imisebenti yalo egameni laleyo NdVuna yeMbuso leniketwe kwengamela lesi sikhundla ngekulandzela noma ngumuphi umtsetfo noma ngalenyne indlela, ngekulandzela imiyalo yeMengameli, noma lebwunganiketwa liSekela leNdVuna yeMbuso nguleyo NdVuna yeMbuso; futsi
- (b) uma kukhulunywa nganoma ngumuphi umtsetfo ngaleyo NdVuna yeMbuso loku kumele kutsatfwe ngekutsi kukhulunywa ngeliSekela leNdVuna yeMbuso lelisebenta ngekulandzela kliniketwa emandla ngaphasi kwendzima(a) liniketwa yiNdVuna yeMbuso, lelisebentela yona.
- (5) Uma ngabe liSekela leNdVuna yembuso lingekho noma ngesizatfu lesinye lingakwati kusebentisa emandla alo noma lente imisebenti yaleso sikhundla, Mengameli angabeka lelinye liSekela leNdVuna yeMbuso noma lomunye umuntfu

kutsi aphatse kwesikhashana leso sikhundla seliSekela leNdvuna yeMbuso lengekho, noma ente wonkhe umsebenti, lokukanye asebente umsebenti noma asebentise emandla latsite.”

6. Sigaba 96 seMtsetfosisekelo sitsatfwa kutsi sinaletigatjana lesetengetiwe letilandzelako:

- (3) Tindvuna teMbuso kumele titiphendvulele ngamunye kuMengameli nasesiGungwini saVelonkhe ngekuphatfwa kwetikhundla tato, kantsi onkhe emalunga eKhabhinethi ngalokunjalo atiphendvulela ngekuhlanganyela ngekusebenta kwahulumende wavelonkhe nangenchubomgomgo yakhe.
- (4) TiNdvuna teMbuso kumele tipatse tikhundla tato ngakulandzela inchubomgomgo lencunywe yiKhabhinethi.
- (5) Uma iNdvuna yeMbuso yehluleka kuphatsa sikhundla sayo ngekulandzela inchubomgomgo yeKhabhinethi, Mengameli angayitjela leyo Ndvuna yeMbuso kutsi iphatse leso sikhundla sayo ngekulandzela leyo nchubomgomgo.
- (6) Uma leyo Ndvuna yeMbuso yehluleka kulandzela lomyalo weMengameli ngaphasi kwesigatjana (5), Mengameli angayisusa esikhundleni –
 - (a) uma kuyiNdvuna yeMbuso lephawulwe esigabeni 91 (1)(a), ngemuva kwekubonisana nayo leNdvuna yeMbuso, kantsi uma leyo Ndvuna yeMbuso ingasilo lilunga lelicembu laMengameli noma ingasiye umholi welicembu laleyo Ndvuna yeMbuso; noma
 - (b) uma iNdvuna yeMbuso lephawulwe esigabeni 91 (1)(b), ngemuva kwekubonisana nemaSekela eMengameli nebaholi bemacembu lahlanganye hulumende welubanjiswano.”

SIHLOMELO C

Hulumende Welubumbano Lwavelonkhe: Umkhakha Wesifundza

1. Sigaba 132 seMtsetfosisekelo lomusha sitsatfwa ngekutsi sifundzeka kanje:

“IMikhandlu leyeNgamele

- 132 (1) UMKhandlu loweNgamele wesifundza ubunjwe nguNdvunankhulu kanye nemalunga langengci ku-10 lekakhetfwe nguNdvunankhulu ngekulandzela lesigaba.
- (2) Licembu lokungenani lelinetihlalo letingemaphesenti langu- 10 kusishayamtsetfo sesifundza, futsi lelikhetse kufaka sandla kuhulumende welubumbano, linelilungelo lekuniketwa sinye noma ngetulu kwesinye setikhundla eMkhandlwini loweNgamele wesifundza ngekubuka incenye yetihlalo letibanjwe ngulelo licembu kusishayamtsetfo uma kucatsaniswa netihlalo letibanjwe ngulamanye emacembu lafaka sandla kulesishayamtsetfo.
- (3) Tikhundla teMkhandlu loweNgamele kumele tiniketwe lawo macembu langenele kubuswa kwesifundza ngekulandzela lendlela lehlelw esigabeni 91 (9), kantsi ekulandzeleni leyo ndlela uma kuphatfwa kulesigaba –
 - (a) iKhabhinethi, kumele kufundvwe kutsi kushiwo uMkhandlu loweNgamele;
 - (b) iNdvuna yeMbuso, kumele kufundvwe kutsi kushiwo lilunga leMkhandlu loweNgamele; kantsi
 - (c) Sigungu saVelonkhe, kumele kufundvwe kutsi kushiwo sishayamtsetfo sesifundza.
- (4) Ndvnankhulu wesifundza ngemuva kwekubonisana nebaholi bemacembu langenele kuphatfwa kwesifundza kumele –
 - (a) ancume ngendlela yakhona leto tikhundla letinikwa lamacembu langenele kubuswa kwesifundza ngekulandzela linani letikhundla lekaniketwa toni lawo macembu ngaphasi kwasigatjana (3);
 - (b) abeke kuleso sikhundla lilunga leshayamtsetfo lalelo cembu leliniketwe leso sikhundla ngaphasi kwendzima(a), njengelilunga leMkhandlu loweNgamele weSifundza lelengamele leso sikhundla;
 - (c) uma kuba nesidzingo ngetizatfu teMtsetfosisekelo noma ngekufuneka kwahulumende lokahle, antjintje noma ngukuphi kubekwa ngaphasi

- kwendzima (a), kepha ngekulandzela sigatjana (3);
- (d) acitse kubewka esikhundleni ngaphasi kwendzima(b) –
- (i) uma Ndvunankhulu acelwa kwenta loko ngumholi walelo cembu lalelo lunga leMkhandlu loweNgamele weSifundza lelitsintsekako; noma
 - (ii) uma kudzingekile ngetizatfu teMtsetfosisekelo noma tahulumende lokahle; noma
- (e) agcwalise, uma ngabe kudzingeka, ngekulandzela indzima(b), sikhala esikhundleni selilunga leMkhandlu loweNgamele weSifundza.
- (5) Sigatjana (4) kumele sisetjeniswe ngemoya wesidzingo sahulumende welubumbano, kantsi Ndvunankhulu naletinye tiphatsimandla letitsintsekako kumele ekwenteni loku kulesigatjana bafune kutfola kuvumelana ngaso sonkhe sikhatsi: Kepha uma ngabe kungavunyelwana –
- (a) ekusetjentisweni kwalamandla lashiwo endzimeni(a),(c), noma (d)(ii) yaleso sigaba, sincumo saNdvunankhulu siyema;
 - (b) ekusetjentisweni kwalamandla lashiwo endzimeni(b),(d)(i) noma (e) yaleso sigaba lesitsinta umuntfu longasilo lilunga lelicembu laNdvunankhulu, sincumo semholi walelo cembu lowo muntfu lalilunga lalo siyema; futsi
 - (c) ekusetjentisweni kwemandla lashiwo endzimeni(b) noma (e) yaleso sigaba latsintsa umuntfu lolinga lelicembu laNdvunankhulu, sincumo saNdvunankhulu siyema.
- (6) Uma noma siph i sincumo sekwabikwa kwetikhundla siguculwa ngaphasi kwesigatjana (4)(c), emalunga latsintsekile kumele ashiye tikhundla tawo kepha aphindze avumeleke, kubewka kuletinye tikhundla letiniketwe emacembu alawo malunga ngekulandzela lokuguculwa.
- (7) Imihlangano yeMkhandlu loweNgamele kumele yenganyelwe nguNdvunankhulu wesifundza.
- (8) UMkhandlu loweNgamele kumele usebente ngendlela lekhombisa kucatjangelwa kwemoya wekufuna kuvumelana ngekwemgommo wahulumende welubumbano, kanye nesidzingo sahulumende lokahle.”
- 2. Sigaba 136 seMtsetfosisekelo lomusha sitsatfwe ngekutsi sicuketse lesigatjana lesengetako lesilandzelako:**
- “(3) Emalunga eMkhandlu loweNgamele kumele atiphendvulele kuNdvunankhulu

nakusishayamtsetfo sesifundza ngekuphatfwa kwtikhundla tawo, futsi onkhe emalunga aloMkhandlu ngalokunjalo kumele aphendvule sekawonkhe ngekusebenta kwahulumende wesifundza nenchubomgomoyakhe.

- (4) Emalunga eMkhandlu loweNgamele kumele aphantse tikhundla tawo ngekulandzela inchubomgomolebekwe nguloMkhandlu.
- (5) Uma lilunga lelitsintsekako lehluleka kulandzela inchubomgomoyeMkhandlu loweNgamele, Ndvnankhulu angalicela lelo lunga kutsi liphatseskikhundla salo ngekuhambisana nalenchubomgomolehleliwe.
- (6) Uma lelilunga lelitsintsekako liyehluleka kulandzela imiyalo yaNdvnankhulu ngaphasi kwsigatjana (5), Ndvnankhulu angalisusa esikhundleni ngemuva kwekubonisana nalo, kepha uma lelo lunga lingasilo lilunga lelicembu laNdvnankhulu noma lingasiye umholi welicembu lelingenele kubuswa kwsifundza, ngemuva kwekubonisana nemholi walelo cembu."

SIHLOMELO D

Kuphatfwa Kwembuso Nemibutfo Yetekuphepha: Tichibiyelo Etigabeni Temtsetfosisekelo Lomdzala

- 1. Kuchitjiyelwa kwasigaba 218 semtsetfosisekelo lomdzala –**
 - (a) ngekususa esigatjaneni (1) lamagama lendvulela indzima (a) ngalawa lalandzelako:
“(1) Ngekulandzela imibandzela yeNdvuna yeMbuso yeteKuphepha neteKuvikela,
Khomishani wemaPhoyisa wavelonkhe utawetfweswa—”;
 - (b) ngekususa indzima (b) yesigatjana (1) kufakwe lena lelandzelako:
“(b) kubekwa kwaboKhomishani bemaphoyisa betifundza;”;
 - (c) ngekususa indzima(d) yesigatjana (1) kufakwe lena lelandzelako—
“(d) kuphenywa nekuvinjelwa kwebugebengu lobuhlelekile noma bugebengu
lobudzinga kuphenywa kwavelonkhe kanye nekuvinjelwa noma buciko lobujulile;”;
futsi
 - (d) ngekususa indzima (k) yesigatjana (1) kufakwe lena lelandzelako:
“(k) kusungulwa nekugcinwa kwemtsetfo sive ngumbutfo wemaphoyisa
lotawutfunyelwa kutsi uyewusita futsi ngekucelwa nguKhomishani weSifundza
wemaphoyisa.”
- 2. Kuchitjiyelwa kwasigaba 219 seMtsetfosisekelo lomdzala ngekususa sigatjana
(1) emagama lendvulela indzima (a) kufakwe lawa lalandzelako:**
“(1) Ngekulandzela sigaba 218(1), Khomishani wemaPhoyisa weSifundza wetfweswe –”.
- 3. Kuchitjiyelwa kwasigaba 224 seMtsetfosisekelo lomdzala ngekususa
siphakamiso sesigatjana (2) kufakwe lesi lesilandzelako:**
“Kepha lesigatjana sitawusebenta futsi emalungeni anomna ngumuphi umbutfo lohlomile
lawaletsa luhlu lemalunga awo ngemuva kweKucala kusebenta kweMtsetfosisekelo
weRiphahulikhi yeNingizimu Afrika, 1993 (uMtsetfo 200 wanga-1993), kepha
kungakemukelwa lombhalo lomusha weMtsetfosisekelo njengoba kubekiwe esigabeni 73
salowo Mtsetfosisekelo, uma lelicembu letembusave ngaphasi kweligunya nemandla alo
lime khona noma lelitihlanganise nawo futsi tinhoso tawo lelititfukisako lafaka sandla

emkhandlwini lobewuphetse kwesikhashana futsi longazange uface sandla kuloSigungu saVelonke newetishayamtsetfo tetifundza ngaphasi kwaloMtsetfosisekelo”.

4. Kuchitjiyelwa kwasigaba 227 semtsetfosisekelo lomdzala ngekususa sigatjana (2) kufakwe lesi lesilandzelako:

“(2) Umbutfo weTekuvikela wetemphi utawusebentisa emandla awo wente nemisebenti yawo ngekubekelela tidzingo tesive ngekulandzela SAHLUKO 11 seMtsetfosisekelo weRiphabhuliki yeNingizimu Afrika, 1996.”.

5. Kuchitjiyelwa kwasigaba 236 seMtsetfosisekelo lomdzala –

(a) ngekususa sigatjana (1) kufakwe lesi lesilandzelako:

“(1) litiko letekuphatfwa kwetisbenti tembuso, umnyango wembuso, kuphatsa noma umbutfo wetekuvikela lekwatsi ngembidlana nje ungakacali kusebenta uMtsetfosisekelo weRiphabhuliki yeNingizimu Afrika, 1996 (losewatiwa ngekutsi “nguMtsetfosisekelo lomusha”), kwenta imisebenti yahulumende, kutawuchubeka kusebente ngekulandzela noma kuhlelwae kabusha noma kuhlanganiswe naletinye tikhungo.”

(b) ngekususa sigatjana (6) kufakwe lesi lesilandzelako:

“(6) (a) Mengameli angabeka liKhomishani lekubuketa siphetfo noma kuguculwa kwesivumelwano, kubekwa esikhundleni 213 noma kukhushulwa, noma kunikwa kwemvuzo noma timfanelo temsebenti, lokwenteka emkhatsini wamhlaka 27 Apreli 1993 namhlaka 30 Septemba 1994 kwanoma muphi umuntfu loshiwo esigatjaneni (2) noma licembu lebantu labanjalo.

(b) LeliKhomishani lingasibuyisela emuva noma lisintjintje sivume lwano, kubekwa esikhundleni, kukhushulwa noma kuniketwa kwemfanelo uma kungakafaneli noma kungakalungi kuleyo ndzawana.”; futsi

(c) ngekufaka “loMtsetfosisekelo”, lapho kuvela khona loku esigaben 236, “ngeMtsetfosisekelo lomusha.”.

6. Kuchitjiyelwa kwasigatjana 237 seMtsetfosisekelo lomdzala–

(a) ngekufaka endzimeni(a) yesigatjana (1) loku lokulandzelako:

“(a) kuhlelwae kabusha kwetikhungo lekushiwo esigaben 236 (1), lokungafaki

imibutfo yetemphi lephawulwe esigabeni 224 (2), kutawutsi ngemuva kwekulala kusebenta kweMtsetfosisekelo we Riphabhulikhi yeNingizimu Afrika, 1996, kuchubeke ngenhloso yekusungula—

- (i) kuphatfwa kahle kwembuso ezingeni lahulumende wavelonkhe kutekwati kuphatsa tindzaba letiwela ngaphasi kwemkhakha wahulumende wavelonkhe; futsi
 - (ii) nekuphatfwa kahle kwembuso wahulumende wesifundza ngasinye kuze sikwati kulungisa tindzaba letiwela ngaphasi kwasigaba sahulumende wesifundza.” futsi
- (b) Ngekususa indzima(i) yesigatjana (2)(a) kufakwe lena lelandzelako:
“(i) Tikhungo letishiwo esigabeni 236 (1), lokungafaki imibutfo yetemphi, titawuhlala kuhulumende wavelonkhe, lotawusebentisa emandla akhe ngekubambisana nabohulumende betifundza;”

7. Kuchitjiyelwa kwasigaba 239 seMtsetfosisekelo lomdzala kususwe sigatjana (4) kufakwe lesi lesilandzelako:

“(4) Ngaphasi kwembandzela wemtsetfo nangekulandzela umtsetfo losebentako, imphahla, emalungelo netibopho tayo yonkhe imibutfo lephawulwe esigabeni 224 (2) itawuba semahlombe eMbutfo waVelonkhe weTekuvikela ngekulandzela imiyalelo yeNdvuna yeMbuso yeTekuvikela”.

ISHEJULI 6A

[IShejuli 6A ifakwe ngesigaba 6 seMtsetfo 2 wanga-2003. Yesulwa ngekwasigaba 6 seMtsetfo weLishumi naKune wekuChitjiyelwa kweMtsetfosisekelo wanga2008]

ISHEJULI 6B

[IShejuli 6B, ngaphambilini lebeyishejuli 6A, ifakwe ngekwasigaba 2 weMtsetfo weSiphohlongo wekuChitjiyelwa kweMtsetfosisekelo yabuye yaChitjiyelwa ngesigaba 5 seMtsetfo weLishumi weku-Chitjiyelwa kweMtsetfosisekelo wanga-2003 futsi yacitfwa ngekwasigaba 5 seMtsetfo weLishumi neSihlanu wekuChitjiyelwa kweMtsetfosisekelo wanga-2008.]

SHEJULI 7

IMITSETFO LECITFWAKO

INOMBOLO NEMNYAKA WEMTSETFO	SIHLOKO
Umtsetfo 200 wanga-1993	UMtsetfosisekelo weRiphabuliki yeNingizimu Afrika, 1993
Umtsetfo 2 wanga-1994	UMtsetfo wesiChibiyelo seMtsetfosisekelo weRiphabuliki yeNingizimu Afrika, 1994
Umtsetfo 3 wanga-1994	UMtsetfo wesiChibiyelo eMtsetfosisekelo weRiphabuliki yeNingizimu Afrika, 1994
Umtsetfo 13 wanga-1994	UMtsetfo wesiChibiyelo seMtsetfosisekelo weRiphabuliki yeNingizimu Afrika, 1994
Umtsetfo 14 wanga-1994	UMtsetfo wesiChibiyelo sesiTsatfu seMtsetfosisekelo weRiphabuliki yeNingizimu Afrika, 1994
Umtsetfo 24 wanga-1994	UMtsetfo wesiChibiyelo sesiTfupha seMtsetfosisekelo weRiphabuliki yeNingizimu Afrika, 1994
Umtsetfo 29 wanga-1994	UMtsetfo wesiChibiyelo sesiTfupha seMtsetfosisekelo weRiphabuliki yeNingizimu Afrika, 1994
Umtsetfo 20 wanga-1995	UMtsetfo wesiChibiyelo sesiHlanu seMtsetfosisekelo weRiphabuliki yeNingizimu Afrika, 1995
Umtsetfo 44 wanga-1995	UMtsetfo wesiChibiyelo seMtsetfosisekelo weRiphabuliki yeNingizimu Afrika, 1995
Umtsetfo 7 wanga-1996	UMtsetfo wesiChibiyelo sesiBili seMtsetfosisekelo weRiphabuliki yeNingizimu Afrika, 1996
Umtsetfo 26 wanga-1996	UMtsetfo wesiChibiyelo seMtsetfosisekelo weRiphabuliki yeNingizimu Afrika, 1996

INKHOMBA

(**Sicela wati: lemibhalo ngemuva kwaloku lokufakiwe
icondziswe kusigaba setinombolo**)

- Liculo lesive, 4
Umcondzisi-Jikelele, 181, 188
Umculu Wemalungelo—
 Kufinyeleleka kutinkantolo, 34
 Kufinyeleleka kumniningwane, 32
 Kusetjentiswa, 8
 Bantfu lababoshiwe, labavalelwne nebasolelwa, 35
 Libandla, kubhikisha, kuphikhetha nephethishini, 17
 Bantfwana, 28
 Busakhamuti, 20
 Imiphakatsi yemasiko, inkholo netilwimi, 31
 Imfundvo, 29
 Kuphocelwelwa kwemalungelo, 38
 Simondzawo, 24
 Kulingana, 9
 Sitfunti Seluntfu, 10
 Kukhululeka nekukhuseleka kwemuntfu, 12
 Inkhululeko yekuhlangana, 18
 Inkhululeko yekuveta luvo, 16
 Inkhululeko yekuhamba nekuhlala, 21
 Inkhululeko yenkholo, kukholwa nembono, 15
 Inkhululeko yekuhweba, umsebenti nebucwepheshe, 22
 Kunakekelwa ngetemphilo, kudla, emanti nekucinisekiseka
 Kwetenhlalakahle, 27
 Tindlu, 26
 Kuhumusha, 39
 Budlelwano betemisebenti, 23
 Lulwimi nemasiko, 30
 Imphilo, 11

- Kuncishiswa kwemalungelo, 36
Emalungelo etepolitiki, 19
Imfihlo, 14
Impahala, 25
Sento sekuphatsa lesinebulungiswa, 33
Bugcila, kusebenta matima, kusebenta ngekuphocelelwa, 13
Timo letibucayi, 37
Kusakata, Umtimba Lotimele wekuLawula, 181, 192
Ibhajethi, 215
Libhangi Lelikhulu, 223-225
Hulumende Welubanjiswano, 41
Kuba sakhamuti, 3
Ikhabhinethi, 91-99, 101, 102
Ikhomishini yekuLingana ngeBuLili, 181, 187
Ikhomishini yekweNyusa nekuVikela emaLungelo emiPhakatsi yemaSiko, teNkholo netiLwimi, 181, 185, 186
Imitsetfo Lengcubutanako, 146-150
Tinkantolo—
 Inkantolo yeMtsetfosisekelo, 167
 Tinkantolo Letiphakeme, 169
 Tinkantolo taboMantji naletinye tinkantolo, 170
 Emandla etindzaba temtsetfosisekelo, 172
 Inkantolo Lesetulu Yetikhalo, 168
Kuvikela, 200-204
Ikhomishini Yelukhetfo, 181, 190, 190
Tinchubo tekukhetfwa kwebanxebenti basehhovisini leMtsetfosisekelo, Ishejuli 3, Incenye A
Siphatsimandla seSigungu—
 Tifundza, 125
 IRiphabhuliki, 85
Bosomkhandlu Labakhulu, Besifundza, 132-141
Tetimali, Tavelonkhe, 213, 214, 216, 217
Tetimali, Tetifundza netasemakhaya, 226-230
Ikhomishini Yetetimali, 220-222
Umjeka, 5

- Kwesekelwa ngetimali kwemacembu etepolitiki, 236
Ikhomishini yemaLungelo eLuntfu yaseNingizimu Afrika, 181,184
Umtimba lotiMele wekulawula kuSakata, 192
Tebunhloli, 209,210
Umtsetfo weMave ngemave, 231-233
Umtimba weteBulungiswa, 165
Tiphatsimandla teteBulungiswa, 174-177
Ikhomishini yemiSebenti yeteBulungiswa, 178
Luhlelo IweteBulungiswa, 166
Tilwimi, 6
Kwakha umtsetfo, 73-82
Umtimba weteMtsetfo, 43, 44
Hulumende wasemakhaya, 152, 163
Bomasipalati, 151-164
Libandla Lavelonkhe—
 Inhlanganisela nelukhetfo, 46
 Sincumo, 53
 Bufakazi noma umniningwane ngaphambi kweLibandla laVelonkhe, 56
 Emandla, 55
 Kufinyeleleka kwasive, 59
Umkhandlu weTifundza—
 Kuniketwa kwetitfunywa, 61
 Inhlanganisela, 60
 Tincumo, 65
 Bufakazi noma umniningwane ngaphambi kweMkhandlu WaVelonkhe, 69
 Kuhlanganyela kwelicembu kutitfunywa tesifundza, iShejuli 3, Incenye B
 Kuhlanganyela kwetitfunywa tabohulumende basemakhaya, 67
 Titfunywa talomphela, 62
 Emandla, 68
 Kufinyeleleka kwasive, 72
IPhalamende, 42
Liphoyisa, 205-208
Bondvunankhulu, 127-130
Mengameli, 83-89

- Siphatsimandla leshushisako, 179
Tifundza, 103
Imitsetfosisekelo Yetifundza, 142-145
Tishayamtsetfo Tetifundza, 104-121
 Ticelo temalunga teNkankolo yeMtsetfosisekelo, 122
 Emalungelo etitfunywa talomphelo, 113
 Kufinyeleleka kwesive, 118
Kuphatfwa Kwesive, 195
Ikhomishini Yemisebenti Yahulumende, 195
Imisebenti Yesive, 197
Umvikeli Wesive, 181, 182
Tinsita Tekukhuseleka, 198, 199
Kutincumela, 235
Bukhulu beMtsetfosisekelo, 2
Baholi bendzabuko, 211, 212

